

* 000 7
Ribadeneira

ms 43




John Carter Brown
Library
Brown University

Signature Loyola

250

207

997



VITA
IGNATII
LOIOLAE,
SOCIETATIS IESV
FVNDATORIS,
LIBRIS QVINQVE
COMPREHNSA.

In quibus initia ipsius Societatis, ad annum
usq; Domini 1556. explicantur.

Auctore PETRO Ribadeneira Sacer-
dote Societatis eiusdem.



NEAPOLI M. D. LXXII.
Cum licentia Superiorum.

ACTIV
HUIUS OPERIS

CAPITA.



LIBRI PRIMI.

- O**rtus Ignatij, antequam à seculi uanitate conuerteretur. cap. i. fol. 1.
Qua ratione à seculi uanitate ad Deum conuersus sit. cap. ij. fol. 3.
Ex patria in Montem Serratum proficiscitur. cap. iij. fol. 6.
In Serrato Monte uestitū mutat. c. iiij. f. 9.
De uita ab eo Manresæ instituta. c. v. f. 10.
Scrupulis angitur, & probatur à Deo. cap. vj. fol. 12.
Post tentationes illustratur. c. vij. f. 15.
De Exercitiorum spiritalium libro. cap. viij. fol. 18.
In grauem morbum incidit. c. ix. f. 19.
Nauigat Hierosolymam c. x. f. 20.
Hierosolymis loca sancta perlustrat. cap. xi. fol. 24.
Reuer-

Reuertitur in Hispaniam . . . cap. xij. f. 25.

Studia literarum aggreditur. . . c. xij. f. 28.

Compluti in carcerem conijcitur, & an-
soluitur. . . c. xij. f. 30.

Salmanticæ rursus comprehēditur, & libe-
ratur. . . cap. xv. f. 33.

In Parisiensem academiam studiorū cau-
sa contendit. . . c. xvj. f. 37.

LIBRI SECVNDI.

Capita .

Studiorum illius labor, & fructus. c. i. f. 38.

Ex caritatis officijs in inuidiam uocatur.

cap. ij. . . fol. 41.

Virgarum periculo liberatur. c. ij. f. 44.

Quos socios sibi asciuerit. . . c. iij. f. 46.

Lutetia in Hispaniam; inde in Italiam di-
scedit. . . c. v. f. 48.

Venetijs accusatur, & innocens declara-
tur. . . cap. 6. f. 51.

Socij Lutetia in Italiam ad Ignatium ue-
niunt. . . cap. vii. f. 53.

In Veneta ditione passim operantur.
cap. viij. . . f. 56.

AEger Ignatius aduentu suo Simonem sa-
nat

nat Egrotum. cap. ix. f. 57.
 Academias Italiæ inter se distribuunt, &
 adeunt. cap. x. fol. 58.
 Ignatio Dñs Iesus apparet; & unde Socie-
 tatis nomen inditum sit. cap. xi. f. 60.
 Urbem ingreditur: in Casinate monte ani-
 mam socij cœlum intrantem uidet.
 cap. xij. fol. 62.
 Romæ simul omnes de Societate consti-
 tuenda deliberant. c. xij. f. 64.
 Magna Romæ in nostros tempestas exori-
 tur, & sedatur. c. xiiij. f. 66.
 Ignatius, socijque partim in Vrbe partim
 foris Ecclesiæ nauant operam. c. xv. f. 71.
 Mag. Franciscus Xauier, & Mag. Simon in
 Indiam destinantur. c. xvj. f. 72.
 Societas à Paulo 3. Pont. Max. confirma-
 tur. c. xvii. f. 75.

LIBRI TERTII

Capita.

Ignatius in Præpositum generalem eligi-
 tur. cap. i. f. 77.
 Ignatij Generalatus initia. cap. ij. f. 81.
 Franciscus Xauier in Indiam proficiscitur:
 Simon

Simon in Lusitania remanet. c. iij. f. 82.
 Alfonsus Salmeron, & Paschasius Broet, in
 in Hiberniam legantur. c. iij. f. 83.
 De Collegijs Conimbricensi, & Goensi, ac
 Romana domo. cap. v. f. 84.
 Patauinum collegium cap. vi. f. 86.
 Confirmatur denuo à Pontifice Max. Socie-
 tas, & augendi numeri fit potestas.
 cap. vij. f. 88.
 Collegium Complutense. c. viij. f. 90.
 Ignatius in Vrbe pietatis opera instituēda
 curat. cap. ix. f. 91.
 Varijs locis Collegia instituuntur. c. x. f. 95.
 De morte Petri Fabri. c. xi. f. 96.
 Ignatius benefaciens malefacta recipit.
 cap. xij. fol. 99.
 Ignatius Societatem, fœminarum cura li-
 berat. cap. xij. f. 101.
 Ne ad Ecclesiasticos honores adit⁹ nostris
 hominibus pateat, Ignatius summa ui
 apud Pontificem nititur. c. xiiij. f. 103.
 Varia Collegia. cap. xv. f. 106.
 Magistri generalis Ordinis Prædicatorum
 de Societate publicum testimonium.
 cap. xvj. fol. 108.
 In uarias Africæ regiones penetrant no-
 stri

stri cap. xvij. f. 111.
 sicilia societatem cōplectitur. c. xviii. f. 112
 Nostri in Brasileam nauigant: & pro Chri-
 sto Antonius criminalis occiditur.
 cap. xix. f. 115.
 A Iulio 3. pont. Maximo societas confir-
 matur. c. xx. f. 117.

LIBRI QVARTI

Capita.

Abdicare se Generalatu conantem Ignatium socij prohibent cap. i. f. 131.
 Constitutiones ab Ignatio perscribuntur. cap. ii. f. 133.
 Romani Collegij institutio c. iii. f. 134
 Collegia aliquot in Hispania nostri instituunt: ab Archiepiscopo Toletano uexantur. cap. iiii. f. 136.
 prouincialis in Italia declaratur Laynes. Viennæ moritur laius. c. v. f. 138.
 Collegij Germanici instituendi initium, & causæ c. vi. f. 139.
 Francisci Xauier obitus c. vii. f. 141.
 Corsica lustratur a nostris c. viii. f. 149
 In exercitia spiritalia inquiritur. in Hispaniis

nijs distribuuntur prouinciæ c.ix.f.150
 Varia Collegia c.x.f.152.
 serbonensis Collegij in societatem decre-
 tum. c.xi.f.154.
 Petrus Correa, & Ioannes Sossa à Barbaris
 cruciantur c.xii.f.156.
 Ioannes Nugnetius patriarcha creatur, &
 in Aethiopiam mittitur c.xiii.f.157.
 Cæsaraugustę seditione ab aduersariis con-
 citata, nostri Vrbe cedunt: mox honori-
 fice reuocantur. c.xiiii.f.158.
 In Belgica nostris patefit aditus. variis Col-
 legiis societas augetur. c.xv.f.163.
 Ignatius obdormit in Domino c.xvi.f.165.
 De statura corporis eius. c.xvii.f.167.

LIBRI QVINTI

Capita.

De orationis spiritu Ignatii c.i.f.170.
 De charitate illius c.ii.f.174.
 De humilitate c.iii.f.177.
 De Obedientiã quid senserit c.iiii.f.179.
 De mortificatis affectibus c.v.f.184.
 De modestia, atque efficacia, sermonis.
 c.vi. fol.186.
 seu-

Seueritatem quomodo cum benignitate
temperauit c. vii. f. 189.

De commiseratione c. viii. f. 191.

De magnitudine animi c. ix. f. 193.

De rerum spiritualium prudentia c. x. f. 198.

De prudentia rerum gerendarum c. xi. f. 202.

De uigilantia, & sollicitudine c. xii. f. 207.

De miraculis per eum factis c. xiii. f. 208.



CARISSIMIS IN CHRISTO

fratribus Societatis Iesu Petrus

Ribadeneira Salutem.



IT A M Ignatij Lo-
iola, nostrae Societatis
auctoris, omniumq; no-
strum parentis optimi
scribere insituo. Ma-
gna certe praeiunctia, tantum excellen-
tium virtutum splendorem, verbis non
obscurare, & parem rebus descriptionem
afferre. Sed in hoc tamen onere feren-
do, multa me sane consolantur. Pri-
mum, quod illud ego, non mea sponte
suscepi: sed illius voluntate adductus,
cuius apud me auctoritas est. Sicut
debet esse grauißima. Nam R. P.
Franciscus Borgia, Societatis nostrae

Præpositus Generalis, hoc mihi onus
imposuit, cuius ego uocem, Christi uo-
cem putare, eiusq; nutus intueri, sum-
ma religione, atq; obseruantia, debeo.
Deinde quod in Deum, qui mirabilis
in Sanctis suis est, & omnis fons, atq;
origo Sanctitatis, ex hoc meo labore,
laudis aliquid peruenturum, confido.
Ille est enim, qui religiosa omnia institu-
ta stabilivit, & uiam arctam, & por-
tam angustam esse ad beatitudinem
docuit: & ne labore, aut perueniendi
difficultate deterriti, animos despon-
deremus, ipsemet, qui & ostium, & uia
est, dux etiam noster esse dignatus est:
& suo exemplo, tum compendariam,
& rectissimam, tum uero facilem uia,
atque expeditam nobis efficere. Ille
admirabili prouidentia, omnibus pro-
pemodum

permodum seculis, atque ætatibus, diui-
nos quosdam viros, quasi cœlestes faces,
in terras mittit, ut singulari Euangeli-
cæ disciplinæ, & Christianæ perfectio-
nis ardore flagrant, ignem illum, quē
mittere ipse in terram uenit, exsuscit-
ent: & inflammatis uocibus, atque
exemplis, extinguere non sināt. Ille Igna-
tium donauit nobis. Quare de Ignatio
quæ a nobis dicuntur, a Deo profecta,
in Deum omnia referantur: cuius tā-
ta est erga omnes homines bonitas, ut
eorum uelit esse merita, quæ sunt ipsius
dona. Quod Sancti ipsi agnoscunt, &
testantur, dum ante illius thronum co-
ronas suas capitibus detractas, reuerē-
ter deponunt. Huc accedit cum alio-
rum, quos permultos esse intelligo, tum
uero omnium uestrum fratres, incen-

sum quoddam hæc audiendi, legendiq;
studium, cui ego quidem tam honesto
præferim, ac pro satisfacere, pro mea
parte, uehementer cupio. Quis enim cū
extremis ijs, calamitosissimisq; tempo-
ribus, hanc Societatem Dei Opt. Max.
beneficio constitutam, & tam longe, la-
teq; disseminatam, atque intra annos
triginta, toto propemodum terrarum
orbe, propagatā intelligat: nō iure eius
ortum, initia, progressiones requirat?
Atque hæc quidē ratio fratres, cū ce-
teris nobis communis est: illa præcipua,
ut quem ducem sequimur, eius quoque
uirtutem imitemur. Ut enim illustriū
familiarum alumni, suos quiq; duces
sibi ante oculos ponunt, ut ad eorū nor-
mam, uitam omnem suam, & actiones,
dirigant; sic nos Ignatium, ducē nobis
diuinitus

diuinitus datum, & sacra militia no-
stra antesignanum, & principē, propo-
nere nobis debemus: & eminentē illius
omniū uirtutum formā, moribus si mi-
nus exprimere, certe, quoad possumus,
adūbrare. Erit etiā fortasse, noster hic
uobis non solum utilis, sed etiā non inui-
cundus labor. Nā qui alicuius uestigia
persequi cupiunt, uitae quoq; illius ex-
plicatione delectantur, & cum uolupta-
te audimus, quae cū fructu imitamur.
Quid illa, quae extremo loco a me posi-
ta, non extrema apud me debet esse,
grati uidelicet animi pietas, & iucūda
quaedam eius uiri recordatio, qui me in
Christo genuit, aluit, educauit? cuius
ego pijs lacrimis, ac precibus meam ui-
ram, & salutem acceptam ferre pla-
ne debeo? Quamobrem illius uita me-

moriā, iam prope senescentem, eo etiā
ab obliuione hominum uindicare cona-
bor, ut quoniam parem beneficij gra-
tiam, referre nequeo, referam certe,
quantam maximam possum. Erit
igitur meus hic scribendi labor, Deo, ut
spero, non ingratus, Ignatio ipsi debi-
tus, uobis fratres, forsit an fructuosus:
alienis minime, ut opinor, molestus:
mihi quidem, etsi propter corporis im-
becillitatem grauis, propter officium
tamen pietatis iucundus: quem spe-
ro equidem, hac tantarum rerum
compensatione, leniorem futurum.
Et quoniam historia prima lex ueri-
tas est, hoc in primis profiteor, me
nihil inexplorati scripturum: Sed res
mihi notas, certas, testatasq³ litteris
proditurum. Ea enim in medium af-
feremus,

feremus, quæ nos ipsi aut in Ignatio
uidimus, aut ex ipso aliquando audi-
uimus: cuius propter diuturnam con-
suetudinem, & familiaritatem, non so-
lum exteriora, & aperta cum multis,
uerum etiam interiora, & recondita,
cum paucis, ex ipso sæpe cognouimus.
Deinde ea dicemus, quæ assidua multo-
rum annorum flagitatione uictus, &
omnium fere patrum contentione, ipse-
met Pater, de uita a se antea acta, P. Lu-
dowico Gonzali aperuit: idque eo anno
qui eius mortem antecessit, meditato,
magnoque consilio fecit. Postremo quæ
a R. P. Iacobo Laine, Societatis no-
stræ Præposito generali, uel sermone,
uel scripto accepimus; qui propter ar-
ctissimam coniunctionem, & summā,
ipsis illis primis initijs laborandi, pa-
tiendiq;

tiendiq³ cum Ignatio, Societatem, cum
esset tempore ex socijs fere primus ex
decem, amore omnium carissimus filius
multa uidit, multa notauit, eaque in
quotidiano sermone, optanti mihi saepe
narravit. Ex ijs igitur fontibus
haec nostra manarunt. Quae uero in-
certis auctoribus, aut non satis locu-
pletibus dici poterant, ea ne scriben-
da quidem, putauimus. Est enim
persuasum nobis, cum in omni re men-
tiri, turpe esse, tum uero, in sancto-
rum uita referenda, turpissimum.
Nam neque Deus, ad gloriam suam
illustrandam, mendacijs nostris indi-
get: neque primam, & summam ue-
ritatem, falsis narrationibus, & com-
mentitijs honorare uelle, fas est. At-
que haec etiam, spe aggrediar maiore
ad scri-

ad scribendum: quia non de antiquissi-
mi alicuius uiri Sanctitate, mihi agen-
dum est: in quo ueritati quicquam af-
fingere liceat, nemine propter uetusta-
tem iam refellente, sed hæc ijs cognoscen-
da proferimus, quorum permulti con-
iunctissime cū eo ipso, de quo loquimur,
familiarissimeq; uixerunt: ut summum
uirum ijs, qui illū non uiderunt, eorum
quibus ille notissimus fuit, uiuorum, &
præsentium testimonio commendemus.

De instituto autē nostro, & omni scri-
bendi ratione, paucis accipite. Ego cū
initio proposuisse, Ignatij tātūmodo uitā
cōscribere, & præclara illius exēpla ho-
minū memoria cōmēdare, postea tamē
animo plus etiā aliquanto suscepi. Nā
quod uidere, ab optimis uiris nostrique
amantissimis desiderari, & Societatis
nostræ

nostræ ortus, atque progressus cognitionem requiri, illud etiam attingere decreui, breuiterque explicare. Societatem quam longe Ignatius, lateq; propagauerit, nonnullaq; complecti eorum, quæ in uniuersa Societate, dum ille uideret, scripta digna mihi uisa sunt: quæ quidem, quoniam illo uel duce gesta, uel defensore propulsata, uel moderatore constituta sunt, implicata mihi cū eius uita, connexaq; ita uidebantur, ut seiuigi commodè, secerniq; non possent. Neque mihi tamen hoc propositum est, omnia ut persequar; Sed ut pauca quædā deligā, quæ uel illustriora sunt, uel Societatis quasi cursum declarāt: & quæ nisi nunc recenti memoria, litteris consignata sint, obliuione forsitan obruantur. De eorum Patrum uita, qui primi
gnatij

Ignatij filij, ac socij fuerunt, & , uiu-
Ignatio, mortui sunt: de nonnullis præ-
tereā, qui pro Christi fide amplificāda,
sanguinē profuderunt, singulatim mē-
tionē faciemus: ac illis, quia nos genuerunt in Christo: de his, quia mortē na-
turæ debitā, pro Christo potissimū red-
diderunt. De ijs, qui adhuc uiuūt, par-
ce loquemur, de mortuis paulo plenius.
Ante mortē, ait Sapiēs, ne laudaueris
hominē quenquam: quasi dicat, lauda
post uitam, magnifica post consumma-
tionem. Reliquum est, fratres, ut Deum
precemur, nostris ut cæptis adspiret, &
hæc minuta quinque, pie a nobis, ad Ec-
clesiæ Sanctæ ædificationem, in eius ga-
zophylatium oblata, benigne ad gloriā
suam, atq; ad hominum salutē, utilita-
temq; suscipiat. Vos uero, fratres, pro
fraterna,

fraterna, & mutua charitate nostra,
uehementer obsecro, ut mihi gratiam à
Deo impetretis, Ignatiū morum san-
ctitate, imitandi. Cuius quidem, si in se
deprimendo, constantia; in castigando,
seueritas; in periculis, fortitudo; in tur-
bulentis rebus, tranquillitas: in letis, mo-
deratio, in omnibus pax, & gaudiū in
Spiritu Sancto: si deniq; lectissimus,
uirtutū eius omnium comitatus, assidue
nobis ante oculos, uersabitur, rectissi-
mam habebimus regulam, atq; certis-
simam, ad quam non solum mores no-
stros, uitamq; cōformare, sed etiam ue-
rū, germanumq; nostræ uocationis spi-
ritum, examinare possimus, cuius so-
lida effigies, & expressa in illius uita,
plane conspicitur. Roma Kalend.
Maij M. D. LXXIX.

VITAE IGNATII

LOIOLAE

LIBER PRIMVS.



ORTVS IGNATII, ET

VITA, ANTE QVAM

A SECVLI VANITATE

conuerteretur.

Cap. Primum.

IGNATIVS Loiola So-
cietatis Iesu auctor, atque
institutor, nobili loco na-
tus est, in ea Hispaniæ, at-
que Cantabriæ parte, quæ
Guipuzcoa, uel Prouincia

vulgo dicitur, Anno ab Incarnatione Do-
mini. 1491. Innocentio VIII. Pont. Max.
Federico III. Cæsare Augusto: Ferdinan-

A do, atque

LIBER

do, atque Isabella, Catholicis Hispaniarum regibus. Patrem habuit, Beltrantum Loiolæ Dominum, Loioleæ familiæ perantiquæ, atque illustris caput. Matrem vero Marinam Sonem æque nobilem fœminam, quæ filias quinque genuit, filios octo: ex quibus Ignatium postremum fœlici partu enixa est. Qui puerili ætate transacta, in curiam Ferdinandi Regis a parentibus missus est; adolescentiam autem ingressus, & bellica gloria, & fratrum æmulatione commotus, in eo multum operæ ponebat, ut rei militaris laude esset illustris. Cum igitur Pompeiopolitam arcem Galli oppugnarent uehementius, (est autem Pompeiopolis ciuitas regni Nauarræ caput) ipsique duces re desperata deditionem cogitarent, eius potissimum opera factum est, ut res differretur, & acrius resisteretur ab Hispanis. Sed cum omnes ad oppugnationem machinas Galli admouissent, & tormentis continenter mœnia uerberarent, ænea pila bombardæ in eam muri partem, qua Ignatius propugnabat, impacta, crus eius dextrum penitus confregit, atque comminuit:

minuit: finistram uero lapidis de muro uiglobi labefactato excussus, grauititer uulnerauit. Ignatio prostrato, reliqui omnes, qui illius uirtute nitebantur, spe defensionis abiecta, deditionem Gallis fecerunt, a quibus captus Ignatius, & in castra deductus, humaniter acceptus est, atque a medicis diligenter curatus. Post aliquot dies liberaliter etiam ad suos dimissus, lecticariorum humeris in patriam reuectus est. Ibi cum uulnus, dextri praesertim cruris, in dies ingrauesceret, accersiti sunt denuo medici, & Chirurghi, qui tibiam rursus esse disiungendam censuerunt, ut quæ ossa, siue aliorum medicorum incuria, minus apte coagmentata, siue itineris agitatione luxata fuerant, suis locis restituta, coalescerent: quam excarnificationem ita pertulit, ut neque ingemisceret, neque uultum mutaret, neque ullum infirmioris animi signum ederet, quod & antea, & postea semper, in reliquis corporis cruciamentis, quæ passus est, fortiter praestitit. Inualescebat interim morbus quotidie magis, eoque iam

A 2

processerat

LIBER

processerat, ut ab extremo uitæ periculo non multum abesse uideretur, itaque admonitus, peccatorum suorum confessionem fecit, sacramentorumq; armis se præmuniuit pridie illius diei, qui beatissimis Apostolis Petro, & Paulo sacer est. Cum igitur res iam ad summum uitæ discrimen adducta esset, mortemq; imminere iudicaret medici, si ad mediam usque noctem, nihil melius eueniret: ea ipsa hora uis morbi remitti aperte coepit: quod non absque diuinæ prouidentiae consilio, diuo Petro deprecatore, factum credimus, quem præcipua quadam Ignatius religione semper coluerat, quemque adesse, sanitatemque adferre, sibi uidere uisus est. Depulso mortis periculo, ossa solidari iam coeperant, & arctius constringi: duo tamen supererant incommoda, alterum efficiebat os sub genu relictum, quod extra prominebat foedius, alterum tibiæ contractæ breuitas, quæ & recte illum incedere, & pedibus firmiter consistere prohibebat. Quibus incommodis ut mederetur, cum elegantia esset, habitusq; corporis studiosissimus, atque institutum militaris uitæ cursum prosequi statuisset,

statuisset, ex medicis primum quæsiuit, possetne, os illud quod deformiter eminebat, excidi? posse quidem affirmarunt, sed grauiſſimo tamen dolore, & omnium, quos in curatione tolerasset, maximo: uerum ille nihilominus, ut suæ uoluntati satisfaceret, & habiles, atque elegantes urbanas ocreas gestare posset, secari os iussit: neq; a proposito abduci potuit, ligarique se omnino uetuit, eademque constantis animi firmitate cruciatum illum pertulit, quæ superiores uicerat, atque hoc remedio deformitas ossis sublata est. Tibiæ contractio aliquantulum curata est, cum alijs medicamentis, tum machinis quibusdam, quibus magno multorum dierum dolore, re, continenter eius breuitas protendebatur, neque tamē usque adeo produci potuit, quin altera breuior aliquanto relinqueretur.

LIBER

*Quaratione a seculi uanitate
ad Deum conuersus sit.*

Cap. II.



Nterea cum in lecto iacere co-
geretur, essetq; in prophanis
libris legendis multum tem-
poris collocare solitus, aliquē
eiusmodi librum sibi ad ma-
num dari iussit, ut eius lectione tempus fal-
leret: negantibus familiaribus domi eius.
modi esse libros, duos hispanica lingua scri-
ptos accepit, ne prorsus otiosus esset, quo-
rum alter Christi saluatoris nostri, alter sā-
ctorum uitas continebat, quorū quidem li-
brorum lectione, sensim eius animus im-
mutari, & imitandi quæ legebat, studio
quodam affici uidebatur. Sed quoniam an-
teactæ uitæ consuetudo corroborata erat,
inanium rursus cogitationum cōcursu ob-
ruebantur, ne coalescerent illa tum primū
excepta, pietatis semina. Aderat tamen mi-
liti suo diuina misericordia, & cōsopitam
uirtutem exsuscitabat interdū, ludicrisq;
& fallacibus

& fallacibus cogitationibus, ueras, solidasque cogitationes ex recenti lectione rursus obijciebat: quibus commotus eius animus ad Christi, & sanctorum imitationem tam uehementer accendebatur, ut nullis difficultatibus, quæ multæ occurrebant, ab eo proposito deterreretur. In hac contrariarum cogitationum uicissitudine, distrahebatur in uarias sententias, & ancipiti deliberandi cura, huc, atque illuc impellebatur, cum mundus apud se retinere Ignatium conaretur, Christus uero ad se illum uocaret, & traheret. Erat tamen illud in hac cogitationum uarietate, discrimen, quod fluxæ illæ, & uanæ principia habebant læta, exitus amaros: nam præsentibus cum aderant, suauiter quidem sensibus blandiebantur, sed recedentes quasi aculeo quodam infixio, mentem aridam, & sibiimet displicentem relinquebant: at uero illæ cogitationes de Deo, de Hierosolymitana profectioe, de uitæ asperitate sectanda, de uirtutis dignitate cõplectenda, non solum dum aderant, iocunditatis plenissimæ erant, uerum etiam abeuntes, præclara relinquebant suæ lucis, & suauitatis impressa uestigia. In quod discrimen

LIBER

men a se multis quidem diebus præteritum, & incognitum, quodam die diuinitus illustratus, animum intendere cœpit, & tum demum intelligere, quantum inter utrasque cogitationes interesset. Quam comparationem cogitationum cum cogitationibus, & spiritus cum spiritu contentionem, primam omnium ratiocinationem fuisse perhibebat earum, quas plurimas postea de diuinis rebus Ignatius habuit, ex qua usu deinceps uberiore spiritualium rerum aucta, omnium quas in exercitijs tradidit de spirituum diuersitate præceptionum riuuli profluxerunt. Etenim animaduertit primum duos esse spiritus, Dei, & mundi, non solum diuersos, sed penitus et inter sese pugnantes, tum diligenter obseruauit utriusque spiritus proprietates, qua ex obseruatione, diuino munere, & lux consecuta in ratione est ad eiusmodi spiritus discernendos, ac dijudicandos, & lux quædam in uoluntate excellens ad ea, quæ mundus suggerit, constanter repudianda, ea uero appetenda, & suscipienda, quæ Dei spiritus proponit, ac suadet, quæ principia in omnem postea uitam diligentissime seruauit.

huius. In hunc igitur modum ab oculis de-
 pulsa caligine, cum processus aliquos iam
 effecisset, & assidua piorum librorum le-
 ctione, diuturnaue consideratione diui-
 narum rerum, quas animo conceperat se
 aduersus omnes Diaboli impetus obfir-
 masset, coepit serio, & grauitè mutandæ
 uitæ cogitationem suscipere, in mentem
 reuocare peccatorum suorum maculas, ac
 secum expendere, quibus illas supplicijs
 deleret. Quod cum pia cogitatione uer-
 saret, & sancta illa æmulandi Christum, &
 Sanctos uiros desideria animo recurrerēt,
 ad omnes difficultates perumpendas sa-
 tis ea se cogitatione munitum esse existi-
 mabat. In Deo omnia potero, dat uelle, da- *Phi. 4.*
 bit & perficere. Certi tamen ab eo nihil a- *et 2.*
 liud constitutum est, nisi ut Hierosolymā,
 ubi conualuisset, proficisceretur, seq; prius
 flagellis, ieiunijs, & id genus asperitatibus
 generosa quadam indignatione confice-
 ret. Atque his desiderijs tam incensis co-
 gitationes illæ sordidæ, & inanes paulatim
 refrigescebant. Sed hæc illius desideria ex-
 citata iam, & confirmata multoquàm an-
 tea inflammavit ardentius præclara quæ-
 dam,

LIBER

dam, atque admirabilis uisio: nam uigilanti nocte quadam Ignatio clarissima beatissima Virginis Mariæ una cum sancto puero Iesu species obiecta est: qua aliquandiu permanente, mirifice recreatus est, & diuina quadam uoluptate perfusus. Unde tantum eum præteritæ uitæ tædium cœpit, maximeque eatum rerum, quæ cum obscæna delectatione coniunctæ sunt, ut omnes omnium impudicarum rerû imagines ex animo eius effluere omnino uiderentur. Et sanè ueram fuisse uisionem, ac fructuosam, res ipsa comprobauit, cum ab ea hora ad extremum usque spiritum, castitatis integritatem diuino beneficio conseruauerit. Hæc meditantem, & res maximas animo molientem, frater eius, reliquique domestici, sui factum esse dissimilem, non magno negotio deprehenderunt. Quamuis enim animi sui sensum nulli detegeret, uultus tamen satis, illo tacente, loquebatur. Cum præsertim accederet iugis precatio, frequensque lectio, non iam sermones ludicri cum familiaribus, sed de diuinis rebus pietatis, grauitatisque plena colloquia,

colloquia, multa, & diligens scriptio. Scribebat enim pulcherrima quæque, ac maxime insignia Christi, beatæ Virginis, aliorumque sanctorum tum uerba, tum facta, & in librum perpolitum, atque elegantem, memoriæ causâ, quamoptimis characteribus referebat; & quidem aureis litteris Christi, puniceis Beatæ Virginis, uarijs coloribus reliquorum sanctorum exempla. Sed quanquam ex hisce occupationibus magnam ipse uoluptatem caperet, illa tamen erat maxima, quam ex fixo cœli, stellarumque omnium percipiebat aspectu, quod quidem & sæpe, & diu faciebat, quod se uehementer accendi ad Deo seruiendum, cœlestium orbium contemplatione sentiret. Audiuius sæpe illum, cum in cœlum, quolibet circumspectus erat, oculos sustulisset, eosque aliquâtisper fixos habuisset, obortis præ lætitiâ lacrymis, dicentem. Heu quam sordet terra, cum cœlum aspicio. Hoc eodem tempore in pijs exercitationibus, quas diximus, uersanti, & animum ad maiora paranti, illa etiam cogitatio subiit, quidnam, Hierosolymis rediens, potissimum

LIBER

potissimū facturus esset: exquirebat enim optimum uitæ statum, in quo totum se, omnibus rebus posthabitis, collocaret, & summa parsimonia, atque austeritate uitæ maceraret.

Ex patria in Montem Serratum proficiscitur.

Cap. III.



Ge. 12 Anitate utcunque recuperata, specie quidem Ducis Naiaræ inuisendi (quo cum magna erat Loioleæ familiæ, uetusq; coniunctio) sed reuera ut egrederetur de domo, & cognatione sua, profectionem parat Ignatius. Quem Martinus Garsia frater natu maximus, & familiæ caput, rem odoratus, seuocatum in interius cubiculū rogat, & obtestatur, ne se, suosque omnes perditum eat: etiam, atq; etiam cogitet quam directum ad gloriam iter sit ingressus, quas res gesserit, qua spe & animi, & ingenij sit. Omnia, inquit, in te magna sunt: ingenium, iudicium, animus,

mus, nobilitas, gratia principum, ciuium beneuolentia, rei militaris usus, prudentia: ad hæc florens, ac firma ætas, magna expectatio omnium: siccine tot spes, tam solidas, tam florentes euertes? omnium expectationem falles? familiam nostram tot ornamentis, quæ tibi cœptam uiam insistenti sunt proposita spoliabis? etsi ego ætate, tu tamen auctoritate maior es. Vide quæso, ne quid in te admittas, quod non solû speratum nobis, nostræque familiæ decus adimat, sed etiam ignominia notas inurat. Ad hæc Ignatius breuiter, se sui, maiorumque suorum esse memorem, daturum operam, ne ab illis degenerasse, aut familiæ suæ splendorem obscurasse uideatur. Quibus uerbis nō tam placauit animum fratris, quam illum ab se excussit, atque itineri se dedit. In hoc igitur itinere, quod ad beatæ Virginis ædem, in Monte Serrato fecit, duobus ab se famulis dimissis, singulis se noctibus uerberibus grauitè afficiebat: quod quidem ab eo die, qui initium professionis fuit, semper in itinere seruauit. Et ut intelligamus, quibus Deus quasi gradibus in milite suo rerum diuinarum cognitionem,

LIBER

tionem, animiꝑ; uirtutem auxerit, hoc ille tempore minime sane inuestigabat, quid caritas, quid humilitas, quid patiētia, quid sui contemptio, quæ cuiusque uirtutis uis, & natura esset; quibus finibus temperatiæ modum circumscriberet, quid ratio, quid spiritalis prudentia postulare: sed id complexus, quod optimum tunc uidebatur, & præsentī statui maxime congruebat, totus in eo erat, ut res maximas, & maxime arduas, quæ positæ sunt in corporis afflictione, perficeret: id que hac ratione ductus, quod ad hanc normam sancti uiri, (quos si bi ad imitandum proposuerat) se conformassent. Nam iam tum ita Deus regebat Ignatium, ut id semper spectaret, id quæret, quod ad maximā Dei gloriam fore iudicaret, idꝑ; antiquissimū semper habuit. illa tamen accessio iam facta erat, ut in ijs pœnitentijs consecrandis, non tam peccatorum suorum, quam Deo placendi rationem duceret: itaque detestabatur ille quidem præteritæ uitæ crimina, in ijs tamen pœnis, quas ad illa diluenda spōte lubibat, tam erat accensus, & Deo gratificandi studio quodam inflammatus, ut illas cum susciperet,

sciperet, non tam peccata, quam Dei honorem, atq; gloriā sibi poneret ante oculos.

Pergentem cepto itinere Ignatium, & re-
cta Montem Serratum uersus progredien-
tem, Sarracenus quidam, siue Maurus affe-
cutus est. (Erant per id tempus in Hispania
Tarraconēsi adhuc aliqui ex antiquis eius
gentis reliquijs) cum una irent, incidit,
ut fit, illis sermo de uirginitate beatæ Vir-
ginis Mariæ, quam cum in conceptu filij
concederet Maurus, a partu negaret, ad
eamq; rem naturales rationes aliquot ad-
ferret, neque ad ueritatem flecti posset ab
Ignatio, celeriter præcessit, solumq; Igna-
tium reliquit, hærentem diu, multumq; du-
bitantē, utrum ab se pietas Christiana exi-
geret, ut Maurum consequeretur, & pugio-
ne confoderet, quod de beatissima, & im-
maculata Virgine coram se ignominiose
locutus fuisset. Homo quippe militaris, &
fallaci ueri honoris imitatione olim de-
lusus, dedecori sibi esse ducebat, si quid
a religionis Christianæ inimico, se au-
diente, de inuiolata sacrosanctæ Virginis
integritate impunè detraheretur: quæ qui-
dem cogitatio in speciem pia, diu, mul-
tumq;

LIBER

tumq; rudem tum Christi militem torfit,
in eamq; deliberationem tandem indu-
xit, ut ubi ad biuium, unde euiā publicā ad
oppidum uicinum Maurus declinarat, cō-
stitisset, habenas mulæ, qua uehebatur, per-
mitteret, & si ad locum, ubi Maurus erat,
diuerteret, quæsitum illum, atque inuen-
tum interficeret; sin recta pergeret, omitte-
ret: atque ita diuina prouidentia factum
est, ut iumentum lata, faciliq; euiā præter
missa, suum iter sequeretur. Vt omnes in-
telligant, quibus initijs, quibusque progres-
sibus, deus militem suum ad extrema per-
L. 22. duceret: nam, ut ait D. Augustinus, animæ
cō. Fall. uirtutis capaces, ac fertiles præmittunt sæ-
c. 70. pe uitia, quibus hoc ipsum indicet, cui uir-
tuti sint potissimum accommodatæ, si fue-
rint præceptis excultæ. Vnde & Moyse in-
Exo. 2. terficiens Aegyptium, adhuc incultus, ui-
tiosa quidem, sed magnæ fertilitatis signa
fundeat.

Cum igitur non longe a Monte Serrato
abesset, in pagum quendam peruenit, ubi
eum uestitum emit, quem Hierosolymam
proficiscens, gestare decreuerat, talarem
uidelicet ex canabea tela aspera, & aculea-
ta

ta (in modum sacci) tunicam, pro milita-
 ri balteo, funem; calceos ex sparto contex-
 tos, baculum peregrinantis insigne, & ad
 aquæ usum cucurbitulam. Quoniam uerò
 carnis suæ imbecillitatem extimescens, si-
 bi ipse diffidebat, quamuis & diuino uiso
 erectior, & Deo placendi studio multo iā
 esset confirmator, spes suas in beatissimæ
 Virginis patrocinio defigens, castitatis uo-
 to in hoc itinere sese obstrinxit, eamque
 perpetuam Christo, & castissimæ, atque
 purissimæ eius matri feruens spiritu, con-
 secrauit: cuius beneficio eam prorsus inte-
 gram (ut paulo ante dictum est) semper
 obtinuit, tantum & deuotionis ardor, &
 pium ipsius Virginis patrocinium apud
 Deum ualet.

*In Serrato Monte uestitum
 mutat. Cap. II II.*



T Venit in Serratum montē
 (is locus Dei genitrici dica-
 tus itinere unius diei Barci-
 none distat, estque peregre-
 gio Benedictinæ familiæ cœ-

B nobis,

L I B E R

nobis, & religionis causa eò confluentiũ concursu maxime celebris) ibi optimo confessorio totius uitæ suæ crimina per tri-
dum ex scripto confessus est, illiq; homi-
ni omnium primo animi sui propositum
aperuit, iumentum reliquit; gladium, pu-
gionemq; quibus mundo meruerat, ante
aram beatissimæ matris Dei appendi ius-
sit. Pridie uero eius diei, qui hominibus,
uerbo Dei incarnato, salutis initium attu-
lit, noctis tenebris reclusus, quam occultissi-
me potuit, ad mendicum quendam, pan-
nosumque hominem adit: suas uestes sibi
detrahas illi dono dat: ipse uero optato
illo suo uestimento induitur, & ad sacram
diuinæ matris aram consistit. Cum autem
in prophanis libris legisset ritum, quo no-
ui milites olim inaugurabantur, ut eius ri-
tus imaginem quandam spiritaliter in se
repræsentaret, nouis contra Diabolum ar-
mis accinctus, partim stans, partim in ge-
nua procumbens, totam noctem illam co-
ram sacratissimæ Dei genitricis imagine,
insomnem duxit, se illi commendans, sua
flagitia deflens, meliora animo concipiẽs,
ac ne a quopiam agnosci posset, mane an-
te

te lucem (non quidem recto itinere, quod Barcinonem ducit, sed deflexo) in oppidū Manresa, quod a Monte Serrato nouem passuum millibus distat, festinus diuertit, uili tegumento ex tela (ut diximus) tectus, baculo armatus, fune præcinctus, nudo capite, & pede altero: nam alterum, quod ex recenti uulnete infirmum haberet adhuc, & crus fascijs conuolutum, singulis noctibus intumesceret, calceo aduersus cœli, solisq; iniuriam muniendum sibi existimauit. Vix a Monte Serrato tria passuum millia processerat, cum illum inusitato gaudio expletum, & noui habitus lætitia gestientem, homo quidam curriculo consecutus, percontari cœpit, dedissetne dono uestes suas egeno cuidam, quem hoc ipsum affirmantem, Prætor in uincula coniecisset, furto ab eo sublatas arbitratus. His auditis, Ignatius uultum, uocemque mutauit, & lacrymas etiam profudit, illud apud se etiam, atque etiam cogitans, ne potuisse quidem se sine damno alterius, & iniuria benefacere. Ex quo periculo, ut immerentem hominem eriperet, uestes se dedisse confessus est: neque

B a ramen

LIBER

tamen quisnam, unde, cuias esset, interrogatus aliud respondit: cum hæc ad miseri hominis liberationem, nihil pertineret.

De uita ab eo Manresa instituta. Caput V.



Manresam ubi peruenit, in Xenodochio mendicorum hominum pedem primo fixit: ibi sese ad strenue secum, & cum diabolo decertandum comparauit: nihilque prius habuit, quam ut genus suum, præteritæq; uitæ rationem occultaret, & omnibus ignotus delitelceret. Vestitus is erat, quem supra diximus: sed quod in capillo curando, comendoq;, & reliquo corpore exornando curiosior in seculo fuerat, ut nimium cultum diligenter neglectu compensaret, cæsariem, quam pro illius seculi more elegantem habebat, solutam, & impexam reliquit: caput diu, noctuq; semper nudum habuit: ungues, & barbam excreescere per incuriam sinit: ter se præterea diebus singulis acriter uerberabat,

berabat, septem horas in oratione, fixis humi genibus, ponebat, idq; magno studio & ardenti. Missæ sacrificio, Vesperarumq; & Completorij precationibus intererat, ex eaq; re magnam capiebat animo uoluptatem. Cogebat quotidie stipem, aqua, & pane uitam tolerabat; carnibus, uinoq; semper abstinens, omnibus diebus, præterquã Dominico, ieiunans, humi cubitans, noctis maximã partem uigilans, singulis diebus Dominicis peccata sua confessione eluens, & sacræ synaxis præsidio sese confirmandus: tam impense corpus suum in seruitutem redigens, ut quicquid oblectationem ullam corpori posset adferre, studiose refigeret. Quocirca cum esset maximis uiribus, & corporis firmitate præstans: breui uigor omnis eius emarcuit, & pœnarum acerbitate nõ mediocriter debilitatus est. His rebus fiebat, ut hominum animos in se conuerteret, & alliceret, qui plurimi cū ad eum uenirent, in illiusq; se familiaritatem insinuare cuperent, multo etiam magis eius sermonibus inflammabatur. Nam etsi rerum adhuc erat spiritalium rudis, & parum in uirtutum exercitatione uersatus:

his tamen erat facibus diuini amoris incensus, ut facile, quod intus continebat, se foras efferret. Itaque eius ardens de diuinis rebus sermo, ac uehemens ad uirtutem cohortatio, cum sanctæ uitæ exemplo coniuncta, animos hominum, & deo conciliare, & sibi ipsi beneuolentia deuincere, atque etiam admiratione suspendere, spiritu sancto iuuante, facile poterat: cum eo præsertim accederet peruulgata iam eius nobilitatis opinio, quæ rumoribus aucta, supra ueritatem etiam (ut mos

est) multorum sermone celebrabatur: & permanerat enim, rumore nuntio, quod in serrato Monte remotis in arboribus, Ignatius fecerat, & quamuis ipse lucis cernā sub modio abscon-

Mat. 5. Dominus tamē eam super can-
delabrū ponebat, ut luceret omni-
bus. Scrupulis

*Scrupulis angitur, & probatur
à Deo. Cap. VI.*



IN hanc palæstram noster miles ingressus, quattuor iam menses pugnando traxerat, calliditatem Dæmonis, qui cum pugna inierat, cogitatio

nesq; prorsus ignorans: tenebat enim eundem tenorem uitæ, & in æquabili conscientie tranquillitate perstabat. Nondum temptationum aculeos exeruerat Satanas, nondum terrores, minasq; suas tyroni Christi intentauerat: nondum depulsis tenebris, rursus consolationis lumen redierat, nondum deniq; cōmutationes rerū, & spiritalis hominis afflicti, & læti; iacentis, & exultantis uicissitudines, cōuersionesq; perspexerat, cum illum die quodā situ, squaloreq; confectū, & in Xenodochio uersantē aggressus est: & quid tu in his sordibus, inquit, in hoc pēdore iaces? quid uilibus uestibus, & obsoletis sordidatus incedis? & quid cū abiectis hoīb. sedēs, generis tui nobilitatē obscuras: sed Ignatius cōfestim se medicis sociū pro-

LIBER

piorem adiunxit, & familiarius etiam uer-
fari inter eos cœpit, atque hoc eius facto
Diabolus repulsus est. Alio item die, cum
fessus ualde esset, illam etiam cogitationē
permolestam passus est: Qui, inquit, fieri
potest, ut duram hanc, & feram agrestium
hominum uitam, septuaginta annos, ad
quos uicturus es, perferas? cui ille, Num-
quid tu mihi unius horæ spatium certum
præstabis? uitæ enim momenta nō in tua,
sed in Domini sunt potestate: atq; his duo-
bus tantum telis aperte intentatis, per uni-
uersam uitam appetitus eius animus est,
ut a cœpto uiuendi cursu pedem referret.
Illud tamen noui, ab hac tentatione, eius a-
nimio accidit, quod magnas interdum per-
mutationes, cōtrariosque quasi spirituum
impulsus sentire cœpit. Nam oranti aliquā-
do illi, & in pijs exercitationibus religiose
uersanti, exarescebat repente nonnunquā
animus, & in eas angustias incidebat, ut se
explicare uix posset: sibi displicens, diuini
spiritus suauitatem minime sentiens. Rur-
sus tanta, tam copiosa diuinæ consolatio-
nis uis affluebat, ut in eius luce, præceden-
tis mortis caligo ne appareret quidem.

Quod

Quod ille discrimen, uarietatemq; attendens, admirabundus, & rei nouitate perculsus, quid hoc, inquit, rei? quam nos uiam ingredimur? quod militiæ genus arripimus. Sed interim ita scrupulorum stimulis pungi, & peccatorum suorum conscientia torqueri coepit, ut lacrymans dies cum noctibus iungeret, semper anxius, semperq; sollicitus. Etsi enim quam accuratissime omnia præteritæ uitæ crimina fuerat confessus: illa tamen semper cura extimulabatur, num hoc confessus sum? num illud bene explicauimus? num satis aperte quæ ad rem pertinebant adieci? num aliquid uel affinxi, uel omisi? quibus quidem aculeis adeo uexabatur, ut nusquam acquiesceret, nullis orationibus, uigilijs, ieiunijs, flagellis denique leuaretur. Sed mœrore prostratus, & quadam acerbissimi doloris carnificina exanimatus, & confectus iaceret. Ad sacratissimam Eucharistiam de more, quasi ad sacram anchoram cōfugiebat: sed cū ori iam admoueretur panis uiuificus, scrupulorum ui, & subito quasi uentorum concursu abreptus, surgebat, & lacrymis se, gemitibusque penitus dabat, & ad Domi-

num

LIBER

Isa. 38

Rom. 7

num clamabat, Domine uim patior, respō
de pro me: &, Infœlix ego homo, quis me
liberabit de corpore mortis huius? Occur-
rebat quidem unum illi remedium, idque
præsentissimum, si spiritalis pater, cui con-
scientiam suam, & internos animi motus
omnino aperiebat, tranquillo se, pacatoq;
animo esse iuberet, & in domini nostri Je-
su Christi nomine mandaret, ne exactæ ui-
tæ peccata amplius confiteretur: sed tamē
ne a se profecta medicina sanitatem non
faceret, sed dolorem augeret, spiritali hoc
patri dicere non audebat. Cum igitur ali-
quandiu hanc mentis uexationem pertu-
lisset, quodam die tam grauitē, dolēterq;
ab ijs scrupulorum tormentis est habitus,
ut omni solatio destitutus, se totum ora-
tioni traderet, & fidei feruore succensus,
Ps. 143 clara, magnaue etiam uoce clamaret: Suc-
curre Domine, subueni Domine: Emitte
Ps. 17 manum tuam de alto Domine, misericor-
dia mea, refugium meum, liberator meus:
protector meus in te spero, quia nullam ab
hominibus, nullam a creata ulla natura pa-
cem, aut requiem inuenio. Attende, & fac:
Ps. 118 illumina faciem tuam super seruum tuum:
ostende

ostende mihi uiam, in qua ambulem, quia
Deus meus es tu. Quod si uel catulū prae-
ceptorem mihi, & perturbatae mentis pa-
cificatorem dederis, ego uero non recuso:
libenter illum ducem, illum uitae magistrū
te auctore sequar. Inter haec rursus uehemē-
tissima hominem cogitatio inuadebat, ut
ex coellula, ubi erat (nam ex hospitali pau-
perum domo in Dominicanorum cœno-
bium emigrarat) sese praecipitē daret. Sed
ille, Non faciam, non te offendam Domi-
ne: quia tu es Deus meus, fortitudo mea: P/. 42
quare me repulisti, & quare tristis incedo,
dum affligit me inimicus, dum dicitur mi-
hi quotidie, ubi est Deus tuus? In has uo-
ces erumpenti, & pra dolore gementi ue-
nit in mentē cuiusdā sancti uiri, qui, ut ne-
scio, quid a Deo impetraret, tādū cibo ab-
stinuit, donec illud cōsequeretur: ad cuiusimi-
tationē, statuit non prius cibū ullū, aut po-
tū capere (nisi forte mors illi immineret)
quā optatā mētis pacē inueniret. Quo-
circa septē integros dies ita ieiunus fuit, ni-
hil ut omnino gustaret, cum tamē interea,
uel de quotidiana precatione (cui septenas
flexis genib⁹ horas uacabat) uel de uerbera-
tionibus,

L I B E R

tionibus, quas ternas in dies singulos usurpabat, uel de alijs usitatis instituti ipsius officijs, nihil iccirco remitteret. Et cum se uiribus adhuc integris, minimeq; debilitatū uideret, & progredi longius uellet, prohibitus a Confessario est, ac uehementer deterritus, iussusq; cibum capere, cum die Dominico suo more illi peccata sua, & quid etiam fecisset, indicasset: paruit Confessario, ne repugnare Deo uelle uideretur, eoq; se die, & proximo liberum sensit, tertio uero post die oppugnatus iterum est: sed oppugnationis is finis fuit, ut disiectis tenebris, quas rebus clarissimis Diabolus obducere conabatur, & reddita diuina luce: quasi apertis oculis, è somno excitatus, magna animi claritate, constantiaq; antea etæ uitæ memoriam obliuione obruere, & obducta peccatorum uulnera, amplius in confessione non refricare decerneret: tantamq; mentis tranquillitatem, & spirituum discretionem, atque scrupulosarum mentium curandarum gratiam a Deo est consecutus, ut nemo fere hac ægritudine affectus, sanitatem ab Ignatio non inueniret. Neque enim sibi solum probabatur, sed nobis

bis

bis etiā erudiebatur Ignatius. Probat enim Deus cum omnes milites suos, tū eos maxime, qui reliquorum duces futuri sunt, humiles, & probatos consolatur, ut possint & ipsi cōsolari eos, qui in omni pressura sunt. 2. Cor. 1.

Post tentationes illustratur.

Caput VII.



CVM igitur Dei misericordia ex tentationum angustijs emerfisset, & tamen iccirco de summa animi contentione ad uirtutum omnium ueram in se imaginem exprimendam nihil omnino remitteret: placuit remuneratori bonorum omnium Deo, seruum suum diuinis consolationibus mulcere, & mentem illius cœlestium mysteriorum cognitionibus illustrare, ut secundum multitudinem dolorum, quos in corde suo pertulerat, consolationes Domini lætificarent animam eius. Ergo quamuis iam inde a principio tractaret Deus Ignatium (ut ipse dicere solitus est) præceptoris more tenerum pueri animum Ps. 93.

73
mum informantis: post prima tamen tentationum rudimenta plenius illum erudit. Ex quo cum magna erga tres sanctissimæ Trinitatis personas deuotione teneretur, singulisq; suas preces, statasq; quotidie persolueret, die quadam in scalarum gradibus templi Dominicanorum consistens, & horarias B. Virgini preces recitans, cœpit ita in Deū intellectu ferri, quasi sanctissimam Trinitatem specie quadam uisibili id significante exterius, quod interius percipiebat, cerneret; ea diuinæ consolationis magnitudine, & copia, ut sibi a suspirijs, fletuque etiam inter ipsas publicas supplicationes, quas deinde prosequutus est, ad prandium usq; temperare nequiuert, aut uero a prandio aliud omnino uel cogitare, uel loqui, quàm de sanctissima Trinitate, tanta, tamq; uaria rationum, similitudinum, atque exemplorum copia, ut admirationi omnibus audientibus esset, quæ res ita in eius mente hoc ineffabile mysteriū inscripsit, ac ueluti impressit, ut illo ipso tempore homo legendi, scribendique tantum sciens de eo librum scribere sit aggressus, & ad totam uitam insculptæ illius ueritatis

tatis uestigia extarent, semper enim cum ad sanctissimam Trinitatem orationem funderet, (quod frequenter, & diu faciebat) eximiam diuinæ consolationis suauitatem percipiebar, & aliquando quidem singularem quandam in Deum patrem totius diuinitatis fontem, & reliquarum personarum originem, atque principium, deuotionem sensit; deinceps etiam in filium: postremo in spiritum sanctum, singillatim se singulis personis commendans, & tradens, & simul ex omnibus, quasi ex uno, atque eodem gratiarum omnium plenissimo fonte, uirtutes omnes abundanter hauriens.

Alio item tempore, magna cum spiritus alacritate modus eius mente obiectus est, quo mundum Deus condidit: quem longo post interuallo, cum hæc eadem ipsemet pater narraret, se non satis affirmabat explicare posse.

In Templo etiam eiusdem Monasterij, cū rei diuinæ uenerabundus interesset, & corpus Domini adorandum populo proponeretur, mentis oculis quodā die clare uidit, augusto illo, atq; tremendo Sacramento
Dominum

LIBER

Dominum nostrum Iesum Christum, uerum Deum, atque hominem uerissime contineri.

Sæpissime orationi intentus, & diu quidem Christi redemptoris nostri humanitatem interno obtutu uidit, & aliquando beatissimam etiam Virginem Mariam: neque id Manresæ tantum, sed post etiã Hierosolymis, & non longe ab urbe Patauiio, & alias sæpe: quibus quidem uisis, ita in fide, ac spiritu confirmatus, & cœlesti lumine completus est, ut sæpe hæc secum reputans, illud etiam statueret, si aut sacrarum litterarum monumentis consignata mysteria fidei non essent, aut certe si sacra scriptura (quod fieri non potest) intercidisset, sibi tamen ita esse certa, penitusq; infixæ, ut ex illis tantum, quæ uiderat, non dubitaret, & recte ea intelligere, & alijs tradere, & pro illorum defensione etiam mortem oppetere.

Egressus die quodam Manresa ad templū, quod ab oppido mille passibus abest, diuinarum rerum contemplatione suspensus, paululum confedit in uia, quam fluuius præterlabitur, faciemque conuertit ad flumen:

men: ibi mentis ei oculi aperti, atque illuminati sunt, non ita quidem, ut speciem aliquam, aut in sensus cadentem imaginem uideret, sed ut permulta, tum quæ ad fidei mysteria pertinent; tum quæ ad scientiarum cognitionem, optime intelligeret: tanta, tamque clara luce, ut ab eo res ipsæ nouo quodam lumine cernerentur. Quæ res, cum fixum hominem, hærentemq; diutenuisset, ad crucem, quæ iuxta erat, genuflexo procubuit, ut Deo Opt. Max. pro hoc tanto beneficio gratias ageret. Ante uero quàm huiusmodi uisis illuminaretur, cum in hospitali domo adhuc ageret, & alias frequenter, sese illi clara luce pulchra quædã species obiecerat, quam non satis discernere poterat, aut quidnam esset, ex quo uel constaret, internoscere, nisi quòd serpentis nonnullam formam præseferre uidebatur multis quasi oculis resplendens, cuius præsentis quantum aspectu recreari uidebatur, tantundem ex discessu doloris, ac mœstitiæ sentiebat. Hoc igitur uisum sapissimè ipsi ante oculos uersatum, nunquam tamen cognitum, illi se ad crucem istam iacenti, rursus obiecit: sed diuino iam lumi-

C ne

ne plenus, & ante crucem procumbens, facile perspexit rem illam non ea esse pulchritudine, atque splendore, quo se illi antea offerebat, aperteque cognouit illum esse dæmonem. Ex quo, longo etiam post tempore, sæpius illi apparuit, non iam luce coruscus, sed aspectu deformis, & abiectus, ita ut baculo, quem gestare manu solitus erat, facile illum ab se abigeret.

Porro Manresæ cum adhuc uersaretur, ijs, quas diximus, occupationibus tam ardentem deditus, accidit ut die quodam sabbati, sub horam Completorii, a sensibus sic destitueretur, ut a pijs quibusdam uiris, & mulieribus repertus, pro mortuo haberetur, & nisi cordis tenuem palpitationem quidam deprehendissent, sepulturæ procul dubio mandauissent. Mansit autem in hac ecstasi, siue abstractione a sensibus, ad alterum usque diem sabbati sequentis hebdomadæ: quo die hora Completorii quasi e somno excitatus, multis, qui eum obseruabant, præsentibus, oculos aperuit, sacratissimum IESV nomen ingeminans. Atque huius quidem rei qui testes fuerunt, iidem illi auctores sunt, nam ipse Ignatius hanc
tam

tam insignem Domini uisitationem mirifice occultauit, & (quod ego quidem sciã) aperuit nemini.

*De exercitiorum spiritualium
libro. Cap. VIII.*



Hoc eodem tempore, Exercitiorum spiritualium librum (quẽ appellant) ex accurata eorũ, quæ sibi contigerant, obseruatione conscripsit, quorũ exercitiorum usus quantum adiumenti Christianæ Reip. in omnem partem attuletit, satis constat. Nam ut pauca ex multis de illorum usu, atque utilitate dicamus, primo illis ipsis societatis nostræ institutionem acceptam ferre debemus. Omnes enim ferme primos illos Patres, quos instituendæ societatis adiutores, & socios habuit Ignatius, per exercitia ad perfectionis studium, mundiue despicientiam excitauit. Qui postea consecuti sunt, & in societatem iam stabilitam ingressi, uiri uel doctrina, uel ingenio, uel nobilitate, uel alijs naturæ,

C 2 fortunæq;

L I B E R

fortunæq; ornamētis insignes, maxima ex
 parte exercitijs huiusmodi, ad hoc uitæ ge-
 nus complectendum, adducti sunt. Neque
 uero tantum hoc beneficium Religionis
 nostræ solummodo proprium est: sed etiā
 commune cum cæteris, meditandi enim
 huiusmodi ratio Cœnobia multa referit:
 multos religiosos uiros labantes, in susce-
 pto uitæ consilio confirmauit, solutos, ua-
 gosque uinculis disciplinæ seuerioris ad-
 strinxit. Non tamen Religionum spatijs
 eorum fructus circūscribitur: omne enim
 hominum genus, statum, officium, ætatem,
 uitæq; rationem comprehendunt. Nam &
 uiri tum Ecclesiæ, tum Seculi principes, &
 infimi homines, docti, indocti, mariti, cœ-
 libes, iuuenes ætate, ac senes; Deo iam di-
 cati, & omnino liberi in hanc exercitiorū
 meditationem ingressi, multum uel in per-
 ditæ uitæ emendatione, uel in bonæ incre-
 mento progressionis fecerunt, & quod di-
 gnus magis admiratione est, multi uiri e-
 ruditione florentes, & sapientia omnium
 consensione principes, post tot doctrinæ
 suæ laudes docendo, ac disceptando par-
 tas, discipuli Ignatij facti sunt: & ab ea quæ
 inflat,

inflat, scientia ad salutarem sapientiam, cælestemq; traducti. Sed cum eorum utilitas quam latissime pateat, tum in ijs solet elucere potissimum, qui de uitæ genere deligendo consultant, idq; constituere ex diuina uoluntate cupiunt, ne quod plerisque contingit, certo aliquo cursu uiuendi implicetur, priusquam quid rectissimum, sibiq; maxime conducibile sit, iudicare potuerint. Quæ cum ita sint, non tamen iccirco defuerunt aduersarij, qui hanc rem tum ratione, tum perpetua experientia comprobata, eleuare conati sint. Sed in nihilum eorum conatus reciderunt: simul atque apostolica sedes, post magnam exercitiorum discussionem, aduersarijs sese opposuit, & sua auctoritate eorum usum non modo permisit, uerumetiam collaudauit ac suavit, quod ex litteris apostolicis Pauli III. Pont. Max. constat, quas anno 1548. scribi iussit: quibus communitus, Exercitiorum liber postea typis excusis, in lucem editus est.

*In grauem morbum incidit.**Caput I X.*

Um in ea uitæ ratione, quam supra diximus, uersaretur, accidebat illi sæpissime, ubi se noctu quieti dederat, ut illustrationes permagnæ, & spiritales consolationes mirificæ quædam eius animo immitterentur, quæ cum de exiguo & somno destinato tempore multum eriperent, & noctes hominem cogerent fere insomnes traducere, diligētius id animaduertēs, dubitare apud se cœpit, quo ex fonte caderent. Rebus omnibus prudenter discussis, statuit tandem reiectis illis, satius oīno esse, constitutū tēpus somno tribuere.

Ex magis laboribus, & perpetua animi contentione, in morbū adeo grauem incidit, ut mors instare ipsi uideretur. Paranti se ad mortem ea cogitatio subiit, se iustū esse: cui cum summa ui repugnare conaretur, peccata præteritæ uitæ in memoriā usque reuocans, & nihil tamen proficeret, cruciabatur miris modis, sic ut uim morbi intimis

intimis uisceribus grassantem, leuem præ ea molestia duceret, quam ex conatu ad resistendum adhibito, sentiebat. Cum meliuscule paulo habuisset, & ab extremo illo uitæ periculo non nihil recessisse uideretur uociferari palam cœpit, & nonnullos qui officij gratia eo uenerant, compellare, contestariq; ut cum se rursus in extremis labo- rantem cernerent, magnis uocibus clama- rent. O miser peccator, ò infelix, etiam, at- que etiam cogita, quibus te sceleribus ob- strinxeris, quibus uitijs Dei in te iram pro- uocaueris. Vbi aliquantulum conualuit, sta- tim ad consuetas pœnitentias, & eandem uitæ asperitatē rediit, in morbumq; de in- tegro incidit, quod & tertio fecit, cum in- defesso studio, & obfirmato animo se ipsū peruincere, & labores uiribus maiores re- petere, perferreq; adniteretur. Sed tamen experiētia doctus, & stomachi grauissime, eoq; frequenti dolore exagitatus, & rigidi cœli hyemali asperitate cōmotus, piorū ho- minū cōsilijs obtēperare coactus est, & ex pāno admodū crasso, coloris cœsij exiguas duas uestes, & quasi semipileum eiusdem panni, ad se contegendum, accipere.

LIBER

Nauigat Hierosolymam.
Caput X.



Tempus interim appetebat, quo profectionem hierosolymitanam aggredi statuerat. Ergo Barcinonem uersus Manresa discessit, & quidem solus, sic enim peregrinari decreuerat. Quamuis enim essent, qui se illi ultro comites offerrent, quique illum hortarentur, ac urgerent uehementius, ut aliquem uel latine, uel italice sciētem, quasi uiaē ducem, ac sermonis interpretem, sibi ascisceret: nullum tamen admisit, ea maxime ratione adductus, quod spes omnes suas in Deo positas habere cuperet, quod si uiaē socium secum haberet, uerebatur ne praeſtās illa in Deum fiducia, in socium deriuata, minueretur. Neque uero sociorum auxilium excludebat tantum, sed etiam sollicitam uiatici omnis curam, ne quid esse uideretur, quod spem suam infringeret, & animum ad coelestia properantem, in suo cursu redderet tardiores. Erat Barcinonae
 nauis

navis in Italiam parata, a cuius nauarcho ea lege admissus est, si panis nautici, quantum sibi ad victum ea in navigatione opus esset, in nauem inferret: aliter admitti posse negabat. Cœpit igitur de pane illo quærêdo Ignatius agere: sed cum hoc eius proposito repugnare uideretur, simul grauiter angi cœpit, & secum; Hæccine est illa tam stabilis, tam secunda fiducia, nihil a Deo tibi defuturum? numquid ille panem non poterit dare, & parare mēsam peregrino suo? ex quibus spinosis cogitationibus cum exire ipse per se non posset, ad confessarium causas defert in utranque partem dubitandi; quanto, quam incenso perfectionis ardeat desiderio, exponit, idq; pro uiribus, quod Deo gratissimum sit, amplectendi: illi deinde rem totam permittit, cuiusque iudicium secutus, panes in nauim imposuit: sed cum pauculi oboli ex ijs, quos ostiatim emendicarat, ipsi nauim ascensuro superessent, illos in publico iuxta nauium stationem reliquit, nequid amplius uiatici, quã quod necessarium omnino uidebatur, secum ferret. Hoc tempore inanis gloriæ aculeis plurimum extimulabatur, sic, ut neque

Ps. 77

L I B E R

que patriam, neque genus suum retegere
 auderet, multo uero minus, quo iter suum
 dirigeret, ne forte bona hominum de se opi-
 nione intumesceret. Sed redeo ad nauiga-
 tionem in Italiam, qua nauigatione, ma-
 gna, fœdæque tempestate iactatus, quinq;
 dierum spatio Barcinone Caietam appli-
 cuit. Grauis ille, & pestilens annus Italiae
 fuit. sæuiebat enim multis locis pestilentia:
 quapropter summa cautio adhibebatur a
 custodibus oppidorum, ne quis aduena ad-
 mitteretur. Ex quo Romam proficiscens,
 multa in itinere passus est, graua, & per-
 molesta: nam oppidorum ingressu sæpe ar-
 cebatur, & ita erat fame, macieq; debilita-
 tus, ut subsisteret aliquando, & longius pro-
 gredi præ corporis imbecillitate, non pos-
 set. Romam tamen ad diem Dominicum
 palmarum uenit, sacra urbis loca pie obi-
 uit, benedictionemque summi Pontificis
 reuerenter accepit. Cum autem plurimi il-
 lum a profectionis Hierosolymitanæ con-
 silio deterrerent, fierique posse negarent,
 ut absque pecunia eo perueniret, neque ta-
 men infractum eius animum, & in Deo de-
 fixum, longa periculorum enumeratione,
 a sententia

a sententia dimouere potuissent, sex septē-
ue aureis coronatis octauo post Domini-
cę resurrectionis die abeuntem donaue-
runt, quos Ignatius, eorum, quę audierat,
metu uictus, accepit, ut nautis soluendo
esset: sed paulo post, cum a diffidentia, &
humano timore id profectum agnosceret,
& conscientia morderetur, non quasi cul-
pa esset, pecuniam accipere, sed quasi de-
siderio id suo repugnaret, & de proposito,
perfectissimam paupertatem omnibus in
rebus sequendi, remittere aliquid uideretur,
se incusans, & damnans, & de projicien-
da pecunia secum ipse cogitans, decreuit
tandem in obuios pauperes, & mendicos
illam conferre, quod quidem cumulatē
perfecit. In hoc itinere, quod Roma Ve-
netias habuit, multa aspera, & acerba
pertulit: propter grassantis enim pestis
metum, uel in porticibus excubare, uel
pernoctare sub dio cogebatur, & uiatores
exangue m illum, ac luridum intuiti, sum-
maque macie confectum, se in fugam ali-
quando dabant, alij uero, qui se in uia il-
li socios adiunxerant, lentius, præ ui-
rium tenuitate ambulantem, sub no-
ctem

LIBER

Hebr.
13
13
 nem deseruerunt. Sed qui dixit, Non te de-
 seram, neque derelinquam, ille desertum
 inuisit Ignatium, abiectum suscepit, & com-
 plexus est. Namque obtulit se illi nocte,
 postquam relictus est, proxima Christus in
 latissimo quodam campo a Fossa Clodia
 pergenti Patauū, plurimumq; aspectu suo
 recreauit eius animum, & ad grauiora per-
 ferenda roborauit, & ita eius iter direxit,
 ut Patauinae urbis custodiae ingredientem,
 egredientemue illum nihil omnino remo-
 rarentur, aut interpellarent, & aditum Ve-
 netias perfacile haberet: publicis quip-
 pe exploratoribus omnia excutiētib; in-
 tactus ipse solus praetermissus est; cum ta-
 men desertores illi socij laboris multum
 subierint, ut liberum in eam urbem ingres-
 sum inuenirent. Legatum Caroli V. Impe-
 ratoris, ac Hispaniarum Regis conuenire
 nunquam uoluit. De pecunia, qua Hieroso-
 lymam nauigaret, minime laborabat, cer-
 tissima spe nixus, Deum expeditam sibi na-
 uigationem daturum, ut sanctorum loco-
 rum conspectu aliquando frueretur. Atq;
 cum multi multa contra adferrent, & pe-
 regrinorum bona pars, recenti, miserabi-
lique

lique Rhodi expugnatione exterrita, retro
cessisset, eius tamen sensibus insitum erat,
etiamsi una tantum nauicula eo cursū di-
rigeret, se illo anno Hierosolymam peruē-
turum. Venetijs dū moraretur, uetere suo
instituto stipem cogebat: in platea Diui
Marci noctes agebat. sed ex Senatorio or-
dine quidam noctu domi suæ cum esset,
excitari se repente huiusmodi uocibus sen-
sit; Tu ne, inquit, ut mollibus uestitus domi
tuæ sis, seruus meus seminudus in porticu
iaceat? tu in lecto pretioso molliter dor-
mias, ille dura cubet humo? quibus stimu-
lis concitatus Senator, surgit confestim, fo-
ras proruit, per incerta uagatur, humi cu-
bantem offendit Ignatium, domum ea no-
cte perducit, & liberaliter tractat. Deinde,
ne in honore haberetur, ab eo Ignatius di-
scessit, & ad hominem hispanum, eius ro-
gatu, diuertit, Ducem Venetiarum Andreā
Gritum hispanicè allocutus facile impetra-
uit, ut in prætoria naui, qua eius insulæ præ-
fectus trans mittebat, in Cyprum usque gra-
tuito transportaretur. Prætoria porro na-
uis idoneam nauigandi tempestatem ex-
pectabat, cum altera, qua peregrini uehe-
bantur,

LIBER

bantur, e portu prius soluisset. Operientem nauim, & cōscendere parātem, grauissima subito febris illū corripuit: & cum dies aliquot afflixisset, tandē discessit: sed illud in commode cecidit, ut soluendi tempus in eū diem incurreret, quo pharmacū a medico præsriptū sumpserat, qui eo quidē die citra magnum uitæ discrimen, Ignatiū nauem posse ascendere negabat: sed ille sapientioris, diuiniq; medici consilio ductus, eo ipso die, hausto conscendit. Atque ita accidit, ut cum multū maris iactatione euomisset, magnā is dies principio morbi leuationem, deinde etiā sanitatem integrā adferret. Cū autem quorundā flagitia grauius ferret, & magna spiritus, & orationis libertate acrius insectaretur, neque ab alijs uectoribus aliquod ei exitium timentibus, reprimi ullo modo posset, cōsiliū ceperunt nautæ, ut illū in Insula quadā deserta, & uasta exponerent. Sed cum nauis ad destinatū locū pene esset appulsa, subito uehementiq; uento repulsi, perpetrare meditātū facinus nequiuerunt. Itaq; breui Cyprum attigit, naetusq; peregrinorum nauim, in eā transcēdit, nihilo plus uiatīci secum inferens,

ferens, quam in priorē, intulerat, uerissimā
nimirum spem in Deum, qui sæpe Ignatio
toto nauigationis tempore sese ostendit, il-
lumque incredibili consolatione permul-
sit, ac sustentauit, & in portum a se toties tā
uehementer optatum tandem inuexit.

*Hierosolymis loca sancta perlis-
trat. Caput X I.*



Hierosolymā cum primum ue-
nit, admirabilē in ipso sanctæ
ciuitatis aspectu consolatō-
nē percepit, quam constantē,
quandiu in ea urbe fuit, perpetuamq; sem-
per habuit. Deliberatum erat Ignatio Hie-
rosolymis remanere, & sacris locis, qui ex
impresis Christi domini nostri uestigijs
mirā redolent pietatē, religiose colendis,
uisendisque reliquum uitæ traducere, pro-
ximorumq; saluti pro sua uirili, deseruire.
Cuius propositi alterā de māfione partem
(nam alteram de salute animarum curan-
da, nulli hominum aperiebat) Diui Fran-
cisci Hierosolymitani Cænobij præfecto in-
dicauit, & in eā rē cōmendatitias litteras,
quas

L I E B R

quas adferebat, reddidit: ac ne ipsis inopia
 forte laborantibus, oneri esset, nihil se aliud
 uelle dixit, quàm. ut suorum peccatorum
 confessionem audirent. A quo bene spera
 re iussus est, re tamen in aduētum Ministri
 prouincialis reiecta: qui cum paulo post
 rediisset, hortatus est Ignatium, in Italiam
 ut reuerteretur, ne pio quidem, sed præci
 piti consilio deceptus, in ea mortis uel ser
 uitutis pericula incideret, in quæ permulti
 alij simili pietatis specie adducti, incurris
 sent. Sed cum Ignatij animus periculorum
 magnitudine ab incepto deterreri haud
 posset, seque (nisi conscientia forte, aut re
 ligione aliqua impediretur) in sententia
 permansurum omnino præferret; Pro
 uincialis Minister ab apostolica sede pote
 statem se habere dixit, amandandi, aut re
 tinendi, quos amandandos, aut retinendos
 existimaret: sacris præterea interdicens
 eis, qui sibi non obtemperarent: discederet
 proinde, bono ac libenti animo, quando
 quidem facile poterat in animum induce
 re, Dei hanc esse uoluntatem, quam ipse lo
 ci, rerumque naturæ gnarus, amice, frater
 neque declarabat, ne tradita sibi potestate
 contra

contra uoluntatē suam uti cogeretur. Quibus uerbis fidem habuit, consiliumq; Dei alio se uocantis, fecutus, se dicto audientem fore dixit. Cum de reditu cogitaret, magno reuiscendi Montem Oliueti desiderio incēsus (in cuius lapide quodam Christi Saluatoris nostri ascendentis in cœlum, pedum uestigia cernuntur impressa) clanculum se a socijs subduxit, solusque nullo duce, nullo comite, nullo Turca custode (quæ res periculosissima est) in montem aduolauit, & cum ei aliud nihil suppeteret, gladiolum scriptorium, ut admitteretur, custodi pro mercede dedit: atque eximia letitia perfusus, in Berphage properauit: sed statim in Oliueti montem recurrit, ut qua in parte pedis dextri uestigium, qua sinistri esset, diligentius animaduerneret, forficesq; ex theca detractas, ut rursus admitteretur, custodi dedit. Sed redeuntem gaudioq; maxime exultantem Christianus quidam a Franciscanis ad eum perquirendum missus Ignatium inuasit, multa minitans, ac truci uultu frendens, quod se in tantum discrimen obiecisset, brachioq; apprehenso ad Cœnobium usque pertraxit: ipse

D uero

uero facile duci se passus est, magnamq; in eo itinere, atq; singularem a Domino consolationem accepit, cum ita correptus brachio, & impulsus, Christum semper supra se astantem, atq; incedentem, & in Cœnobium usque sibi, ueluti præeuntem aspiceret.

Rewertitur in Hispaniam.

Caput XII.



Osteaquam intellexit, diuinā non esse uoluntatem, ut Hierosolymis remaneret, ad reditum se accinxit, quo in reditu nonnulla illi memoratū digna acciderunt. Erat hyems maxima, rigidum, ac niuosum cœlum, neq; ille uestimenti plus habebat, quam fœmoralia ex crassa quadam tela ad genua usq; demissa, & thoracem ex nigra tela multis a tergo locis incisum; perexiguam uestē, eamq; attritam & uilem. In insula Cypro tres naues reperit quarum prima Turcarum erat, altera locupletis, potentisq; hominis Veneti ingēs, ac ualida, & aduersus maris, uentorumq; impetus

petus satis ut uidebatur armata : in quam
ut Ignatium admitteret, cum peregrini ro-
garent Nauarchum, hominemq; collauda-
rent: Si sanctus est, inquit ille, naui non in-
diget, super undas feratur. Itaq; in tertiam
conscendit, paruam, & iuncturis male coag-
mentatam, eodem die, secundo uento tres
simul e portu soluerunt: sed exorta grauif-
sima tempestate, naus ea, quę Turcas uehe-
bat, una cum uectoribus periit. Veneta sco-
pulo illisa, naufragium, saluis hominibus, fe-
cit: exigua illa, & minime stabilis, in qua
Ignatius erat, agre quidem, sed tamen por-
tum quendam Apulię tenuit: inde Vene-
tias salua peruenit, duobus, & eò amplius
mensibus in ea nauigatione consumptis, in
ea urbe nonnihil recreatur. Quindecim,
sexdecimue nummos argenteos hospitis
cuiusdam sui liberalitate, & ad fouendum
stomachum frigoris ui debilitatum, panni
aliquantulū accipit: inde Hispaniā uersus
discedit. Ferrarię dū orat in tēplo, ab illo
ē mendicus quidā eleemosynā petiit: Igna-
tius benigne dat eius, qui acceperat, admo-
nitu reliqui egeni, qui pro tēpli fori b. & st-
bāt, certatim ad Ignatiū confluūt: quib. ille

D 2

quotquot

LIBER

quotquot habuit nummos, ad unum elargitur: atque e templo exiens, mendicare ipse e uestigio incipit panem, quo eo ipso die uesceretur. Ferraria Genuam profectus est: sed cum bello atroci inter Hispaniarum Galliarumque Reges Gallia Cisalpina omnis arderet, admonitus est, ut de uia deflueret, ne a militibus exceptus pœnas acerbissimas daret, quas multi antea dederant: ipse uero qui Dominum habebat ducem, firma in eum fiducia septus, ire perrexit. Aliquantulum progressus, in militum Hispanorum potestatem uenit, qui exploratorem ex habitu, & specie rati, primo quidem uerbis hominem mulcent: deinde diligenter excutiunt, omnesque partes corporis petulantius etiam perferutantur. Cum eorum nihil, quæ suspicabantur, inuenissent, ueste spoliatum ad Præfectum adducunt. Atque ante id tempus quidem, ut rusticanus, & agrestis haberetur, omnes quos alloquebatur uiros etiam principes, inurbane erat solitus, & contra communem aliorum morem compellare: sed dum ducitur ad Præfectum, noua quadam formidine correptus, dubitare coepit, num expediret suam illam consuetu-

consuetudinem intermittere, & alium lo-
quendi urbaniores modum, & communi
usui propiores usurpare, ac Ducem illum
alloqui, quàm alios solebat, honorificen-
tius: ne ille forte contemptum se putans,
acerba in ipsum supplicia constitueret. Sed
hanc cogitationem ab humano metu pro-
fectam intelligens, ita repulit, ut eam ip-
sam ob causam, nullum plane honorem
Duci habere decerneret: quod & fecit. nã
que ex illo Dux, cujus sit, quærit, ille uero
tacet. Vnde ueniat? file: nomen sciscita-
tur: nihil respondet: denique ad interroga-
tiones varias, multiplicesque fixis in terrã
oculis, animo in cælum, tacitus perseverat.
ad unam illam; Es ne explorator? tantum
inquit, Nō sum: ne iustam iniuriæ causam
dedisse uideretur. Tunc Dux ira percitus,
milites grauíssimis uerbis corripere, stul-
titiã accusare, quod insanum hominem
ad se adduxissent, & simul præcipere, ut eũ
amoueant, & abire permittant. Hic milites
Ducis increpatione irritati, pugnis homi-
nem, & calcibus tundunt, uarijsque contu-
melijs indignum in modum afficiunt. Nar-
rabat ipsemet postea mirabilem quandam

sibuz

D 3

se id

LIBER

se id temporis consolationem accepisse,
 cum eius ignominia ueniret in mentem,
 qua Christus redemptor noster ab Herode,
 & ab eius militibus affectus est. Post hanc
 tamen derisionem, & per ora hominum
 translationem, non defuit militi suo Deus:
 nam Hispanus quidam communi humani-
 tate ductus, ieiunum adhuc, fatigatum-
 que Ignatium, ac pessime acceptum re-
 fecit; qui postridie iter suum prosequens,
 a Gallis speculatoribus ex turri excubias
 agentibus, captus iterum est, ad Ducem-
 que perductus: a quo perhumaniter acce-
 ptus, ac dimissus est: Genuamque per-
 uenit: & inde opera cuiusdam Por-
 tundi hominis Cantabri, sibi
 quodam in Catholici Re-
 gis Ferdinandi curia
 noti, in nauim
 ascendit,
 &
 Barcinonem, non
 absq; periculo,
 renauiga-
 uit.

Studia

*Studia litterarum aggreditur.**Caput XII.*

N Hispaniam eo consilio redijt, ut operam studijs litterarum daret, ad eamque rem, Barcinonem commodam sedem sibi, & maxime opportunam delegerat: nam sacris Hierosolymæ locis exclusus, sese in omnes partes uersare cœpit, & quid ageret, potissimum quærere, quod Deo esset quam gratissimum. Cū omnia secum diligentius reputasset, deniq; statuit, quo proximis eius opera utilior esset, ad spiritus diuini unctionem litterarum quoq; cognitionem adiungere. Quā obrem cum fœmina quadam primaria, & de ipso optime merita, & cum Ludī magistro quodam nomine Ardebolo, uiro probō, & ad omnem pietatē propenso, suū hoc cōsiliū cōmunicauit, quo utriq; probato, altera sumptus, operam suam alter, & industriā est pollicitus. Cœpit igitur gradis iā natu, studia non ætati, sed spiritui suo conuenientia exercere, primaque Grammatices

LIBER

rudimenta deuorare: sed cum neque exilium, spinosarumque rerum subtilitas, neque inusitati studij labor, ulla eius animū molestia afficeret: perturbabat tamen illi illustrationum, quas inter ea ipsa studia percipiebat, tum magnitudo, tum crebritas: nam cum nominum, & uerborum memoria mandare inflexiones uellet, tanta intelligentiarum diuinarum copia in eius animum influebat, ut noui ediscere nihil posset: & si quid antea esset memoriæ traditum, id totum facile efflueret: neque omni studio, animique contentione poterat, aut arcere appropinquantem, aut ingressas huiusmodi cogitationes abigere: cuius rei nouitate percussus quid hoc, inquit, rei, cum oramus, cum confitemur, & supersubstantialem panem accipimus, cum uigilamus, cum nos uerberibus cœdimus, cum spiritalia omnia, ac diuina munera obimus, neque tam frequentes, neque tam magnæ, neque tam uehementes se nobis illustrationes offerunt? cum puerilia agimus, & de Deo propter Deum non cogitamus, tum speciosæ nostræ menti imagines, & Cælestes illustrationes occurrunt. Agnosco, agnosco

sco importunissimi hostis calliditatē: agno-
 sco ueteratoris dolos, & astutia: cuius co-
 natibus ut occurreret, & consilium diabo-
 li se a studijs malitiose auccantis eluderet,
 præceptorem suum, in templum ut ueniat,
 rogat: illi Dæmonis tentamenta narrat: suā
 in duos proximos annos assiduitatem pol-
 licetur, se a lectionibus non absuturum (pa-
 nis modo sibi, & aqua ad uictum suppetat)
 fidem suam obstringit, & simul sese ad pe-
 des abiicit, & ab eo etiam, atque etiam pe-
 tit, ut se pro puero habeat, uerberibus gra-
 uiter accipiat, si ubi minus attentum, aut
 diligentem esse deprehenderit: atque hac
 tā uehementi eius animi contentione Dia-
 boli fraus repulsa est, & pax tum illi diuini-
 tus reddita. In hac studiorum palæstra uer-
 santi pij quidam, ac docti uiri cōsilium de-
 derunt. ut Erasmi Roterodami, qui eo tem-
 pore bonus latinitatis auctor habebatur, li-
 bellum de milite Christiano legeret, ut ser-
 monis elegantiam cum pietate coniunge-
 ret: cuius consilij Confessarius etiam ad re-
 liquos auctor accessit. Quod cū Ignatius
 simpliciter fecisset, obseruauit illius libelli
 lectione refrigescere in se spiritum Dei &
 deuotionis

LIBER

deuotionis sensim ardorē restringui. Quare animaduersa, librum de manibus omnino abiecit, & ita est auersatus, ut nec ipse amplius legerit illius auctoris libros, & passim in societate nostra legi uetuerit. Thomæ de Kempis de imitatione Christi libello plurimum tum utebatur, illiusque lectionem ualde semper probauit. Barcinonem postquam reuertit, ualentiori stomacho fuit, quàm Manresæ fuerat: quocirca pœnitentias propter stomachi imbecillitatem, ac itineris difficultates, intermissas repetere statuit: cœpitque calceorum soleas perforare, & paulatim magis, magisque discindere, sic, ut ineunte hyeme dissolutis iam, ac fractis soleis, plâis omnino nudis, pedibus superne tantum tectis, ad uitandâ ostentationem, incederet. Barcinone duos annos operam Ardebolo diligenter dedit, tantumq; in latinæ linguæ cognitione profecerat, ut præceptori aptus iam ad grauiora studia uideretur: cuius iudicio cum alij nonnulli eruditi uiri assentirentur, illumq; omnes ad philosophiæ studium, capessendum hortarentur: ipse tamen qui ad reliquas disciplinas optima iacere latinitatis fundamenta

fundamenta cupiebat, non prius illorum consilio paruit, quam Doctor quidam, præstantque Theologus, cognito quantum in litteris profecisset, ceterorum sententiam probavit, & ut commodius philosophiæ studijs uacaret, ad complutensem academiam, ut proficisceretur, suavit.

*Compluti in carcerem con-
citur, & absoluitur.*

Cap. XIII.



Complutum ingredienti Marti-
nus Olavius puer occurrit,
elemosynamq; primus om-
niū est impartitus, is qui lōgo
post tēpore, ætate iā cōfirma-

ta, excellenti doctrina, magnaq; auctoritate
præstās, Societate nostrā est ingressus. In eo
oppido ad hospitalē pauperū domū diuer-
tit, ostiatim ex more panem, in uictum, mē-
dicat: id dum aliquando facit, a sacerdote
quodam irridetur: ab alijs etiam otiosis ho-
minibus præteriens, contumelijs afficitur:
sed noui Altorzane nosodochij moderator
id grauitè ferens, Ignatiū ad se uocatum,
in noso-

LIBER

in nosodochium suum perduxit: ibi com-
modiore loco habitus, animum cum ad
logices, ac philosophiæ studium contulit,
tum uero ad pietatem religiose colendam
& proximorum salutem studiosè procuran-
dam. Nam & egenos, fameq; pressos, con-
quisitis undique eleemosynis alere, & exer-
citationibus spiritalibus ad pietatem infor-
mare multos, & Christianæ doctrinæ rudi-
menta, populo rudi explicare aggressus est
tanto, tamq; insigni fructu, ut uniuerſa illa
ciuitas commota post eius ingressum uide-
retur. Quam rem humani generis hostis
non ferens, conceptum in ipsum odium de-
creuit effundere. Erant id temporis Igna-
tio socij tres, qui hominis uita permoti, se-
ſe illi eius uitæ sectatores adiunxerant, eo-
dem habitu, eodem panno uestiti, quibus
quidam Gallus adolescens comes acces-
ſerat. Itaque tum horum societate, tum ho-
minum ad audiendum Ignatium concur-
ſu, cum uero consecuta eximia utilitate ex-
citati multi, multa, ut fit, pro sua quisq; opi-
nionē loquebantur, uariaq; & supra uerita-
tem etiam aucta in utramque partem spar-
gebantur in uulgus. Rem ad inquisitores fi-
dei

dei Toletum rumor pertulit, qui rei nouitate commoti, ut nascenti malo (si quod esset) occurrant, Complutum ueniunt: quid doceat, quid agat Ignatius, quemadmodum uiuat, diligentissime inquirunt. Cum autem omnia ex ordine, tum illius uerba, tum facta, rectæ fidei, pietatiq; consentanea reperissent, ne appellato quidem illo, rem integram Archiepiscopi Vicario, qui tum Ioannes Figueroa erat, relinquunt, ipsi Toletum reuertuntur. Interiectis aliquot diebus, Vicarius Ignatio, socijsque ad se uocatis dixit, inquisitum esse diligenter in eorum uitam, atque mores, totamque inquisitionem, & causam accurate esse perscriptam: nullum tamen errorem in doctrina, nullum in uitæ ratione uitium inueniri: quo circa posse illos pro suo arbitrio agere, citraq; impedimentum ullum in proximorum salutem incumbere: illud tamen sibi haud placere, quod uno omnes uestitu, cum religiosi non essent, uterentur, satius fore, idque se uelle, atque etiam præcipere, ut socij duo nigris uestibus, duo alij ruffis induerentur; Gallus adolescens suum habitum retineret. Ignatius, facturos se quæ iuebantur,

LIBER

iubebatur, respondit: quod & fecerunt. Post paucos item dies Vicarius Ignatium nudis pedibus uetat incedere: ipse uero calceamenta induit, ut erat in huiusmodi rebus, cum præciperentur, facile obsequens. Aliquot menses effluxerant, cum denuo in eius uitam inquitur: sed post magnam inquisitionem, tum etiam relinquitur. Neque tamen ideo quieto esse illi in posterum licuit: etenim in eorum numero, qui multum in pietate Ignatii consilijs profecerant, duæ feminae erant uiduae mater, & filia, nobiles, & honestæ: filia etiam ætate florens, & forma, quæ pio quidem, sed non secundum scientiam desiderio permotæ, primum quidem Ignatio improbante; postea uero etiam nesciente, solæ suis pedibus, & in speciem mendicæ, longam peregrinationem religionis causa susceperant: quæ res Ignatio magnam immerito conflauit inuidiam. Nam ad eum iam extra Xenodochium habitantem, ac nihil tale suspicantem apparitor Vicarij uenit; facile sequentem, in carcerem ducit. Aestiuum tempus tunc erat, carcereq; liberiori utebatur, quocirca frequenter ad eum auditores confluebant, quibus Christianas ipse institutiones

tutiones enucleabat, spiritalesq; exercitationes nihilo, quam antea remissius tradebat. Illustribus nonnullis uiris, atq; foeminis (in ijs Teresa de Cardenas genere, & pietate praestanti) sua ad illum liberandum studia profitentibus, remisit, neq; illorum auctoritatem interponi, neque ullum omnino patronum, aut aduocatum adesse sibi apud iudicem passus est: nam cum nullius sibi conscius esset culpae, defensionem necessariam non putabat; & simul optabat multa pro Christo subire incommoda, & ab ecclesiasticis magistratibus dirigi, quibus obedientem semper se, ac facilem praebuit. Unus ex socijs Segobiae id temporis erat, nondum plane ex graui morbo confirmatus: qui cum in uincula coniectum Ignatium accepisset, propere Cōplutū uenit; in eundē se carcerē ultro includit; Ignatij monitu Vicario se sistit: illius iussu ī carcerē reducitur: sed paulo post Ignatij cura eximit, de imbecilla illius uoletudine magis, q̄ de sua incolumitate solliciti. Duodeuigesimū iā diē in carcere Ignatius agebat, cū nihil ipse uel sciret, uel cōiectura assequi posset, quāobrē eēt in custodiā a iudicib. traditus.

Tunc

LIBER

Tunc Figueroa in carcerem ad eum uenit, multa de homine sciscitatur, inter alia, easne, quas dixi, matrem, ac filiam nosset? annuit Ignatius; tum Vicarius. Ecquid illis protectionis auctor, aut conscius, antequam abiret, fuisti? Nihil certe minus: immo hoc tibi affirmo, percurrationes eiusmodi in uniuersum illis dissuasisse me, ne filia ea ætate, ac forma in cuiusquam petulanriam incurreret: posse illas intra domesticos parietes, non minus pietati uacare, quam foris, & quidem tutius, ac liberius. Cui iudex arridens: Atqui isthæc ipsa, inquit, est causa, cur comprehensus sis. Duo, & quadraginta dies abierant ab eo die, quo in carcerem primum missus est: tum reuersis iam mulieribus, & interrogatis, publicus Vicarij scriba Ignatium conuenit: iudicis sententiam legit: ea sententia tria continebantur: primum, Ignatium, sociosque prorsus integros, atque innocentes uideri: alterum, ut idem habitus illis, qui reliquis scholasticis, idemque uestitus esset: postremum, ut quoniã essent in sacris litteris rudes (quod consulto ipsemet non obscure præferebat Ignatius) ne ad populum de sacrosan-

ctis

His Christianæ religionis arcanis, ad quatuor proximos annos, loquebatur, quibus quidem cognitionem rerum maiorem sibi parauissent: qua sententia audita, respondit iudici, ex ea parte, quæ ad uestitum pertinebat, Ignatius: cum nos iussistis uestes nostras inficere, non grauate obtemperauimus, quia facile erat eidem panno alium colorem inducere: nunc uero, cum pretiosum habitum, & minime egenis conuenientem imperatis, obedire non possumus: neque enim id præstare in nostra est potestate. Itaque iudex uestes illis, pileos, cæteraque scholasticorum more emi a se iussit. Sed Ignatius post sententiam non nihil hæsitauit, quod cursum suum impediri, adiutumque sibi ad salutem proximorum intercludi cerneret. Itaque statuit ad Toletanum Archiepiscopum Fonsecam Pintia commorantem, se conferre, eiusque iudicio stare, ad quem eum in modum, quem diximus, indutus cum socijs discessit. Illū benigne exceptū Archiepiscopus fuit, & sua sponte ad Salmanticam academiam propēsū uiatico iuuit, suāq; & suorū operā atq; oē genus officij humanissime detulit.

E Salmantica

LIBER

*Salmantica rursus comprehen-
ditur, & liberatur.*

Cap. XV.



Salmantica cœpit, ut consue-
uerat, populi animos ad Chri-
sti imitationem acuere. Ex
more sæpius cōfitebatur pio
cuidam, & Religioso ex Do-
minicana familia uiro, qui in doctissimo
illo Diui Stephani Conuentu commoraba-
tur. Haud ita multo post quam Salmantica
uenit, Cōfessarius Ignatio significat, sui Cœ-
nobij fratres, magno ipsum alloquendi, au-
diendique desiderio teneri: cum se præsto
esse respondisset, ad prandium in diem Do-
minicum inuitat, simulque ut sese præmu-
niret, præmonet, uelle illos multa de ipso
sciscitari, multa cognoscere. Ad conditum
diem Ignatius cum socio uenit, pransi, in
facellum ipsi, Confessarius, fratres præterea
duo cōueniunt, quorum alter Cœnobium
pro Priore gubernabat, is blāde Ignatium
intuitus, ac beneuole; Gaude o, inquit, cum
tam

tam multa de tua uirtute, ac moribus passim prædicari audio, te quæ eum esse, qui non tibi solum, sed aliorum etiã salutis seruias, & apostolicum in morem circumiens, populos doceas: neque hoc præcipuum mihi, sed commune etiam cum reliquis nostris gaudium est, quod quo solidius gaudeamus, cupimus his de rebus sigillatim aliqua ex te sane audire, in primis quæ in quod studij genere euigilaueris, quibus in litteris uersatus sis? cû simpliciter, cãdideque id quod erat, Ignatius respõdisset, quid est, ergo, inquit, quod tã tenui doctrina præditi, ac primis uix litteris imbuti, cõcionamini? Nos uero, Ignatius inquit, nō cõcionamur, sed interdū cū res fert, de diuinis reb. familiariter loquimur. Et ille, de quibus nã inquit, diuinis rebus? hoc. n. est, quod maxime scire auemus. Tū Ignatius, Nos aliquãdo, Pater, de uirtutis dignitate, atque excellẽtia, interdū de seditate, ac turpitudine uitiorū loquimur: eos, qui nos audiūt, ad uirtutes hortamur, a uitijs abducimus. Vos, Prioris Vicarius inquit, indocti estis, ut uos ipsi profitemini, de uirtutib. tamẽ, & uitijs sermonem habetis, atqui de his quidem uerba recte

E a facere,

LIBER

facere, nemo sane potest, nisi aut doctrina labore parta, aut diuinitus infusa: id uobis doctrina non præstat, spiritus ergo sanctus: atque hoc est de Spiritu sancto, quod scire cupimus. Hic aliquantisper Ignatius hæsit, nouo illo genere argumentandi commotus. Post aliquantulum uero silentium, cum se collegisset, sit, inquit, satis, nihil enim est opus, ut ultra progrediamur. Cum uerbo de Spiritu sancto Vicarius premeret, & uehementer ad respondendum Ignatium urgeret, elicere ab ipso illud tantum potuit. Ego pater, nihil quidem amplius dicam, nisi id forte iubeant, qui superiores sint, & mecum agere suo iure possint. Cum tot mundum, Vicarius inquit, errores infestet, tot nouæ pestes quotidie existant, quæ doceas explicare non uis? atqui facile efficiemus, omnia ut dicas, hic inquit, manetote. Remanent Ignatius, & socius in Sacello: illi festinanter abeunt: omnes Cœnobij fores occludi iubent, in cubiculum homines abducunt: tres ipsos dies eos retinent in Cœnobio: qui quidem dies Ignatio fuere lætissimi: cum monachis cibum una capiebant: ubi Ignatius erat, eo multi ex ipsis ad illum

illum audiendum uentitabant: cubiculum fere semper erat auditoribus refertū, quibus ipse audacter, palamq; de diuinis rebus ex more loquebatur, multisque suum institutum, ac docendi rationem probabat. Quocirca dissensio quodammodo inter illos facta est, cum alij probarent, alij uero improbarent eius doctrinam. Interea religiosi patres, Ignatij de diuinis rebus loquendi ui, ac libertate, hominum ad eum concursu, rumore denique ipso (qui aliquid ueritati semper affingit) commoti, ne quid forte mali subesset, rem deferunt ad Episcopi vicarium: cuius apparitor post triduum in Cœnobium uenit: Ignatium, sociumque comprehendit: in carcerem contrudit, non quidem in inferiorem cum facinorosis hominibus, sed in superiorem quendam a communi habitatione seiunctum, male materiatus, peruetustus, repletum sordibus, fœtore tetrum, atque eadem cathena duodecim, tredecimue palmorum longitudine, altero utrunque pede colligat, atque ita constringit, ut alter alteri semper adesse cogeretur: in hunc modū noctem illam peruigiles, orantesque traducunt.

LIBER

ducūt. Postridie ubi rescitum est, eos in custodia esse, lectorū stragula, cibos, reliqua uitæ necessaria abunde suppeditarunt pij uiri, quorum magnus numerus audiendi causa ad Ignatium concurrebat. Ille uero morem suum illum retinebat, uirtutes ornandi, accusandi uitia, excitandi omnes ad humanarum rerum despicientiam. Baccalaureus quidam Frias Episcopi Vicarius, ad eos in carcerem uenit, utrumque separatim interrogat, illi Ignatius scripta sua, hoc est, exercitationum spiritualium librum ad examinandum tradit: duos (præter eum qui secum erat) socios sibi esse monet: locum, ubi sint, indicat: socij illi, Vicarij iussu, in inferiorem carcerem detruduntur, ubi reliquæ custodiæ asseruabātur, quo ab Ignatio, parietibusque disiuncti essent. In hac item iactatione, & oblata sibi tempestate, nullum innocentiae suæ defensorem adhibuit. Præterierant aliquot iam dies, cum ad iudices quattuor, uiros eruditos, & graues, Ignatius adducitur: in ijs tres Doctores fuerunt, Isidorus, Parauigna, Frias, quartus, is qui est a me nominatus Baccalaureus Frias, quem pro Episcopo fuisse iam

iam diximus. Hi omnes traditum exercitationum librum legerant, & curiosius etiam expenderant. Productum ad se Ignatium multa rogant, multa non modo de libro illo, sed de abstrusis, reconditisque theologiæ quæstionibus, de inexplicabilibus sanctissimæ Trinitatis, incarnationis, atque Eucharistiæ mysterijs, & id genus alia percunctantur. Ad quæ Ignatius (se ineruditum modeste præfatus) tam docte, grauterque respondit, ut magis admirationi esset, quam reprehensioni locus. Deinde Episcopi Vicarius quæstionem ex iure canonico petitam, enodandam Ignatio proposuit: quam ille (cum se prius ignorare Doctorum de ea re sententias dixisset) ita dissoluit, ut scopum ipsum attingeret. Denique iussus est, primum Decalogi præceptum, ut populis solebat, exponere: ille uero tam multa, tam exquisita in eam rem differuit, ut omnem illi ultra interrogandi cupiditatem abijcerent. Vnum erat, quod iudices non satis probare uidebantur: quod initio fere exercitationum spirituum positum, eam doctrinam continet,

LIBER

qua docemur, cogitationem, quæ peccatū ueniale sit, ab ea cogitatione, quæ sit mortifera, uere secernere: idque uitio propterea uertebant Ignatio, quod cum minus esset doctrina excultus, ea constitueret, quæ discerni absque magna doctrina non possunt. Ad quod Ignatius tantum, Verane sint an falsa, quæ scripsi, uestri iudicij est, (ego enim meum non interpono) si uera sunt, probate; si falsa, reijcite. Illi tamen nullo modo improbare ausi sunt. Multi, ut supra diximus, ad Ignatium uisendi, audiendiq; gratia, conueniebant: ex quorum numero quidam nobilitate præstans, uicem illius dolens, ab eo familiariter aliquando quæsiuit, dolenter ne ferret carcerem illum, ac uincula? cui Ignatius; An tantum malum tibi uidetur carcer esse? at uero non tam multæ Salmanticæ compedes sunt, non tot catenæ, quin ego plures pro Christo cupiam. Dum in custodia, Ignatij socij tenebantur, accidit, ut reliqui uincti, præterquā illi, aperto carcere fuga omnes euaderent, qui postero die mane, soli patentibus foribus reperti sunt. Idque tum apud iudices, tum apud populum multum admirationis habuit.

habuit: quocirca e carcere emissi sunt, & in amplam domum traducti: secundo, & uicesimo die, ex quo capti fuerant, accersiti sunt a iudicibus, ut sententiā, quæ in eos ferebatur, audirent. Huius sententiæ summa erat, Vitam, atque doctrinam Ignatii, sociorumq; integram, nullaq; omnino labe aspersam uideri, liberum illis esse, pro sua consuetudine, populum docere, deque omnibus rebus diuinis colloqui: illud unū cauerent, ne, quid mortale peccatum, quid ueniale esset, definirēt, nisi quattuor adhuc annos in litterarū studio posuissent. Quā sententiam tandiu seruaturū se dixit Ignatius, quandiu in illorum iurisdictione, ac potestate esset, neque enim esse æquum, ut nullo uitio in uita deprehenso, nullo errore in doctrina, ianuam sibi ad animarum utilitatem obstruerent, ac loquendi libere facultatem eriperent, se sui iuris esse, suæq; uitæ rationibus consulturum.

LIBER

*In Parisiensem Academiam
studiorum causa conten-
dit. Cap. XVI.*




X quo primum Ignatius ani-
mum ad studia contulit, ma-
gna deliberatione sollicitari
cœpit, utrumne, decurso stu-
diorum curriculo, Religionē
aliquam ingredi; an liber, atque expeditus
ad salutem animarum uagari, aliosque sibi
eiusdem propositi socios deberet adiunge-
re: quæ sane consultatio ualde eius animū
sollicitum habuit. Quod si Religio com-
plectenda esset, ea demum sequenda uide-
batur, quæ labefactata esset, ac plane disso-
luta, in qua uidelicet multa pati, multa ab
hominibus seueriorem disciplinam recu-
santibus, perferre cogeretur. Sed in hac de-
liberatione multo in eam partem eius ani-
mus erat propēsior, ut socios cogeret, quo
liberius, pleniusque omnes suas curas com-
modis proximorum consecraret, quæ sen-
tentia, quia melior, uicit. Itaque hunc ani-
mum etiam tunc habuit, cum ferrea illa ca-
thēna

thena deuinctus erat, ex qua simulatque expeditus fuit, Salmanticaq; tantum impedimentum obijci suis consilijs uidit, alio sibi emigrandum existimauit, quod & fecit multis optimis, atque clarissimis uiris repugnantibus, molesteq; eius discessum ferentibus. Re igitur cum socijs communicata, & composita, solus a sellum libris onustum agēs, in uiam se Barcinonem uersus dedit, quo ubi peruenit, omnes eius necessarij, ac familiares cognito eius animo, uehementer profectionem illi parisiensem dissuasērunt. Erat summa hyems, bellum inter Hispanos, Gallosq; ingens, & sæuum, iter infestum, ac periculosum, multa crudelitatis exempla, eaque recens, ac hostiliter a militibus in uiatores exprompta, proferebantur. Atque hæc omnia constantem Ignatij animum, ac diuino concitatum impulsu, retardare nō potuerunt. Quapropter uia se commisit, Deoque duce ita pedibus iter illud confecit, ut mense Februario ineunte, anni millesimi quingentesimi uigesimi octauo, Lutetiam Parisiorum sanus, incolumisque perueniret.

VITAE

VITAE IGNATII
LOIOLAE
LIBER SECVNDVS.



STVDIORVM ILLIVS
LABOR, ET
fructus.

Caput primum.



INGRESSVS Lutetiam
Ignatius, cogitationes suas
eò potissimum contulit,
ut rationem aliquam in-
ueniret, quò eorum, quæ
ad uitam necessaria sunt,
cura liberatus; in studijs ingenuarum ar-
tium sedulo uersaretur. Quæ res secus lon-
ge accidit, magnam enim in illa studiorum
tractatione, molestiam & difficultatem su-
stinuit. Principio, quandam pecuniæ sum-
mam,

nam, dono sibi ex Hispania missam, accepit, eamq; contubernali cuidam suo seruādam tradidit, in usus ille suos commodūq; conuertit. Soluendo postea non fuit, itaque Ignatio perijt, qui in eas angustias adductus est, ut in hospitem diui Iacobi domum diuertere, & ostiatim quæritare uictum quotidie cogeretur. Quod tametsi usitatum ipsi erat, & per se iocundum: multum tamen impeditenti studiorum progressibus adferebat. Iam illud permolestum, quod a gymnasio, ubi discebat, tam procul aberat. Nam cum explicationes a præceptoribus hyeme ante lucem haberentur, in noctem producerentur uespertinæ, ipse cum sole domo exire (ut Xenodochij leges seruaret) cum sole redire cgebatur. Cum igitur inchoata studia minime sibi ex sententia procederent, magnoq; labore exiguum fructum caperet, eam tandem rationem excogitauit, ut herum sibi aliquem quæreret, eruditum in primis uirum, cui ipse deseruiret, ut quod a domesticis ministerijs daretur temporis, id totum in litterarum meditatione consumeret. Quem si inuenisset, statuerat illum Christi loco habere
re, in

re, in condiscipulis uero Apostolos ipsos cernere, & Christum ipsum sibi, sanctissimumq; discipulorum illius cetum, pia cogitatione repræsentare. Quæ eius cœlestis ueluti pictura quædam, & conformatio in communi uitæ consuetudine, & religiosa fratrum inter se communicatione, magnopere a patre nostro commendabatur, utpote quæ ad retinendam in superiores, obseruantiam fraternam erga pares caritatem, ualeret plurimum. Herum, magna diligentia multorum conquistum, inuenire non potuit. Quare ubi hæc non successit, aliam uiam commodiorem iniuit. Consilium religiosi cuiusdam uiri post orationem sequutus. In Belgas annis singulis ire constituit, ut ab Hispanis mercatoribus, hominibus copiosis, qui in illa prouincia negociabantur, aliquid pecuniæ in sumptus corrogaret, & paucorum dierum iactura, studiorum omnium perturbationem redimeret. Hac uia tantum quotannis mercatorum liberalitate, pecuniæ referebat; quantum ad uitam sufficeret frugaliter sustentandam. Aliquando etiam in Angliam excurrit. Atque hunc

hunc in modum Ignatius uitam tolerabat. Sed non inopiæ solum incommodis, illius affecta studia sunt, alia etiam extiterunt impedimenta. Nam Diabolus, qui sibi ab Ignatio timebat uehementer, incitatum illius in litterarum studia cursum, auertere moliebatur. Quãobrem philosophiæ curriculum ingrediendi, eadem illi impedimenta ex conceptuum spiritalium importuna copia intulit, quæ Barcinone obiecerat in rudimentis Grammatices uersanti. Sed fallaces illas imagines facile depulit, & callidi hostis impetum eadem ratione, qua superiorem illum, refutauit, ac fregit. Morbis etiam sub studiorum finem, grauissime est conflictatus. Nam etsi initio aliquanto melius illi a stomacho fuit: postea tamen uoluntaria corporis uexatio, & pœnæ (quas aliqua ex parte uel remissas, auxit, uel interdum etiam intermissas, Lutetiæ reuocauit) studiorum labor; animi grauis, ac perpetua contentio; cœlum ipsum Parisiense ipsè insalubre, & aduersum; ita Ignatium afflixerunt, ut quò perditæ ualeitudini parceret, studiorum cursum interrumpere cogeretur.

LIBER

re cogeretur. Atque his tamen tot incommodis oppressus, tantum in litteris profecit, ut fructus minime pœnitendus uideretur. In Hispania, quorundam consilio inductus, & animas citius iuuandi desiderio quodam incitatus, minus explicatas studiorum suorum rationes habuit. Nam & logicæ, & philosophiæ, Theologiæq; studia uno tempore complexus est, quæ præpropera festinatio magnam illi morā intulit: Quapropter ut tarditate cursum corrigeret, Lutetiæ primum in Montis Acuti gymnasio, se bonis latinitatis præceptoribus reformadum tradidit: in eoq; studio biennium fere consumpsit: deinde satis iam latina lingua proutus, philosophiæ cursum, anno 1529. est ingressus: quē foeliciter sane confecit. Quare lauream magistralem est adeptus, cum se uere de eius scientia periculum esset factum, lapideo (ut uulgo uocant) examine, quod omnium in illa academia, solet esse grauissimum. Id, magistro suo auctore, nō ad futilem ostentationem Ignatius, sed ad eruditionis testimonium fieri permisit. Spatio philosophiæ emenso, reliquum tempus, ad annum trigesimum quintum exeuntem,

tem, sacrae Theologiae tribuit, parq; suscepto labori fructus Dei benignitate, respondit. Illud sanè, quoniam res admonet, silentio non præteribo. Ex his tot tantisq; difficultatibus, quibus Ignatii studia implicata fuere, eam curam natam esse, quam de nobis prouidus pater suscipiebat. Pressus est magna ipse inopia: at uero cupiebat, diligenterq; curabat, ut dum in studijs litterarum uersarentur, ita nostrorum necessitatibus esset prouisum, ut absque ulla uictus quærendi sollicitudine uiuerent. Aiebat enim in summa mendicitate, sapientiae studium haud facile posse consistere, atq; animi cultum, anxia illa cura alendi corporis, impediri. Ex quo his nostram societatem institutis temperauit, ut Collegijs nostris communiter habere ea bona liceret, quæ paupertati nullo detrimento, scientiae comparandæ magno essent adiumento. Vexatus est ille cælestium rerum haud opportunis imaginibus: ne uerò istiusmodi rebus ab exercitijs auocarentur litterarijs, uoluit studiorum tempore, & meditationes, & ipsas proximum iuuandi occupationes nostris esse moderatas. Debilita-

F runt

runt eum morbi, & idcirco filiorum suorum ualetudini, diligentissime dum uixit, per se consuluit, & ut idem semper fieret, essentq; scholasticorum nostrorū conatus ex intermissione diuturni, in constitutionibus prouidit. Perturbate initio disciplinas multas uno tempore complexus est. Quod ne nobis eueniret sapienter cavit, ut nostrorum studia, nihil haberēt aut præposterum, aut mutilum, & concisum: sed recte omnia, atque ordine fierent: in eo
 Heb.2 enim, in quo passus est ipse, & tentatus, didicite eis, qui tentantur, auxiliari.

*Ex caritatis officijs in inuidiā
 uocatur. Caput II.*



Tudiorum tempore non studijs solum dabat operam, sed etiam commouendis uitæ exemplo, scholasticorum animis, & cōsilio, monitisq; ad Christum adducendis. Nam & antequā ad philosophiæ studium aggrediretur, nōnullos honestos iuuenes ingenio, & doctri
 na

na præstantes, ita inflammavit, ut cōtinuo rebus omnibus se abdicarent, in ipso aut philosophiæ cursu, ab hac iuuādi alios occupatione, quasi minus propria, & studiis apta fere abstinebat: cursu uero peracto, optimos quosque, & ad cultum cœlestis doctrinæ appositissimos adolescentes ita ad hanc perfectionis disciplinam incitauit, ut in eius ex Lutetia discessu, plurimi eius familiares, rebus omnibus nuntiū remitterent, & in sacre Religionis portū sese conferrent. Nempe usque eo diuini amoris ardore incensus erat Ignatij animus, ut quocunque accederet, quo ipse ardebat igne, hominum mentes facile accenderet, semper tamen uirtutis illius comes erat inuidia. Ex quo magnæ Lutetiæ tempestates in illum sunt concitatae. Nam cum Ignatij opera, Hispani quidam eam morum, uitæque mutationem fecissent, ut omnia bona sua pauperibus largirentur; stipem ipsi ostiatim rogarent, & suis domibus relictis, in diui Iacobi hospitali domo diuersarentur, eius rei fama sensim spargi primum cœpta est; deinde hominum sermonibus

LIBER

ita percrebruit, ut omnem academiam Parisiensem peruaderet, & uarijs in utramque partem opinionibus oppleret. Hispani quidem certè nonnulli, homines nobiles, & cum hisce Ignatij iam tum discipulis, amicitia, necessitudineque coniuncti, hoc factum illorum molestissime tulerunt: quãobrem ad eos celeriter ueniunt; homines, domum suam ut redeant, hortantur, contendunt precibus; urgent minis; omnia miscent: persuadere tamen non possunt. Tum uero ira perciti, armati multi, homines ui abstrahunt; in eam oppidi partem, in qua Academia est, pertrahunt; id tandem extorquent, suis ut studijs finem imponant; animo suo deinceps obsequantur. Cum autem eiusmodi consiliorum auctor Ignatius haberetur, in summa offensione apud multos erat, in ijs Petrus Ortizius, eruditionis laude florens, rei nouitate fortasse permotus est, ut eius doctrinam, de qua tam multa in utramque partem iactari audiebat, examinandam, interiusque etiam perspiciendam curaret. Itaque accusatus est apud fidei Inquisitorem Ignatius, quod simulatque ille intellexit, nulla mora interposita,

interposita, ultro ipsi iudici se sistit, is tum erat eruditus quidam, grauisque doctor Matthæus Ori, ex Dominicana familia theologus: huic Ignatius, quid audierit, narrat, se, siue uerum id sit, siue quid ipse aliud uelit, præsto esse, ut sui rationem reddat. Iudex tranquillo animo hominem esse iubet, eius quidem nomen ad se delatum, nihil tamen sibi uideri cur timeat. Alias item, cum, studijs iam confectis, iter illi instaret in Hispaniam necessarium, renuntiatum est Ignatio, inquisitum criminose in eius uitam esse, rem ad fidei Inquisitorem delatam: quod ille audiens, nihil sibi cunctandum ratus, iudicem ipsum cōuenit: illud etiam, atque etiam orat, causam uti cognoscat, proq; ueritate sententiam ferat, se quidem non esse iam solum, sed habere socios, de quorum fama, atque existimatione laboret: non esse integrum sibi, rem tantam negligere, & proficiscentem in Hispaniam, falsos, inanesque rumores, de se dissipatos, relinquere. Negat iudex crimē ullum in accusatione esse, quod Ignatio sit extimescendum: uana quædam, atque inania hominum uel errore, uel im-

probitate iactata, contineri ait, quæ quòd
 falsa ipsemet intelligeret, se ne Ignatium
 quidem appellasse: cupere tamen se exer-
 citationum spiritualium eius librum lege-
 re: quem cum legisset, ita probavit, ut
 eius describendi peteret sibi fieri potesta-
 tem. De causa tamen iudicanda, cum
 aut procrastinare Ignatio, aut dissimula-
 re uideretur, ne ueritas mendacij tene-
 bris demersa iaceret, publicum scribam
 ad iudicem adducit: testes uocari iu-
 bet: postulat suæ innocentiae testimo-
 nium: quod iudex ueritati de-
 dit: in tabulas scriba retu-
 lit: Ignatius scriptum
 accepit, ut con-
 tra falsi
 cri-
 minis infamiam, si quã do-
 opus esset, hac uide-
 licet testifica-
 tione ute-
 retur.

Virgarum

*Virgarum periculo liberatur.**Caput III.*

X suorum condiscipulorum numero Ignatius multis persuasit, ut familiaritates uoluptatum potius illecebra, quàm coniunctione studiorum, atque uirtutis conciliatas, dirimerent, diebus festis pietati sedulo, ac religioni uacarent, & confessionis, atque Eucharistiæ sacramenta rite susciperent. Quapropter accidebat, ut a constitutis litterarum scholis, interdum per illos dies abessent. Quod Ignatij præceptor moleste ferens, & discipulos dilabi; se deferi, aliter, quam par erat, interpretatus, Ignatium monuit, sua ut curaret; aliena relinqueret, discipulos suos in nullam fraudem deduceret; nisi sibi fraudi esse, ac uim suam experiri uellet. Ignatius uero, ne tertio quidem admonitus, a proposito desistit. Magister igitur, cum Iacobo Goueano (qui gymnasium præsidebat) re communicata, minas

LIBER

illius nomine, iactare cœpit, ac uerberum terrorem intentare: sed nihil minis Ignatius commotus est. Quare Goueano moderatori magister, unum Ignatium esse dicit, qui inani nescio qua simulatione sanctitatis optimum illius gymnasij statum, ac disciplinam peruertat, se non semel, atque iterum commonuisse hominem, minas precibus miscuisse: usque adeo tamen aduersus omnia obduruisse, ut neque illius, neque suam auctoritatem ueritus, tantillum de pertinaci sententia decederet. His dictis, irritatum iam tum Goueanum propter Hispanum quendam, Amatorem nomine, qui suo gymnasio relicto, nudus nudum Christum fuerat auctore Ignatio secutus, & sua sponte satis incensum, ardētius etiam Ignatij magister inflammauit, ut de illo, quasi de communis otij perturbatore, poenas sumere decerneret. Iubet igitur, ubi primum Ignatius uenerit, obserari gymnasij fores; signum dari, hominē corripī, uirgas expediri. Quæ res cū emanasset, & ad amicorum Ignatij aures esset prolata, admonitus ab illis est, sibi ut caueret. Ipse uero expletus gaudio, præclaram

ram occasionem de se triumphandi, præmittendam non putauit, in illud ipsum gymnasium, ubi cruciatus sibi, atque ignominia parabatur, pedes conuertit. Hic caro Ignatij metu exalbescere, trepidare, detrectare imperium. Sed ille, ita ne aduersus stimulum calces? Ego te, inquit, asine, litteras docebo: & simul propere gymnasiū ingreditur. Occluduntur ianuæ, ad uerberandum signum datur, uirgis præceptores armantur, in cænationem discipuli omnes conueniunt. Tum uero duæ res inter se quidem contrariæ, eodem tamen spectantes, agitare Ignatij animum cœperunt, & uarias in partes distrahere. Nam Dei caritas, summum pro Christo patiendi, ferendiq; ignominiam desiderium, in eam partem illum impellebat, ut sese uerberibus, & paratæ infamiæ ultro obijceret; ex altera porro parte, proximorum amor urgebat, & inclinatum iam animum suo pondere illa reuocabant; Quid illis fiet, qui nunc primum Dei uiam sunt ingressi? quam multi ab instituta uita desciscent? illorumne ego iacturam in meo lucro ponam? Quam turpe præterea est, atque nomine Christiano

stiano indignum, Christianum hominem in Christianorum conuentu uirgis cœdi, quod Christum sequatur? quod alios ad Christum adducat? Haud ita: sed Dei amor Dei amorem uincat, quò uictus ille, uincat, atque exardescat magis; mea utilitas fratrum utilitati cedat: desiderio nunc quidem patiendi, & uoluntate; re, ubi sine detrimento alicuius fiat, Deo seruiamus. Hæc secum, & simul ad Goueanum moderatorem in cubiculo adhuc commorantem, adit: facti sui consilium exponit: sibi quidem, nihil accidere in uita posse iocundius, quam uerba pro Christo experiri, qui carcerem etiam, & uincula expertus esset: se tamen pusillorum imbecillitati timere, illorum, non sui rationem ducere. Quid multa? prehensa manu Goueanus, ad cœnationem Ignatium adducit, hic repente se, omnibus inspectantibus, illi ad pedes abijcit: lacrymis ueniam petit: se nimis credulum; illum uirum sanctum clamat, qui non intentati cruciatus terrore, sed Dei tantum honore tangatur.

Quos

Quos socios sibi asciuerit.

Caput IIII.



Um primum ad studia litterarum animum adiecit, eo semper inclinavit Ignatius, ut aliquos commilitones, cōfiliorumque suorum socios, sibi aggregaret. Ex quo iam inde ab eo tempore, quo in Hispania tam uarie est, grauiusque exagitatus, comites illos habuit, qui se in illius societatem dederant, quæ tamen recens conglutinata, Ignatij disunctione, & ab Hispania discessu facile diuulsa est. Nam cum Ignatius Lutetiæ, tot angustijs premeretur; eos de rerum suarum statu certiores fecit, ex quo facile intelligerent, quàm exigua spes Lutetiæ ipsos alendi, ostenderetur. Quamobrem alius alio dilapsi sunt. Cum igitur ad philosophiæ studia Lutetiæ animum Ignatius ap- pulit, Petrus Faber Franciscusque Xa- uier, in collegio diuæ Barbaræ, non modo studiorum, uerumetiam eiusdem cubiculi

LIBER

cubiculi socij erant, cursumque philosophiæ iam fere peregerant. In idem contubernium, uitæque societatem admissus Ignatius est, qui iuvenes illos indole, ac doctrina excellentes, deuincire paulatim sibi officijs cœpit. Fabrum in primis sibi maxime obstrinxit, cuius opera in auditis lectionibus repetendis multum utebatur. Ex quo factus est eius in Aristotelica, atque naturali doctrina discipulus; in spiritali, ac diuina, magister: breuique hominem ita uitæ admiratione permouit, ut sua studia cum Ignatij studijs, uoluntatem cum uoluntate coniungeret. Neque tamen subito in illo demerendo, uim omnem suam Ignatius profudit: sed paulatim, pedetentimque progressus est. Namque illum docuit, primum conscientiam suam quotidie examinare: tum, totius uitæ crimina, generali confessione eluere: deinde, octauo quoque die, sacratissimam Eucharistiam percipere. Denique cum quattuor iam annos in hac uiuendi ratione consumpsisset, eiusque rei maturitas esse uideretur, magno Deo seruiendi desiderio flagrantem Fabrum, exercitationibus spiritalibus perpoliuit. Qui
tantum

tantum ex illis fructus cepit, ut tum demū se respirasse, atque ex magna antea actæ uitæ iactatione, conquieuisse diceret. Ante exercitationes enim illas, ipsemet Faber scribit, nullam sibi pacem fuisse. Quibus adductus, ad Ignatium sese totum contulit. Franciscus Xauier etsi consuetudine familiaris, animo tamen in principio alienior fuit: sed ipse tandem uim spiritus loquentis in Ignatio sustinere minime potuit. Iacobus Laines adolescens, confecto philosophiæ cursu, Luteriam ex Complutēsi Academia, cum Alfonso Salmerone, item adolescentulo, uenerat, tum studendi, tum etiā Ignatij inquirendi, uidendi quæ causa: quæ uitæ integritate, ac parsimonia plurimum iam tum Compluti, hominum sermone celebrari audierat: in eumque ipsum primū omnium Lutetiæ incidit, est quæ illi haud multo post familiaritate adiunctus: & eodem tempore, quo Petrus Faber, una etiā cum Salmerone, exercitationibus spiritalibus eruditus. Atque in hunc modum additi etiam Ignatio sunt Simon Rodericus, & Nicolaus Bobadilla. Qui omnes numero septem, confecto philosophiæ cursu, Laureaq;

L I B E R

Laureaꝑ; magistrali insigniti, anno 1534. die Assumptioni beatæ Mariæ Virginis sacro, ad ædem beatæ Mariæ, quæ Mons Martyrum uulgo dicitur, & ab urbe Lutetia nō procul abest, una omnes conuenerunt. Ibi rite, confessione facta, atque sacra synaxi percepta, uoto se obstrinxerūt rebus omnibus (excepto uiatico) ad condictam diē renuntiandi, procurandæ proximorum salutis, Hierosolymā nauigandi: idq; præstituto tempore, atque ea conditione, ut si intra præscriptum anni tempus, eo nauigare, aut in sacris locis postea uiuere nō liceret; Romam reuerterentur: Romano, summoque Pontifici sese ad pedes abijcerent, ut ad suum arbitrium, ipsis in salutem animarum uteretur. Atque hoc uotum duobus sequentibus annis, eadem ipsa die, cæremonia, & loco confirmarunt. sed tum quidem tres alij Claudius Iaius, Ioannes Codurius, Paschasius Broetus, eiusdem propositi socij, ad septem iam primos accesserāt. Interea, ne collectus spiritus paulatim dilaberetur, illos sic Ignatius instruxerat, & communierat, ut eorum studia neque cōciderēt, neque languescerēt, oratione

oratione in primis, meditationeque rerū
diuinarum: crebra peccatorum confessio
ne, atque sacratissimi domini nostri Iesu
Christi corporis sumptione, tractatione
ipsa litterarum, quæ quoniam sacræ erant,
& in Deum iam tunc referebantur: magnū
pietati etiam adiumentum adferebant: ar
denti se Deo consecrandi desiderio, pau
pertatis uoto iam edito, & in annos singu
los renouato, frequenter, ac pene quotidiana
congressu, concordissimæ uitæ consue
tudine, rerumque omnium, atque animo
rum communicatione. Solebant etiam,
ueteri sanctorum more alij apud alios cœ
nare, & spiritalibus colloquijs sese ad se
culi contemptum, rerumque diuinarum
studium incitare. Quibus rebus factum
est, ut toto illo tempore, quo Lutetiæ, ut in
stituta studia absoluerent, remanserūt,
non modo nulla de illorum ardenti
uoluntate decessio uerum
etiam magna in dies
accessio fieret.

Lutetia

*Lutetia in Hispaniam, inde in
Italiam discedit.*

Cap. V.



Interim Ignatius grauiſſimis
ſtomachi doloribus confi-
ciebatur: quare cum rebus
omnibus tentatis, nullū mor-
bo reſedium inueniret, me-
dicorum conſilio, ſociorumque cohorta-
tione, in Hispaniam eſt redire coactus, at-
que experiri, num loci mutatio, natiuique
ſoli ſalubritas, uel aſinitatē poſſet, uel mor-
bi certe leuationem aliquā adferre. Quod
Ignatius eo libentius fecit, quod ex ſocijs
nonnulli ea neq̃cia habebant in Hispa-
nia, quæ ſi ipſe expediuiſſet, magna illos
cura, ac moleſta liberaſſet. Itaque anno
1535. Ignatius ſocijque res ita inter ſe cō-
ponunt, ut ipſi in patriam reuertatur, ex
morbo confirmatus, ſociorum neq̃cia di-
ligenter agat; Venetias tum proficiſcatur:
ſocij uero, uſque ad diem octauum ante
Kalēdas Februiarias 1537. Lutetiæ in ſtu-
dio

dio litterarum sint; eoque ipso die Venetias rursus decedant, ut sese cum Ignatio coniungant. Ignatius igitur, iumento propter summam illius imbecillitatem, a socijs coempto, iter in Hispaniam ingreditur: in patriamque firmior paulo, quam Lutetia discesserat, venit; ubi obuiam illi sacerdotes omnes processerunt. Vt uero ad fratrem suum diuerteret, adduci nulla ratione potuit, sed in publica, hospitaliq; domo diuersatus est, stipemq; colligere ostiatim coepit, (multum fratre repugnante) & Christianæ fidei rudimenta, pueros docere. A cuius quidem explicatione, frater natu maior, ut Ignatium auerteret, futuram auditorum paucitatem obtendit. Sed Ignatius uel unum modo puerum, sibi instar omnium fore dixit: nihilq; uel uoluntatem fratris, uel prudentiam ueritus, eam ipsam institutionem fidei tradere aggressus est; ad quam deinde frater etiam ipse uentitabat, magnaue hominum copia confluebat. Ad conciones uero, quas singulis diebus Dominicis, ferijsque nonnullis, magno audientium fructu ad populum habebat, tantus ex longinquis illius

G prouinciæ

LIBER

prouinciæ locis, fiebat concursus; ut, præ
 multitudine, ipse in agris concionari,
 & auditores, arbores complere coge-
 rentur. Quibus quidem operibus, & ui-
 tæ exemplo, prudentiaque tantum apud
 illos homines profecit, ut errores mul-
 tos corrigeret, uitia, quæ in sacerdotum
 etiam mores irreperant, & longa iam
 consuetudine honestatis nomen obsede-
 rant, emendare non destitit: multaue
 constituit, quæ ad hominum mores con-
 formandos, pietatemq; augendam perti-
 nerent. In his seueræ leges fuerunt, eius ope-
 ra latæ a magistratibus, de alea, de cōcubi-
 natu sacerdotum. Nam cum patrio mo-
 re, Virgines, quoad uiro traderentur, capi-
 te aperto essent, pessimo exemplo multæ,
 cum apud clericos turpiter uiuerent: perin-
 de caput obnubebat, ac si legitimo eis ma-
 trimonio iunctæ fuissent: quibus fidem,
 quasi maritis, præstabant. Quod nefariū
 institutum, ac sacrilegum, funditus tollen-
 dum curauit: & ut egenis, mendicisque ho-
 minibus sumptus ad uitam tolerandam
 suppeditaretur, prouidit: atq; etiā ut ter in
 die, mane, meridie, uesperī populus ad orā-
 dum,

dum, cāpanæ pulsu, admoneretur; Deoq; maxime pro illis supplicaretur, qui mortifero aliquo peccato obstricti tenerentur. Quibus rebus, alijsq; id genus constitutis, releuatus morbo, quo in patria etiam impeditus est; ad negocia sociorum gerēda, decessit. Sed cum pedibus, & absque ulla prorsus pecunia ire uellet, alia Ignatio cū fratre contentio renouatur. Ille enim, qui sibi esse ignominia duxerat, fratrem suum ad pauperes potius, quam ad se diuertisse, abiectum, despectumq; summa sui contēptione, mendicato etiam in oculis suis uixisse, ut huic dedecori mederetur, & obscurati honoris (ut minus prudentibus rerū æstimatoribus uideri poterat) damnū resarciret, illud uehementissime pugnabat, ut eques, ac bene nummatus, comitatusq; discederet. Quē ut leniret Ignatius, quo minus se proficiscentē, frater, reliquiq; necessarij prosequerentur, haud multum laborauit. Cū digressi comites essent, finesq; illius prouinciæ ipse excessisset, equum reliquit; pedibus, pecuniaq; uacuis, Pompeiopolim primum uenit: tum Almazanum, Seguntum, Toletum peragrauit,

G 2 ut negocia

ut negocia sibi data ab socijs, ageret. Quibus cum illorum parentibus ita transactis, ut ne obolum quidem ab illis ultro pecuniam, & liberaliter offerentibus, acciperet: denique Valentiam uenit. Ibi, amicis contradicentibus, atque dissuadentibus navigationem (quod Aenobarbus, nobilis Tyrrhenarum archipyrata, ualida classe Tyrrhenum mare tum forte obsidere diceretur) nihil periculi magnitudine commotus, nauem conscendit. Ea nauigatio grauis fuit, ac periculosa: malo enim naus disiecto, multisque armamentis ui tempestatis uel amissis, uel labefactatis, spei nihil esse ad salutem uidebatur: ex quo ad mortem se omnes parant. Ex quibus Ignatius se diligenter excutiens, animumque suum pertentans, atque explorans, timere nullo modo poterat. Pungebatur tamen acri doloris morfu, quod non satis diuinis donis, haecenus respondisset: quod tot beneficijs tam plena manu a Deo in se collatis, minus strenue, gnauiterque usus esset, uel in suam, uel in proximorum utilitatem. Perfunctus eo periculo, placatisque fluctibus, Genuam uenit: inde Bononiam, maximo, grauissimoque

moque uitæ discrimine. Cum enim solus per alpium radices iter faceret, a uia aberrauit; in easque angustias aliquando incidit, ut edito, præruptoque loco, amne depresso, rapidissimoque subter labente, neque progredi, neque regredi posset: cum, quacunque se uerteret, mirandæ altitudinis præcipitium, atque horribilis imminētis casus formido ubique occurreret: sed bene longum uiaæ spatium manibus, pedibusque reptans, Dei misericordia tandem euasit. In ipso Bononiæ urbis ingressu, ex ponticulo ligneo in fossam cecidit, ex qua cum cœno oblitus, sordibusque fœdatus, emerisset; risum spectantibus mouit: atque ita urbem ingressus, totamq; obambulans; eleemosynam petens, qui teruntium, aut panis frustulum sibi daret, inuenit neminem: quod in tam opulenta, tamq; celebri, ac benigna ciuitate permirum est. Sed probat suos interdum Dominus. Illic tamen morbum contraxit, quem paulo post depulit, seque eo quo uenerat modo, Venetias contulit. Ibi uenturos socios, ut inter ipsos conuenerat, opperitur.

*Venetijs accusatur, & innocēs
declaratur. Cap. VI.*



Equē tamen hoc tēpore otio
sus Ignatius fuit: nam solita
uigilantia, & caritate in salu
tem proximorum incumbe
bat. Quapropter nonnullos
ad Christi domini nostri sequenda consi
lia, permouit. In hoc numero ponūtur fra
tres germani duo, Iacobus, Stephanusque
Guia, homines honesti, ætateq; prouecti:
qui Hierosolymis redeuntes, in Ignatium,
cuius familiares Compluti fuerant, Vene
tij inciderunt: in his etiā numeratur qui
dam Hozius Hispanus, uir eruditus, ac pro
bus, qui multum quidem Ignatij uirtute,
atque doctrina capiebatur: haud tamen
audebat totum se illi, penitusque commit
tere, quod multa de eo audiuiſſet, uel ma
litiose ab improbis conficta; uel impru
denter ab imperitis credita. Sed hæſitantē
hominem Ignatius denique perpulit, ut ad
exercitationes spiritales faciendas, se in
clinaret; dubitanter quidem primo, ac
timide

timide, postea uero ultro etiam, ac fidenter. Nam cum initio, ne quid sibi ab Ignatio ueneni instillaretur, multos secum libros, in cubiculum cōportauisset, ad quorum normam, dictorum illius ueritatem exigeret, & si quid erroris esset infusum, hac ueluti præsenti medicina sanaret: postea tamen societatem cum illo, animūq; coniunxit, & ad reliquos socios adnumeratus est. Venetijs etiam, cum Ioanne Petro Caraffa, qui postea Paulus III. Pontifex Maximus appellatus est, consuetudinē habuit, qui Episcopatu Theatino relicto, ad Caietanum Vicentinum, Bonifacium Pedemōtanū, & Paulū Romanū, homines nobiles, ac pios, se sociū adiunxerat, a quibus originē eorū hominū ordo traxit, qui Theatini uulgo dicti sunt: quod Theatinus ut diximus, Episcopus, illius uitæ institutū cōplexus esset, a quibus, uulgi errore, falsa Theatinorū ī nos ē appellatio, cognomēq; transfusū. Nā cum ordo uterq;, noster, & illorū clericorū Regulariū sint, eodēq; ferme tēpore nati, neq; habitu ualde dissimiles, populus rudis externa specie deceptus alienum nomen nostris imposuit, Romæ

LIBER

primum: unde in alias deinde urbes influ-
xit, & in remotas etiam prouincias pene-
trauit. Aliquos etiam nobiles Venetos, pa-
tritosque uiros exercitationibus spirita-
libus excoluit, & multum consilio ad uir-
tutem persequendam, iuuuit. Sed quidam
uel maleuolentia suffusi, uel falsa persuasio-
ne decepti, sparserunt, fugitium illum es-
se, in Hispania non semel uinctum in cu-
stodia fuisse; igni tradita, combustaque
ipsius statua, profugisse, ne Parisijs quidem
licuisse homini uiuere, ex qua etiam urbe
fugiens, suæ salutis consulisset. Demum eò
processum est, ut res in iudicium sit addu-
cta, diligenterque in eius uitam, atque mo-
res inquisitum. Et quoniam mendacio res
tota nitebatur, facile concidit. Nam Igna-
tius non iam suæ, uerum sociorum famæ
prospiciens, ne indefensa ueritas, opprime-
retur, a Hieronymo Verallo, qui apud Ve-
netos legati summi Pontificis munere fun-
gebatur, ut rem totam diligenter peruesti-
gatam, & cognitam sua sententia decla-
raret, omni studio contendit, atque im-
petrauit. Sententiæ autem, qua Ignatij
integritas a legato per iudicem suum or-
dinarium

dinarium patefacta est, apud nos extat exemplar.

*Socij Lutetia in Italiam ad
Ignatium veniunt.*

Caput VII.



VM Ignatius Venetijs socios præstolatur, graue bellum in Gallia subito exarsit: namque Carolus V. Romanorum Imperator, magno exercitu per Insubrum fines, Galliam inuasit. Quamobrem nostri, qui profectiioni suæ eum diem, qui dies Conuersioni diui Pauli est consecratus, anni 1537. constituerāt; bellico tumultu eum præuenire sunt coacti, & decimaquinta die mensis Nouembris 1536. Lutetia excedere. Iter autem in hunc fere modum instituerunt. Omnes scriptorum suorum quisque sarcinula onusti, uestitu uili, abiectoque pedibus iter faciebant. Qui sacerdotes erant (erant autem

LIBER

tem tres, Petrus Faber, Claudius Iaius, Paschasius Broetus) rem diuinam quotidie faciebant: sex reliqui aduersus graues longæ, molestæq; uiæ difficultates, panis cœlestis uirtute sese communiebant: ingredientibus diuersorium, egredientibusque orationis prima erat cura: in ipsa uia orationi meditatio, meditationi sermo de diuinis rebus succedebat: cibus frugalis, sobriusque: in rebus decernendis, plurimum sententijs stabatur, idque summa concordia. Quotidianas pluuias per Galliam pertulerunt, hyemalem asperitatem per Germaniam. Læti tamen, atque alacres insuetum, durumq; laborem obibāt, & Deo duce, multis (ut in tam longis itineribus fere fit) maximisq; periculis liberati sunt. Porro, eo ipso die, quo Lutetia exierunt, nonnulli habitum, incessum, numerum nostrorum patrum admirantes; de rustico quodam, qui prætereuntes illos curiosius forte intuebatur, familiariter quæsierunt, qui nam illi homines essent? & ille, nescio quo afflatu, Gallice, aliquam, inquit, prouinciam reformaturi discedunt. Venetias ad octauum diem Ianuarij, anni

ni 1537. peruenerunt, ubi cum Ignatio ipsos (ut inter se conuenerat) expectante, & cum alio sacerdote, quem ad Ignatium sese adiunxisse iam diximus, peralacriter se coniunxerunt. Et quoniam Romam eundi, benedictionemque ad profectiōem Hierosolymitanam, a Pontifice Maximo petendi, nondum tempus maturum uidebatur; interea rebus omnibus intermissis, quinque ex illis in xenodochium diuorum Ioannis, & Pauli; in xenodochium incurabilium totidem, ad pauperum ægrotantium curam, concedunt: ubi dum singulari caritate, ac diligentia uilissima quæque munera, obeunt; dum afflictoſ recreant: quibuscunque possunt rebus, magnā probitatis, ac religionis existimationem adepti sunt. sed cum reliquorū omniū, tū uero magistri Francisci Xauier incensa caritas, & plena sui, perfectaq; uictoria maxime tū quidē enituit: qui nō cōtentus ea sedulo præstare, quæ sordidissima erant, ut horrorē, quē sētiebat, perfectius uinceret, saniosa ēt ulcera interdū lingeat. Tale illius principium, nec progressus dissimilis,
aut

L I B E R

aut finis fuit. Ab illis tum patribus, probationum Societatis fundamenta iaciebantur. Ad mediam Quadragesimam Romā proficiscuntur: Ignatius tamen Venetijs de industria remansit. Profectionis autem is modus erat. Terni simul ibant; Sacerdos unus, Laici duo, Galli, Hispanique semper mixti. Sacerdotes Missam faciebāt quotidie, alij cōmunicabant. Ieiunabant (quod Quadragesimæ tempus esset) diebus singulis: idque tantum in cibum sumebant, quod ex eleemosyna suppeditabatur: quæ usque adeo tenuis erat, ut non raro panis tantum cibus, aqua illis potus esset. Quapropter multis, magnisque laboribus, ac molestijs perfuncti in hoc itinere patres nostri sunt: acciditque ut die quodam Dominico, cum frustulum tantum panis mane sumpsisset, nudis pedibus, maximis, & perpetuis imbribus, octo, & uiginti passuum millia conficeret, tanta aquarum inundationum copia, ut interdum etiam tantum pectore extarent. Pergebant tamen alacres, summaque lætitia animi gestientes, Davidis psalmos cantillabant. Atque etiam magister Ioannes Codurius, qui pedes habebat

bat scabie asperfos, eo ipso die sanatus est. Multa patres eo itinere diuinæ erga se prouidentia argumenta senserunt. Romæ tum erat doctor Petrus Ortizius, a Carolo Cæsare in urbem missus, ut Catherinæ Angliæ Regina, Imperatoris amitæ, aduersus Henricum VIII. qui illa legitima uiuente uxore, aliam duxerat; apud summum Pontificem, matrimonij uiolati causam ageret. Hic contra opinionem illorum, diuino actus impulsu, patres urbem ingressos, summa beneuolentia complexus est, ad summumque Pontificem adduxit: quorû aspectu plurimum Pōtifex exhilaratus est, uoluitque ut nostri ea ipsa die, qua ad se primum adierant, coram se de proposita quæstione theologica disputarent: & ad sexaginta nummos aureos, in uiaticum illorum contulit, suamque benedictionem, ac Hierosolymam abeundi, facultatem benignissime est impertitus. Illis etiam, qui sacris initiati non erant, ad titulum paupertatis uoluntariæ, & sufficientis litteraturæ, liberaliter facta est, sacros ordines suscipiendi, potestas. Alij etiam, Hispani præsertim, pro sua quisque facultate, pecuniã in sumptus

LIBER

in sumptus itineris suppeditarunt. Itaque summa coacta est decem supra ducentos ducatorum: quæ pecunia sine uecturæ periculo, Venetijs a mercatoribus est curata: neque enim nostri, quousque in nauim ascenderent, quicquam illius attingere uoluerunt: sed mendici omnino, & uacui, quoque modo uenerant, Venetias ad sua illa xenodochia reuersi sunt. Paulo post ad pedes Hieronymi Veralli, Rossanensis tum Archiepiscopi sedis Apostolicæ apud Venetos Legati, postea uero etiã S. R. E. Cardinalis, paupertatis, castitatisq; uotis pie susceptis, sacris sunt initiati, sacerdotijque dignitatem ipso die diui Ioannis Baptistæ Ignatius, & reliqui sex ab Episcopo Arbeni, singulari quadam, & suscipiētium ordines, & conferentis consolatione, sunt consecuti.

In Veneta ditione passim operantur. Cap. V III.



V M se patres ad nauigationem parant, nauigandi spes omnis sublata est: nā cum eo ipso tēpore Veneti contra Turcarum tyrānum, cū summo Pōtifice, & Carolo Cæsare cōspirassent, strato classibus mari, Hierosolymitana peregrinorū nauigatio cōquieuerat: quod quidē multis ante annis nunquā acciderat: neque ex illo tēpore postea accidit. Deus. n. qui omnia sapientissime moderatur, ac regit, aliquid maius, atq; amplius quā quod nostri patres moliebantur, ipsis neq; cogitantibus, neq; scientibus, cogitabat: quocirca admirabili plane, ac diuina prouidentia, institutū Hierosolymā nostrorū cursum, interrupit, alioque deflexit. Ergo nostri, postquā nauigādi eo anno, nihil spei ostēdi uident, ad præstādā uoti religionē, & fidē suā liberādā, integrū annū expectare constituunt; sed ut liberiore animo, & ab alijs occupationibus

pationibus uacuo, ad sacra Missæ peragenda se compararent, aliò sibi secedendum existimarunt. Quamobrem Ignatius, Faber, Laines Vicetiam; Franciscus Xauier, & Salmeron in Mōtem Celestium; Ioannes Codurius, & Hozius (quem nostris iam adnumeratum diximus) Taruifium; Claudius Iaius, & Simon Bassanum; Paschasius, & Bobadilla Veronam concedunt. In ditione Venetorum omnes uersantur, neq; ex illorum finibus usquam excedunt. Ignatius igitur, socijque extra oppidum Vicetiam, ædiculam humilem, ac ruinofam reperiunt, foribus reuulsis, fenestris sublatis, uentis circumflantibus peruiam: in hac, domicilium suum collocant, palearum aliquantala copia comportata, humum ad cubandum sternunt; bis quotidie oppidū ad uictum quæritandum, ingrediuntur; quem tenuissimum referebant: uix enim panis, quantum ad uitam tolerandam satis esset, habebant: cui si olei, aut butyri paululum accessisset, (quod tamen rarissimum erat) id uero in delitijs numerabant. Ex tribus, unus domi remanebat, ad panem durum, mucidumq; aqua macerandum,

cerandum, ac percoquendum, is fere Ignatius erat, qui ex oculis, propter maximam profluentium lacrymarum uim, grauissime tum laborabat. Quod ab eleemosyna procuranda dabatur temporis, id totum orationi, meditationique diuinarum rerū tribuebatur. In hac uitæ ratione quadraginta dies posuerunt: quibus exactis, Ioannes Codurius ad illos Vicetiam uenit: cōmuni tum consilio, ad concionandum aggredi statuunt. Eodem igitur die, eademque hora, in quattuor diuersis urbis plateis, clara primum, magnaue uoce clamare incipiunt: homines pileis manu ostensis, ac circumactis, conuocant, & ad concionem audiendam inuitant. Congregata tum populi multitudine, uerba faciunt, de uitiorum fœditate, de uirtutis pulchritudine, de mundi contemptu, de diuini in nos amoris magnitudine, de reliquis rebus, quæ ad peccati seruitutem declinandam, ad bonam, beatamque uitam persequendam conducunt. Sermo illorum indifertus quidem erat, atque im-politus, & quod italici sermonis rudes tū essent, ex plurimarum linguarum com-

H mixtione

Hier.
23.

LIBER II

mixtione conflatus; at pius, & eruditus,
& quasi malleus conterens petras.

*Aeger Ignatius, aduentu suo
Simonem curat egrotum.*

Caput IX.



VM in his operibus uersatur Ignatius, atque omnibus animi, corporisque uiribus in Dei gloriam, sui que ludibriū incumbit, Vicetia, fractus laboribus, in febrim incidit. Pater item Laines morbo tentatus est: eodemque ipso tempore Simon etiam Rodericus Bassani (quod oppidum a Vicetia itinere ferè unius diei abest) grauitè affectus erat. Cū autem Simonis morbus ingrauesceret, lethalisq; uideretur, ea de re nuncium Ignatius accepit: atque è uestigio, & quidem eo ipso tempore febre laborans. Laine ægrotante in pauperum xenodochio relicto, pedibus se itineri, una cum Petro Fabrico, Bassanum uersus dedit, eo ardore ani
mi,

mi; ea pedum celeritate, ut Faber antecedentem Ignatium, & longo interuallo præeuntem assequi uix posset. Cum aliquantulum processissent; e uia paululum Ignatius deflectit; preces Deo pro Simonis salute, fundit, certior a Deo fit de futura hominis sanitate. Ex oratione porro surgens Fabro dicit, Non est, Petre, quod nunc quidem, de Simonis incolumitate tam anxie laboremus: neque enim hic morbus, qui illum grauitèr uexat, etiam extinguet. Ad Simonem cum uenisset; in lecto iacentē, ægritudinisque ui pene consumptum: hominem amplexus; Nihil est, inquit, Simon, quod timeas, sanabere: atque ita conualluit, & hoc quidem Ignatij factum Petrus Faber, illius itineris comes, ubi Vicetiam redijt, Patri Laini ita narrauit, quemadmodum a me expositum est. Pater autem Simon superstes adhuc est, & agnoscit, & prædicat hoc beneficium.

Academias Italiae inter se distribuunt, & adeunt.

Caput X,



Ost leues illos nostrorum patrum excursus, Vicetiā omnes ad Ignatium conuenerunt, quæ ciuitas magnopere illius, sociorumque uita, & doctrina, fuerat permota. Quocirca in qua ciuitate tres pane tantum, & aqua uitam initio uix tolerabant; & alij postea a uicinis pagis uictum mendicare cogebantur: ea demum undecim in unum congregatis, omnia necessaria abunde suppeditauit. Fecerant noui sacerdotes primum sacrum, præter unum Ignatium. In hoc conuentu, ubi Hierosolymam nauigandi, spē extrahi longius uident; illustres aliquos Italiae academias, & studiosorum hominū celebritate, maxime refertas, obire constituunt: si quem forte Deus ex tot ingeniosis adolescentibus, quibus illæ abundant, excitare, & ad idem uitæ institutum dignaretur,

retur adducere. Hyeme igitur ineunte, pro-
uincias ita sortiti sunt, ut Ignatius, Faber,
ac Laines primarij socij, Romam ipsam
adeant; Salmeron, & Paschasius Senas; Frā-
ciscus Xauier, & Bobadilla Bononiam
proficiscātur; Claudio laio, ac Simoni Fer-
raria; Patauium Ioanni Codurio, & Ho-
zio obtigit. Qua in prouincia, præter eam
curam, quæ cuiq; maxima, & propria erat,
animum suum perpurgandi, atque ex illo
non solum amputandi cupiditatum ra-
mos, sed etiam radicum fibras euellendi,
connitebantur quantum poterant, ut pro-
ximorum etiam salutem, cum sua salute
coniungerent, & omnibus illos modis, ad
diuinarū rerū studiū accēderēt. Admini-
strādi porro prouinciā, hæc ratio erat. Al-
ternis hebdomadis, utriq; socio in alterū
potestas erat: ostiatim uictum emendica-
bant: in publicis plateis concionabantur:
ante concionem, qui parebat, scamnum
ex officina aliqua commodatum, pro sug-
gestu, concionaturi socij pedibus, subiicie-
bat: uoce, pileoq; ad uerbum Dei audien-
dum, populum euocabat. In concione, ni-
hil petebatur; nihil post a circumfusa mul-
titudine

L I B E R

titudine accipiebatur, ne ultro quidē ob-
 latum, si quem nacti essent cœlestis doctri-
 næ cupidiorē; eum uero libentissime
 priuatim informabant, & ut res dabatur,
 etiam perpoliebant. Multorum confessio-
 nes audiebant; pueris, rudibusque homi-
 nibus tradebant Christianæ fidei institu-
 tiones: ægrotis, afflictisque pauperibus, in
 xenodochijs decumbentibus, ubi per ma-
 iores occupationes licebat, sedulo mini-
 strabant: denique nihil prætermittebant,
 quod ad augendam Christi gloriam face-
 ret, & bene de hominibus merēdum. Qui-
 bus rebus Christi bonus odor ubique fue-
 runt, multique singularem ex illorum con-
 suetudine fructum perceperunt. Atque ex
 tenui illo, exiguoque principio, societatis
 nostræ & nomen innotuit, & fama percre-
 bruit, & fructus propagatus per Italiam, at-
 que amplificatus est. Illud non omit-
 tam. Patauī nostri in carcerem ab Episcopi suf-
 fraganeo coniecti sunt, cathenisque con-
 stricti, in quo quidem carcere noctem unā
 tam læte, hilareq; traduxerunt, ut Hozius
 erumpentem, prægestientis animi lætitia,
 risum tenere uix posset. Postridie uero, re-
 perspecta

perspecta melius, & cognita, ab eodem iudice liberati sunt, & deinceps semper filiorum loco habiti: & hæc quidem socij reliqui. Iam ad ea, quæ in sua profectioe, & prouinciæ administratione Ignatius fecit, transeamus.

*Ignatio dominus IESVS
apparet, & unde Societatis
nomen inditum sit.*

Caput XI.



Acerdotio igitur iam decoratus, integrum anni spatiū ad se magis colligendum, sumpsit, animumq; præparandum, ut augustissimum

Iesu Christi domini nostri corpus, uiuam, ueramq; pro peccatis nostris hostiam, purius Deo patri, primum offerret in odorē suauitatis. Quo tempore, toto pectore in diuinarum rerum commentationem incumbebat, & beatissimam Virginē, Deiq;

H 4 matrem,

matrem diu, noctuque obsecrabat, ut ipsū apud filium suū in gratia poneret, & quæ cœli esset ianua, & singularis Dei, hominumque conciliatrix, ipsa sibi aditum ad filium aperiret, ut a filio agnitus, filium ipse agnosceret, & inueniret. Itaq; toto hoc tempore, mirabiles illustrationes habuit, Venetijs, Vicetiæ, alijs in urbibus, in uia: ut restitutus sibi in eū statū uideretur, quem Manresæ habuisset, ubi supra modum (ut diximus) illustratus est. Etenim Lutetiæ studiorum tempore, neque tam insignes, neque tam multas, de diuinis rebus, cognitiones accepit. Porro in toto itinere, quod ad prouinciam suam obeundam, una cum Fabro, Laineque Romam uersus instituerat, singulariter a Deo & illuminabatur, & confirmabatur, quotidieque socijs sacra facientibus, corpori dominico communicebat, mirificasque, & plane cœlestes cōsolationes percipiebat. Accidit autem, cū ad urbem appropinquarent, ut in templū desertum, & solum ingressus, oraret ardentius: ibi mutatum prorsus cor eius est, oculique mentis clarissima luce collustrati, ita sunt, ut perspicue uideret quomodo Deus

Deus pater Deo filio crucem gestanti: Ignatiū, sociosq; peramanter cōmendabat, in eiusque dexteram inuictam, & patrociniū tradebat. Quos cum benignissimus I E-
S V S in se recepisset; blando, placidoque uultu, ut erat cum Cruce, ad Ignatium cōuersus, Ego, inquit, uobis Romæ propitius ero: qua quidem admirabili, diuinaque uisione, mirum in modum recreatus Ignatius, & confirmatus est: Fabroque post orationem, & Laini, quid nobis, inquit, Romæ futurum sit, plane ignoro; in Crucem ne Deus nos, an in rotam agi uelit; hoc tamē mihi compertum est, atque exploratum quicumque nos exitus maneant, Iesum Christum nobis fore propitium, remq; totam, quam uiderat, socijs patefecit, ut & animum illis, & stimulos adderet. Quo etiā factum est, ut cum postea de societate instituenda, inter Ignatium, sociosque constaret; nomen tamen quæreretur, quo insignita, & notata, a Christi Vicario confirmaretur; Ignatius a reliquis socijs impetrauerit, ut sibi integrum esset, ad arbitriū suum, societati quod uellet, nomen imponere: quod omnibus probantibus, & libentissimis

tissimis fecit: societatemque Iesu, præcla-
 ro illo uidelicet uiso animatus, appellari
 uoluit: ut qui huc uocati fuerint, non se
 in Ignatij ordinem aliquē adscriptos; sed
 1. Cor. in societatem filij Dei Iesu Christi domi-
 1. ni nostri, uocatos agnoscant: sub illo sum-
 mo Imperatore mereant: eius signa sequā-
 tur: crucem suam cupide tollant, & in au-
 ctorem fidei, & consummatorem Iesum
 Heb. aspiciant, qui proposito sibi gaudio, susti-
 12. nuit crucem, confusione contempta. Et ne
 defatigentur, animis deficientes; cer-
 tum illis, atq; persuasum sit, ducem
 suum sibi præsto esse: illum non
 Ignatio solum, & socijs, ut
 uidemus hætenus
 fuisse, sed sibi
 quoque
 fu-
 turum semper pro-
 pitium spe-
 rent.

Vrbem

*Urbem ingreditur, in Casina-
te monte animam socij coe-
lum intrantem uidet.*

Caput XII.



Romam ingressus omnia col-
lustrare animo attente coe-
pit, omnia circumspicere: in-
primisque ad omnes Diabo-
li impetus sustinendos, sese
comparare: prospexit enim, magnam sibi,
suisque impendere tempestatem. Quapro-
pter socijs aliquando; clausos omnes, in-
quit, aditus uideo: magna quædam pericu-
losi temporis, procella nobis parata est.
Sed Iesu nitimur: ille nobis propitius erit.
Paulo post, explorata sociorum Ignatij do-
ctrina; iussi a summo Pontifice sunt, pu-
blice sacras litteras profiteri. In sapientiæ
igitur gymnasio Faber reconditos, multi-
plicesque scripturæ sacræ sensus, enuclea-
bat: Laines scholasticæ, ut uocant, Theolo-
giæ quæstiones explicabat: uterque erudi-
te, &

LIBER

te, & grauitate suo munere fungebatur. Ignatij commouendi homines, & ad celestia rapiendi cura erat. Quocirca D. Ortizium (cuius supra mentionem fecimus) uirum grauissimum, eruditissimūq; magno consilio aggressus est; quem a se olim alienum, postea minus abhorrentē, ita sibi deuinxit, & consuetudine obligauit; ut homo id ætatis, maximaque estimatione, negocium publicum gerens, erudiri se ab Ignatio cuperet, exercitationumque spiritalium doctrinam, ijs rebus omnibus, antiquiorem duceret: quibus se omnino expoliendum dedere, ad Ignatij arbitrium constituit. Sed ut liberior esset, magisque ab interpellatoribus uacuus; Roma in Montem Casinatē, locum in primis diui Benedicti uita, & sepultura nobilitatum, & ipsa loci religione, ac solitudine, ad diuinam contemplationem, maxime appositum, aliquantis per secedēdum sibi existimauit. Ibiq; per quadraginta dies ab Ignatio eruditus est: eosq; progressus fecit in celesti doctrina, ueraq; cognitione sui, ut nouā quandam Theologiam, & sibi hactenus inauditā, se profiteretur didicisse,

dicisse, eāq; longe anteferre ei eruditioni,
quā summo tot annorū studio, sibi pepe-
risset. Permultum quippe dicebat interef-
se, cōmentari, ut alios doceas; & medita-
ri, ut ipse facias: quod illud mentem illu-
minet; hoc etiā uolūtātē inflammet. Qua
propter, magnum ab Ignatio beneficium,
se accepisse sēper iudicauit, & præ se etiā
tulit: & ut gratiā referret, summus postea
societatis & amicus, & defensor fuit. Dum
in Monte Casinate Ignatius est; Hozius
(cui Patauium una cum Ioanne Codurio
prouinciā obtigisse diximus) excessit è ui-
ta, consūmatuq; in breui, expleuit tēpora
multa, quī cum uiuus, nigellus esset, ac de-
formis, tantū decoris eius mortui ori, splē-
dorisq; additū est, ut animū Codurius sa-
tiare illius nō posset aspectu, nullū intuēdi
illū finem faceret: magna animi lætitia, la-
crymarūq; abundantia. Huius mortē, mul-
to ante Ignatij animus diuinabat, qui etiā
in Monte Casinate, ubi diuus Benedictus
uidit Germani Capuani Episcopi animā *D. Gre.*
in sphaera ignea, ab Angelis in cœlum fer- *2. lib.*
ri: ipse, & animam illius clarissima luce *Dial.*
circunfufam, in cœlumq; penetrātē uidit, *ca. 12.*
& animam

LIBER

& animam Hozij esse cognouit. Deinde etiam cum rei sacra daret operam, & in generali confessione (quæ ante Missam præmittitur) ad illa uerba peruenisset (& omnibus sanctis) magnum sanctorum numerum fulgentem gloria, ante oculos positum uidit, inter quos & Hozius aderat, splendidiore, quam reliqui, habitu, gloriaq; multo illustriore: non quod sanctior ille cæteris, aut beator esset; sed quod Deus gloriam hominis per insigniorem hanc formam, compertam Ignatio, (ut ipse met referebat) testatâq; esse uoluis-

set. Qua ex re, tanta animi læ-

titia completus eius ani-

mus est; ut per mul-

tos dies suauis-

simum

ex

recordatione fletum,

reprimere non

posset.

Romæ

*Romæ simul omnes de societa-
te constituenda deliberant.*

Caput XIII.



Ommotis populis, apud quos uixerant, & ciuitatibus ad pietatem incitatis, ad mediam Quadragesimam anno 1538. Romam patres omnes ad Ignatiū conueniunt: in domum, uineamque Quirini Garzonij, pij uiri, quæ non procul à sanctissimæ Trinitatis Minimorum Cœno bio sita est, diuertunt: ibi magna egestate, pane in diem quæsito, uiuunt: concionari deinde incipiunt: Ignatius Hispanice in templo beatæ Mariæ Montis Serrati dicto, Faber in diui Laurentij in Damaso, Laines in Saluatoris ad Laurum, Salmeron in diuæ Lucæ, Claudius in diui Ludouici, Simon in diui Angeli ad forum Piscarium, Bobadilla in diui Celsi. His concionibus effectum est, ut populus longo interuallo, ad confelsionis, atque Eucharistiæ sacramenta

LIBER

menta pie frequentanda moueretur. Ex quo prisca illa, & sanctissima sæpius peccata confitendi, & communicandi consuetudo, tot iam sæculis intermissa, tum primum in urbe reuocari coepta est. Præterea, Hierosolymitanæ profectionis spe deiecti, pecuniæ eam summam, quam in uaticum acceperant, ei, per quem acceperant, integre restituunt: & cum discessus Summi Pōtificis iussu uarias in partes nonnullis instaret, de societate etiam coeunda inter se, uitaque in posterum constituenda, deliberant, decernuntq; imprimis, omnium consensu, in orationes, meditationes, ac sacrificia, solito feruentius incumbere, & gratiam ab illo recta, & sancta statuendi efflagitare, qui nulli denegat spiritum bonum petenti, sed dat omnibus affluenter, nulli improperans. Interdum proximorum saluti, impigre nauabant operam; noctu orationi, & cōsultationi uacabant. Prima igitur consultationis nocte, quæsitum est, num cum digressi a se inuicem essent, & in uarias, disiunctasque regiones, a summo Pontifice missi, ita inter se deuincti, & mutua caritate colligati, in uno corpore esse

re esse deberent; ut alij aliorum curam gererent, & nulla quantalibet corporum seiunctio, neque mutuæ curæ, neque sollicitudinis, nedum amoris seiunctionem efficeret? Communi omnium consensu decretum est, agnoscendum esse Dei beneficiū, qui homines ex tam diuersis prouincijs, moribus, ingenijs, conditionibus natos, in unum corpus, summamque animorum consensionem conspirare uoluisset; neque eius coniunctionem mirabiliter consentientem, disiungendam esse, aut unitatem scindendam, cuius uirtus robustior semper est, ad capeffenda ardua, & persequenda; & ad aduersa omnia sustinenda, & propulsanda. Secundo loco propositum est; an paupertatis, & castitatis perpetuæ uotis, in manibus sedis Apostolicæ legati, a se Venetijs iam tum nuncupatis, expediret tertium obedientiæ perpetuæ addere, & aliquem in caput, totiusque societatis parentem eligere? In hoc nodo expediendo, diu multumque laboratum est. Denique nonnulla sunt illis excogitata, & suscepta ad faciliorem, propositæ difficultatis explicationē. Primū fuit, ut nihil de sum-

ma orandi Dominum, precandique, contentione remitterent; sed in hoc unum toto pectore incumberent, ut gaudium, & pacem in spiritu sancto inuenirent in obedientia, & quantum in se esset, voluntatem haberent ad parendum, quam ad imperandum, propensio- rem: Alterum, ne inter se hac de re colloquerentur; ne quis consilio fortasse cuiusquam, aut persuasione, in alterutram partem penderet. Tertiū ut cogitatione se quisque ab hac congregatione seuocaret, & quasi alienū omnino hominem duceret, ut affectibus qui incorrupte de rebus iudicare non sinunt, sepositis: sincera omnis deliberatio esset. Ad extremū multis rationibus quas enumerare longum esset, maximeque ut, pro suo modulo, similes essent capiti Christo, qui, ne obedientiam perderet, perdidit uitam, factus obediens usque ad mortē, mortem autem Crucis; & eam uirtutem retinerent, quæ præcipua in statu Religionis, ac maxima est: sequerenturque omnino spiritus sancti afflatum, ad perfectionem ipsos & omnibus numeris absolutā sui abnegationem excitantem. Omnes
una

una mente, uno ore decreuerunt retinendam in primis in Societate obedientiam esse; & aliquem eligendum, qui uniuersæ societati præpositus esset, cui omnes iudicia, uoluntatesque suas submitterent. Hac eadē ratione alia multa sunt, per tres menses summo studio a patribus constituta, & maxima animorum consensione definita, cuiusmodi sunt quæ sequuntur. Quicumque profitebuntur, uotum expressum obedientiæ nuncupent; quo sese ad quasque prouincias fidelium, Infideliumue mittantur, paratos summo Pontifici offerant. De missione autem nihil uel per se, uel per alium, cum eodem Pontifice agāt. Pueros rudimenta fidei Christianæ doceāt. Qui in societate adscribi uoluerint, exercitationibus spiritalibus, peregrinatione, xenodochijs probentur. Præpositus Generalis perpetuus esto. In consilijs, ac deliberationibus, maior sententiarum pars esto superior: & alia id genus nonnulla. Ex quibus extitit formula instituti societatis ea, quam postea sibi propositam summus Pontifex comprobauit.

*Magna Roma in nostro tem-
pestas exoritur, & sedatur.*

Caput XIIII.



VM à patribus hæc gerū-
tur, grauis illa, & multo,
ante ab Ignatio prouisa,
tempestas exorta est. Nā
cum frater quidam Au-
gustinus Pedemontanus,
ex Augustiniana familia in urbe concio-
naretur, & Lutherianæ doctrinæ uenenum
occulte populo infunderet; agnitus a no-
stris patribus, publicis concionibus refu-
tatus est. Cuius amici quidam Hispani
(quos nominare non est necesse) opibus,
atque auctoritate confisi, pro Augustinia-
no uicissim, accusationem aduersus Igna-
tium, sociosque suscipiunt; ministro ad eā
rem adhibito, Michaelē quodam Hispano,
in quem Lutetiæ multa Ignatii, magnaq;
merita extiterant. Ergo iniquissimos ru-
mores, cum de reliquis socijs, tum uero
de Ignatio maxime dissipant: in Hispania
illum,

illum, Lutetiæ Parisiorum, denique Vene-
tius damnatum hæreseos fuisse: facinoro-
sum, & perditum omnino hominem esse,
qui diuina, & humana omnia iura peruer-
tat: in exercitationes præterea spirituales,
& in socios ipsos crimina multa conij-
ciunt. Atque ijs fluctibus animose, forti-
terque Ignatius restitit, & iudicio rem per-
sequutus est, ac ueritatem illustrandam,
patefaciendamque curauit. Cum enim
ipsum societatis iugulum peti animad-
uerteret, & id, agi a communis omnium
salutis hoste, ut appropinquantem iam, &
prope maturum Religionis nostræ partū,
aut præfocaret, aut infamia aliqua pollue-
ret, omni contentione contra eius conatū
sibi enitendum putauit. Itaque reiectis do-
lis, Michael ille a iudice damnatus, in exi-
liumque missus est; alij uero accusatores,
auctoritate principes, primum multum
de accusatione remittere; tum etiam tre-
pidare, postremo accusationem in laudē
uertere; idque coram Cardinale Neapo-
litano, summi Pontificis tum Legato, & co-
ram urbis Governatore: qui satis illorum
confessione, factum esse ueritati, iudican-
tes;

tes; controuersiam silentio dirimi uoluerunt. Quod quidem socijs, amicisq; probantibus, solus Ignatius minus probauit, nequid ex oppressa ueritate dedecoris aliquando in Societatem erumperet. Nempe, refrigerato iudicio, rei que gestæ memoria senescente, cum de accusatione constaret, de absolutione taceretur, facile suspicatos homines datum hoc gratiæ, atque hominum studijs, pro Ignatio socijsque certantium, ut ueritas lateret in tenebris, & silentio tegeretur. Quæ causa fuit, ut nullius auctoritate, neque potentia permotus, ne sociorum quidem uoluntate, aut amicorum consilio, ne minimum quidem de sua sententiâ dimoueri se Ignatius pateretur: sed in eo hæreret, & maxime insisteret, ut in iudicium res adducta, iudicium sententiâ omnino declararetur. Vir sibi ipsi inglorius, Christo autem, fratribusque honoratissimus; qui quandiu de se tantum agebatur, nullius patrocinio uti ad sui defensionem, uoluit: ubi Dei gloriam, aliorumque salutem in fraudem adduci uidit, omnes & mentis, & corporis neruos intendit, ut depulsa caligine, lumē se ueritatis

se ueritatis ostenderet. Quocirca, cum iudices, a sententia ferenda, alienos animaduerneret; ad ipsum Pontificem Maximum Ignatius Tuscum adire rem ordine exponit: quoties in uinculis, quoties in custodia fuerit, & quibus de causis, candide, integreque aperit: quantum diuinis rebus impedimentum iniiceretur, ostendit, si ea res silentio sopita, contemptaque, iaceret: rationes, quibus adductus rei exitum cupiat, breuiter enumerat. Quas cum Pontifex probasset, iudici mandat, uti rem maturet, & pro ueritate sententiam pronuntiet: quod & fecit. In hoc autem iudicio illud diuinitus cecidit, quod qui in Hispania, Lutetiae, Venetijs uitae Ignatii iudices fuerant, ij uno eodemque tempore ex ijs ipsis locis, alius alia de causa in urbe conuenerant, & producti testes, omnes praeclarum illius uirtutis, atque innocentiae testimonium dederunt. Venerat enim ex Hispania Ioannes Figueria, is qui Compluti Vicarius generalis Archiepiscopi Toletani Ignatium in carcerem coniecerat, & eius integritate cognita, liberat: qui ad amplissimum dignitatis gra-

I 4 dum,

dum, postea euectus Regij consilij Præses
in Hispania, anno 1565. mortuus est. Ve-
nerat ex Gallia D. Mattheus Ori, ex Domi-
nicana, ut diximus familia Theologus,
apud quem fidei inquisitorē Ignatius Lu-
tetia accusatus est. Venerat D. Gaspar de
Doctis, cuius iudicio fuerat Venetijs ab-
solutus Ignatius, & aduersus calumniato-
res defensus, cum is ea in urbe Hieronymi
Veralli Legati summi Pontificis Iudex
ordinarius esset: ij fuerunt uirtutis

Ignatij testes. Exemplum autē

sententiæ, qua Ignatius so-

cijque sunt absoluti,

quoniam alias

ante id tē-

pus

latas, complectitur, ad

uerbum addendum

existimaui-

mus.

B. Con-

*B. Conuersius Electus Bri-
tonoriensis, Vicecamera-
rius Almae urbis, eiusq[ue]
districtus Generalis
Gubernator.*



Niuerſis, & ſingulis, ad
quos præſentes noſtræ
litteræ peruenerint, ſa-
lutem in Domino.

C V M Reipub. Chriſtia-
næ multum interſit, ut
eos, qui in agro dominico, uitæ exemplo,
& doctrina plurimos ædificant in ſalutē:
& item illos, qui è conuerſo potius ſuper-
ſeminare uidentur zizania, publice notos
eſſe: & nonnulli rumores ſparſi eſſent, &
delationes ad nos factæ de dogmatibus,
& conuerſatione uitæ, & ſpiritualibus exer-
citijs, quæ alijs conferunt, uenerabilium
uirorum, dominorum Ignatij de Loiola,
& ſociorum, uidelicet Petri Fabri, Claudij
Iaij, Paſchaſij Broet, Didaci Laines, Fran-
ciſci

LIBER

cisci Xauier, Alfonsi salmeronis, Simonis Roderici, Ioannis Codurij, & Nicolai de Bobadilla magistrorum Parisiensiū, præ-
sbyterorum secularium, Pampilonensis,
Gebennensis, Seguntinensis, Toletanensis,
Viscensis, Ebredunensis, & Palentinensis,
respectiue diœcesis. Quæ quidē eorū dog-
mata, & exercitia, a quibusdam diceban-
tur erronea, superstitiosa, & a Christiana
doctrina nonnihil abhorrentia. Nos, pro
officij nostri debito, ac speciali etiam mā-
dato Sanctissimi Domini Nostri Papæ, cir-
ca hæc diligenter animaduertētes, quæ ui-
sa sunt ad pleniorē causæ cognitionem
opportuna, inquisiuius, si forte, de qui-
bus prædicti culpabantur, uera esse depre-
henderemus. Quocirca examinatis pri-
mum quibusdam oblocutoribus contra
ipso, & consideratis partim publicis testi-
monijs, partim sententijs de Hispania, Pa-
risijs, Venetijs, Vicetia, Bononia, Ferraria,
& Senis, quæ in prædictorum uenerabiliū
uirorum D. Ignatij, & sociorum fauorem,
aduersus eorum criminatores prolatae fue-
runt, & ad hæc examinatis iudicialiter nō
nullis testibus, & moribus, & doctrina, &
dignitate

dignitate omni exceptione maioribus: Tãdem omnem murmurationem, & oblocutionem, & rumores cõtra eos sparsos, nulla ueritate subnixos fuisse, comperimus. Quamobrem nostrarum esse partium iudicauimus, pronuntiare, & declarare, sicut pronuntiamus, & declaramus prædictum D. Ignatium, & socios, ex prædictis delationibus, & susurris, non solum nullam infamix notam, siue de iure, siue de facto incurrisse: uerum, potius maiorem uitæ, atque doctrinæ sanæ claritatem retulisse, cū certe uideremus, aduersarios uana, & penitus a ueritate aliena obiecisse; & contra, optimos uiros, optimum pro illis exhibuisse testimonium. Hanc igitur sententiam, pronuntiationem nostram, ut publicum eis testimonium sit cõtra omnes aduersarios ueritatis, & in serenationem omnium, quicunque sinistram illam de eis suspicionem; prætextu talium delatorum, & criminatorum conceperint, faciendam duximus: monentes insuper, & exhortantes in Domino, ac rogantes uniuersos, & singulos fideles, ut dictos uenerabiles uiros, D. Ignatium, & socios habeant, & teneant

neant pro talibus, quos nos esse compe-
rimus, & Catholicis, omni prorsus suspi-
cione cessante. Ita tamen, quatenus in
eodem uitæ, & doctrinæ tenore, Deo ad-
iuuante (quod speramus) permanferint.
DATVM Romæ in ædibus nostris, die
18. Nouembris 1538.



B. Gubernator, qui supra.

Rutilius Furius Secretarius.

Porro Augustinus ille Pedemonta-
nus, qui huius omnis accusationis
fons, & origo fuit, posita larua, aper-
te, publice Lutherianus postea fa-
ctus est. Accusatorum autem is fuit exi-
tus, ut nostris tacentibus, & pro ipsis oran-
tibus, illorum se & uita proderet, & doctri-
na: quæ usque eadeo tetra fuit, ac detestabi-
lis, ut alterius statua Romæ exusta sit, cum
se ipse fuga ab incendio eripuisset: alter
perpetuo carceri propter hæresim addi-
ctus, qui tamen sub uitæ finem resipuit, &
suam uitam, erroresq; damnâs, Romæ ita
mortuus

mortuus est, ut extremum hominis spiritū
quidam ex nostris patribus exciperet.

*Ignatius, socijque partim in ur-
be, partim foris Ecclesie
nauant operam.*

Cap. XV.



Alse accusationis procellā,
magna trāquillitas est cō-
secuta: & quæ a Diabolo
ad obscurandam ueritatē,
fuerant comparata, ea (ut
omnibus in rebus, quæ qui-
dem diuino patrocinio nituntur, fieri so-
let) ad illam magis illustrandam, ualue-
runt. Quamobrem summi uiri multi,
a Pontifice Maximo, nonnullos ex nostris
petunt; alios aliò, eos Pontifex libenter cō-
cedit. Missi igitur sunt, magister Paschasius
Senas, ut uirginum sacratarum quoddam
cœnobiū reformaret: quod & præstitit, &
uitæ integritate, mansuetudine, & insigni
Christiane simplicitatis candore, multorū
in Deum

in deū excitauit studia: Brixiam magister
Claudius Iaius, qui morum suauitate, om-
nique genere uirtutis, illius ciuitatis ani-
mos sibi obligauit, Christoque coniunxit:
cum Cardinali Sancti Angeli Parmam, pla-
centiamque magister Petrus Faber, & ma-
gister Iacobus Laines, qui in ijs urbibus,
per magnos ex suis laboribus, fructus col-
legerunt, & non paucos tum uiros, tum
egregiæ indolis adolescentes, ad societa-
tem adiunxerunt. In Calabriam uero pro-
fectus est magister Nicolaus Bobadilla,
ubi populos quosdam rudes, atque agre-
stes, plurimum ad pietatem excoluit. Ne-
que uero ij, qui Romæ remanserant, otio-
si fuerunt: nam cum frumenti caritas, in
urbe tanta esset, ut multi aut fame interi-
rent, aut uiribus consumpti, in plateis pas-
sim iacerent; patres, ut huic malo, quoad
eius fieri posset, mederentur, pecuniam un-
dique corrogare, panem conquirere, her-
bas in pulmentum, concidere, mendicorū
hominum, quantam maximam poterant
turbam cogere; domum perducere, pedes
abluere; inedia confectos cibo reficere,
ulcerosos curare, rudes docere, nullum
denique

denique officium prætermittere, quod tū
ad corporis, tum ad animi curationem
pertineret. Acciditque aliquando, ut tota
domus ita compleretur, ut conquisitos, &
medijs ex plateis abreptos egenos homi-
nes uix caperet, cum trecenti, quadringen-
tiue, instrato humi fœno, iacerent. Quæ
res, magna populū admiratione affe-
cit, & ad simile studium, aliorum pieta-
tem excitauit. Multi enim uiri clarissi-
mi, & in his nonnulli Cardinales,
hoc exemplo permoti, strenue
operam nauarunt, ne an-
nonæ inopia paupe-
res opprime-
rētur. Ad
no-
stros præterea nonnulli, ijq;
præclari, tum adolescē-
tes, tum uiri, ad-
iuncti sunt.

Magister

*Magister Frācisus Xavier,
& Magister Simon in In-
diam destinantur.*

Cap. XVI.

Lib. 2.
cap. 3.



Utetia Parisiorum Doctore
quendam Theologum, Iaco-
bum Goucanum nomine,
fuisse diximus, eum qui col-
legij diuæ Barbaræ modera-
tor, iniusta indignatione commotus, uir-
garum supplicium, in Ignatium primo cō-
stituit, ueritate deinde, hominisque inno-
cētia placatus, paratum supplicium in ho-
norem, ac reuerentiam uertit. Is erat uir
pius, & grauis, & cum Ignatio beneuolen-
tia ex errore illo parta, coniunctissimus,
qui magno Dei gloriæ desiderio affectus,
& Ignatij, sociorumque æque incensam
uoluntatem, & sensus in hominum salutē
consentientes, exploratos habens; scripsit
ad Ignatium, magnum ostium in orientis
India apertum esse, latissimū ipsi, socijsq;
patere campum, si qui forte regiones illas
petere

petere uellēt. Cupere se scire, quid sentiat, quo animo ipse, quo socij sint. Ad hæc Ignatius, se, suosque in Pontificis Maximi potestate esse: illius se imperium, illius nutum intueri: quouis terrarum a Christi Vicario mittantur, non detrectaturos imperium. Hac responsione ab Ignatio Goueanus accepta, Ioannem III. Lusitanæ Regem suum, tota de re certiores facit. Rex non tam imperij propagandi, quam Christiani nominis amplificandi, & Indorum salutis percupidus, Petro Mazcharenæ, suo apud summum Pontificem Oratori, mandat, de hac re uti cum Ignatio agat; illius ad Goueanum, Goueani ad se epistolas mittit: a summo Pontifice, si non plures, sex minimum impetret: denique det operam, ut, quo rem conficiat, neque labori, neque sumptui parcat. Functus est Orator officio suo diligenter. Ignatium alloquitur: Regis litteras ostendit. Porro ab Ignatio illud accipit, se, suosque haud sui iuris esse: summi esse Pontificis imperare: suum, sociorumque parere: duos quidem impetrare, non fore, ut sibi uidebatur, laboriosum, plures autem, perdifficile. Cum

K

autem

autem Regis legatus instaret, & uehementius Ignatium urgeret, ut ex decem socijs sex, ut minimum, ex Regis uoluntate eam prouinciam acciperent; Ignatius, sereno, placidoque uultu, ijs fere uerbis respondit: si ex decem ad unam prouinciam sex auferas; quid, Iesu bone reliquo terrarum orbi relinques? In summa, rogatus Pontifex, iubet, ut ex patribus duo, ad arbitrium Ignatij, proficiscantur in Indiam: electique sunt ad hanc prouinciam magister Simon Rodericus, & magister Nicolaus Bobadilla. Simon quartana tum feбри laborabat, nauique in Lusitaniam uectus est. Ex Calabria Nicolaus in urbem accersitus est, qui egestate, assiduisque laboribus confectus, ex crure præterea grauitè laborans, eo ipso tempore uenit, quo Petrus Orator discessum in Lusitaniam parabat: qui cum neque profectiois tempus differre, neque sine altero ex nostris comite, omnino abire uellet: & magister Bobadilla morbo impeditus, consequi legatum non posset; felici sorte magister Franciscus Xauier, in eius locum, hac ratione susceptus est. lacebat Ignatius ægrotus, & Francisco ad se uocato,

cato, Non te, inquit, Frācisce, clam est, duobus ex nobis proficiscendum, summi Pontificis iussu, in Indiam esse: Bobadillæ autē huic muneri destinato, in præsēti, per morbum ire non licere; neq; Oratori, propter festinationem, expectare. Tuum hoc, Francisce, munus; tua hæc prouincia est. Tum ille peralacriter, Ecce ego, præsto sum. Itaque postridie cum Oratore discessit; cum ad salutandos amicos, complectendos fratres, uilem tunicam refarciendam, paucularum horarum tempus habuisset. Atque eo animo, eoque uultu discessit, ut iam tū Dei prouidentiam sapientissime, suauissimeque omnia disponentis, & Franciscum ad tam gloriosos labores uocantis, conijcere facile posses. Atque eo tempore Ignatius, societate nondum constituta; tamen si parentis tenebat locum, ut qui filios illos in Christo genuerat: non præpositus erat ut Dei nomine iubere posset: ex quo uirtus obedientiæ & charitatis ardor in Francisco magis enituit. Illud addam quod de Patre Magistro Iacobo Laine aliquoties audiui. Multo antea, dum iter per Italiam peregrinantes facerent Iacobus, & Franci-

LIBER

scus: fiebat non raro, ut Franciscus ex somno expergefactus, Iacobum excitaret, & diceret, Quam sum, Deus bone defatigatus. Scis quid mihi, frater, in quiete acciderit? Somniabam, me Indum, Aethiopemue humeris sustulisse, & aliquandiu gestasse; sed usque adeo grauē, ut suo me pondere pene opprimeret: itaque fessus ualde sum. Huic affine est, quod a magistro Hieronymo Domeneco accepi, qui magnam cum Francisco Bononiæ cōsuetudinem habuit, is affirmabat, Franciscum, iam ab eo tempore, de rebus Indicis, deque illarum gentium ad fidem conuersione, libentissime loqui solitum esse, quasi hanc sibi prouinciam, aliquando obuenturam, animus præsaga-

giret; eiusque rei in-

centiam præ-

setulisse

se

cupidita-

tem

Societas

Societas à Paulo III. Pont.

Max. confirmatur,

Caput V XII.



ED quoniam suus, & socio-
rum labor, atque consilia
pro salute proximorum su-
scepta, ita demum & Deo
grata, & proximis utilia, fo-
re sperabat Ignatius, si ea summus Ponti-
fex, sua auctoritate, atque iudicio compro-
basset; Paulo III. Pont. Max. per Gasparū
Contarenū Cardinalem, propositū suū,
& sociorum significavit: se, suosque ipsius
pontificis, successorumque obedientia, se
penitus, totosque deuovisse: labores om-
nes suos proximorum saluti, curasque cō-
secrasse. Optare se, ac summis uotis expe-
tere, ut quibus ipsi a Deo agrum Domini
colendi, desiderijs accensi essent; ea una
cum ipsorum uita, ne extinguerentur, sed
in aliorum exemplū adollescere, si quos
forte Deus sui imitatores excitare digna-
retur, quorum quidem Religio, Clericorū

LIBER

Regularium esset: institutum uero ut summo Pontifici ad nutum præsto forent, & omnino ad eam normam uitam suam dirigerent, quæ multo ante meditata, & a se esset constituta. Quod quidem Pontifex 3. Septemb. Tybure libenter audiuit, atq; laudauit anno 1539. Postea uero ab Ignatio eiusmodi instituti confirmationem scriptam postulante, negotium a Pontifice Maximo, tribus Cardinalibus datum est. Qui, ne res conficeretur, magnopere pugnant; præcipue uero Bartholomeus Guidiccionus Cardinalis, uir pius quidē, atq; eruditus; sed qui tantam Religionū multitudinem, quanta nunc quidem in Dei Ecclesia cernitur, minus probaret: propter quarundam fortasse lapsam, fluxamque disciplinam, quam in pristinum statum reuocandam censebat potius, quā nouas Religiones instituendas: atque de ea re librū dicitur scripsisse. Quapropter cum id sentiret; acriter nostris restitit, & Societatis confirmationi, unus omnium acerrime repugnauit, alijque nonnulli, conatus cum illo suos coniunxerunt: ut quo res exagitata esset uehementius, & magis lente

lente probata, eo testatior, atque illustrior Dei uoluntas, existeret, per Vicarium suū, hoc institutum confirmantis. Namque uicta omnis inuidia est, & intercessio omnis sublata; Ignatij continuis ad Deum lacrymis precibusq; qui aliquot Missarum millia per se, & suos Deo offerre constituit, ad foelicem tantæ rei exitum impetrandū. Ex quo cum reliquorum Cardinalium, tum uero Guidiccionij cor ita immutatum est, ut adiutor ex aduersario repente existeret, & ille nouarum Religionū tam acer paulo ante insectator, Societatis sine percepto, summopere eius institutū laudaret. Sic enim animo commotus est, ut aliquando etiam diceret, Nouas Religiones non probo: hanc tamen non probare nō audeo. Sic enim interius afficior, eos motus animi diuinitus sentio, ut quo me humana ratio non ducit, eo uoluntas inclinet, & affectu quodammodo inuitus complectar, quæ argumentis antea repudiabam. Ergo ille ipse societatis institutū Pontifici commendauit: cum enim formula quadam comprehensum, perlegisset, uehementer probauit, & pontificio afflatu spiritum Dei hic esse dixit, seque non te-


nues fructus sperare; neque exiguas ex tā
exiguo, tenuique principio utilitates, in
Dei Ecclesiam, peruenturas. Cōfirmata est
igitur societas anno 1540. V. Kalen. Octo-
bris: definite tamen, & caute: ijs enim tū
finibus, Professorum nostrorum numerus
circumscriptus est, ut sexaginta non exce-
deret. Quod diuinitus etiā factū esse cre-
dimus, ut media primis, extrema medijs
congruerent. Nā hęc societas nōdū nata,
in auctore suo Ignatio, primū probata est
in Hispania, deinde iam ædita in lucē in
Italia, Galliaque grauitē oppugnata, ante
hanc summi Pontificis cōfirmationē. qui
ut pedetentim progredieretur, & ipsa sua
cōfirmatione, societate etiā magis pro-
baret, certū numerū adiecit. Ex quo hęc
eius cōfirmatio, ad annū 1543. proba-
tio quædā fuit, quo quidē anno ubi Domi-
no cooperante, & sermonē nostrorū virtu-
te sua cōfirmāte, successus is fuit, qui spera-
batur: ab eodē Pōtifice numeri illa defini-
tio sublata est: deinde uero ab anno 1543
ad annū 1550 uenetior facta est, ac robu-
stior, & a Iulio 3. alijsq; Pontificibus cōfir-
mata, & multis, magnisq; priuilegijs aucta,
& uehemētius stabilita, ut suo loco dicā.

VITAE

VITAE IGNATII

LEO I O L A E.

LIBER TERTIVS.



IGNATIVS IN PRAEPO

SITVM GENERALEM

ELIGITVR.

Caput primum.



SOCIETATE à Paulo
III. Pont. Max. confirma-
ta, nihil patres prius ha-
buerunt, quam ut Prae-
positum crearent eum,
qui uniuersae Societati
praesset, cuiusque spiritu, ac prudētia, om-
nia tum Romæ, tum foris administraren-
tur. Societatis autem status eiusmodi tū
ferme erat, Franciscus Xavier, & Simon
Rodericus

L I B E R

Rodericus in Lusitania, Petrus Faber ad conuentum Imperialem Vormatiensem cum D. Ortizio profectus, in Germania; Iacobus Laines Parmæ erat, Brixia Claudius Iaius, Senis Paschasius, in Calabria Nicolaus Bobadilla: ipse Ignatius, Salmeron, & Ioannes Codurius Romæ remanserant. Lutetia præterea iuuenes aliquot, qui animū ad Societatem appulerant, iam tum in literarum studijs uersabatur, Roma ab Ignatio hanc ipsam ob causam missi. In ipsa uero urbe duodecim fere, ad patres accesserant: habitabamusque arcte sane, & peranguste, ex aduersum templi, quod nunc habemus, in conductâ domo, male materiata, & ruinosa. Hoc rerum statu, euocati sunt Romam qui ex decem patribus in Italia erant: omnesque sub Quadragesimâ anni 1541. uenerunt, præter unum Nicolaum Bobadillam, quem Bisiniani fructuose laborantem, summi Pontificis imperiū retinuit. Diutius autem res differri nō potuit, quod idē Pontifex, paulopost aliquot alios ex patribus, uarias in prouincias, dimittere statuisset. Per Quadragesimæ ergo tempus Ignatius, Laines Salmerō, Claudius

dius, Paschasius, & Codurius, ad Præpositi
Generalis electionem conueniunt: rebus
agitatis, statuunt, ut triduum in oratione
ponant; silentium hac de re inter se ser-
uent; tum suum quisque suffragium ma-
nu sua scriptum, adferat, quo sensus cuius-
que, ac uoluntas declaretur. Post triduum
rursus coeunt: suffragia sua cum absentium
patrum suffragijs, quæ illi aut scripta reli-
querant, aut postea miserant, coniungunt:
post tertium item diem, omnibus omnium
tum præsentium, tum absentium senten-
tiji Ignatius Præpositus Generalis renun-
tiatur. Hic ille, cum ad parendum magis,
quam ad imperandum, se ex animo para-
tum ostendisset; ad socios, Ego fratres, in-
quit, neque hoc munere dignus sum, neque
uero idoneus, qui alios regam: nã, qui me
ipse regere nescio, alios quomodo regã?
quod ego uere sincereque coram Deo, ac
Domino nostro dum considero; dum præ-
teritæ uitæ meæ peruersos habitus, & præ-
sentis peccata, & miserias multas diligen-
ter mecum ipse reputo; facere non pos-
sum, ut quod uos mihi onus imponitis, in
me recipiam: quod uos quæso boni con-
sulite,

LIBER

fulite, & de integro, per tres alios quattuor
ue dies, rem totam Deo commendate ar-
dentius, ut diuino illius afflatu, ac impul-
su, in patrem eum potissimū, ex omnibus
eligamus, qui optime omnium, societate
sit uniuersam, gubernaturus. Patres, princi-
pio quidē Ignatio aduersantur: sed acquie-
scere tandem coacti, tempus ad denuo de
liberandū, sumunt. Quatriduo interposi-
to, rursus conueniunt: sed eadem animorū
consensione, Ignatius Præpositus Genera-
lis eligitur. Tum ille, ne aut omnibus unus
obstisteret, aut quod sibi non satis conue-
niens iudicabat, munus susciperet; ego, in-
quit, meo cōfessario rem totā permitto:
ego illi totius uitæ meæ crimina aperiam;
illi animi mei morbos, corporisq; ægritu-
dines exponā: quibus auditis, si ille tamen
in Christi domini nostri nomine, uel man-
dauit mihi, uel consiliū dederit, ut tantū
onus subeam, tunc deniq; obtemperabo.
Hic reliqui obstrepere, ac reclamare, & sa-
tis esse exploratā rei uoluntatem, dicere;
Ignatiumq; urgere, ne diutius, humilitatis
obiectu, rē producat, ne Deo repugnare ui-
deatur. Cū autem de sententia ille dimo-
ueri

ueri non posset; tandē ut id fiat, quod uolebat, inuiti decernunt. Igitur confessorium Ignatius, quid uideatur, rogat: ille, uideri sibi ait, Ignatium Spiritui sancto resistere. Tū Ignatius hominē obsecrat, attētius uti rē totā expendat, & Deo commendet, ac tum demum ad reliquos socios, quid sentiat, referat. Fecit ille quod rogabatur. Patribus refert, sibi uideri omnino, ut Ignatius Societatis gubernationem accipiat: ille, maxima omnium gratulatione, se facturum dicit. Sextam feriam a Pascha, proximam ad x. Kalen. Maij, constituunt, quo die & septem urbis insigniora templa, & illorum stationes obeant, & in diui pauli a turba uacuo, & peropportuno loco, singuli professionem suam emittant: quod & factum hunc in modum est. Ad diui pauli cum peruenissent, & peccata sua confessi inuicem breuiter essent; Ignatius in sacello beatæ Mariæ (in quo sacratissimum Iesu Christi corpus tū asseruabatur) rem sacram facit: cum ad perceptionem dominici corporis uētum est, altera illud manu in patena tenēs, altera professionis formulam, ad suos conuersus,

LIBER

uersus, uota sua ijs uerbis clara uoce pronuntiauit. ¶ Ego Ignatius de Loiola promitto omnipotenti Deo, & Summo Pontifici, eius in terris Vicario, coram eius Virgine matre, & tota cœlesti curia, ac in præsencia Societatis, perpetuam paupertatem, castitatem, & obedientiam, iuxta formam uiuendi in Bulla Societatis domini nostri Iesu, & in eius cōstitutionibus declaratis, seu declarandis contentam. Insuper promitto specialem obedientiam summo Pōtifici circa missiones in Bulla contentas, rursus promitto me curaturum, ut pueri erudiantur in rudimentis fidei, iuxta eandem Bullam, & constitutiones. Percepto ab Ignatio Domini nostri Iesu Christi corpore, & sanguine, quique patres alij ante assumptionem domini corporis, nullo ordine antiquitatis seruato, professionem suā emisērūt, cuius formula sic habet. ¶ Ego. N. promitto omnipotenti Deo, coram eius Virgine matre, & tota cœlesti curia, ac in præsencia Societatis, & tibi, Reuerende pater, locum Dei tenenti, perpetuam paupertatem, castitatem, & obedientiam, iuxta formam uiuendi in Bulla societatis
domini

domini Iesu, & in eius constitutionibus declaratis, seu declarandis, contentam. Insuper promitto specialem obedientiam summo pontifici circa missiones in Bulla contentas. Rursus promitto me obediturum circa eruditionem puerorum in rudimentis fidei iuxta eandem Bullam. Redi uina confecta, sacrisque illius templi locis pie, sancteque obitis, ad aram maximam sub qua beatissimorum petri, & pauli Apostolorum principum, ossa condita sunt, patres consilium: ibi mutuo sese, amanterque complectuntur: animos suos magis deuinciunt, & summa deuotione, ac pietatis ardore, profluentibus lacrymis, Deo Opt. Max. gratias agunt, quod quæ ipse inchoasset, dignatus esset perficere; quodque diem illum uidere ipsis licuisset, quo se holocaustum in odorem suauitatis admittere, & ex tot prouincijs collectos homines, in unum corpus coalescere uoluisset. Porro magister Ioannes Codurius eo die singularem quandam, atque eximiam deuctionem sensit, & usque adeo uehementem Dei consolationem, ut illam, quominus efferuesceret, & foras erumperet,

LIBER

erumperet, nulla ratione cohibere posset:
itaque illum per uias ambulantes, audie-
bamus, magnis uocibus complentem cœ-
lum, & ad Dominum sic clamantem, ut,
præ affectus magnitudine, dirumpi omni-
no uideretur, quasi se ex custodia hac bre-
ui educendum, animo prælagiret. Nam hoc
ipso anno qui primus ex decem post Igna-
tium professionem emiserat, primus om-
nium ad iiij. Kal. Septembris decessit è ui-
ta, qui in Prouincia oppido Sein, ipso nata-
li die D. Ioannis Baptistæ natus, ipso mor-
tis eius die, eademque ætate qua ille, mor-
tuus est; cum ipso quoque B. Ioannis na-
tali die, Sacerdotij dignitatem adeptus
fuisset, uir in audiendis confessionibus ap-
prime exercitatus, tractandisque proximo-
rum animis, & ad pietatem promouendis
efficax, prudentiaque singulari, ex qua re
magnam apud summos uiros auctoritatē
erat consequutus. Eius mortui anima cœ-
lum intrare cuidam precanti conspecta
est, clarissima gloriæ circumfusa luce, An-
gelorumque permixta choris. Qua uero
hora mortuus est, Ignatius qui ad D. Petri
Montorij pro illo sacrificaturus pergebat,
in Ponte

in Ponte Xisti, repente quasi horrore quodam perfusus, restitit; & ad comitem suum conuersus, Ioannes (inquit) Codurius, iam uita excessit.

Ignatij Generalatus initia.

Caput II.

Repositi Generalis munere suscepto, ea Igna-
tius coepit grauitè con-
stituere, quæ tum ad uni-
uersæ Societatis admini-
strationem, tum etiam
ad domesticam disciplinam pertinerent.
Atque ut quo altius ascenderat, eo se ge-
reret submissius, exemploque suo omnes
ad ueræ humilitatis studium prouocaret,
culinam statim est ingressus, in eaq; per
multos dies, & coquum agere, & alia ui-
lia ministeria domestica obire cepit, tã ac-
curate, ac serio, ut quasi nouitijs aliquis,
sui tantum profectus causa facere uideretur.
Et quoniam per occupationes (quæ
multæ quotidie, & magnæ illi occurrebāt)

L libere,

libere atque integre eiusmodi officijs uacare non poterat; ita tempora diuidebat in & negocijs grauioribus adesset, & culinæ tamen non deesset. Deinde Christianæ doctrinæ rudimenta tradere exorsus est, & pueros instituere: quod in templo nostro, per sex & quadraginta dies, continenter fecit; plurimq; ad eum audiendū, ueniebāt quotidie, neq; tam pueri, quā uiri, & feminae; indocti, doctiq; & cum pia potius, quam docta diceret, & impolitis, atq; improprijs uerbis uteretur: illa tamen rudia, & inculta uerba fortia erāt, ac robusta, audientiūq; animos mouebant, nō ad inanē plausum, atq; admirationē, sed ad fletū, & uitiorū detestationē salutarē. Itaq; cum finem dicendi fecisset Ignatius, permulti se ad Sacerdotum pedes gemebundi, aduoluebāt; ita commutati animis, doloreq; commoti, ut, præ lacrymis, & singultibus, uix possent peccata sua confiteri, quod P. Laines, qui tum confessionibus audiendis operā dabat, mihi sæpe affirmat. Neque mihi tamē hoc nouū, aut admirabile uidetur, cū ea, quæ tum uidi, memoria repeto. Nāq; memini, ea energia Ignatium, atque spiritus

spiritus feruore, uerba facere solitū, ut fla-
grare caritate ipse, & ardētes diuini amo-
ris facies quodāmodo iaculati uideretur,
ut etiā, illoracūte, uultus ipse, & totius oris
inflāmatiō, icēdere facile auditores possēt,
eōrumq; animos, quodcūq; uellet, impellere.

*Franciscus Xavier in Indiam
proficiscitur. Simon in Lu-
sitania remanet.*

Cap. III.

HOC eodem anno 1541. 7.
Aprilis, Magister Franciscus
Xavier ex portu Vlyssip-
ponensi in prætoria nauī,
quā Martinus Alfonsus Sof-
sa Prorex uenebatur, foeliciter in In-
diam soluit. Magister autem Simon in
Lusitania remansit, remanendi autem
caussa eiusmodi fuit. Dum idoneam in
Indiam nauigandi tempestatem ambo
expectant, ne otiosi interim essent, pro sua
consuetudine, homines ad ueræ pietatis
studium

studium excitare incipiunt, & in his præcipuam Lusitaniæ nobilitatem: & uitæ exemplo, pijsque monitis plurimum profecerunt. Qua de causa ex aulicis uiri nobilissimi Regem ipsum docent, quanta in hominibus uirtus, ac prudentia sit: monentq; secum cogitet, num in Lusitania utiliores eiusmodi homines, quam in India, futuri sint. Quod nostri subodorati, ad Ignatiū scribunt, quid præsentiant, uereri se, ne Regis auctoritate, contra summi Pontificis mandata, in Lusitania diutius hæere cogantur. Ignatius cum id egisset, ut Pontifex rem totam intelligeret, eamq; Pontifex Regi liberam reliquisset; eos per epistolas certiores facit, rem totam a Pontifice in Regem reiectam esse: itaque Regi per omnia obtemperent; nulla prioris mandati religione moueantur. Sibi tamen (si Rex forte scire uelit, quid ipse sentiat) uideri, ut Franciscus in Indiam proficiscatur; Simon in Lusitania remaneat: quod utique consilium Rex probauit. Hæc sunt disseminatæ in Lusitania, & remotissimis Indiæ regionibus, nostræ Societatis exordia.

Alfonso

Alfonſus Salmeron, & Paſchaſius Broetus in Hyberniam legantur.

Cap. III.



OC item anno, Magister
Alfonſus Salmeron, & Ma-
giſter Paſchaſius Broetus,
cum perampla poteſtate,
nūtij Apoſtolici a ſummo
Pontifice in Hyberniam

miſſi ſunt: qua poteſtate caſte, prudēterq;
uſi ſunt, ſuoque munere functi diligenter:
rudes illos, & incultos populos Regis An-
gliaꝝ potentia, & uicinitate labantes, in ue-
ra religione retinere ſtuduerūt: fidei Chri-
ſtianaꝝ dogmata imperitis explicarunt. Pe-
cuniam neque exegerunt unquam, neque
ſponte oblatam, acceperunt: ſi quid mul-
tæ nomine imperaſſent, id totum egenis
tribuebatur, ipſi nihil penitus attingebant.
Atque hac ſobrietate uitæ, & moderatio-
ne, in ea prouincia aliquandiu uerſati, in
Galliam redierunt, quod aditum ueritati

clausum, & insidias a perditis quibusdam hominibus, sibi fieri comperissent, qui eorum uitam pretio Anglis mercatoribus addixerant, ut eos Henrici VIII. Angliæ Regis, traderent potestati, cuius ipsi, dum eo nauigarent, manus diuinitus effugerāt. Certior factus de periculo summus Pontifex, iusserat quidē, ut illi se in Scotiā transferrent, eum eadem potestate: Sed cum illa prouincia, pessime aduersus sedem Apostolicam iam tum affecta esset, animique nobilium ab illius reuerentia abalienati, inopportunum tempus ratus Pontifex, homines ad se reuocauit. Itaque Lutetia iter in Italiam suis ipsi pedibus, tenuique pecunia, Apostolici Nūtij sunt ingressi. Et cum bellum in Hispaniam, Gallia instrueret, quasi speculatores Lugduni intercepti, in uincula coniiciuntur: a Cardinalibus Turnonensi deinde, & Gaddio agniti, educuntur, & uiatico, equisq; benigne donati, Romā ad Ignatiū remittuntur. Interea Faber cū D. Ortizio in Hispaniam hoc ipso anno 1541 est profectus: in cuius locū Nicolaus Bobadilla, professione ædificator, in Germaniam, Pont. Max. iussu, missus est.

est. Et ut ex ijs, quæ diximus, perspicui po-
test, ex quo a Summo Pontifice confirma-
ta nostra Societas est; uix anno uertēte in
Italiam, Galliam, Hispaniam, Germaniā,
Indiam, atque Hyberniam disseminatam
illam uidere licet. Non enim inuadit illam

(summa supponit non uideat) ut angli

De Collegijs Conimbricensi, &

Goensi, ac Romana do-

mo. Cap. V.

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

cap. V. de iudiciis, et de iudiciis

IN O C rerum statu, Ioannes
Lusitaniæ Rex, ut in
eorum saluti consuleret,
misso ad Indos Francisco
Xavier, alios ex nostris, qua-
ratione in annos singulos posset mittere,
cogitauit: Collegiumq; nostræ Societati,
decreuit omnium primus instituere, quod
illius propaganda apud Indos, quasi semi-
narium esset. Quare ad celebrem Conim-
bricensem academiā a se fundatā, nostrū
quoq; Collegiū adiecit: cuius collegij pro-
pagatio, & soboles, origo reliquorum in-

Lusitania collegiorum est: ad quod quidē
constituendum Ignatius ex nostris, qui &
Romæ erāt, & Lutetia, in Lusitaniam ado-
lescentes aliquot, uirosque probatissimos
anno 1541. & 1542. ad Simonem misit.
Mittebantur autem nostri id temporis ab
Ignatio (ut obiter hoc quoque dicamus)
in remotissimas etiam terras, in hunc fere
modum. Pedibus suis peregrinabantur: nō
uno omnes habitu, sed semper uili: men-
dicato uiuebant: in hospitali pauperū do-
mo, ubi eius erat copia, dormiebāt. Si quā-
do uel uictus ex eleemosyna deesset, uel
lectus, tenui aliqua pecuniola se sustenta-
bant, in eum ipsum finem reseruata. In pla-
teis, pro loco, & tempore, cōcionabantur:
hortabantur quoscunque nacti erant, ad
detestationem uitiorum, ad confessionem,
orationemque, & ueræ pietatis cultum:
egredientes hospitium, armabat oratio: in-
gredientes excipiebat. Diebus dominicis,
qui sacerdotes non erant, aut sæpius etiā,
confitebantur, & communicabant: inter
ipsum summam pax, summa concordia; &
quod mirabilius est, in magnis laboribus
magna alacritas, animusque semper lætus,
& præ

& præ laborandi pro christo, patiendiq;
desiderio, ne de ipsis quidem longissimi
itineris molestijs, aut periculis cogitans.
Imbecillus qui maxime in ambulando erat,
antecedebat alios, ut quod ille poterat, ad
id se ualētiores accommodarent. Et quo-
niam nulla tunc collegia in uia occurre-
bant, nullus certus locus (ignota adhuc So-
cietate) quò nostri, si quid in uia accidis-
set, sese reciperent; illud etiam præcipie-
batur ab Ignatio, & seruabatur diligenter,
ut si quis forte morbo aliquo impeditus,
persequi iter non posset, pro morbi con-
ditione, ad breue quidem tempus, reliqui
omnes consisterent; sin diuturnior fore ui-
deretur, unus certe remaneret, qui ad egro-
tum subleuandum, uideretur aptissimus.
Hunc in modum, illis initijs, nostri Roma
mittebantur ab Ignatio, & Lutetiam, & in
Hispaniam; hoc modo in Lusitaniam us-
que profecti sunt, qui collegij Conimbri-
censis fundamenta iecerunt: qui benigne
a Rege accepti, dum Conimbricæ res fu-
turo collegio parantur, Vlyssipponæ ali-
quandiu commorati, domus sancti Anto-
nij initium etiam fecerunt.

Sed

Sed etiam in India, simulatq; Francisci Xa-
uier uirtus, & prudentia, tra&ctati ab homi-
nibus illis, & agnosci cœpta est, uberes
protulit ex se fructus, ut suo loco dicam.
Anno enim statim 1542. Goæ, quæ ciuitas
Regia est, & Indicarum omnium, quæ Lu-
sitano Regi parent, metropolis, Collegiū
quoddam alendos Gentilium filios ad Chri-
sti fidem conuersos, atque educandos, Lu-
sitianorum liberalitate, iam tum fuerat in-
formatum, nostris datum est, ut eorum ip-
sorum puerorum ad pietatem informan-
dorum, curam susciperet, & ueniētes suos
ex Lusitania fratres exciperent, & accolas
Societatem ingredi uolentes, probarent:
essetq; Collegium illud, Christianæ fidei
hostibus, quasi propugnaculum quoddam
oppositum. Multum ex humili ducta prin-
cipio duo hæc Collegia, Conimbricense,
& Goense, creuerunt. Nam ad 200. Co-
nimbricense ex nostris continet: Goense
ad 120. & in utroq; disciplinæ omnes in-
genuæ, quæ quidem a Theologo non sint
alienæ explicantur: & quicquid apud In-
dos a nostris gestū est: quicquid apud Ia-
ponios, Sinas, Persas, Aethiopes, & alias ple-
rasque

rasque nationes, veri Dei ignoratione cæ-
 cas, effectum ex his duobus Collegijs pro-
 fectum est maxime. Ex quo intelligimus,
 Collegiorum, quæ in uniuerſa Societate cõ-
 ſtituta hæcenus ſunt, primum omnium te-
 nere locum Conimbricenſe, Regis Luſita-
 niæ munificentia, iam tum informatum,
 poſtea uero etiam perfectum. Collegiorũ
 dico: nam Romana domus reliquæ Socie-
 tatis parens eſt: ex qua, ut ex matrice qua-
 dam ciuitate, Ignatij opera, & conſilio, co-
 loniæ deductæ in diuerſas terras, & propa-
 gatæ ſunt: quæ quidem domus Romana
 cum ipſa Societate nata eſt. Siquidẽ exeũ-
 te anno 1540. templum beatæ Mariæ (ut
 uocant) de Strata, Petri Codatij induſtria
 & beneficio nobis additum eſt. Anno ue-
 ro 1543. templum ſancti Andree per op-
 portunum, ac propinquum, opera, ac ſtu-
 dio Philippi Archinti Seleuciarum Epiſco-
 pi, ac Summi Pontificis tunc in alma Vrbe
 Vicarij, & de uniuerſa Societate optime
 meriti, ipſius Pontificis Summi decreto,
 adiunctũ eſt: in quo eo ipſo anno domus,
 quam nũc incolimus, ædificari cœpta eſt.

*h' an poſſit
 p'iri*

Patauinum

LIBER I

Patauinum Collegium.

Caput V I.



ER idem tempus, Repub. Veneta postulante, anno 1542. missus à summo Pontifice Venetias est, P. Iacobus Laines, ut pietatis quædam opera promoueret, qui cum strenue suo fungeretur munere, in Andream Lippomanum Ecclesiæ sanctissimæ Trinitatis Priorem, uirum Patritium, ac religiosum incidit, ad eumque ipsius rogatu diuertit. Qui domestica consuetudine, mores Iacobi, ingeniumque perspicuens, & Societatis nostræ institutum intelligens, ita permotus est, ut de extruendo Patauino collegio, statim cum Iacobo ageret. Habebat enim Patauij etiam Prioratum diuæ Magdalenæ, ordinis hospitalis sanctæ Mariæ Theutonicorum, olim in expeditione Christianorum contra Turcas, a Germanis constitutum: quem in Collegij Societatis institutionem conferre decreuit, & dum res a Summo Pontifice impetratur, aliquot ex nostris alere,

alere, ut nō solum futuri beneficij spe, sed
præsentis etiam utilitate frueretur. Itaque
Roma missi Patavium ab Ignatio sunt an
no 1543. qui cum Ioanne Polanco, & An
drea Frusio (iam tum in Patavina acade
mia studijs litterarum operam dantibus)
se se coniungerent, & collegij fundamen
ta ponerent. Anno deinde 1544. impetra
tus a Paulo III. Pont. Max. Prioratus est, ac
sedis Apostolicæ auctoritate, Collegij usi
bus in perpetuum consecratus. Sed anno
1548 nostris, ut in possessionem mitteren
tur, a Senatu Veneto petentibus, quidam
sanguine Priori Andreæ maxime coniu
ctus, uehementer obstabat: & ut erat Sena
toria dignitate, & opibus, inter suos præ
stans, facile, Iacobo Laini, & Alfonso Sal
meroni, rem curantibus, aduenis, ignotisq;
hominibus, & pauperibus, negotium exhi
bebat. Accidit etiam, ut aliquando in Sena
tum ingressi, ut suæ postulationis rationē
exponerent, pene exhibilarentur, quod il
lo Patrum consensu, homines specie, habi
tuque contemptibiles, indigni uiderentur.
Sed silentio tandem impetrato, causaque
ab Iacobo perorata, magna omnium cō
surrectio

surrectio facta est, & perthorifica com-
 pellatio: cum in homine prudentiam, & di-
 cendum, modestiamq; admirarentur.
 Sed cum difficultates perumpere nostri
 non possent, neq; aduersarij potentissimi
 consilijs obsistere, ad Ignatium Laines scri-
 psit, quo loco res esset, petijtq; ut ad illam
 conficiendam, fœlicemque exitum a Do-
 mino impetrandum, sacratissimum Mis-
 sa sacrificium offerre Deo dignaretur. Fe-
 cit Ignatius quod rogabatur, ipso die na-
 tali beatæ Mariæ, Iacoboq; rescripsit: Feci
 quod rogasti: esto bono animo, nec te hæc
 res sollicitum habeat, sed confectam puta.
 Nec fefellit euētus. Octauo post sacrificiū
 die, frequens senatus ea de re habitus est,
 & omnibus omnium fere sententijs, pos-
 sessio nostris adiudicata. Per mirus autē il-
 lius Reip. peritis uidebatur, & inusitatus,
 tātus frequentissimi Senatus, pro peregri-
 nis, aduersus ciuē consensus. Atq; ut eiul-
 modi euentus Deo, nō hominibus tribue-
 retur; quo die relatū ad Senatū de hac re
 est, probatissimis senatores, qui nostras par-
 tes agebant, eo die in Senatū nō uenerūt,
 ne quid homines sibi, de diuina laude de-
 cerperent

ceperent, & nos non hominibus, sed Deo
nutri, diceremus, qui etiam salutaria effe-
cit, quæ in periculo ab aduersarijs paraba-
tur. Nā cum iactata de nobis, qui in Colle-
gio Patavino eramus, multa ab aduersa-
rijs essent, ut nos in periculi suspitionē ad-
ducerent, Senatus decreto, in nostrā uitā
inquisitū diligēter est: eaq; a quibus māda-
uerat, inuēta, & scripta sunt ad Senatum,
quæ nos suspitione liberarēt, & Societate
nostrā probitatis testimonio cōmēdarēt.
Eodem anno 1542. in Belgicam nostri, nō
tam sua uoluntate, quam necessitate qua-
dam, sunt ingressi. Nam cū bellum inter
Carolū V. Imp. & Franciscum Galliarum
Regem, repente exarsisset; Hispani omnes,
Flandrique, qui in Gallia uersabantur, Gal-
lia excedere iussi sunt: quo tempore, quin-
decim, sexdecimue de Societate, partim
Itali, partim Hispani Lutetiæ Parisiorū lit-
teris dabamus operam. Ex quibus, ut Re-
gio edicto satisfaceret, Italici Lutetiæ rema-
nentibus, Hispani in Belgicam amicā pro-
uinciam, duce Hieronymo Domeneco, ac
moderatore, profecti, & studia litterarū in
Louaniensi academia sumus prosequuti.

Ibi

Ibi uero tantum exemplo a nostris, & Frā-
cisci strada latinis concionibus effectum
est, ut multi studiosi, egregijque adolescē-
tes & uiri doctrina, atque auctoritate no-
biles, nostrum institutum auide arriperēt:
quos Magister Petrus Faber ab Hispania
reuersus ex superiore Germania, in infe-
riorem descendens, suis consilijs postea
confirmauit. Et hoc quidem propagatæ in
Belgica Societatis semen, & origo.

Confirmatur denuo a Pontif.

*Maximo Societas, & au-
gēdi numeri fit potestas.*

Caput VII.



Nimaduertens igitur Igna-
tius non modo præclaros
adolescentes ad societa-
tem animum adijcere, ue-
rum etiam uiros graues,
atque eruditos, Collegiaque in quibus ale-
rentur, institui, magnū fructum a suis ædi-
neque tamen sibi per summi Pontificis de-
cretum

cretum licere, omnes qui a Deo uocarentur, in Societatem, professione ædita, cooptare, a Christi Vicario contendit, ut Societatem ipsam denuo confirmare dignaretur, dilatareque cōtractum illum, ac breuem numerum, quem in prima Societatis approbatione, nostris admittendis circūseplerat: quod utique pontifex, sicut libro I. dictum est, anno 1543. pridie Idus Martias magna uolūate fecit: cum patres nostros, uita, doctrinaq; sua, uberes Ecclesiæ Christi fructus tulisse intelligeret, uberiores etiā laturos speraret: ex quo tēpore magnum Societas nostra incrementū cœpit. Interea, cum semen illud, quod Petrus Faber, ac Iacobus Laines in Parmensi solo sparserant, fœliciter adolesceret, multique essent Sacerdotes, illorum studio discipuli, Socij uoluntate, qui, quod illi plantarant, ipsi rigarent, atque excolerent, & armæ magna pietatis accessio, quotidie fieret; inimicus homo per concionatorem quēdam hæreticum zizania superseminare conatus est; qui & multa impia, atque hæretica ex suggesto iactauit: & sacerdotes illos, quorum uitā, doctrināq;

M obstare

LIBER

obstare sibi intelligebat, falsi criminis inuidia onerare aggressus est. Itaque grauis in illos, (quāuis prorsus innoxios) quos cōtēplātes uocabāt, tēpestas coorta est, quæ in nostrum etiā nomen erupit. Nam etsi illi beneuolentia tantum nostri erant, & imitatione magis, quā professione: in nos tamen quasi in auctores, conferebatur culpa, aut nobiscum certē communicabatur. Ignatius igitur curauit in primis, ut summus Pontifex, quod Parmæ gestum erat, intelligeret. Qua re permotus (ut par erat) grauit̃ Pontifex, & alijs contagionibus malorum admonitus, quæ in nonnullis Italiæ ciuitatibus, serpere quotidie magis nūciabantur: ex uniuerso Cardinalium collegio sex omnino delegit, qui summa cum potestate in Hæreticos inquirerent, & in perēni quadam uigilia aduersus Ecclesiæ hostes essent: quod præclarum inuentum, non urbi solum, sed Italiæ etiam uniuersæ, extitit salutare. Illud etiam acriter pugnauit Ignatius, ut, quæ in Sacerdotes illos cōijciebantur, ea iudicio excuterentur, ac proferrentur in lucem, ne qua ex silentio infamiæ nota illorum uitæ, nostroque nomini

mini inureretur: quod, multis repugnantibus, atque obnitentibus, tandem uicit. Ergo illi, sententia pronuntiata a Ludouico Milanesio, Protonotario Apostolico, ac Vicelegato, omni criminis suspicione liberati sunt.

Collegium Complutense.
Caput Vlll.



X eorū numero, quos Roma ab Ignatio, anno 1541 ad Conimbricense Collegium constituendum missos fuisse diximus, Franciscus Villa noua fuit, qui cū

ex longi itineris laboribus, incommoda uteretur uoletudine, medicorum consilio, & patrum nostrorum uoluntate, ut coelū mutaret, Complutum uenit: ubi, utcunque ex morbo confirmatus, sedem, Ignatij infu, fixit: & homo natus grandis, ad Grammatices studium aggressus, uerborum inflexiones, atque nominum meditari cœpit, & puerilia rudimenta studiōse deuorare:

M 2 quo

LIBER

quo in labore duos annos posuit, summa inopia, & tolerantia, rerumq; humanarū contemptione: sed pari uel hominum admiratione, uel fructu. Nam homo litterarum rudis, cōditione humilis, ignotus nomine, doctissimos, grauissimosq; uiros, in nobilissima Academia, consuetudine ita sibi deuinxit, ut spiritum hominis, prudentiamque admirati, ad illum de rebus suis referrent, illum sibi magistrum exercendæ pietatis asciscerent, illum ducem sequeretur, plusque illi auctoritatis apud bonos adderet uirtutis opinio, quam inopia adimeret doctrinæ. Adiuncti sunt paulo post tres alij, quorum exemplo, commoti scholastici nonnulli, ad nostræ institutum Societatis animum applicuerunt, qui quidem molestijs perfuncti sunt, multis & rei nouitate, & falsi criminis suspicione, commotis, qua suspicione nostri cognita ueritate, publico. M. Velæ Academiæ Rectoris testimonio liberati sunt. Resque cum aliorum benignitate, tum uero Doctoris Vergaræ in primis, Canonici Conchenfis studio, ac beneficentia, eò progressa est, ut commodum, numerosumq; Collegium

Collegium Compluti habeamus: ex quo, longum sane esset enumerare, quot uel maximis ingenijs adolēcentes, præstantique scientiæ, ac uirtutis spe; uel uiri sapientiæ, prudentiæque laude clari, Societate nostram sint ingressi: ut mihi quidem Complutense Collegium, principium constituendæ, propagandæque in illis prouincijs Societatis, & quasi seminarium præcipuum fuisse uideatur.

Ignatius in urbe pietatis opera instituenda curat.

Caput IX.



ED non modo domestica-
rum rerum, & uniuersæ so-
cietatis curâ gerebat Igna-
tius, uerum etiam curæ, &
cogitationis suæ quam po-
terat partem, in externorum utilitates de-
riuabat. Quamobrē multa, quæ consuetu-
dine inoleuerāt uitia, abolēda, multa in ur-
be instituenda curauit, quæ cum hominū
essent salute coniuncta. Illud in primis, ut

LIBER

Decretalis Innocentij. III. Cum infirmitas corporalis (quæ habetur de poenitentia, & remissione) hominum uitæ maxime necessaria, & salutaris, instauraretur: qua nimirum cauetur, ne medici corpori curando manum prius admoueant, quam ægrotantis anima confessione curata sit: mitigata tamen illius decreti seueritate, eaque moderatione adhibita, ut uno, atq; altero die medicus ægris adesse possit: tertio uero nullo modo, nisi prius cōfessi sint. quod quidem decretum Santissimus Pius Quintus, sui Pontificatus initio, seuerioribus etiam legibus in perpetuum sanxit. Præterea, cum in urbe tanta ludæorum esset turba: nullus tamen locus erat, quo se reciperent ij, si qui forte, quod super cor
 2. Co- eorum adhuc positum est, Dei misericor-
 rint. 3. dia sublato uelamine, ad Christi lucem sese conuerterent: nulli doctores certi, qui illos ad Ecclesiæ gremium uenientes, erudirent; nulli redditus ad subleuandam eorum inopiam, constituti. Ergo, ne tantus periret fructus, eos ex nostris angustijs, domi nostræ aliquot annos sustentare, erudire, & in certo genere uitæ collocare, non dubitauit

dubitauit Ignatius: multique ex Iudæis uel caritate nostrorū allecti, uel exemplo suorum commoti, ad Christum cōuersi sunt. In quorum numero, etiam fuerunt Iudæorum primarij, qui ad Christianam fidem amplificandam, momenti plurimum attulerunt. Vehementer enim reuincebant Iudæos, ostendentes per scripturas, esse Christum Iesum. Verum, ne hæc utilitas exigui temporis esset; in eam rem diligentiam suam nauauit Ignatius, ut locus in urbe cōstitueretur, qui Catechumenis recipiendis esset, sustentandisque accōmodatus: quod magnis laboribus tandem perfecit. Et quo mollior illis ad Christum, uia esset; a Paulo III. Pont. Max. impetrauit, ne quid suarum rerum amitterent, neue detrimento Christi fides ijs esset, qui Christum Salvatore agnoscerent; immo uero Iudæorū liberis, ad Christum contra parentum uoluntatem uenientibus, bona ipsorum omnia integra omnino essent; & quæ ab illis usuris fuissent parta, quorum iusti domini ignorarentur, atque iccirco per manus Ecclesiæ essent in pios usus conuertenda; Iudæis ipsis conuersis, in suscepti baptismatis

Act. 18

LIBER I

tis gratiam tribueretur. Ad quæ illud etiã deinceps a Iulio III. & Paulo III. præclare additum est, ut singulæ Italiæ Iudæorum Synagogæ, certam pecuniæ summã, ad eos alēdos, qui ex Iudaica perfidia euadunt, huic Cathecumenorum domui quotannis impendant: multa que alia ad illos uel inuitandos, uel in Christi fide retinendos, sapientissime constituta sunt. Ex quo magnus aditus apertus est ad illius gentis salutem, multique se ex reliquijs, & fœce illa Israel ad Christum adiunxerunt.

Ad hæc, magna Romæ muliercularum earum uisebatur multitudo, quæ ex prostituta pudicitia quæstum faciebant: (maior enim per id tempus, morum in urbe licentia, quæ Santissimi nunc Pontificis Pij V. uigilantia, seueris legibus compressa est) & urbs ipsa meretricijs sordibus obsolebat: erātq; istiusmodi muliercularū nō nullę quæ diuino instinctu, cuperēt aliquādo se, ex impura illa flagitiorū uoragine, in portū salutis recipere. Ad quas alēdas, diuæ Magdalenæ (conuersarū uulgo appellāt) Cœnobium est institutū: Sed ea tamē lege uenientes admittuntur, si perpetuæ se religioni

religioni consecrent, & illius limen eo animo ingrediantur, ut ex illo pedē nusquam efferre constituant, quo minus late patent eius Cœnobij fructus, nā per multæ ex ijs nuptæ sunt; quæ hoc perfugio excluduntur, quibus locus aliquis dandus est, quo se recipiant, dum maritis reconciliantur, ut a uitæ honestate quam perunt, absit periculum. Porro aliæ emergere quidem ex fœcibus illis uellent: sed nō continuo se diuturnæ pœnitentiæ dedere: neq; si pessima fugere paratæ sunt, sectari iccirco optimā concupiscunt: quibus receptum ad tēpus dari, Cœnobij illius leges non sinunt. Ignatius igitur, ut omniū saluti consulere: & ne qua esset, quæ uictus quærendi difficultatē, suæ turpitudini prætexeret, locū per opportunū instituendū curauit, quod omniū esset cōmune perfugiū. Cū igitur hoc suū laudabile, & præstantis operis cōsiliū principibus multis uiris, ac fœminis communicasset, quorū auctoritate, ac benignitate cōficeretur: operā suā illi quidē sunt, facultatesq; polliciti, si quis inueniretur, qui eius rei perficiendæ princeps, & auctor esse uellet: uolebat. n. quisq; gloriosi operis comitem

LIBER

comitem se potius aliorum præbere, quàm
 ducem. Sed cum hac principatus recusatio-
 ne, diem ex die duci uideret Ignatius,
 & pium opus impediri, ut omnem Diabo-
 lo eximendi tempus, occasionem præci-
 deret: hanc rationem excogitauit. Ex area
 quadam nostra, quæ Romæ ante templū
 nostrum est, Petrus Codatius domus no-
 stræ procurator, eo ipso tempore effodien-
 dos curauerat ingētes lapides ex antiquæ
 Urbis ruinis: tum Ignatius Codatio ait, uē-
 dito lapides Petre, summamque ex eis cē-
 tum aureorum mihi conficito: fecit ille,
 in magna nostrorum inopia, quod fuerat
 iussus. Hanc pecuniam Ignatius primus
 omnium, in opus eximium contulit: Si ne-
 mo est (inquit) qui anteire uelit. me ducē
 sequatur: subsecuti sunt reliqui: & ita in
 æde diuæ Marthæ opus eximium inchoa-
 tum est, & perfectum; Sodalitasque insti-
 tuta, cui a Gratia beatæ Mariæ, nomen est
 inditum, In hoc autem diuæ Marthæ Cœ-
 nobium, mulierculas a turpi quæstu abdu-
 ctas, ipsemet sæpenumero, ne perirent, in
 matronæ alicuius honestę domum, insti-
 tuendas ad uirtutis studium, id ætatis uir,
 & Gene-

& Generalis Præpositus deducebat. Quo in genere, Leonoræ Osoriæ (ea Ioānis Vegæ Cæsarei apud Pontificem legati erat uxor) pietas, atque benignitas in primis enituit. Cum autem Ignatio obijceretur, in curandis huiusmodi mulierculis male operam poni, quippe quæ in uitijis iam occaluissent, facileque reuerterentur ad uomitum: minime sanè, inquit, Ignatius; Sed si omnibus meæ uitæ curis, atque laboribus id possim efficere, ut uel unam noctē, peccato uacuum præterire istarum aliqua uelit; omnes ego quidem neruos contendam, ut uel illo tā exiguo tempore Deus, ac Dominus noster non offendatur; etiam si sciam illam statim ad ingeniū rediturā. Orphanorum etiam solitudini ut consuleretur, multum laborauit: itaque eius etiā opera, duæ habitationes in urbe sunt constitutæ: in quibus pueri, & puellæ parentū orbatī præsidio, ac uitæ commodis destituti, a periculis eripiuntur ætatis, & ab inopiæ molestijs, & separatim moribus, doctrina, artibus instituuntur. Illud etiam excogitauit, in lubrico uersanti Virginū pudicitia, qua ratione succurreret,

LIBER

reret; ne uidelicet puellaris castitas, aut
 matrum turpitudine, incuriâue deflore-
 sceret, aut paupertate Quamobrem præ-
 clarum, omniq; laude dignum Cœnobiũ
 constructum est Sanctę Catherinę, ut uul-
 go uocant, de funarijs: in quod, tanquã in
 asylum, arcemq; transferuntur adolescen-
 tulae, quę in periculo pudicitie uersantur. Et
 hæc quidẽ Ignatius Romę, & alia id genus
 nõnulla, ad proximorum salutem effecit.
 In ijs autem operibus constituendis, hanc
 seruabat rationem. Consilium suum, cum
 certis hominibus, grauib; prudentibus,
 & ad omnem caritatem propensis, com-
 municabat: è quibus Iacobus Crescentius,
 nobilis Romanus, Frãciscus Vanutius, Põ-
 tificis summi Eleemosynarius, Laurentius
 Castellus, alijq; nonnulli præstabant: qui-
 bus consiliarijs Ignatius, adiutoribusque
 usus est. Rebus inter ipsos agitatiss, compo-
 sitisque, opus ipsum primarijs uiris, locu-
 pletibus, benignis proponebatur, quorum
 opibus, atq; auctoritate niteretur: in pri-
 misq; aliquis S. R. E. Cardinalis deligeba-
 tur, qui ad patrociniũ eius operis suscipiẽ-
 dũ, uideretur aptissimus. Constituta dein-
 de

de sodalitate, sancitis legibus, totius gubernationis ordine, rationeq; præscripta: cū iam suā operam minus esse necessariā intelligeret. Vigiliam suam alijs tradebat. Ignatius, seque sensim ad alia æque utilia inchoanda cōvertebat. Neq;. n. otiosa esse illius caritas poterat, sed sēper nouū aliquid meditabatur, hominibus salutare.

Varijs locis Collegia instituuntur. Caput X.



DV M hæc Romæ Ignatius ageret, totus in Dei gloriam intentus, Deus eius gerebat curā, & res Societatis propagabat, mouebatq; hominum animos, nostrorum patrum integritate, ac zelo excitatos, ut eos aut expeterent beneuole, aut accersitos, studiose retinerent, & apud se certis in sedibus collocarent. Et quamuis omnibus, qui petebant, satisfieri, in tanta nostrorum paucitate, non poterat: conabatur tamen Ignatius Dei gratiā non negligere, sed eos ipsos quos habebat.

L I B E R

bat, in ea loca dispergere, ac distribuere, in quibus uel propter ipsorum locorum oportunitatem, ac naturam, uel propter ciuium ingenium, & in nostros beneuolentiam, uberiores fructus sperabantur. Cum igitur Hieronymus Domenecus, ciuis Valentinus, non solum se (quod multo antea fecerat) sed sua omnia etiam Societati consecrare, & Collegium ex suis redditibus, Valētiæ inchoare statuisset; Ignatius illius ciuitatis amplitudinem, & nobilitatem, Gymnasij celebritatem, secum reputans; & uicinorum oppidorum, ac pagorū copiam, ad quos excursions facere nostri possent, & apud illos utiliter aliquando uersari; Iacobum Mironum, qui Lutetia Parisiorum, anno 1541. Conimbricam uenerat, & eius ciuitatis Collegio aliquādiu præfuerat, aliosque nonnullos anno 1544. Valentiani destinauit, ut Valentini Collegij ponerent fundamenta: quod illi quidē fideliter præstiterunt. Anno uero 1545 diplomate a summo Pontifice impetrato, certis redditibus, constitutum est Collegium illud, quod & copioso optimorum iuuenum, in Societatem ingredientium, prouentu,

prouentu, & ipforum ciuium fructu, ha-
ctenus dei benignitate, semper floruit.

Eodem tempore, Petrus Faber, & Anto-
nius Araoz, in comitatu Mariæ, Ioannis
III. Lusitaniæ Regis, filiæ (quæ Philippo
Hispaniarum Principi, nups erat) Regis ius-
su, ex Lusitania in Castellam profecti sunt:
& Pinciæ commorantes, eius Collegij pri-
ma fundamenta iecerunt: quod initio qui-
dem tenue, ac perangustum, ita postea am-
plificatum est, ut propter eius oppidi, ma-
gnitudinem, ac frequētiam, & eos qui per-
cipiuntur fructus, ad Collegium, domus
etiam Professorum addita sit.

¶ Sed etiam in oppido Gandiæ Valentia
uicino, soli amœnitate præstanti, hoc ipso
tempore Collegium nobis inchoatū est:
quod eius Ciuitatis dux D. Franciscus Bor-
gia, eximia Societatis opinione, ac bene-
uolentia incitatus, a fundamentis erexit,
& idoneo loco, & ad populi commodita-
tem, & domesticam nostrorum quietem
ac relaxationem peropportuno, perpetuis
fructibus stabiliuit, temploque exorna-
uit. Missique sunt Roma ab Ignatio an-
no 1545. ex nostris quinque qui cum alijs
in

LIBER

in Hispania se coniungerent, & primi Gandiense Collegium habitarent.

De morte Petri Fabri.

Caput XI.



Andiensis Collegij suavor in primis, atque adiutor extitit Magister Petrus Faber, qui Romæ anno 1546. Kalend. Augusti, quo die beati Petri Apostolorum principis, uincula celebrantur, ex hac uita migravit ad Dominum. Vir plane admirabilis, qui in Aliobrogibus, pago Villareto, diœcesis Gebennensis, anno M. D. VI. humili loco natus est, parentibus quidem agricolis, sed pijs: quorum ille uestigijs insistens, tanta iam inde ab ineunte ætate, religionis indicia præbuit, ut singulariter a Deo electus esse uideretur. Nam & septimo ætatis anno, eximios quosdam ad pietatem sensit instinctus: & duodecimo, cōseruandæ castitatis præclaro quodam incensus studio, eiusdē uotum in agro emisit: & tam ardenti in sapientia

pietiaꝝ studium, incitatus est desiderio, ut contra uoluntatem suam pater, a pastora-
ritia illum cura, pecorisq; custodia, ad lit-
terarum ludum traducere cogeretur: quo
in ludo, optimę indolis, excellentisq; inge-
nij specimen edidit: grammaticisq; me-
diocriter eruditus, Lutetiam Parisiorum,
unde uigesimum annum agens, profectus
est, ubi post philosophiæ curriculum feli-
citer emensum, Magistrali Laurea insigni-
tus; cum magnis scrupulorum stimulis cō-
ficeretur, & uel in desertum locum se ab-
dere, radicibusque uictitare, uel alia æque
grauia ad eum depellēdum angorem, sibi
proponeret; neque tamen ulla in re eius
animus acquiesceret; in Ignatium incidit *Lib. 2.*
(quemadmodum diximus) a quo libera- *cap. 4.*
tus omnino, & ad eius uitæ cursum, quem
postea socij omnes sunt ingressi, primus
adductus est. Confectis studijs, in Italiam,
dux reliquorum, uenit. Roma deinde, Par-
mā primū, tū in Germaniā a Sūmo Pōtifice
missus est: postea etiam cum D. Ortizio in
Hispaniam, haud ita multo post reuocatus
iterū est in Germaniam. Qua in prouincia
insigni doctrina, uitæ grauitate, atque pru-
N dentia,

LIBER

dentia, catholicorum Principum animos,
 mirifice sibi obligauit. Hæreticorum furo-
 rem repressit, & nostræ Societatis bonum
 odorem ubique sparsit: eique in nobilissi-
 mam illam, & religiosissimam olim pro-
 uinciam, uiam aperuit, in qua ipse semina-
 uit cum lacrymis, quæ posterì cum exulta-
 tione meterent. Eius exemplo permoti
 monachi Carthusiani, in publico conuen-
 tu Colonix uniuersam nostram Societa-
 tem, omnium bonorum operum, merito-
 rumq; suorum fecere participem. In Bel-
 gica deinceps, Lusitania, Castella, Hispania
 tota, omnibus, quibus cum uixit, uenera-
 tioni fuit. Postremo dum ex Hispania, ut
 Tridentino concilio adsit, a Pontifice Ma-
 ximo accersitus, anni tēpore grauissimo,
 urbem ingreditur, celeriter in morbū in-
 cidit, breuique extinctus est. Sed eius iactu-
 ram Iacobus Laines, atque Alfonsus Sal-
 meron resarserunt, in eodem Concilio,
 Pontificis Max. nomine, iam tum commo-
 rantes. Fuit Faber omnino uir maxime
 pius, eruditus, spirituum discretionē ex-
 cellens, sanitatum dono ornatus; orandi,
 meditandique assiduitate præstans, tantæ
 uero

uero abstinentiæ, ut aliquando sex totos dies, cibi potusque nihil sumpserit. Obedientiæ in primis cultor, & tenax; sui contemptor egregius; Dei gloriæ, hominūq; salutis cupidissimus: familiari, quotidianoque sermone, ad permouēdos animos, in primis efficax: grauitate morum, & suauitate quadam solida uenerabilis: diuinis illustrationibus mirifice abundabat: id tū ex libello quodam liquet, quem, quasi cōmentarium de eiusmodi rebus scripsit: tū ex ijs litteris, quas ex Germania, anno 1542. Venetias ad P. Iacobum Lainem eodem spiritu, & caritate, & consuetudine sibi coniunctissimum, quasi ad alterum se, fraterne misit: quarum litterarum particulam, in qua de se loquitur, ut plenius hoc intelligatur, adscribendam duximus. Utinam (inquit) tibi, frater carissime, explicare possem, quæ, & quāta bona, ex quo abs te Placentia digressus sum, usque ad hūc diem, & animam meam intrauerint, & in ea permanerint: quæ cognouerim, quæ fenserim in ijs, quæ ad Deum, quæq; ad sacratissimam eius matrem pertinent, & ad beatissimos tum Angelos, tum ani-

L I B E R

mas, quæ uel in cœlo, uel in Purgatorio sunt. Interiora uero mea quid referam? eleuationes, & depressiones meas; introitus in me, & exitus ex me? quomodo didicerim mundare corpus, & animam, & spiritum, purificare cor meum, &, reiectis impedimentis, præparare, ut diuinarum gratiarum liquores recipiat, retineat, conferuet: petendo ad omnia hæc diuersa dona, quærendo, pulsando? De ijs uero, quæ ad proximum spectant, non minus multa possent dici, in quibus dominus Deus modos mihi, & uias dedit, ueritates ostendit, & uitas, ut illum cognoscam, illi de bonis congaudeam: de malis compatiar in Christo, illum amem, illum feram, illum patiar, & illi compatiar; pro illo gratias & agam, & petam, & ueniam, ac remissionem quæram, & excusationes inueniam, & coram Deo, & Sanctis eius bona de illo, ac pro illo loquar. In summa, Iacobe frater Carissime, nunquam ego non dicam factis, aut uerbis exequi, sed neque cogitatione possim comprehendere, quæ beneficia in me Deus meus contulit, & conferre paratus est, meas contritiones alligans:

gans: sanans omnes meas infirmitates: de-
lens meas iniquitates: ipsi gloria, amē: ipsi
laus, ipsi honor, & benedictio ab omni
creatura. Ego quidem dico amen: sed &
tu etiam (obsecro) de hoc fratre tuo illū
laudato: illi benedicito: quod ego de uni-
uersa Societate, & de misericordia Domi-
ni tam abundanti, hactenus super illam ef-
fusa, facere quotidie non desisto. Hæc ille.
Cum uero ex nostris nonnulli, tanti patris
obitu mœrerent, cuius uita plurimum So-
cietati cōtulisse, plura adhuc conferre pos-
se uideretur: ad illos Ignatius, nihil est, in-
quit, quod doleamus: sarciet enim hanc
nobis iacturam Dominus, alterumq; pro
hoc, Societati Fabrum dabit, qui eius res
multo etiam magis, & augeat, & illustret.
Quod quidem ita certe factū est. Nā Dux
Gandiæ D. Franciscus Borgia, Collegiū no-
stris Gandiæ exædificasse non contentus,
seipsū lapidē uiuū, Christo in spiritalis ædi-
ficij structuram, offerre constituit. Itaq; ad
Ignatiū scripsit, statuisse nunciū se mundo
remittere, & nudum Christum nudū in So-
cietate sequi: professionemq; post mortē
Fabri primus omnium emisit, ut ei sus-

N 3 fectus,

fectus, eiusque locum subiisse omnino uideretur. Quantum uero incrementi, insigni sanctitate non minus, quam nobilitate, huius uiri exemplo, & cura res Societatis acceperint, nemo est, qui ignoret: cum tot eius opera, Collegia cōstituta, tot adulescentes eximia indole; tot matura grauitate senes; tot uiros uel sanguine, uel doctrina clarissimos, eius exemplo commotos, in Societate uideamus. Et hæc quidē antequam Præpositus esset Generalis.

Ignatius benefaciens, malefacta recipit. Cap. XII.



Armata hūc in modum Societate, magnæ, & turbulentæ procellæ ad eam labefactandam, sunt excitatæ, Romæ quidam uxorem marito eripuerat: hæc Ignatius a consuetudine illius in diuæ Marthæ, nuper institutam domum, transferendam curauit. Hoc factum, ille, quòd mulierem misere deperiret, ægerrime tulit, & ut erat

uir

uir acer, ac ferox, & in ipsum Sanctæ Marthæ Coenobium, furere nocturnis lapidationibus cœpit, & in nostros, iniquis criminationibus debacchari, multaque in vulgus spargere, quæ non solum falsa essent, sed dictu etiam turpissima: eoque processit (gratia fortasse, qua ualebat plurimum, & auctoritate fretus) ut Ignatij nomen, publice infectaretur, & laceraret, & ea nostris per se, & suos coram obijceret, quæ honeste audire non possent: famososque libellos confecit, & vulgo iactauit, quibus multa nefaria, & impura, multa impia, & scelerata continebantur: ut nostris uix in publicum prodire; uix cum hominibus de ipsorum salute agere liceret: ita aut conuiuijs ab improbissimo quoque, aut maledictis excipiebantur. Neque imperitorum modo peruaferat animos hæc infamia, sed uirorum etiam principum, & ipsius Pontificis Maximi aures oppleuerat. Cui quidem infamiæ, ut obuiam iret Ignatius, eamque patientia, & dissimulatione gliscentem diutius corroborari non sineret, a Summo Pontifice impetrauit, ut res tota optimis, integerrimisq; iudicibus man-

N 4 daretur,

LIBER

daretur, & nominatim de his criminationibus quæreretur, quæ ab illo maledice essent in nostros iactatæ. Commissa res est Francisco almæ urbis Gubernatori, & Philippo Archinto eiusdem urbis Vicario. Illi diligentissime inquirunt, ac perscrutantur omnia: denique sententiam anno Domini 1546. ad 3. iduum Augusti pronuntiant: nostros non solum infamia liberant, sed laudibus etiam ornant: calumniatori illi silentium indicunt: pœnis propositis, eius petulantiam coercent: in hominem grauius non animaduertunt: & quidem Ignatio ipso deprecatore. Ille tamen Ignatij, nostrique nominis olim exagitator, ubi cæcus ille, insani amoris ardor refrixit, & morbus curatus est, Palinodiam cecinit, & medicum amare coepit, quem oderat: beneficijs eos afficere, quos contumelijs affecerat, tam officiose, ac prolixè, ut præteritam culpam præsentī beneuolentia redemisse uideatur.

Non minor, atque haud scio, an sæuior procella, ex Cathecumenorum extructa domo, in Ignatium, nostrosque commo-
taest.

ta est. Illam libido peperit, hanc ambitio, quæ præceps æque, ac demens est. Nā sacerdos quidam illius loci curam gerēs, quod sibi aduersarium existimaret Ignatium, uel in illa certe cura administranda, eius consilia uideret suis præferri, inuidiæ stimulus incitatus, ita exarsit, ut falsis illum, odiosisque criminationibus in inuidiam uocare, nostrosque infamiæ labe aspergere conareretur. Nam & hæresis calumniam, & auditarum confessionum sacratissima iura uiolata, & alia, quæ honeste dici non possunt, non est uerecundatus obijcere, & Ignatium ipsum uiuum flammis cremandum, iactare. Sed quia diuini amoris ille flammis ardebat, languentem hūc miseri hominis impetum, & debilitatū, ne repellendum quidem putauit: sed in silentio, & spe pro illo Deum precari cōstituit, qui quidē seruis suis tacentibus, pro ipsis pugnare solet: quare hanc iniuriam esse inultam, non est passus: à ludicibus enim damnatus est, & a diuinis perpetuo suspensus, beneficijsque omnibus priuatus, & officijs; carceri in perpetuum additus, propter crimina, quæ artificio quodam

dam simulationis aliquandiu tecta, dies
tandem patefecit.

*Ignatius Societatem foemi-
narum cura liberat.*

Cap. XIII.



Odem ferme tempore, tē-
tata Societas alia ratione
est: nam fœminæ nonnul-
læ pietatis retinendæ stu-
dio, & perfectionis desi-
derio flagrâtes, a Summo
Pontifice impetrarunt, sibi ut liceret, sub
obedientia nostræ Societatis uiuere, & uo-
tis se Religionis obligare, idque deinceps
fecerunt: in harum numero erat Isabella
Rosella, quæ cum esset matrona honestis-
sima, & optime de Ignatio merita, eius ui-
sendi desiderio, ex Hispania usque Româ
uenerat, & cæteris rebus pro nihilo habi-
tis, illius prudentiæ se, regendam tradere,
omnino decreuerat. Cuius animo Igna-
tius, uehementer alioquin gratificari cu-
piens,

piens, non potuit tamen hac in re non omni ratione resistere: cum perspiceret, pium quidem esse illius desiderium, sed nobis perincommodum, & ualde ab instituto Societatis alienum. Quam eius sententiā, a certa ratione profectam, ipsa deinde experientia comprobauit. Mirum enim est, trium muliercularum gubernatio, quantū illi molestiæ, & occupationis, paucis diebus attulerit. Ergo Pontificem Maximum docet, quanto ea res impedimento, Societati sit futura. Orat, obsecratque Pontificem, ut se præsentī molestia, Societatem metu perpetuo liberet: neque permittat nostros homines, alijs in rebus magnis, utilibus, necessarijs occupatos, hac mulierū cura minus necessaria, implicari. Quod utique Pontifex, rationes Ignatii probans, Societati dedit: litterasq; Apostolicas scribi iussit, quibus nostri in perpetuum ab onere Monialium eximuntur, & quarumcunque mulierum cura sub obediētia nostrorum in communi, uel alias uiuere uolentium, anno 1547. 13. kalen. Iunij. Quo non contentus Ignatius, ut locum hunc maxime periculosum communiret, omnesque

LIBER

nesque aditus obstrueret, illud etiam an-
 no 1549. ab eodem Paulo III. impetra-
 uit, ne curam Monialium, seu Religio-
 sarum quarumlibet personarum recipe-
 re teneamur, per litteras Apostolicas im-
 petratas, uel in posterum impetrandas:
 nisi de indulto illo, & ordine nostro, ex-
 pressam facientes mentionem, totidem
 enim uerba Pontificij diplomatis sunt:
 sapienterque etiam in Constitutioni-
 bus, Societatem ab ea fœminarum
 cura remouit Ignatius; hone-
 sta illa quidem, sed no-
 stris occupationi-
 bus aduersa,
 mi-
 nusque ab alijs
 deser-
 ta.

Ne

*Ne ad ecclesiasticos honores
aditus nostris hominibus pa-
teat, Ignatius summa vi
apud Pontificē nititur.*

Caput XIII.



IS sedatis tempestatibus
alia grauissima in Socie-
tatem commota est: eò
periculosior, quò occul-
tior, & blādior, & minus
uulgo formidabilis. Nam
Ferdinandus, Romanorū Rex, ut hæretico-
rū pestem magis quotidie suas in prouin-
cias influentē reprimeret: probatissimos
quosq; uiros, atq; doctissimos conquire-
bat, qui pastores Ecclesijs destitutis præpo-
nerētur. Ex quo magistro Claudio laio, de
cuius integritate, atq; doctrina magnā ha-
bebat opinionē, Tergestine ecclesię Episco-
patū detulit. Quē cū ille cōstāter repudias-
set, ad summū Pōtificē de illius statu eccle-
siæ, & impēdēte (ni celeriter obsisteretur)
à lupis

LIBER

à lupis irruentibus uastitate, diligentissime scripsit: & simul addidit uoluisse quidem se Claudium Iaium pastorem ei ecclesiae præficere, propter hominis insignem probitatem, cum pari eruditione coniunctam; uerum illum obstinato animo recusasse. Petijtque a Pontifice summa contentione, ut Claudium pro imperio cogeret episcopatum suscipere, cui ipse persuadere sua auctoritate non potuisset. Regis uoluntatem complexus est Pontifex, Claudiumque summo S. R. E. Cardinalium consensu, Episcopum creare constituit. Id ubi cognouit Ignatius, confestim omnes nervos intendere decreuit, quo minus id fieret. Itaque alijs rebus frustra tentatis, ipsū Pontificem Maximum fidenter alloquitur: quamobrem Claudium, Episcopum fieri non expediat, rationes multas exponit: supplex rogat Pontificem, & obtestatur, ut qui omnium pastor est, omnibus consulat, & aliorum uulnera, sine aliorum uulneribus, curare studeat. Vereri se, ait, ne conatus Societatis, & labores, usque ad id tempus per Christi misericordiam, eius Ecclesiae haud infructuosi, ad nihilum recidant: & radicibus

& radicibus paupertatis, atque abiectionis, quibus nitebantur, exarescentibus, inutiles, atque inanes fiant. Magnam impendere ruinam ipsi Societati; magnum esse periculum, ne, quod caritas, & humilitas coagmentarunt; cupiditas, ambitioque dissoluant: & nonnulli, qui nomen suum in Societate Christo dederunt, ut rerum humanarum uinculis expediti, paupertatis, sui que cōtemptus, quasi gradibus quibusdam, facilius ad cœlum ascenderent, pedem referant, & ab incepto desistant: cōtra multi, honorum, quos in alijs cernant, specie delusi, speque adipiscendi similes dignitates commoti, cupiant animum ad Societatem adiungere, quibus nimirum, non contemptus uanitatis, sed uanitas ipsa suadeat ingressum. Timēdum præterea esse, ne hic Episcopatus, non uno Claudio Iaio, sed multis Societatem priuet, eiusque statum labefactet, atque conuellat. Secuturos enim alios, & facturos exēplo, quod sine exemplo, non fecissent. Neque iccirco (inquit) hæc disputo, ut aut honores ipsos improbem, aut religiosos permultos, qui honoribus pie, sancteque, &
magna

LIBER

magna cum Ecclesiæ utilitate, funguntur: sed illud contendo Pater Beatissime, aliā esse cæterarum religionum cōditionem, ac nostræ: illas diuturnitate iam, longoq; usu corroboratas, cuilibet oneri ferendo esse: nostram nascentem adhuc, & infirmā, grauiori pōdere oppressum iri; illas in militātis ecclesiæ exercitu, quasi statarias cohortes, & certos ordines ducere, & proprio loco, stabiliq; posse consistere; nostros homines quasi uelites, ad subita belli ministeria promptos huc, illucq; discurrere: atque ob id ipsum, ab omni eiusmodi munere, uacuos, liberosque esse oportere. Quis enim dubitat quin, si non tam ipsius Societatis utilitatem, quæ tamen ab Ecclesiæ utilitate, seiuncta non est, sed aliorum salutem spectare uelimus, uberiores perceptura sit fructus Christi Ecclesia, ex nostris non Episcopis, quam Episcopis. Nā qui Episcopus est, & si maiorem auctoritatem habet, ac potestatem, certis tamen locorum finibus continetur, & suis est tantum pascendis ouibus addictus; fieri autem potest, ac sæpe fit, ut a suis non recipiatur; neque tamen alio se transferre, neque

cue alias oues curare possit. Si uero liber sit, & nulla certa administratione impeditus, illum in una ciuitate cum persequen- tur, fugiet in aliam; & mundi uniuersi in- cola, omnibus se Episcopis ministrum, om- nibus populis præbebit seruum; adde So- cietatis existimationem, & famam, quæ in hac causa agitur. Nam ut alios permo- ueas, & ad uirtutem impellas, permagni refert, quam opinionem, quibus persua- dere uelis, de te habeant, ut exploratum il- lis nimirum sit, te non ipsorum bona, sed ipsos quærere: non opes, non honores, non titulos concupiscere: sed Christi dunta- xat gloriam, & ipsorum salutem, omni stu- dio, & labore conquirere: quod homines ægre adduci poterunt de nobis ut credât, si ipsis nostræ Societatis, ac feruoris initijs, dignitatis insignibus nos uideât ornatos: neque uero id adscribetur obedientiæ, & caritati, sed ambitioni potius, & cupidi- tati: deponentq; opinionem eam, quam de nobis conceptam habent, quæque in primis ad proximorum salutem, Christi operarijs est necessaria. Ea autem iactura tanta est, ut unius Episcopatus fructu, com-

O

pensari

pensari non possit. Ijs rationibus, alijsque permultis Pontificem Ignatius permovere conatus est, uti Claudium priuatum uiuere sineret. A quo tamen illud tantum in præsentia obtinuit, res ut Deo amplius commendaretur, se attētius deliberaturū. Ignatius igitur & sacrificia omnium patrum, qui Romæ tum erant, Deo quotidie offerri iussit, & assiduas fratrum preces, ut imminens discrimen a Societate depelleret: & ipse lacrymis, orationibusq; se penitus dedit: & huc, illuc dies, noctesque cursans, Cardinalium omnium pene domos obiuit, eosq; docuit, quantum inesset in hac re periculi: tantumq; preces eius, & lacrymæ apud Deum ualuerunt: tantum apud homines prudēs sollicitudo potuit, & industria, ut res, quæ certa omnino, & constituta uidebatur, longius proferretur, dareturque ipsi tempus, scribendi ad Regem Ferdinandum. Qui rationibus Ignatij edoctus, cū fine magno Societatis incommodo, quod uolebat, fieri non posse animaduerneret; ut erat optimus, ac religiosissimus Princeps, nostrique amantissimus, passus non est, nostro nos malo, alijs bono esse. Quāobrem

obrem Oratori suo mandat, ea causa uti
desistat. Atq; hunc in modum periculum tunc
evasimus. Deinceps etiam, cum & Episco-
patus, & Cardinalatus nostris hominibus
deferretur, semper restitit Ignatius, & om-
nibus viribus, contra pugnavit: quin etiam
illud impetrauit a Summo Pontifice, & in
constitutionibus suis diligenter cavuit, ne
cui dignitatem ullam extra Societatem li-
ceat admittere, sine Præpositi Genera-
lis facultate. Quam ille quidem nun-
quam dabit, nisi summi Pontificis obe-
dientiæ iure compulsus: eiusque rei Pro-
fessi nostri, voto quodam peculiari se ob-
stringunt.

Varia Collegia:

Cap. XV.



IS Societas difficultatibus
opera Ignatii, & labori-
bus expedita, feliciter in
dies procedebat, & nume-
ro, & fructu, & novis sæpè

O

2

Collegijs

LIBER

Collegijs augebatur. Nam præter Collegium Barchinonense, quod a prijs quibusdam uiris propter D. Araoz, aliquandiu in ea urbe commorantem, fuit inchoatum: præter Bononiense, quod anno 1546. initium accepit: Cæsaraugustam nostri anno 1547. accersiti sunt a primarijs quibusdam uiris, in primisque a Ioanne González, Regni Aragoniæ Conseruatore. Illi uero, quæ pietatis opera Societas suo ex instituto administrare solet, in ijs se exercere, & ciuitatē opibus, nobilitate, & auctoritate præstantem, ad omnem uirtutem commouere instituerunt, multa que ut suo loco dicam, passi sunt. Quamobrem Ignatius, ut crescentem suam familiam, communicata cum alijs cura, melius gubernaret, & Societatem in ordinem certū paulatim redigeret, Collegia in Hispania partiri, prouinciasque designare constituit: & magistrum simonem, quem a principio nostris omnibus in Lusitania præfecerat, eo in Regno Prouincialem Præpositum esse uoluit: in reliqua Hispania D. Antonium Araoz. Qua in Prouincia, hoc infuso pene tempore, Collegium Salmantinū est

est inchoatum, quod tenue quidem principium habuit (ut reliqua fere). sed progressus felices. Nam Franciscus Mendoza, Episcopus tunc Corienfis, ac S. R. E. Cardinalis, Ignarij uita, & nostrorum hominum fructu commotus, in academia illa Collegium nobis ædificare constituit, quod etsi non perfecit morte impeditus, eius tamen uoluntatem tunc complexus Ignatius, D. Michaellem Torrensem, paulo ante in Hispaniam missum, cum duobus socijs salmanticam anno 1548. ire iussit, ubi in perangusta domo, eaque conductâ habitare primum cœpit, & ciuium, atque scholasticorum iuuenum animos ad pietatem tum factis tum uerbis excitare. Tam multa autem a principio, ea in ciuitate de nobis iactata, per uiros etiam docti in, ac religionis professione insignes, publice, ac priuatim, in sermonibus, & in cōcionibus disseminata sunt, ut nostrum nomen suspectum uulgo esset, & inuisum: & non modo infimi homines, qui aliorum fere opinione ducuntur; sed uiri etiam uel nobilitate, uel litteris, & rerum usu, atque auctoritate præstantes, a nostrorum hominum

intellectu

U

3

consue-

consuetudine abhorrent, & perspicua
etiam, atque honesta, in suspensionem uoca-
rent. Sed eorum, qui eo tempore aduersa-
ti nobis sunt, dux omnium fuit, & princeps,
uir quidam tum Religionis professione,
tum sapientiae laude clarus, Episcopatusq;
depositi admiratione uenerabilis: qui ut
se canem acrem, ac uigilantem dominico
præberet gregi, adlatrare eos coepit, quos
lupos arbitrabatur, nostrumq; institutum
grauiter insectari: cuius auctoritatem mul-
ti, ac iudicium sequebantur. Verum, proce-
dente tempore, emerfit ueritas, omnisque
falsus rumor celeriter (ut solet) defluxit,
& nostrorum patrum uita, atq; operibus,
& Francisci stradae maxime concionibus,
obloquendi omnis licentia compressa est:
atque ita ex agitatione illa, Societatis co-
gnitio creuit, ut nostri, qui intacti si fuisset,
& quieti, diu forte in tenebris latuissent;
exagitati, in cognitione hominum breui ue-
nerint, & magnopere ciuitatem illam com-
mouerint. Nam præter eos, qui nostrorum ope-
ra, & consilio sacrarum Religionum instituta,
in nobilissima Academia secuti sunt: (quo-
rum magnus est numerus) huic Collegio
potissim

potissimum, & Complutensi, propagationem nostræ Societatis in Hispania, acceptam ferre debemus.

*Magistri Generalis Ordinis
Prædicatorū de Societate
publicum testimonium.*

Caput XVI.



ED illud minime prætereundum uidetur, quod occasione Salmātini Collegij factum est. Nam cū uir grauiissimus, atq; doctissimus

Franciscus Romæus, Ordinis Prædicatorū Magister Generalis, ex sua familia, in Ecclesia Christi sanctitate, doctrina, numero, fructuq; clarissima, esse aliquot intellexisset, qui Salmanticæ nostri instituti ignorantione homines publice hortarentur, ut suspectam haberent nouitatem, ac nostros uitarent, eos ut errore liberaret, omnesque qui ad eius obedientiam pertinebant,

O 4

cautiores

LIBER

cautiores redderet: patentes litteras Ignatio dedit, quibus, si opus esset, uteretur: in quibus & Societatem præclare sua auctoritate commendat, & suis, ut eam complectantur, nostrosque commilitonum loco habeant, grauissime præcipit. Quarum litterarum exemplum, ut magis pateat, quantum optimi uiri memoriæ debeamus, & sanctissimæ eius Religioni, idque persolvere studeamus, hoc loco duximus adscribendum.

Vniuersis in Christo uenerabilibus Patribus, & Fratribus Ordinis Prædicatorum, ubique terrarum constitutis, Frater Franciscus Romæus, à Castillione, sacre Theologiæ professor, ac totius dicti ordinis humilis Generalis Magister, & seruus, salutem, & Spiritus sancti consolationem. Pateat uobis, qualiter hoc calamitoso tempore, quo Religio

ligio Christiana Hæreticorum telis impetitur, malorumq; Christianorum peruersis moribus labefactatur, nouus ordo præbyterorum Regularium sub titulo nominis I E S U de vrbe, quasi prædiaria manus, Dei benignitate submissus est: quem ob ingentes fructus, quos lectionibus, & concionibus publicis, priuatorum adhortationibus, confessionum audientia, cæterisq; sacris exercitijs, ac sanctorum morum exemplis in Ecclesia facit: Sanctissimus in Christo Pater, & dominus noster Paulus Papa I I I. approbavit, & confirmavit. Quod ideo uobis significatum uoluimus, ne huius Instituti nouitate seductus quispiam uestrum, cõmiliones suos ad eundem scopum tendentes, & à Deo sibi suppetias missos, per

LIBER

per errorem fortassis oppugnet, eorum
 que detrahat institutis, quorum fructi-
 bus gratulari, & pios actus emulari
 debuerat. Credimus quidem uos om-
 nes, utpote cœlesti sponso dilectos, &
 amicos, uarietati, qua sponsa illius
 amicitur, non detracturos: sed eam po-
 tius caritate, quæ congaudet ueritati,
 complexuros, & exosculaturos. Atta-
 men ne officio nostro desimus, omnesq;
 motus præueniamus; uobis omnibus,
 & singulis præfatis Fratribus præsen-
 tium tenore mandamus, & auctorita-
 te nostri officij, in uirtute Spiritus San-
 cti, & Sanctæ obedientiæ, ac sub pœnis
 arbitrio nostro taxandis, præcipimus,
 ne dicto ordini per Apostolicā Sedem
 approbato, & confirmato, aut eius in-
 stitutis ullo modo detrahere, aut de ea
 obloqui

obloqui audeatis; tam in publicis le-
ctionibus, sermonibus, & congressi-
bus, quàm in privatis uestris collo-
quijs: quin potius eum, Præbyteros
eius, tanquam uestros commilitones,
iuvare, & contra impugnantes pro-
tegere, & tueri studeatis. In quorum
fidem, & robur, has fieri, & nostri
officii sigillo muniri iussimus.

Datum Romæ decima Decem-
bris, anno millesimo quin-
gentesimo quadra-
gesimo octa-

uo.

Frater Franciscus Romæus Ma-
gister Ordinis Prædicatorum, assump-
tionis nostræ anno III. &c.

Haecenus

LIBER

HActenus ille, cuius in Societatem animi propensionem, ac beneuolentiam, decimo septimo post anno, uniuersus diui Francisci Minorum ordo de obseruantia, Ecclesiæ & ipse lumen, ac ornamentum, insigni caritate imitatus est: cum in generali conuentu Vallisoleti anno 1565. habito, inter alia præclara decreta, hoc quoque de nobis adiecit.

Praterea, cum Ordo noster Fratrum Minorum existat, atque in humilitate præcipua, & caritate fundatus, nouerint Fratres omnes ubique terrarum dispersi, Religiosos cuiusuis Religionis cum omni humilitate, & humanitate tractare, tum maxime eos, qui de Societate I.E.S.U. fuerint, quos diligere, & honorare debent, eosq; ad actus litterarios, ad Sanctorum nostrorum celebrationem, aliosq;

aliosq; publicos actus, ad quos Religio-
si conuenire solent, cum caritate inui-
tare, & suscipere: nec eis quisquam no-
strum publice, uel occulte audeat de-
trahere.

*In uarias Africæ regiones
penetrant nostri.*

Cap. XVI.



Q UO præterea anno 1548.
nostri in interioris, atque
exterioris Africæ oras pe-
netrarunt: nam ex Lusita-
nia in Mauritaniã ad Chri-
stianos captiuos redimen-
dos, missi sunt P. Ioãnes Nugnetius, is qui
Aethiopiæ Patriarcha postea, Goe mortuus
est: & P. Ludouicus Gonzalez a Camera,
qui in cõmisso sibi munere egregiã operã
posuerunt, magna sua patientia, & uigilan-
tia, nec minori miserorum hominum sa-
lute.

lute. Multos enim labantes in fide confir-
marunt, lapsos reuocarunt; afflictos, ac me-
rentes consolati sunt: uiros, foeminas, pue-
ros, puellas conquisito pretio a crudeli
seruitute redemerunt: suoque officio di-
ligenter perfuncti, in Lusitaniam reuer-
terunt.

In Manicongum uero, extremæ occidenta-
lis Aethiopiæ Regnum, quattuor ex nostris
nauigarunt. Nam cum Emanuel Lusitanæ
Rex. Christi nomen amplificari cuperet,
homines certos, atque ad eam rem ido-
neos misit, qui Euangelij lumen, in ma-
ritimas Africae regiones inferrent: quod
quidem multis in locis factum est: & coe-
lestis doctrinæ semen in Manicongi etiam
solo sparsum, quod tamen postea cultor-
um uel peruersitate, uel inopia exaruit: do-
nec a Ioanne III. Lusitanæ Rege, Ema-
nuelis pietate, atque hæreditate filio, an-
no 1548. eò nostri missi sunt, ut oppres-
sum illud fidei semen (si quid adhuc su-
peresset) excitarent, & deserta, atque
inculta excolerent: quod illi quidem ini-
tio feliciter præstiterunt. Rex enim ip-
se Manicongi baptismum suscepit, & pluri-
mi

mi alij eius exemplum secuti sunt.

Postea uero cum illorum mores nostri ad fidem exigerent: ipsi autem fidem ad libidinem suam detorquerent, & barbarus Rex uitā Christiano homine indignam, nō solum ipse profiteretur, sed alios eodē etiā uel exemplo inuitaret, uel imperio cogeret, nostri ne porcis margaritas proijcerēt, a quibus disrumperentur, & post cognitionem retrorsum conuersis, ab eo, quod illis traditum erat, sancto mādato, posteriora prioribus deteriora fierent, alio se transulerunt. Multi. n. ut ait Paulus, bonā conscientiā repellentes, circa fidē naufragauerunt. Nec meliorē sane exitum habuit nostrorū in Angolā profectio. Nam cū Angolæ Rex in magno se Christianę fidei desiderio esse ostēdisset; eius precibus adductus idē Ioannes Rex, aliquot ad illū ex nostris mittendos curauit: quibus Oratorē suū cū magnis ad ipsum Regem muneribus, adiunxit, quo benignius reciperentur. Qui sane ut a barbaro Rege suscepti quidem primo humaniter sunt: postea uero misa-
sis a rege Lusitano muneribus, pecuniaq;
consumpta, in carcerem coniecti: ubi cum
Regio

1. Tim

I.

LIBER

Regio legato, magno suæ patiētiae fructu,
multos iam annos asseruantur.

Sicilia Societatem complecti- tur. Cap. XVIII.



Eodem etiam tempore Si-
cilia insula Societate no-
stram amplexa est, in quā
Iacobus Lhostius Flāder,
uir singularis modestiæ,
ac doctrinæ, nostrum no-
men primus inuexit. Hic Agrigentum ut
mitteretur, Rodolphus Pius Carpens. S.
R. E. Cardinalis, nostræque Societatis
Protector, atque Agrigentinus Episcopus,
ab Ignatio impetrauit. Subsecutus illum
est Hieronymus Domenecus, quem anno
1547. Ioannes Vega Siciliensis Regni Pro-
rex, ex urbe ab eodem Ignatio secum ad-
duxit, ut eius opera, & consilio, in piarum
rerum administratione, uteretur: quod
quidem large, prolixèque admodum fe-
cit. Nam parum fore arbitratus, oppida
mœnibus, ac præsidio cingere, itinera sub-
latis

latis latrocinijs, aperire; securitatem in illo regno, ac fidem constituere; quos gubernabat, eorum animos uirtute, ac pietate impleri uoluit, & a diuini nominis propagatione auspicari, ut superiora illa hoc stabili fundamento constituta, splendidiora multo essent, atque firmiora. Et quoniam Romæ magnam habuerat cum Ignatio consuetudinem, & nostrorum mores perspexerat, atque institutum, eam ad rem illos delegit, quos suo proposito congruentes, sibi que usui fore arbitrabatur. Atque ut fructus esset diuturnior, Messanensem Magistratū sua auctoritate permouit, nostros ut expeteret, atq; accerferet, & fundato Collegio, domicilio certo apud se collocaret. Illa uero ciuitas, & nobilis, & opulenta, & sacrarum religionum in primis cultrix, grauissimi, atque sapientissimi Principis iudicium secuta, diligere eos cœpit, quos non dum uiderat, cupere quos illius testimonio utiles sibi futuros sperabat. Itaque anno 1548. Summi Pontificis imperio, & Ignatij uoluntate ad quos & Prorex Vega, de hac ipsa re, & Messanēsis ciuitas scripserat, profecti sunt

P Messanam

L I B E R

Messanam Magister Hieronymus Natalis Hispanus, Andreas Frusius Gallus, Petrus Canisius Germanus, Benedictus Palmius Italus, alijq; nonnulli ex uarijs itē natiōibus mixti, ut nouū Collegium constituerent, & optimarum artium ludum aperirēt: quod in opportuno ciuitatis loco, & de diui Nicolai: domo, Magistratus benignitate, cōmode instructa, foeliciter sane præstiterūt. Auctus postea nostrorum numerus est, primaque in Societate probationis domus Messanæ instituta.

Sed & Panormitana ciuitas, eiusdem Vegæ consilio, atque auctoritate, & Messanensis Collegij fructu incitata, cum sua amplitudine, soli fertilitate, hominum splendore, ac frequentia, reliquas Siciliae Vrbes uincat, passa non est se in pietatis studio, ab ulla superari. Quamobrē a Paulo III. Pont. Max. & ab Ignatio per litteras petit, ut ad suam iuuentutem litteris, ac moribus instituendam, & ciuium animos pietate imbuendos, ex nostris aliquos eò mittant. Ignatius ergo anno 1549. Duodecim Panormum misit: è quibus erant, Nicolaus Lanoius Flander, Paulus Achilles Italus, & alij

& alij lecti uiri, itidem diuersarum nationum, eisque mandat, ut cum Iacobo Laine (qui in ea Prouincia ipsius Ignatii gerebat uices; & Alexandri Farnesij Cardinalis, & Archiepiscopi Montis Regalis rogatu, in eius diœcesi, ad componendas inueteratas quorundam Ecclesiasticorum discordias, Visitatoris munere fungebatur,) & cum Hieronymo Domeneco se se coniungant, & Panormitani Collegij fundamenta ponant: quod & factum est magno hominum concursu, magna ciuium beneuolentia. Porro hæc duo Collegia, Mameratinum, ac Panormitanum, annuis, certisque fructibus Caroli quinti Imperatoris benignitate, & ipsarum ciuitatum liberalitate fundata sunt. Reliqua præterea, quæ in Sicilia habemus collegia, ab his duobus exordium, ac progressum acceperunt. Sed ille maximus, atque uberri-
mus fructus est, qui ex ijs duobus Collegijs in uniuersum Siciliæ Regnum peruenit, quod Ioannes Vega multa eorum patrum, qui in hisce Collegijs uersabantur, uel consilio, uel ministerio instituit, multa perfecit, quæ ad ueræ pietatis cultum

L I B E R

augendū, ac hominū salutem pertinebant. Eodem anno 1549. Venetias nostri asciti, & ab Andrea Lippomano, qui Patauinum Collegium fundauerat, in certis sedibus collocati sunt.

Tyburtinum etiam Collegium ortum hoc tempore habuit a nostris eo profectis, ut ipsam ciuitatem pacarent.

In Germania præterea coeperunt nostri, maiori cum utilitate uersari. Nam Gulielmus Bauariæ Dux clarissimus, auitæque, & Catholicæ religionis in Germania præsidium, & ornamentum, nostros accersit, ut Ingolstadij sacras litteras profiterentur. Missique ad Ducem sunt ab Ignatio, Alfonsus salmeron, Petrus Canisius, Claudius Iaius, qui in illa Academia aliquot annis antea docuerat, & magna fuerat cum laude uersatus: quorum opera, ac la-

bore Ingolstadiense

Collegium dein-

ceps est cō-

stitu-

tū.

Nostri

*Nostri in Brasileam nauigāt,
 Et pro Christo Antonius
 Criminalis occiditur.*

Caput XIX.



VM hæc in Europa gerū-
 tur, in Brasileam prouin-
 ciam uastissimam, & cœ-
 li quidem salubritate læ-
 tissimam sed Anthropol-
 phagorum feritate horri-
 bilem, & omnis humanitatis expertem.
 Anno 1549. Regis Lusitani uoluntate, no-
 stri primum nauigarunt. Vbi in huncusq;
 diem, magna cum patientiæ, & caritatis
 laude, atque indigenarum utilitate perse-
 uerant. Multi enim uarijs, monstruosis-
 misque Idolorum figmentis, superstitioni-
 busque abiectis, unius Dei, uerique lumen
 aspexerunt: multi cum infidelitate, imma-
 nitatem etiam, & crudelem illam deuorā-
 di homines, naturam exuerunt, & ad man-
 suetudinem, atque humanitatem traducti
 sunt. Vxorū uero multitudinem sacratis-

L I B E R

fimis Euangelici cōnubij legibus astringe-
 runt, & impuras nuptias, uagamque libidi-
 nem Christiana honestate commutarunt.
 Hoc item Anno 1549. P. Antonius Crimi-
 nalis Parmensis, in India a fidei hostibus,
 occisus est. Qui honestis parentibus or-
 tus, in ipso adolescentiæ flore se Deo sa-
 crauit, & Societatem est ingressus, mis-
 susque Anno 1542. Roma ab Ignatio in
 Lusitaniam, omnibus quibuscum ui-
 xit, raræ modestiæ, ac singularis pro-
 bitatis, exemplo fuit. In Indiam dein-
 de, ad gentium illarum salutem, inter-
 primos mittitur: cognitaque eius uirtu-
 te, ac prudentia ab ipso Frâcisco Xavier,
 in eo tractu, quod Comurini promontoriū
 appellatur, collocatur, reliquisque nostris
 præficitur. Vbi propter continua uicinorū
 Regum bella, propter idololatrarum sacer-
 dotum infestum odium, & uictus, cultusq;
 inopiā, incommoda multa pertulit, & in il-
 lustranda Christi gloria, ac propagāda, ma-
 ximos labores tulit. Cum igitur in Me-
 nancor Regis prouincia uersaretur, &
 quos Christo per fidem genuerat, ca-
 tholicæ doctrinæ lacte nutriret, magnæ
 militum

militum copiæ Bisnagæ Regis, ad illam Prouinciam deuastandam, & Christi in ea fidem extinguendam, hostiliter sunt ingressæ. Quarum repentino aduentu nuntiato, Antonius ubi eo ipso die sacrificauerat, in templum primo confugit, ut Deo oues suas commendaret: tum ad litus egressus, in Lusitanorū naues, quæ in statione erāt, christianas fœminas, paruulosque earum compulit (in quas tamē ipse, ut cæteris omisis, conscenderet, seq; periculo eriperet, nullis precibus adduci a Lusitanis antea potuerat) Dum igitur sui oblitus, Christianorū saluti consulit, reditu ad naues intercluso, aduentantibus Badeghis hostibus (sic enim appellantur) atque irruentibus, obuiam procedit intrepidus: flexis genibus, expansis manibus, oculis in cœlum fixis mortē expectās, & se ceu bonus pastor, offerēs Deo pro ouibus suis. Ita repertus, a prima, & secūda hostiū acie intactus relinquitur, a tertia uero sarissis, hastisq; transfigitur: & capite obscisso, eius spoliati corpus in arce suspenditur. Fuit Vir sui contemptor, zelo Dei feruens, obedientiæ imprimis cultor, orationis

P 4 assiduitate,

LIBER

assiduitate, ac uirtute præstās, cui ipse Frāciscus Xavier probatissimæ uitæ testimonium dabat: eiusque similes optabat esse omnes, qui in Indiam ex nostris mitterentur. Ego uero, qui anno 1542. Lutetiam Roma proficiscens, bonam itineris partem cum illo confeci, frequenterque adiutus ab eo, & subleuatus sum, singularem in Antonio uirtutem agnoui, & sæpenumero caritatem illius, ac pietatis studiū mecum ipse sum admiratus, ut mirum non sit, ex tali principio talem exitum extitisse.

A Iulio III. Pont. Max. Societas confirmatur.

Cap. XX.



Nterim mortuo Paulo III. Pont. Max. qui primus Societatem sua auctoritate confirmarat, multisq; privilegijs (quæ commemorare longum esset) ac magnis ornarat, Iulius III. succedit anno 1550.

1550. a quo Ignatius Postulavit, ut ratum haberet, quod eius prædecessor fecerat, nostrumque institutum stabiliret, & quædam etiam, quæ in eo uideri poterant obscuriora, apertius explanaret. Quod utiq; Pontifex, cum e Republica Christiana esse intelligeret, libentissimo animo fecit. Pontificiumque diploma scribi iussit, quo approbatio eiusmodi, confirmatioque continetur. Quod ego diploma, quoniã Pauli II. confirmationem, & multa eius privilegia Societati concessa, breuiter perstringit, & plenius quàm alia, ipsius institutum, distinctiusque comprehendit, subijcere hoc loco opportunum iudicaui.

Sic
igitur habet.

Julius

LIBER
IULIUS EPISCOPUS
seruus seruorum Dei, ad perpe-
tuam rei memoriam.



XPOS CIT debitum
pastoralis officij, cui nos,
licet immeritos, prætulit
diuina Maestas, ut fide-
les quoslibet, præsertim religiosos, in
uia mandatorum Domini, ad illius ho-
norem, & gloriam, & proximorum
spiritualem profectum deambulantes,
paternis consueamus affectibus: ut fi-
deles ipsi, dextera Domini sibi assistente
propitia, æternæ salutis præmium fer-
uentius exquirant, & in eorum pio
proposito consueantur. Dudum siqui-
dem, per felicitis recordationis Paulum
Papam Tertium, prædecessorem no-
strum

strum, accepto, Quod dilecti filij, Ignatius de Loyola, & Petrus Faber, ac Iacobus Laynez, nec non Claudius Iaius, & Paschasius Broet, ac Franciscus Xavier, nec non Alfonsus Salmeron, & Simon Rodericus, ac Ioannes Coduri, & Nicolaus de Bobadilla, presbyteri Pampilonen. Cebennen. Seguntin. Toletan. Visen. Ebredunen. & Palentin. ciuitatum, & diœc. respectiue, in Artibus magistri, in Uniuersitate Parisien. graduati, & in Theologicis studijs, per plures annos exercitati, Spiritu sancto afflati, iam dudum è diuersis mundi regionibus decedentes, in unum conuenerant, & exemplaris, ac religiosæ uitæ socij effecti, abdicatis huius sæculi illecebris, eorum uitam perpetuo Domini nostri IESU Christi, atque suo,
&

LIBER

& successorum suorum Romanorum
 Pontificum seruitio dedicauerant, &
 iam pluribus annis uerbum Dei prædi-
 cando, & fideles priuatim ad pias me-
 ditationes, beneq³, ac beate uiuendum
 excitando, hospitalibus inseruiendo, pue-
 ros, & alios rudes salubria dogmata ad
 Christiani hominis institutionem neces-
 saria docendo, ac denique omnia carita-
 tis officia, quæ ad animarum ædifica-
 tionem pertinebant, ubique terrarum,
 ubi peregrinati fuerant, quisque iuxta
 traditã sibi ab ipso Spiritu sancto gra-
 tiam, multa cum laude obeundo, lauda-
 biliter in uinea Domini se exercuerãt;
 eorum institutum, sub quadam uiuen-
 di formula ab ipsis edita, Euangelicæ
 ueritati, & sanctorum patrum sanctio-
 nibus conformi, ut uinculum caritatis,

&

& unio in ipsis quidem Socys, & alijs, qui prædictum uellent institutum sequi, conseruarentur, approbavit, & confirmavit, & benedixit: ipsosq; Socios (quorum numerum, non ultra sexaginta esse tunc uoluit) sub sua, & Apostolicæ sedis protectione suscepit, illisq; condendi Constitutiones, & statuta quæcunque ad ipsius, sic institutæ, & confirmatæ Societatis conseruationem, & felicem progressum, licentiam concessit per quasdam. Cumq; postmodum progressu temporis, Spiritu sancto cooperante, ex Societate prædicta spirituales animarum fructus crescere, & multos, qui institutum prædictum sequi uellent, in Parisien. & alijs generalium studiorum Uniuersitatibus, studere intellexisset idem præde:

LIBER

prædecessor, Ignatij, & aliorum sociorum prædictorum piam uitam, & doctrinam attēdendo, eidem Societati, ut quoscunque alios idoneos, & iuxta suas Constitutiones probatos libere admittere possent, concessit. Et nihilominus, ut Coadiutores tam presbyteros, qui in spiritualibus, quam laicos, qui in temporalibus, & domesticis officijs eos adiuuarent (qui quidem Coadiutores per actis probationibus, iuxta Constitutiones Societatis huiusmodi requisitis, ad maiorem deuotionem suam, & meritum, etiam tria uota, Paupertatis uidelicet, Castitatis, & Obedientiæ possent emittere, non solemnia, sed quibus, pro eo tempore, quo Præpositus Generalis Societatis prædictæ eis, in ministerio spirituali, uel temporali utendum

dum iudicaret, astringerentur: quiq;
omnium bonorum operum, quæ in di-
ctâ Societate fierent, ac meritorum om-
nium participes fierent, perinde, ut qui
solemnem professionem, in eadem Socie-
tate emisissent, possent assumere; et alias
gratias, ac priuilegia ad fouendam, &
adiuuandam in ijs, quæ ad Dei honorẽ,
& animarum salutem pertinebant, So-
cietatẽ prædictam, de benignitate Apo-
stolica concessit. Ut autem prædicta
omnia prius ab eodem prædecessore con-
cessa, magis confirmentur, & simul om-
nia, quæ ad institutum Societatis præ-
dictæ pertinent, eisdem in litteris aliarũ
summam continentibus comprehendan-
tur; & ut aliqua obscurius dicta, &
quæ scrupulum, ac dubitationem pos-
sent inijcere, per nos exactius explicen-
tur

LIBER

*tur : nobis fuit humiliter supplicatum,
 ut formulam, qua prædictæ Societatis
 institutum exactius, & distinctius, quã
 antea, edocente experientia, ac usu re-
 rum, expressum, eodem tamen spiritu
 comprehenditur, confirmare dignare-
 mur; cuius tenor sequitur, & est talis.
 Quicumque in Societate nostra, quam
 IESU nomine insigniri cupimus, vult
 sub crucis vexillo Deo militare, & soli
 Domino, ac Ecclesiæ ipsius sponsæ, sub
 Romano Pontifice, Christi in terris Vi-
 cario servire; post solemne perpetuæ Ca-
 stitatis, Paupertatis, & Obedientiæ vo-
 tum, proponat sibi in animo, se partem
 esse Societatis, ad hoc potissimum insti-
 tutæ, ut ad fidei defensionem, & propa-
 gationem, & profectum animarum in-
 uita, & doctrina Christiana, per publi-*

cas prædicationes, lectiones, & aliud quodcunque uerbi Dei ministeriũ, ac spiritualia exercitia, puerorum, ac rudium in Christianismo institutionem, Christi fidelium in confessionibus audiendis, ac ceteris Sacramentis administrandis, spirituales consolationem præcipue intendat: & nihilominus ad dissidentium reconciliationem, & eorum, qui in carceribus, uel in hospitalibus inueniuntur, piam subventionem, & ministerium, ac reliqua caritatis opera, prout ad Dei gloriam, & commune bonum expedire uisum erit, exequenda gratis omnino, & nullo, pro suo in prædictis omnibus labore, stipendio accepto, se utilem exhibeat: curetq; primo Deum, deinde huius sui instituti rationem, quæ uia quædam

Q est

est ad illum, quoad uixerit, ante oculos
habere, & finem hunc sibi à Deo pro-
positum totis uiribus assequi: unusquis-
que tamen secundum gratiã sibi à Spi-
ritu sancto subministratam, & uoca-
tionis suæ proprium gradum. Ideoq̃,
nequis forte zelo utatur, sed non secun-
dum scientiam, proprii cuiusque gra-
dus iudicium, & officiorum discretio,
ac distributio tota sit in manu Prepo-
siti Generalis, seu Prælati per nos quo-
cunque tempore eligendi, uel eorum,
quos ipse sibi ea cum auctoritate substi-
tuerit, ut congruus ordo seruetur in
omni bene instituta communitate neces-
sarius. Qui quidem Prepositus de con-
silio consaciorum Constitutiones ad con-
structionem huius propositi nobis finis
conducentes condendi, maiori suffra-
giorum

giorum parte semper statuendi ius habente, & quæ dubia esse poterunt in nostro instituto hac formula comprehenso, declarandi auctoritatem habeat. Consilium uero necessario conuocandum ad condendas, uel immutandas Constitutiones, & alia grauiora, ut alienare, uel dissoluere Domos, ac Collegia semel erecta, intelligatur esse maior pars totius p̄fessæ Societatis (iuxta Constitutionum nostrarum declarationem) quæ sine magno incommodo potest à Præposito Generali conuocari. In alijs, quæ non ita magni momenti sunt, idem Præpositus adiutus, quatenus ipse opportunum iudicabit, fratrum suorum consilio per se ipsum ordinandi, & iubendi quæ ad Dei gloriam, & commune bonum pertinere

LIBER

in Domino videbuntur, ius totum habeat, prout in Constitutionibus eisdem explicabitur. Quicumque autem in hac Societate professionem emiserint, non solum in primis professionis suae foribus intelligant, sed quoad uixerint, memores sint, Societatem hanc uniuersam, et singulos, qui in ea profitentur, sub Sanctissimi Domini nostri Pauli Papae Tertijs, & aliorum Romanorum Pontificum successorum eius fideli obedientia Deo militare. Et quamuis Euangelio doceamur, & fide orthodoxa cognoscamus, ac firmiter teneamus, omnes Christi fideles Romano Pontifici, tanquam capiti, ac IESU Christi Vicario subesse: ob deuotionem tamen maiorem ad obedientiam sedis Apostolicae, & maiorem uoluntatum nostrarum

rum abnegationem, & certiore[m] sancti Spiritus directionem summopere cōducere iudicauimus, singulos nos, & quicumque eandem in posterum professionem emiserint, ultra illud commune trium uotorum uinculū, speciali ad hoc uoto astringi, ut quidquid modernus, & alij Romani Pontifices, pro tēpore existentes iusserint ad profectum animarum, & fidei propagationē pertinens, & ad quascunque prouincias nos mittere uoluerint, sine ulla tergiuersatione, aut excusatione illico, quantum in nobis fuerit (siue nos ad Turcas, siue ad quoscunque alios Infideles, etiam in partibus, quas Indias uocant, siue ad quoscunque Hereticos, Schismaticos, seu etiam ad quosuis fideles, mittendos censuerint) exequi teneamur.

Q 3

Quam-

LIBER

Quamobrem qui ad nos accessuri sunt
 antequam huic oneri humeros suppo-
 nant, diu multumq; meditentur, an tã
 tũ pecunie spiritualis in bonis habeãt,
 ut turrin hanc iuxta consilium Domi-
 nicum possint consummare, hoc est, an
 Spiritus sanctus, qui illos impellit, tan-
 tum illis gratiæ polliceatur, ut huius
 uocationis pondus, illo adiuuante, se la-
 tuos sperent: & postquam, Domino
 inspirante, huic IESU Christi mili-
 tiæ nomen dederint, die noctuq; succin-
 cti lumbos, & ad tam grandis debiti so-
 lutionem prompti esse debebũt. Ne qua
 autem possit esse inter nos missionum,
 aut prouinciarum huiusmodi ambitio,
 uel detrectatio; intelligant singuli, si-
 bi per se, uel alium, de huiusmodi
 missionibus quidquam cum Romano
Ponti

Pontifice non esse curandum, sed omnem hanc curam Deo, & ipsi Pontifici tamquam eius Vicario, & Societatis Præposito dimittendam: cui quidem (sicut ceteris) nihil de sui ipsius missione in alterutram partem, nisi de Societatis consilio, cum dicto Pontifice curandum erit. Voveant etiam singuli, se in omnibus, quæ ad regulæ huius nostræ observationem faciunt, Societatis Præposito (qui ad hoc munus quam fieri possit idoneus, ad plura vota, prout in Constitutionibus declarabitur, eligetur) obedientes fore. Ille autem omnem eam auctoritatem, & potestatem habeat supra Societatem, quæ ad bonam eiusdem Societatis administrationem, correctionem, & gubernationem utilis erit. Iubeat au-

LIBER

tem ea, quæ ad constructionem propositi
 sibi à Deo, & à Societate finis cognove-
 rit esse oportuna. & in prælatione sua
 benignitatis, ac mansuetudinis, carita-
 tisq; Christi, Petri, Pauliq; formulæ
 semper sit memor: & tam ipse, quam
 consilium prædictum ad normam hæc
 assidue spectent. Singuli uerò subdito-
 rum, tum propter ingentes ordinis uti-
 litates, totū propter nunquam satis lau-
 datū humilitatis assiduum exercitiū,
 non solum Præposito in omnibus, ad in-
 stitutum Societatis pertinentibus pare-
 re semper teneantur: sed in illo Christū
 ueluti præsentem agnoscant, & quan-
 tum decet, uenerentur. Cum autem
 experti fuerimus iucundiores, purio-
 rem, & ad proximi ædificationē aptio-
 rem esse uitam, ab omni auaritiæ con-
 tagione

tagione quam remotissimam, & euangelicæ paupertati, quam simillimam, cumq³ sciamus Dominum nostrum Iesum Christum, seruis suis regnum Dei solum inquirentibus, necessaria ad uitum, & uestitum esse subministraturum: sic uoueant singuli, & uniuerſi perpetuam Paupertatem, ut non solum priuatim, sed neque etiam communiter possint Professi, uel ulla eorū Domus, aut ecclesia ad aliquos prouentus, redditus, possessiones, sed nec ad ulla bona stabilia (præter ea, quæ opportuna erunt ad usum proprium, & habitationem) retinenda ius aliquod civile acquirere, rebus sibi ex caritate donatis ad necessarium uitæ usum contenti. Quia tamen Domus, quas Dominus dederit ad operādū in uinea ipsius,

&

Et non ad scholastica studia exercenda
destinanda erunt: cum ualde opportu-
num fore aliqui uideatur, ut ex iue-
nibus ad pietatem propensis, et ad litte-
rarum studia tractanda idoneis opera-
ri eidem uineæ Domini parentur, qui
Societatis nostræ, etiam professæ uelut
quoddam seminarium existant, possit
professæ Societas ad studiorum com-
moditatē Scholarium habere Collegia,
ubicunque ad ea construenda, et dotan-
da, ex deuotione aliqui mouebuntur:
quæ simul atque constructa, et dotata
fuerint (non tamen ex bonis, quorum
collatio ad sedem Apostolicam perti-
net) ex nunc auctoritate Apostolica
erigi supplicamus, seu pro erectis ha-
beri: quæ Collegia possint habere red-
ditus, census, seu possessiones usibus,
et

& necessitatibus studentium applican-
das, retenta pænes Præpositum, uel So-
cietatem omnimoda gubernatione, seu
superintendentia super dicta Collegia,
& prædictos studentes, quoad Rectorū,
seu gubernatorum, ac studentium electio-
nem, ac eorundem admissionem, emissio-
nē, receptionē, exclusionem, statutorum
ordinationem, & circa studentium instru-
ctionem, eruditionem, ædificationē, ac
correctionē, uictus, uestitusq; & aliarū
rerum necessariarum eis ministranda-
rum modū, atque aliā omnimodam gu-
bernationem, regimen, ac curā; ut neq;
studentes dictis bonis abuti, neque Socie-
tas Professa in proprios usus conuerte-
re possit, sed studentium necessitati subue-
nire: Qui quidem studentes, ingenij, &
morū indole tales esse debebūt, ut meri-
to spe-

LIBER

to speretur, post absoluta studia ad Societatis functiones idoneos fore: et sic demum post cognitum in spiritu, & litteris eorum profectum, & post sufficientē probationem, in Societatem nostram admitti possint. Socij autē omnes cum presbyteri esse debeant, ad dicendum officium secundum communem Ecclesiarum ritum, sed priuatim, & non communiter, uel in choro, teneantur: & in ijs, quæ ad uictum, & uestitum, & cætera exteriora pertinent, honestorum sacerdotum communem, & approbatū usum sequentur: ut quod inde pro cuiusque necessitate, uel spiritualis profectus desiderio subtractum fuerit, ex deuotione, & non ex obligatione, rationabile obsequium corporis Deo, prout expediet, offeratur. Hæc sunt, quæ sub

præfati

Præfati Domini nostri Pauli, & sedis Apostolicæ beneplacito, de nostra professione, typo quodam explicare potuimus, quod nunc fecimus; ut summam informaremus tum illos, qui nos de nostro uitæ instituto interrogant, tum etiam posteros nostros, si quos Deo uolente imitatores unquã habebimus huius uie: quam cum multas, magnasq; habere annexas difficultates fuerimus experti, opportunum iudicauimus, etiam statuere, ne quis ad professionem, in hac Societate emittendã, nisi diuturnis, & diligentissimis probationibus (prout in Constitutionibus declarabitur) eius uita, & doctrina explorata fuerit, recipiatur: quia reuera, hoc institutum omnino humiles, & prudentes in Christo, & in Christiane
ne

nae uitae puritate, ac literis conspicuas
 exigit. Imo, & ij, qui in Coadiutores tã
 in spiritualibus, quam in corporalibus,
 & in Scholares admittentur, quorum
 utrique, post sufficientes probationes,
 & tempus in Constitutionibus expres-
 sum, uota sua, ad deuotionem, & me-
 ritum maius, non quidem solemnia
 (præter aliquos, qui de licentia Præpo-
 siti Generalis, propter ipsorum deuo-
 tionem, & personarum qualitatem,
 tria uota huiusmodi solemnia facere po-
 terunt) sed quibus teneantur, quam-
 diu Præpositus Generalis in Societate
 eos retinendos esse censuerit, emittere
 debeant, prout in Constitutionibus la-
 tius explicabitur, non nisi diligenter
 examinati, & idonei reperti, ad eun-
 dem finem Societatis, admittantur ad
 han

hanc IESU Christi militiam, qui
tenuibus cæptis nostris favere digne-
tur, ad gloriam Dei patris, cui soli sit
semper decus, & honor in sæcula amen.
Quapropter considerantes, nihil, quod
pium, sanctumq; non sit, in dicta Socie-
tate, eiusq; laudabilibus institutis, ac ex-
emplari Ignatii, & aliorum Sociorum
prædictorum vita, & moribus reperi-
ri, eaq; omnia ad suorum, & aliorum
Christifidelium animarum salutem, et
fidei exaltationem tendere; Socios, ac
illorū Coadiutores prædictos, & ipsius
Societatis Scholares à quibusvis ex-
communicationis, suspensionis, &
interdicti, alijsq; ecclesiasticis senten-
tijs, censuris, & à pænis à iure, vel
ab homine quavis occasione, vel causa
latis, si quibus quomodolibet innodati
existunt

LIBER

existunt, ad effectum præsentium dū-
 taxat consequendum, harum serie ab-
 soluentes, & absolutos fore censentes,
 illosq³ sub nostra, & Apostolicæ sedis
 protectione suscipiētes, Motu proprio,
 & ex certa nostra scientia, auctoritate
 Apostolica, tenore præsentium, ere-
 ctionem, & institutionem Societatis, ac
 extensionem numeri illius Sociorum,
 ac receptionis, & admissionis Coadi-
 torum, ac omnia, & singula, Priui-
 legia, immunitates, exemptiones, li-
 bertates, & condendi, & alterandi sta-
 tuta, & ordinationes, ac alia quævis
 indulta eisdem, Societati, & illius
 Præposito, per prædecessorem nostrū,
 & sedem huiusmodi, sub quibuscun-
 que tenoribus, & formis concessa,
 & confirmata, ac desuper confectas
ta^m

tam sub plumbo, quam in forma bre-
uis litteras, & in eis contenta, ac inde
secuta quaecunque, perpetuo approba-
mus, & confirmamus, ac eis perpetuæ
firmitatis robur adycimus, supplentes
omnes, & singulos tam Iuris, quam fa-
cti defectus, si qui interuenerint, in eis-
dem: Eaq³ omnia, & singula perpetua,
& inconcussæ firmitatis robur obtine-
re, & inuiolabiliter obseruari debere,
& sic per quoscunque Iudices, & Com-
missarios, quauis auctoritate fungētes
(sublata eis, & eorum cuiilibet quauis
aliter iudicandi, & interpretandi facul-
tate, & auctoritate) iudicari, interpre-
tari, atque decidi debere; nec non quid-
quid secus super his per quoscunque,
quauis auctoritate, scienter, uel ignorā-
ter contigerit attentari, irritum, &

R

inane

LIBER

inane decernimus, & declaramus.
Quocirca uniuersis, & singulis, uene-
rabilibus fratribus, Patriarchis, Ar-
chiepiscopis, Episcopis, ac dilectis filiis
Abbatibus, Prioribus, & alijs per-
sonis in dignitate ecclesiastica constitu-
tis, per Apostolica scripta, mandamus,
quatenus ipsi, & eorum quilibet per se,
uel alium, seu alios præfatis Præposi-
to, & Societati in præmissis, efficacis
defensionis præsidio assistentes, faciant
auctoritate nostra singulas prædictas,
& præsentis litteras plenum effectum
sortiri, ac ab omnibus inuiolabiliter
obseruari: non permittentes quenquã
contra illarum tenorem, quomodolibet
indebite molestari, contradictores quos-
libet, & rebelles per censuras ecclesia-
sticas, & alia iuris opportuna reme-
dia

dia (appellatione postposita) compescendo, ac censuras predictas legitimis super his habendis seruatis processibus, etiā iteratis uicibus aggrauando: inuocato etiā ad hoc (si opus fuerit) auxilio brachij secularis. Non obstantibus constitutionibus, & ordinationibus Apostolicis, ac omnibus illis, & singulis, quae in litteris predictis idē praedecessor noster uoluit nō obstare, ceterisque cōtrariis quibuscunque, aut si aliquibus cōmuniter, uel diuissim ab Apostolica sit sede indultū, quod interdici, suspēdi, uel excommunicari non possint, per litteras Apostolicas nō facientes plenā, & expressam, ac de uerbo ad uerbū, de indulto huiusmodi mentionem. Nulli ergo omnino hominum liceat hāc paginam nostrae absolutionis, suspensionis, appro-

R 2 bationis

LIBER

bationis, confirmationis; adiectionis,
suppletionis, decreti, declarationis, &
mandati infringere, uel ei ausu temera-
rio contraire. Si quis autem hoc atten-
tare præsumpserit; indignationem om-
nipotentis Dei, ac beatorum Petri, &
Pauli Apostolorum eius, se nouerit in-
cursurum. Datum Romæ, apud san-
ctum Petrum, Anno Incarnationis
Dominicæ M.D.L. Duodecimo Ka-
lendas Augusti: Pontificatus nostri
Anno Primo.


F. de Mendoza.

Fed. Cardinalis Cæsius.

VITAE IGNATII

LOIOLAE

LIBER QVARTVS.



ABDICARE SE GENE-

RALATV CONANTEM

IGNATIVM, SOCII

prohibent.

Caput Primum.



Onfirmata igitur a Iulio III.

Pont. Maximo rursus Socie-

tate; & ipso rerum successu

firmitus stabilita, anno 1550.

primarios omnes patres, qui

commodo Societatis uenire poterant, Ro-

mam Ignatius ex varijs prouincijs ad se

conuocauit: quibus in unum congregatis,

epistolam manu sua Hispanice scriptam,

in hac uerba misit.

R 3

Carissi.

LIBER

*Carissimis in Domino Fra-
tribus Societatis Iesu
salutem.*



Vod mihi de officii mei
ratione, sine perturbatio-
ne ulla interiori, aut exte-
riori sæpenumero confi-
deranti, uisum est, id scri-
bam, aperiãque coram
Creatore, ac Domino meo, qui me iudica-
turus est, quod ad maiorem laudem ipsius,
& gloriam futurum intelligo. Equidẽ me
ipse circumspiciens, ob peccata mea mul-
ta nimis, imperfectiones multas, atque ani-
mi, & corporis ægritudines, sapissime iu-
dicaui, & uere, atque ex animo iudico, me
infinitis partibus abesse ab eo gradu, qui,
ad sustinendum, hoc regendæ societatis
munus, eius mihi uoluntate impositum, est
necessarius. Quocirca maximopere desi-
dero, & a uobis quæso, ut tota re diligenter
expensa, a uobis eligatur alius, qui melius
quam ego, uel minus certe male hoc mu-
nus

nus gerat, & uniuersam societatem administret. Neque uero ut meliori hæc prouincia deferatur, tantum peto, uerum etiam, ut pari, & æquali: quod quidem ut rite, atque ex ordine fiat, Ego in nomine Patris, & Filii, & spiritus sancti, unius Dei, ac Creatoris mei, depono Generalatum simpliciter, & absolute, meque ab dico hoc officio, & priuo: petoque, & omnibus animæ meæ uiribus obsecro Professos omnes, quosque Professi sibi adiungere ad hanc deliberationem uolent, ut hoc meum tam iustum desiderium admittāt, & piæ oblationi suffragentur. Quod, si quorum est iudicium ferre, de hac mea postulatione, minime inter se consentient: per caritatem, & reuerentiam Christi Iesu, illos ipsos rogo, atque oro, ut precibus serio incumbant, Deoque hanc rem accuratissime commendent: ut in omnibus, & per omnia sanctissima eius uoluntas fiat, idque omnino quod ad eius gloriam, & ad communem animarum salutem, ac societatis bonum magis pertinebit. Illud etiam quæsc, ut meam hanc petitionem, atque obsecrationem, optimam in partem accipiant.

LIBER

Perlecta hac epistola, patres, qui conuenerant, omnes uno ore laudare factum Ignatij, ac uoluntatem; admirari eius humilitatem, qui cum maxime in gubernatione excellat; se tamen minime idoneum ad gubernandum iudicet: negat tamen se quod postulat, salua conscientia, posse facere: neque ipso uiuo, Præpositum alium Generalem experiri, idque Ignatio renunciare iubent: ipsum esse Societatis parētem: ipsum magistrum omnium, ac ducem, atq; à Deo electum, ut huius spiritualis ædificij quasi sapiens architectus, fundamentum poneret, super quod ipsi, reliquique eius filij tanquam uiui lapides superedificati ipso summo angulari lapide Christo Iesu, crescant in templum sanctū in Domino: nullo modo ipsis esse committendum, ut huius tanti beneficij aut ignari reperiantur, aut ingrati. Eodem tempore grauissimum in morbum incidit; & cum expeditum iri ex huius mortalitatis uinculis speraret, sic afficiebatur animo, ut præ lætitia, fluentes ubertim lacrymas cohibere non posset, cogereturque & suorum precibus, & medicorum seuera admonitione animum alio transferre

transfere, & minus diu de suo desiderio,
ac spe, minusque sæpe cogitare.

*Constitutiones ab Ignatio præ-
scribuntur. Cap. II.*



Ignatius ergo spe illa de-
iectus, onus quod sustine-
bat deponendi, & nouo
morbo liberatus, quod
Deum uelle intelligebat,
ad societatem gubernan-
dam: & inchoata perficienda se totum cō-
uertit: in primisque, ut certis, illam uinci-
ret legibus, iisdem patribus constitutiones
à se conscriptas, ostendit, ac discutiendas
tradidit: quas ipse compulsus est, precibus
totius Societatis perscribere: extat com-
mentarius eius ipsius manu scriptus, in arcu-
la quadam post eius mortē repertus, in quē,
dum constitutiones scriberet, uisitationes
illustrationesque eas, quibus à Deo persun-
debatur, & memoriæ, & deliberationis
caussa, quasi in ephemeridem referebat:
quo ex scripto plane perspicitur Ignatij uir-
tus,

LIBER

tus, & diuinæ erga illū largitatis plenitudo pondusq; ipsarū constitutionum, & auctoritas. Omittam reliqua; de una paupertate dicam. Quadraginta continuos dies Deo Opt. Max. sacrificauit; & diuinis præcationibus, solito se dedit ardentius, ob id unū ut statueret, expediret ne nostris, professorum domorum ecclesijs, redditus aliquos esse, ad ipsarum Ecclesiarum, uel fabricationem, uel cultū, & ornatū. Et ut ego quidem existimo, ut superiora illa, quæ dixi, illustriora fierent, & diuina dona, quæ Ignatius, humiliatis studio, intra se occultabat in lucem exirent, & foras ad nostram utilitatem proferrentur, Deus ipse afflatu illū suo, instinctuq; incitauit, ut quid illis quadraginta diebus in matutina oratione, quid in præparatione ad Missæ sacrificiū, quid in ipso sacrificio, quid post, sibi accidisset, breuiter, planeq; conscriberet. In euidere est, illi quanta fuerit sui examinandi, & conscientiæ perscrutandæ cura, quam incensa, & accurata oratio, quanta lacrymarum, & continua pene effusio: quam sæpe consolationis magnitudo redundaret etiam in corpus, & uox, intercluso spiritu, hæreret.

hæreret, ac dari non posset: & totius corporis uenæ, sensibilibet commouerentur. Illic cernitur, quam assiduis eius mens, atque eximiis de sanctissima Trinitate illustrationibus impleretur, de diuina essentia, de processione, de proprietate diuinarum personarum, & operatione: de q; sacratissimo illo mysterio, tum occultis intelligentiis, tum externis doceretur imaginibus. Neque uero breues istæ uisitantes erant, aut fugaces: sed prolixæ interdum, ac diuturnæ, & quæ in cubiculo, in mensa, domi, foris illum comitarentur, & suæ magnitudinis exitu quodam absorberent. singula persequi non est necessarium, hoc attingendum fuit, ut intelligamus, quo loco constitutiones nostras habere, qua ueneratione suscipere, quo studio, curaq; obseruare, debeamus. Quamquam Ignatius, qua erat animi modestia præditus, post tot cognitiones supernaturales, & diuinæ uoluntatis testimonia, sibi non supersit, ut constitutiones firmæ essent, ac ratæ, donec uniuersa societas, suo eas iudicio comprobaret: quod quidem Romæ anno 1558. ipso mortuo. factum est, in publico, uniuersaliq; societatis conuentu: in quo constitutio

stitutiones omnes, ut fuerant ab ipso conscriptæ, magna ueneratione susceptæ sunt, & summa omnium patrum consensione, ac uoluntate confirmatæ.

Romani Collegij institutio.
Caput I. I.



Neorū numero, quos hoc anno ab Ignatio euocatos, Romam uenisse diximus, Frācisus Borgia Dux Gādiæ fuit: qui quidem Societatis nunc est Præpositus Generalis. Is cum intelligeret, quantas commoditates, Collegium Societatis, in ea urbe, quæ caput orbis terrarum est, esset allaturum: minimeque decere existimaret, eā, quæ Societatem prima omnium complexa est, & ex qua vniuersa Societas gubernatur, eo fructu carere, quem multæ aliæ ciuitates, ex nostrorum opera, atque eruditione perciperent, Ignatij hortatu, atque consilio, Collegium Romæ instituendum curauit: cuius initium factum est anno Domini

mini 1551. 18. Februarij, ad radices Capitoliij, per angustis ædibus: quo tempore fuerunt in Collegio quattuordecim, quibus præerat Rector P. Ioannes Peletarius Gallus: ad hunc enim fere numerum alendum, pecuniam tunc Franciscus suppeditauerat. Deinde mense Septembri, duplicato pene numero, in ampliorem domum nostri commigrarunt: & tunc quidem tres tantum linguas Hebraicam, Græcam, Latinam, atque Rhetoricen, nostri præceptores, suis auditoribus explicabāt, non sine magna ludi magistrorum urbis offensione, & ea indignatione, ut discipulorum suorum stipati caterua, in scholas nostras aliquando irrumperent, & nostris præceptoribus prælegentibus, obstreperēt, atque intemperantius insultarent, donec anno 1552. 28. Octobris, in æde D. Eustachij, maxima Cardinalium, Episcoporum, eruditissimorumque uirorum, atque studiosorum frequentia, orationes habitæ a nostris, ac disputationes sunt quibus illorum insolentia compressa est. Multo uero magis cum anno 1553. a nostris theses propositæ publice sunt, non solum de Rhetorica

LIBER

torica, & tribus linguis, ut fieri superioribus annis cōsueuerat; sed etiā de vniuersa philosophia, ac Theologia, quę quidem disciplinę, tum primum in hoc Collegio, tradi cœperunt, cui tum præerat D. Martinus Olaius, uir excellentis doctrinę, atq; integritatis opinione nobilis, qui multum per id tempus, Collegium Romanū illustrauit: creuitq; hoc anno nostrorum numerus ad sexaginta; sequenti uero ad centum: quos cum domus capere commode non posset, in latiores ædes 1556. immigrarūt: in quibus per annos ferme quattuor habitarunt, donec anno 1560. Pij iiii. Pōt. Max. auctoritate, & hortatu, nobilissima, atq; integerima fœmina Victoria Tolsia, Pauli Quarti Pont. Max. sororis filia, nec expectantibus nobis, nec opinantibus, sedem tamen Collegio certā in urbe quærentibus, locum commodū, amplū, salubrem, ac maxime celebrē præstanti liberalitate donauit: quē, nihil minus, quam de nobis cogitās, in piū usum, ex uiri Camilli Vrsini Guardię Marchionis testamēto parauerat: multisq; ædibus Pauli Quarti Pōt. Max. imperio, ac potestate cōiunctis, in Insulā omnino rede-
gerat

gerat: in quibus & ipsius Victoriæ domus est, & ea, quâ ipse Paulus Quartus emit, & multis annis, Cardinalis cum esset, habitauit: quo in loco uehementer multiplicatus est nostrorû numerus: fuit. n. nonnunquâ ducentorû, & uiginti, isq; conflatus ex omnibus pene Christiani orbis prouincijs. Eodē .n. tēpore, ex sexdecim, aut eo amplius diuersissimis nationibus, fratres nostri in hoc Collegio sæpe reperiuntur, linguis quidē inter se, ac sermone distincti, sed summa concordia animorû, fraternoq; amore sociati: quos diuina benignitas, in m̃agna ēt annonæ caritate, supra hominû fidē, sed nō supra fiduciam, ac spē Ignatii, hætenus sustentauit. Ab hoc autem collegio reliqua fluxerūt, quæ in Italia, Germania, Bohemia, Polonia, Flandria, Gallia, constructa Collegia sunt. quæ caus̃sa fuit, ut Ignatius (cuius cogitationes omnes, & uigiliæ, in hominû salute consumeantur) tantopere de hoc Collegio laboraret: cuius utilitates nō ad unam aliquam ciuitatem, sed ad multas, nobilissimasque prouincias, ad nationes etiam hæreseos erroribus deprauatas, maxime pertinere iudicaret.

Collegia

LIBER

*Collegia aliquot in Hispania
nostri instituunt: ab Archie-
piscopo Toletano uexan-
tur. Cap. IIII.*



Aetis Romani Collegij funda-
mentis, discescit Franciscus
Borgia ex urbe, atque in Hi-
spaniam redijt: ibi ditionē
suam filio natu maximo ce-
dit: secularem cultum exuit: in Cantabriā,
remotam Hispaniæ partem, se recipit: sa-
cris initiatus, concionatur: ostiatim men-
dicat, magna hominum admiratione. Eius
rei fama, atque exemplo commoti nobi-
lissimi quidam uiri, ad illum ueniunt, &
se ad nostram Societatem adiungunt.
Ognatense præterea Collegium ab eodem
patre habitari cœpit, cui Petrus Araoz
possessiones quasdam suas, & fructus antea
legauerat. Burgenſe eodem item tempore
est inchoatum. Nam cū Franciscus Men-
doza Cardinalis, creatus eius ciuitatis Epi-
scopus, ad diœcesim suam perlustrandam,
& uerbum

& uerbum salutis ouibus ministrandum; duos ex nostris ab Ignatio impetrasset, illi, imposito sibi munere expleto, præclaram Collegij instituendi occasionem dederunt, quod Fraciscus Strada multum deinde suis concionibus illustrauit.

Metinensi etiam Collegio Rodericus Duegnas, uir copiosus, & pius, initium attulit: qui Petri Fabri, & Antonij Araoz familiari sermone permotus, ad suam, & ad publicam eius ciuitatis utilitatem, aliquot ex nostris expetiuit. Auxit uero ciuium studium, nostrorum præsentia, & in plateis habitæ conciones. Itaque anno 1551. nostri ad constituendum Collegium Metinam primum missi sunt: quod postea Petrus Quadratus, eiusque uxor Francisca Manson, opibus, ac religione præstantes, exædificarunt, & certis redditibus stabilierunt.

Sed ut latis aduersa succederent, & Societas nunquam non exerceretur utiliter, sub idem tempus grauis in Hispania, ab Archiepiscopo Toletano Ioanne Siliceo, persecutio in nostros è excitata. Hic aliter quam res è, de Societatis instituto sentiēs,

S Sacerdotes

LIBER

Sacerdotes omnes, qui exercitationibus spiritalibus eruditi a nostris erant, confessiones audire Toleti uetuit: Compluti uero, ubi solum in eius diœcesi, tunc commorabantur, publicis edictis populo a nostris sacramenta percipere prohibuit: qui secus facerent, his sacris interdicit: neque ut sententiam mutaret, adduci prius potuit, quàm Archiepiscopi factum contra Summi Pontificis auctoritatem, (de cuius uoluntate diplomatis ipsis Pontificijs constabat) esse iudicans, Regium Consilium nostrum nobis institutum, uoluit liberum esse: & Pontifex ipse Maximus Iulius III. certior de re factus ab Ignatio, grauer ad Archiepiscopum scripsit: mirari se, & moleste ferre, quod susceptam, & probatam a Sede Apostolica Societatem, minus ipse probaret, & in omnibus pene Christiani orbis prouincijs magna cum utilitate uersantem, meritoque proinde ab optimo quoque expectatâ, solus ipse repudiaret, ac reijceret. Quibus litteris, & Regio edicto factum est, ut Archiepiscopus decreta sua reuocaret, nostrisq; suam facultatem integram esse permitteret. Cōmode autem cecidit aliquot annis

annis post, cum, illo mortuo, nostri Tole-
tum accersiti primum sunt, & ad habitan-
dum certum in nobilissima, atque amplif-
sima ciuitate, domicilium ingressi: ut in his
ædibus habitauerint, quas Archiepiscopus
ipse siliceus exædificauerat, in Clericorū
usum, & instruxerat: notatumque est a mul-
tis, & animaduersum, omnes magni illius
Archiepiscopi aduersus Societatem cona-
tus, eo demum recidisse, ut domū illis ædi-
ficasse uideretur, quos, bono fortasse zelo
sed non secundum scientiam, suis ipsorum
domibus cupiebat eiectionos.

*Provincialis in Italia declara-
tur Laines. Viennæ mori-
tur laius. Cap. V.*



Et hæc quidē in Hispania.
In Italia uero eodem anno
1551. Collegium Floren-
tinū, Leonoræ Ducis beni-
gnitate, initiū habuit. Nea-
politanum item, ac Ferra-
riense. Et ad Neapolitanum quidem col-
S 2 locandum

LIBER

locandum, ac stabiliendum, magnum adiu-
mentum attulit Magister Alfonsus Salme-
ron, ob eā ipsam rē ab Ignatio Neapolim
missus. Ferrariense uero inchoauit Hercu-
les II. Ferrariæ Dux, qui & Nicolao Boba-
dilla, & Claudio Iaio familiariter usus fue-
rat, nascentemq; fouerat Societatē: ad quē
Paschasius Broet, constituendi Collegij
caussa, ab Ignatio tunc missus est.

Quibus quidem Collegijs, reliquisque per
Italiam factis, præfecit Ignatius, & Præpo-
situm prouincialem constituit: Magistrum
Iacobum Lainem, qui sub annum 1550.
exeuntem, redierat ex Africa, ubi Christia-
nis militibus, egregiam nauauit operam,
in eo bello, quod duce Ioanne Vega Si-
ciliæ Prorege, aduersus Christiani nomi-
nis hostes, expugnato Aphrodisio, fœ-
liciter gestum est. Ad cuius capti iam
oppidi defensionem, animandos mili-
tes, qui in præsidio erant, & in pietate
iuuandos, profectus Hieronymus Nata-
lis, euasit ex naufragio diuinitus, socio
nauigationis Isidoro Sbrando in fluctibus
extincto, anno 1551. Sed etiam in Ger-
mania, eodem tempore, Societas creuit:
nam

nam Ferdinandus Romanorum Rex, ut Viennensis academix studia instauraret, & hæreticorum passim grassantium, furorem compesceret, Claudium Iaium ad se accersuit, & aliquot Theologiæ professores, ab Ignatio postulauit: qui Viennā eodē 1551 profecti, apud Dominicanos sunt in seposita Monasterij parte diuersati: postea uero, ne religiosis patribus impedimēto essent, in Carmelitarum Cœnobium relicum, ac ruinosum, Præfectis eius ordinis libentissimis, commigrarunt.

In hoc Collegio anno 1552. 6. Augusti, ipso dominicæ transfigurationis die, P. Claudius Iaius Ignatij socius, unus ex primis decem, natione Allobrox, excessit è uita. Vir de Christiana religione, optime meritus, quā in Italia, Bauaria, Sueuia, Austria, Germania tota, magnis suis laboribus amplificare non destitit. Fuit mitissimo præditus ingenio, & naturæ iucunditate quadam, religiosa grauitate condita: paupertatis amore insignis: orandi assiduitate excellens: temporis parcus, & tenax: animi modestia, atq; humilitate eximius: Tergestinum Episcopatum tam grauitè firmiterque repudiauit,

pucliauit, ut multos dies in continuo pe-
ne luctu iaceret, quod illum effugere se pos-
se diffideret.

*Collegij Germanici instituendi
initium, & causae.*

Caput VI.



Equē uero de Germaniæ
salute in Germania so-
lum nostri laborabant,
sed etiam in Italia: quo-
rum opera Collegium
Germanicum a Iulio III.
Pont. Max. Romæ eodem
anno 1552. institutū est: quod utique Col-
legium etsi Societatis nostræ proprium nō
est: tamen quod a Societate gubernatur, ac-
pendet multiplex eius utilitas, ea ex parte
in nostris numero: eius initium eiusmodi
fuit. Erat Ignatius cum ad curandas pro ui-
rili parte uitiosas Christianæ Reipub. par-
tes intentus, tum uero ad eam, quæ maxi-
me laborabat, Germaniæ prouinciam. Illi
igitur de medicina cogitanti Ioannes Mo-
ronus

ronus S.R.E. Cardinalis, hodie sacri Collegij Decanus, uir prudentiæ, atque integritatis laude excellens, hanc unam proposuit, quam, cognitis, atque exploratis Germanicis rebus, ex legatione, Apostolica, qua functus in Germania fuerat, magnam uim habituram sperabat: auctorque in primis fuit, Germanici Collegij in urbe constituendi. Etenim animaduertit, quod inscitia quorundam sacerdotum in Germania, & uita non satis probata perditum fuerat, doctorum, ac pastorum erudita probitate restituendum. Esse autem percommodum Doctores, ac Pastores Germanorum Germanos esse, sic enim fore, ut eiusdem nationis legibus, moribus, natura inter se, atque amore deuincti, facilius in eorum animos influant: & materna lingua instructi, uim maiorem ad persuadendum habeant. Eiusmodi porro magistrorum, ea in prouincia inopiam summam esse, eamque fieri quotidie maiorem, ijs qui supersunt, paulatim deficientibus. Hæreticorum uero magnū esse numerum, & noua semper prole copiosiore: ex quo consilium salubrius excogitari nullum potuit, quam

LIBER

Seminarium institui, quo, antequam omnino exaresceret stirps ipsa excitarerur in semine, & præclari iuvenes ingenij, ac uirtutis spe commendati, ab ea ætate, quæ flexibilis est, moribus, litteris, atque institutis catholicis, ad omnem pietatem informarentur. Hoc Seminarium in Germania sane fieri uix poterat: nam ut maxime integrum locum, atque incorruptum eligas, inter uenenatos tamen Hæreticorum morsus, facilis contagio esset: neque uspiam a callidis hostibus satis tutâ adolescentia. Extra Germaniam uero, neque locus ad eam rem aptior, neque academia commodior, neque ciuitas, quam Romana, opportunior esse potuit: in qua nimirum doctrinæ catholicæ integritas, loci ipsius sanctitas, hominum in urbem confluentium multitudo, ac deuotio, religionis auitæ, atque Apostolicæ reuerentia, beneficia Summorum Pontificum, ac prolixa liberalitas, procreare in ipsis adolescentibus pietatem, atque alere, & a fraude Hæreticorum facile possunt auertere. Hæc maxime fuit ratio instituendi Germanici Collegij,

legij, inita primum, ut diximus, a Cardinali Morono cum Ignatio deinde, alijsq; grauissimis uiris communicata, a Iulio III. Pont. Max. ac uniuerso Cardinalium Senatu suscepta, & confirmata. Atque ut certo res, ac stabili fundamento niteretur, in uictum illorum, & cultum, Summus Pontifex pecuniam de suo promissam quotannis benigne persoluit: eiusque exemplū Cardinales omnes, pro sua quique facultate, cupide sunt secuti: quo ipsi Germani adolescentes, rerum ad uitam necessariorum molestia liberati, de pietate tantummodo, ac doctrina cogitarent: dataque Ignatio cura est, iuvenes ex omnibus Germaniæ partibus ad eam rem euocandi, moderandique. Quam ille prouinciam, tum rei magnitudine, tum Pontificis Max. permotus imperio, libentissime suscepit: spectatos uiros Collegio præposuit: optimis illud legibus temperauit: & ut Germani idoneos haberent, in nostro Collegio Romano præceptores, magna cura perfecit. Illud nequaquam suscepit, ut rationes pecuniarias nostri attingerent, aut ijs, quæ ad sumptus

LIBER

ad sumptus pertinent, uel exigendis, uel distribuendis implicarentur. Mortuo tamen Iulio III. in eo bello, quod ad urbem postea gestum est, cum uideret propter annæ caritatem, bellicosque tumultus, Collegium periclitari: ne præclarum opus, ac necessarium, omnino dissolueretur, partem ipsorum iuuenum, id uolentium, in uaria Societatis Collegia dimisit: in quibus dum nimbus ille transiret, commodius alerentur: partem Romæ retinuit, & conquisitis pecunijs magno suo labore sustentauit: suamque obligauit fidem, quam pulchre Dominus liberauit, debitis ad nummum postea persolutis.

Francisci Xavier obitus.

Caput VII.



Odem anno P. Franciscus Xavier profectus ex India, ad illustrandos Euangelij splendore Sinarum populos, in ipso primo aditu illius prouinciæ decessit è uita. Hic Pater natione Hispanus
in

in extremis Cantabriæ finibus, qui Gallos attingunt, nobili loco natus est, liberaliterque a parentibus educatus, post primæ ætatis incunabula, atque doctrinæ, studiorum causa Lutetiam Parisiorum se contulit: tantumque in eruditione profecit, ut Aristotelicam philosophiam publice profiteretur: quo tempore in Ignatium ijsdem studiis uacantem, incidit, & ad utiliore philosophiam traductus, uoluntatem suam cū illo, societatemque coniunxit. In Italiam postea cum reliquis socijs uenit, & multis laboribus in mendicitate, ac peregrinatione pro hominum institutione, ac salute, mira patientia, & caritate susceptis, anno 1540. in Lusitaniam ab Ignatio, ut in Indiā nauigaret, quo supra diximus modo, missus est. Quo in itinere, cum non procul a patria transiret, eiusque consanguinei, atque necessarij minime deuij essent, ut eos salutandi gratia, paululum de uia declinaret, adduci non potuit. Ex Lusitania, in qua se illis populis ualde probauerat, septimo (ut diximus) Aprilis, anni 1541. in nauem Martini Alfonsi Sossæ Proregis, cū duobus Socijs Paulo Italo, Francisco Man-

silla

Lib. 2.

ca. 16.

L I B E R

filla Lusitano, conscendit. Qua in nauigatione & longa, & periculosa, ita se gessit, ut ægris operam suam, sanis doctrinam impertiret, nostris nauigationis normam relinqueret, omnibus denique admirationi, atque exemplo esset. In Mazābic sex menses classiarijs multis, nautisque ægrotantibus operam suam diligenter dedit. Melinde Sarracenorum oppidum, ac Melindensis Regni caput, præteruectus, & Zocotoram sterilem insulam Christianorum, & asperam, atque in eis suæ uirtutis relinquens impressa uestigia, tandem 6. Maij 1542. Goam appulit, atque in pauperum hospitem domum primū diuertit, in qua, egenorum animis, corporibusque curandis tempus traducebat. Mane hominum ad se uenientium, confessiones audiebat, pomeridianis horis eorum, qui in uinculis, & carcere erant: pueros Christianis institutionibus imbuebat. Dominicis diebus leprosos etiā, fœdoq; & tetro morbo laborantes, extra urbem positos inuisebat, & eorum dolorem sua caritate mitigabat. Quibus rebus uniuersa Goensi ciuitate commota, in eum Indiæ tractum, qui
 Pescheria,

Pescheria, uel Comurin promontorium appellatur, deinceps contendit: ibi magnam hominum uim ab infidelitatis tenebris ad Christi lucem conuertit, & lacte integræ doctrinæ nutriuit, & a quibus in posterum etiam alerentur, præceptores reliquit, constitutis in eo tractu ecclesijs supra quadraginta. In Machacar deinde profectus, duos Reges, & ingentem cum eis populi multitudinem ad Christi fidem perduxit. In oppido Malacca deinceps aliquandiu fuit, sui omnino similis: ex quo in Maluccas insulas delatus, in ipso Malucco oppido innumeros pene infantes baptizauit, reliquos ita docuit, ut foeminæ, mares, pueri, senes, diuinæ legis præcepta palsim cantarent: & piscator in mari, colonus in agro, Christianæ fidei decantarent rudimenta. Ipse uero, præter occupationes, quibus interdum assiduus distringebatur, ac perpetuis, de nocte tintinnabulo populum uicatim excitabat, & uoce monebat, ut animis quæ in Purgatorio expiantur, suis opem precibus ferret. Posthac septem in Amboino pagos Christianorum nomine potius, quam re, cir-

LIBER

re, circūlustravit, & ad ueram pietatis formam instituit. Cum autem intellexisset, in insula Mori, Malucco proxima, magnam indigenarum copiam esse, quorum maiores olim Christi baptismā suscepissent, & mortuis ijs, a quibus fuerant initiati sacris mysterijs, deserti ab omnibus remāssissent, atque ex eo tempore propter truculētā ipsorum hominum barbariem, & certum uitæ periculum, ad illos accedere ausum fuisse neminem, eo Franciscus ire constituit: tum ut eorum, tum ut suæ salutis consulere. Nanque iudicabat, magnam esse illorum spiritalem, atque adeo extremam necessitatem, cui ipse subuenire, atque optulari deberet, etiam si uita ei esset in ea reponenda: illud enim meditabatur attentius Domini uerbum. Qui amat animam suam perdet eā, & qui perdidit animam suam propter me, inueniet eā. Quē euangelij locum legentibus apertum uideri, experientibus affirmabat obscurum. Est autem insula illa aspera, horrida, rebus ad uitam necessarijs plane destituta: fremitu, & horribili fragore remugiens: maximis terræmotibus, ijsque pene quotidianis contremiscens.

tremiscens. Indigenarum porro non mo-
 res hominum, sed monstra quædam fera-
 rum immanium, quibus nimirum nullus
 ludus iucundior est, quam cædes hominū,
 & trucidatio. Si alienis nequeunt mortē
 inferre, non mariti uxoribus parcunt, non
 parentes filijs, non filij parentibus: eosque
 ipsos senio iam confectos, filij interficiūt,
 & comedendos sibi vicissim accommo-
 dant. Cum autem plurimi eius amici in
 apertum ipsum iudicarent se conijcere vi-
 tæ discrimen, & propterea precibus illum,
 & lacrymis retinere conarentur, in eiusq;
 uita, multorum salutem repositam esse di-
 cerent: ille tamen, qui summum in Deo
 præsidium suæ vitæ constitutum arbitra-
 batur, & sua morte multorum vitæ pro-
 desse optabat, ab instituto cursu reuocari
 non potuit. Varia antidoti genera, quibus
 si opus esset, uteretur, amicis eisdem offe-
 rentibus (nam etiam uenenis homines illi
 utuntur:) ne quid de excellenti illa sua in
 Deum spe amitteret, eadem animi uirtu-
 te remisit. Eo profectus, insulam peragra-
 uit, incolas, uel feras potius belluas inuisit;
 Christi fide collustrauit, doctrina mansue-
 fecit,

LIBER

fecit, admirabili securitate mentis, & tranquillitate. Sciebat enim se Deo, esse curæ, apud quem omnes capilli capitis nostri numerati sunt. Qua de causa illam non insulam Mori (ut uulgo) sed insulam spei appellandam esse dicebat, in qua tam copiosas a Deo, eximiasque consolationes accipit, ut maximos corporis labores non solum mitigarent, uerumetiam exhaurirent: negabatque hominem in ea insula uiuere posse diutius, quin consolatorijs lacrymis oculos amitteret. Dum in ijs uersatur insulis, Iaponius quidam, Anger nomine, illum ut quæreret Malaccam uenit, hic uir prudens atque honestus, magnis pungebatur conscientie stimulis ex recordatione peccatorum, quæ admiserat in iuuentute. Rebus multis tentatis ad eam depellendam, molestiam, Bonzis, (sic enim sapientes, & sacerdotes suos appellant) consultis, cum nusquam acquiesceret, Lusitanorum quorundam monitu, quibuscum rem communica uerat, ut Franciscum quæreret, in Indiam uenit: Malaccam appulit: Franciscum ad Maluccas insulas profectum audit: itaque in Iaponem reuertitur, Appropinquantem illum

illum tempestas subito exorta, Malaccam
refert: ibi Franciscum ex Maluccis redeun-
tem, offendit: fit Christianus in Goensi Col-
legio, & Paulus appellatur. A quo maxime
& Christiano iam, & in nostram Societate
admisso, & uiro peracuto, ac prudenti, &
Iaponensium sectarum perito, didicit Fran-
ciscus, Iaponenses insulas multas nume-
ro esse: eam uero, quæ principem tenet
locum, sua magnitudine, ac celebritate in-
primis nobilem, & hominum ipsorum
ingenijs, cultu, doctrina, sectarum di-
uersitate, Sacerdotum frequentia, atque
uarietate præstantem. Iaponios uero us-
que adeo dociles esse, & rationi obsequen-
tes, ut facile eam religionem sequantur,
quam neq; a ratione abhorrentem uideant,
neque ab eius, qui illam profitetur, mori-
bus discrepantem. Quæ cum sermonibus
Lusitanorum, & amicorum, ualde congrue-
rent: in Iaponem nauigare cōstituit, & Pau-
lo ipso, duobusq; etiā Iaponijs eius famu-
lis Christianis, ac nonnullis præterea socijs
comitatus, eo penetrauit, superatis magnis
& nauigationis periculis, & Gētiliū insidijs.
Insula magna parte peragrata, Meaco urbe
T maxima,

LIBER

maxima, atque amplissima adita: hominibus plus minus 1500. Cangaximæ, Bungi, Amangutij conuersis ad Christi fidem; socijs ad nouellas plantas excolendas, regendasque ecclesias ab se iam constitutas, relictis, in Indiam reuertitur: inde noua auxilia in Iaponem nostris mittit. Ipse uero, quod intellexisset Iaponios omnem disciplinam, ac religionem a Sinis (quorum est latissima prouincia) quondam mutuassee, & instituta uiuendi accepisse: tum ut ipsis Sinis Euangelium afferret, tum ut illa quasi arce expugnata, uictisque ipsis ducibus, atque errorum magistris, facilius Iaponij sub Christi iugum mitterentur, in ipsam Sinam proficiscitur, nullo ex nostris Socio, duobus tantum pueris Sinis comitantibus. Cū in Insulam Sanctianam, Sinæ proximā peruenisset, & aditus in Sinam sibi haudquam pateret per Sinarum leges, quibus cauetur, ne quis peregrinus eo ingrediatur: neue quis Sina aduenam inferat, aut admittat: qui secus fecerit, uel neci deditur, uel seruituti addicitur: ipse tamen piper quod ex eleemosyna acceperat, & aureis coronatis trecentis æstimabatur, Sinæ cui-

dam

dam se daturum est pollicitus, si ille in oppidum Canthonem, quod Sinarum primū occurrit, de nocte ipsum quam occultissime inferret, atque in aliqua urbis platea collocaret. Atque illum hæc parantem, remunerari Dominus uoluit, uoluntatem eius metiens, rem integram alijs ex Societate, qui postea sunt ingressi, seruans. Nam pridie Kal. Decembris in naui cum adhuc esset, morbo oppressus, intra cubiculum obferatum, cibi omnis expers, totum diem se continuit, suspirijs crebro ductis identidē repetens; Fili David, miserere mei: tam clara uoce, ut a nautis etiam, uectoribusque exaudiretur. Postridie, breui se ex hac uita migraturum significans, in præaltam rupem, & asperam se deportari iussit: ubi ad mediam noctem sequentis diei familiariter cum Deo loquens, ac luauissime, de huius mortalitatis ergastulo foeliciter euolauit ad Dominum 2. Decemb. 1552.

Fuit uir admirabilis, neque Christianis tantum, sed ipsis etiam gentibus uenerabilis. Virgo prorsus, & impollutus: humilitatis studiosissimus, quam cum omnibus in rebus retineret, mirifice tamen occul-

T a tabat:

LIBER

tabat: uictus, cultusq; tenuissimī: amictu
 utebatur uili: uictum ostiatim mēdicabat.
 Si quid ipsi ab amicis mitteretur, in egeno-
 rum usus conferebat quam poterat occul-
 tissime. Semel in die capiebat cibum: car-
 nibus raro uescebatur: uinum uix bibebat,
 nisi forte apud amicos, inuitatus: tūc enim
 appositis epulis, nullo delectu utebatur.
 Insigni erga proximos caritate, quibus ut
 subueniret, ac praeſto eſſet, nullis parcebat
 laboribus. In facinorosis hominibus ad me-
 liorem frugem reuocandis, dexteritate sin-
 gulari. Si quem aut flagitioso amore ir-
 retitum eſſe intelligeret, aut perditum, ar-
 tificio quodam mirifico, in eius se insinua-
 bat familiaritatem: deinde consuetudine
 iam implicato, ultro se etiam ad pran-
 dium offerebat: cum intimus eſſet, concu-
 binas illi detrahebat, & pellices: quod si
 plures haberet, & una simul omnes non
 posset, ita tractabat hominem, ut grada-
 tim, sensimque omnes abijceret: accidit-
 que aliquando, ut octo cuidam concubi-
 nas ademert, admirabili prudentia, ac ser-
 monis iucunditate. In aduersis infractus
 omnino, ac robustus: in diuina prouiden-
 tia

tia semper defixus, cuius fiducia, & alieno tempore nauigabat, & uitā suam magnis obijciebat periculis, a quibus sæpenumero ereptus est. Ter naufragium fecit, duos aliquando, tresue dies iactatus undis, in tabula seruatus est: diu postea in syluis abditus, manus se insequentium Barbarorum, & crudelitātē uitauit: alias arbore tectus, in eaque pernoctās, mortem a Gentilibus sibi paratam, euasit; in summis sæpe molestijs Deum precabatur, ut dura semper duris succederent, neque sibi labores unquā minueret, sed potius augeret. Orationis spiritu excellens, in qua totas frequenter ponebat noctes, easque coram sanctissimo Domini nostri Iesu Christi corpore, cū poterat, uel corā imagine Crucifixi insomnes traducebat. Si naturæ imbecillitate opprimeretur, sæpe uel saxū capiti, uel cervical durū subijciebat, atq; ita humi cubās, leuē capiebat somnū, & breuē, quem frequēter tamē interrūpebat gemitu. Cōsolatiōibus diuinis mirifice abūdabat. Solū cū se putabat eē, manu pectori admota, sublatis in celū oculis, ad Deū sæpe clamabat, satis ē Dñe satis est. In Iapone uero, suis pedibus iter fa-

LIBER

ciens, ita accipiebatur interdum, ut uepri-
bus se indueret, in lapides offenderet, pe-
des laceraret, sine dolore, sine sensu: tanta
erat diuini æstus magnitudo. Orantem
illum Diabolus grauius aliquando uerbe-
rauit: sed non idcirco orationem intermi-
sit. Obedientiæ studiosissimus fuit: cui
uirtuti negabat ullam terrarum longitudi-
nem obstare, ullam maris immensitatem.
Erga Episcopos, & sacra aliqua dignitate
ornatos homines reuerentissimus: eosque
colendos omni officij, atque obsequij ge-
nere docebat. Addam illud: Qui Chri-
sti fidē in ipsa insula Iapone primus susce-
pit, Iaponius quidam fuit ex Oppido Can-
gaxima, qui non solum in baptismo nomē
Christo dedit, sed in nostra etiam Societa-
te, cuius se uotis deuinxit: & nouo miracu-
lo, homo Iaponius, Christianus, Religiosus,
a Francisco Xauier missus ad Ignatium, Ro-
mam uenit, anno 1554. eo uidelicet con-
silio, ut Romanæ Ecclesiæ perspecta maie-
state, & cognitis Christianorum institutis,
in patriam reuerteretur, & suis ciuibus a se
uisa renunciaret. Cum Bernardo ergo (sic
enim uocabatur) magna mihi Romæ con-
suetudo

suetudo fuit, cuius ego exemplis ad uirtutē
inflammabar, quippe qui primitiuos illos
Christianos, uita sua mihi repræsentaret.
Narrabat is mihi de Francisco tria. Primū,
septem se menses cum illo una in eodem
cubiculo fuisse, & in leui, perexiguoq; som-
no gemitus sæpe illius, & uoces, Iesu nomē
subinde usurpantis, audiuisse: atque de ip-
so Francisco, nōnunquam quæsiuisse, quid
suspicaret tam crebro, quid gemeret? il-
lumque sibi respondisse, nihil se scire, nihil
omnino sentire. Alterum, in magna disce-
ptatione cum Bonzis, & graui altercatione
multis quæstionibus, ijsque diuersissimis,
a multis ipsi Francisco propositis, frequen-
tissime, cum ipse quoque Bernardus ad es-
set, ita illum omnibus una responsione sa-
tisfecisse, ut omnibus omnes dubitationes
scrupulosque eximeret: idque multo etiam
euidētius, atque illustrius, quam si singula-
tim cuique respondisset. Tertium, permul-
tos uarijs morbis oppressos, suis oculis se
uidisse, qui ad Franciscum deportati, con-
festim ab illo uel Crucis signo, uel aquę sa-
cræ aspersione, sanabantur. Quapropter
Iaponijs illum, quasi aliquem de cœlo la-
psum,

L I B E R

plum, ac supra hominē aiebat uisum. Neque mirum: multis enim claruit miraculis & in uita, & post mortem, quibus in hodiernum usque diem illustratur. Morbos omnis generis ab humanis corporibus depulit: energumenos liberauit: illuminauit cæcos: mortuos denique uitæ restituit. Prophetiæ dono maxime excelluit: multa occulta patefecit: plurima longe posita, uidit: eaque populis accidisse nuntiauit, quæ, repetitis, atque enumeratis diebus, cōpertū est in eum ipsum diem incidisse, quo fuerant ab ipso procul posito, diuinitus cognita, atque alijs declarata. Eius mortui corpus, integrum, ac solidum, domesticis, sacrisque uestibus, quibus utebatur, obuolutum, a Lusitanis mercatoribus, qui morienti adfuerant, calce contactum, & humi conditum est, ut exesa ui calcis ossa, in Indiam deportarent. Sic enim ille plorum suffragia spectans, & pie de resurrectione cogitās fieri iusserat. Post tres menses sarcophago effosso, uestes integræ omnino reperiuntur: corpus solidum prorsus, atque incorruptum; naturali colore, ac uiuido: humida carne, ac succosa: nihil tetri odoris,

ris, aut fœdi. Rei miraculo permoti mercatores, corpus, ut erat, in nauim. impo-
nunt: Malaccam, magnis periculis libera-
ri, inusitata celeritate perueniunt: ibi duo-
decim alios item menses asseruatur, eadē
prorsus integritate. Goam deinde perla-
tum, omnium ordinum, & totius ciuita-
tis concursu in nostri Collegij templo col-
locatur, & conditur. Magnaque est uniuers-
i populi erga illum ueneratio, magna de
sanctitate eius opinio. Miracula illius, & in
uita, & post mortem ædita, enumerare, ni-
mis longum esset, & ab nostro instituto
alienum. Neque enim huic narrationi
propositum est, ut quæ in India per Fran-
ciscum gesta sunt ea omnia persequar
(sunt enim multa, magna, testata, &
quæ iusto uolumine explicari,
non per angustæ coarctari
debent) sed quæ-
dam breuiter
fuerunt
no-
stro more perstrin-
genda.

Corfica

*Corfica lustratur à nostris.**Caput VII.*

Vtinæ Collegium per idē
tempus inchoatum est:
Perusiæ itē, Rectore Eue-
rardo Mercuriano: qua
in ciuitate Iacobus Lai-
nes fuerat paulo ante cō-
cionatus: Qui Republi-
ca Genuensi postulante, Genuam deinceps
profectus est; uehementerque ciuitatem il-
lam commouit: & omni genere doctrinæ,
atque uirtutis, ad pietatis studium excita-
uit. Quæ causâ fuit, ut eadem Respub. a
Summo Pontifice, magnis precibus pete-
ret, ut ex nostris aliquot in Corsicam mit-
teret, qui populos illos incultos, ac rudes,
multisque propterea uitijis contaminatos
obirent, ac docerent. Missi sunt duo cum
magna Summi Pontificis potestate, qua ad
multorum salutem usi sunt, ea abstinentia,
atque integritate uitæ, ut homines cū mul-
tum uerbo, plus tamen exemplo mouerēt.
Multum illi in peragrandâ insula, labora-
runt,

runt, in controuersijs componendis, uitijs tollendis: quæ in numera, in coniugium illorum, ac nuptias irrepsent; reficiendis ædibus sacris, atque ornandis, commonendis sacerdotibus: & ad tuendum sacerdotale munus cohortandis audiendis peccatorum confessionibus: in concionibus denique, & omni pietatis officio, multum studij, operæque posuerunt. Sed hunc illorū cursum, Diabolus impedire conatus est. Nā anno proximo 1553. Religiosi quidam, & Sacerdotes, quibus forte seuerior disciplina odiosa erat, multa contra illos tum falsa, tum acerba Romam pertulerunt, ac dissiparunt, & iniquis criminationibus Cardinalium, ac Principum aures compleuerūt. Quibus ut occurreret Ignatius, Sebastianū Romeum in Corsicam misit, a quo breui multa præclara testimonia, atque grauissima sunt allata, quæ Gubernator Corsicæ reliquique magistratus, ac ciuitates, ueritati, innocentiaque nostrorum libentissime tribuerunt: eaque Romam ad Pontificē Max. uirosque clarissimos scripserunt, quæ, propter summam laudem, audire nostri non possent sine uerecundia.

In

LIBER

*In Exercitia spiritalia inquiri-
tur. In Hispania distri-
buuntur Prouincia.*

Caput IX.



N Hispania eodem anno
1553. & probabatur So-
cietas, & augebatur. Nam
Exercitiorum spiritalium
ratio (quorum usus flore-
bat in Hispania, & uberri-
mos Christi Ecclesiæ fru-
ctus adferebat) eodem tempore grauiter
agitata est, & a bonis illis quidem uiris, sed
rerum nostrarum rudibus, multa contra li-
bellum illum scripta, multa notata sunt, &
ad fidei Inquisitores delata: sed ueritas tan-
dem omnes tenebras dispulit, & cum suis
se uiribus defendit, tum uero sacrosanctæ
sedis auctoritate, aduersariorum impe-
tus facile propulsauit, ac fregit: itaque
suum cursum Societas tenuit. Namque
Eborense Collegiū ab Henrico Cardinali
Emanuelis,

Emanuelis, Lusitaniæ Regis filio, & Ioannis Regis sanguine, & pietate germano fratre, propter eximiam eius religionem, eodem tempore est inchoatum, & ita deinceps amplificatum, & noua academia, & certis redditibus ornatum, ac perfectum; ut permagno auditorum numero, ac frequentia disciplinæ in eo omnes tradantur. In Conimbricensi uero, ad Nouitios probe instituendos, & ad normam Societatis erudiendos, domus Probationis est instituta. Vlyssipone etiam, & Professorum domus instituta, & Collegium superiore anno informatum, nouis lectionibus locupletatum est. Abulense præterea Collegium eodem anno 1553. initium habuit. Ijs adde Cordubense, cui quidem P. Antonij a Corduba introitus in Societatem, principium dedit: is enim Laurentij, Figueroæ comitis feriæ, & Plieghi Marchionis, filius, postquam nostrum institutum complexus est, nihil habuit antiquius, quam res nostras, quibus ignotæ erant, notas efficere; & per suos copijs, & clientelis, facile principes, Cordubæ societatem collocare. Ad
eam

L I B E R

eam rem, cum Magistratu transigendam, Franciscus Villanoua cum socio, Cordubā profectus est: qua in urbe erat opibus, atq; auctoritate D. Ioannes a Corduba, Cordubensis ecclesiæ Decanus, & quidem in nostros tunc non optime affectus. Hic ubi nostros Cordubam uenisse audit, indagandi, explorandique, cupiditate perquisitos, domum ad se inuitat; cogit, hospitio excipit: curiose, atque assidue, furtim etiam obseruat, excutit diligēter: admiratione uitæ nostrorum se ipse colligit: consuetudine illorum, ac sermonibus capitur: ueritate comperta amare eos incipit, quos odisse antea uidebatur. Intra paucos dies, ædes in quibus ipse habitabat, amplas in primis, & magnificas nostris donat: multam præterea uestem pretiosam, uasa aurea, atque argentea ad Dei cultū, non pauca: annuos fructus ad uictum, cultumque constituit: tam studiose, & ardentem, ut se neque dormire, neque uigilare posse diceret, neque aliud, quā de Collegio nostro cogitare. Itaque quod dixi, breui effecit, magnamque apud omnes ea uoluntatis erga nos, & uitæ ipsius mutatio, admirationē habuit. Neque enim
ille,

ille, quo esset antea in nos animo, tulerat obscure: neque ignorari poterat quod faciebat, propter hominis dignitatem.

Atque ad hæc quidem conficienda, non parum contulit Magister Hieronymus Natalis, quem Ignatius hoc ipso anno Commissarium generalem in Hispaniam misit, ut nostris constitutiones a se perscriptas, promulgaret; ordinem Collegiorum, atque disciplinam inspiceret, eaque quo gubernarentur commodius, in plures quam antea, prouincias distribueret: quod & fecit, & Castellæ Antonium Araoz, Bathicæ Michaellem Torrensem, Aragoniæ Franciscum Stradam, Lusitaniæ Iacobum Mironẽ, ut fuerat iussus, Prouinciales constituit.

Omnibus uero præfecit, & Commissarium generalẽ in uniuersa Hispania

instituit, P. Frãciscum Borgiam,

cuius erat apud omnes,

magna in primis

auctori-

tas.

Varia

LIBER

Varia Collegia.

Cap. X.



Vnc in modum, res in Hispania compositæ, mirificū progressum habuerunt. Nam Cordubensis Collegij exemplo, fructuque inuitati, Hispanenses multi ciues, nostros cupiuerunt. Itaque in sequenti anno 1554. Hispalense Collegium, P. Francisci Borgiae, eam in urbē aduentu, & concionibus est informatum.

Granatense præterea institutum est, ad quod stabiliendum multum iuuit Petrus Guerrerius, eius urbis Archiepiscopus: qui in Concilio Tridentino, ex Iacobi Lainis, & Altonsi Salmeronis sermonibus, nostrū institutum probauerat: & patrum illorum uita, atque eruditione commotus, nostris omnino fauebat: instituti uero iam Collegij amplificator idem semper fuit. Placentinus etiam Episcopus, D. Gutterius Caruaia alius, Tridenti eorundem patrum consuetudine, in reliquam Societatem bene animatus, redijt in Hispaniam, & Placentiæ

tiæ Collegium a fundamentis præclare, magnificeque construxit, & annuis prouentibus confirmauit.

In hac serie, atque ordine, pono Conchense Collegium, quod hoc item anno, Francisci Villanouæ consilio, Petrus de Puteo, Conchensis Canonicus, ad ualeitudinem nostrorum, qui Compluti commorabantur, æstiuis caloribus tuendam, tunc quidē inchoauit: postea uero auxit, ac perfecit Petrus Marchina, Conchensis & ipse Canonicus, Ignatij, dum uiueret, nunc uero uniuersæ etiam Societatis amicissimus. Propter eorum uero multitudinem, qui eo tempore nomina Societati dabant in Hispania, ut ad nostrum institutum aptius formarētur, Bartholomæo Bustamantio moderatore, Nouitiorum domus Simancæ est cōstituta.

In Italia porro Genuense Collegium P. Iacobi Lainis opera, collocatum est: in quod cum aliorum ciuium, tum uero Pauli Doræ, insignis extant liberalitatis officia, & beneuolentiæ.

Lauretanum uero, Rodulphi Pij Carpenfis Cardinalis, & Lauretanæ domus protectoris, consilio conditum est: qui

V

quidem

LIBER

quidem ad conseruandum cultum sacra-
tissimi loci, & fouendam peregrinorum eò
confluentium pietatem, ratus suis labori-
bus aliquid nostros posse conferre, impe-
tratos ab Ignatio aliquot, primum Laure-
tum misit: quorum fructus, ubi nihilo spe-
minor fuit, postea Collegium, nostris Apo-
stolica auctoritate confirmauit.

Sed etiam in Sicilia per idem tempus
Societas creuit. Nam & syracusani Colle-
gij, posita sunt fundamenta, a Suero Vega
Ioannis Vegæ Proregis, filio, eius urbis Gu-
bernatore: & in oppido Montis Regij sum-
ptibus Alexandri, Cardinalis Farnesij,
eius Urbis Archiepiscopi, coemptis
domibus, nouoque templo ædi-
ficato, domiciliū nostris
constitutum. Et Sici-

lia ipsa, creato

Hierony-

mo

Domeneco Prouinciali, in

Prouinciæ formam

redacta.

sorbonensis

*Sorbonensis Collegij in Societatem Decretum.**Cap. XI.*

Aec in Italia, Hispaniaque.

In Gallia uero eodem anno

1554. Societas nostra cer-

tas sedes habere coepit. Nā

quāuis ab ipso primo eius

exordio, aliqui ex nostris

semper fuerint, qui in academia Lutetiana, operam studijs litterarum darēt, priuatim tamen illi, & nullo certo loco, nullo suo collegio, ea in urbe commorabantur: donec D. Guglielmus a Prato Claramontanus Episcopus, qui nostrum Tridenti institutum cognorat, & patribus Iacobo Laine, Alfoso Salmerone, Claudio Iaio, familiariter usus fuerat, Collegia nobis duo ædificare constituit: alterum in sua Diœcesi Bigliomi; Lutetiæ alterum: quod & fecit. Ad quæ Collegia, & res nostras in Gallia gubernandas, magistrum Paschasium Broetum Prouincialem præpositum Ignatius fecit. Sed no-

LIBER

stris a Rege petentibus, Societatem ut admitteret, eiusque filios Regni iure donaret: res ad Parisiensem Senatum reiecta est. Senatus (quod ea res ad religionem spectaret) facultati Theologiæ mandat, institutum nostrum ut examinet; Pontificiæ diplomata diligenter inspiciat: denique quid uideatur, ad ipsum referat. Erat id temporis inter Doctores Theologos, quidam auctoritate princeps, nostris offensus, quod nepotem quendam suum, ipso repugnante, in Societatem recepissent. Erant alij Religiosi Doctores, qui suis rationibus ducti, minus nostræ causæ fauebant: nonnulli qui de re tota nihil laborabant: multi, qui popularibus opinionibus, ac peruulgatis contra Societatem rumoribus occupati, acriter nostræ Religionis, propter religionem ipsam aduersabantur. Ij ergo iudices conveniunt: consultant inter se: decretum illud demum scribunt, quo Theologiæ facultas, quid de Societatis instituto sentiat, aperte declarat: ei decreto omnino persimile, quod eadem Theologiæ facultas, in Religionem B. Dominici,

minici, ipso suo principio traditur scripsisse. Est enim seuerum, & graue, ac peracerbum, & quod a legentibus, eiusque sententias cum re ipsa conferentibus, omnino incognita, atque inexplorata ueritate, factum esse iudicetur.

Quo decreto facto, magnis fluctibus Lutetiæ, & turbulentis, iactati sunt nostri. Nā recenti negotio, a scholasticis in gymnasijs, a Monachis in concionibus, a populo in circulis concidebantur, a Senatu in curia, ab ipso deniq; Episcopo, magnas in templis molestias perferebant: quo Romā allato, optimi quique, atque doctissimi societatis patres, in ea erant sententia, ut decreto respondendū dicerent; ne qui forte ueritatis ignari, insignis facultatis auctoritate, & grauissimo de nobis præiudicio commoti, a ueritate alienas opiniones acciperent. Neq; uero esse timendū, ne Facultas, ueritatis hanc defensionē, & iustam, & necessariā, non optimam in partē acciperet. Nam quæ eius est modestia, ac ueritatis amor, si rem, uti est, cognitam haberet, antiquaret certe suum illud ipsa decretum, atque induceret: quod non odio, sed ueri

LIBER

272
 ignorance fecisset. Verum, patribus ita
 sentientibus, æquissimo animo Ignatius, &
 vultu, ut solebat hilari, Pacem, inquit, meā
 104. 14 do vobis: pacem, ait Dominus, relinquo vo-
 bis. Neque scribendum est, inquit, quic-
 quam, neque faciendum, ex quo uel odiū,
 uel amaritudo nascatur. Neque uero uos
 Theologiæ facultatis conturbet auctoritas,
 quæ quanquam magna est, illa tamen nihil
 ualebit contra ueritatem: quæ premitur
 quidem sæpe, sed nunquam opprimitur.
 Aliud minusque periculosum, si opus sit
 (quod equidem non spero) huic uulneri
 medicamentum adhibebimus. Ergo no-
 stris mandat, ut ab omnibus Principibus,
 Episcopis, Magistratibus, Rebus publicis,
 Academijs, Ciuitatibus, apud quas uersa-
 bantur, uitæ suæ testimonium petant: testi-
 monia perscripta, & obsignata ad se mitti
 curent, ut ea si opus sit Parisiensi decreto
 obijciat, & paucorum hominum senten-
 tijs iudicium orbis terrarum, & approba-
 tionem opponat. Fit quod Ignatius im-
 perauit: ex omnibus fere prouincijs, in qui-
 bus nostra Societas est, omnium pene Ma-
 gistratum litteræ breui ad ipsum perferū-
 tur,

tur: omnes sui iudicij, firmum, graue, præclarum, nostris testimonium dant. Ijs testimonijs Ignatius tamē non utitur, quod uideret decretum ipsum concidisse sua sponte, atque ita euauuisse intra paucos dies, ut eius uix nomen extaret. Falsitas enim cecidit ipsa per se. Atque illud etiam consecutum est, ut cum ante decretum, Societas nostra nullum Collegium haberet in Gallia, post decretum intra annum duo habuerit.

Petrus Correa, & Ioānes Sosa à Barbaris trucidantur. Cap. XII.



VO tempore Societas, ijs modis exercebatur in Gallia, eodē, pro Christo sanguinem in Brasilea fundebat. Nam Petrus Correa, & Ioannes Sosa Lusitani, de Societate ad Euangelium Ibiragiaris populis prædicandum profecti, a Carigis feris hominibus, ac barbaris, sagittis transfi-

LIBER

xi. & genibus flexis orantes, interfecti sunt. Erat Petrus uir nobilis, & fortis, qui in Brasilia, antequam Societatem esset ingressus, Christiani nominis amplificandi studio quodam incitatus, ut a Christianis uim Barbarorum auerteret, Barbaris ipsis quæ poterat damna, inferebat. Societati deinde nostræ, in Brasilia omnium se primus adiunxit: & ut præteritæ uitæ culpas redimeret, & illatum illis populis damnum quoad posset refarciret: uitam suam Brasileorum salutem, laboresq; dicauit. Itaq; annos quinque quos postea uixit, eximia humilitate, obedientia, perfectionisq; desiderio, prudenter in ipsorum utilitate, strenueq; cōsumpsit: multumque & uitæ exemplo, & Brasiliæ linguæ cognitione, & rerū usu profecit: quoad exeunte anno 1554. quo supradiximus modo, necatus est. Alter Ioannes Sosa & ipse inter primos, qui nostrum ea in provincia institutum secuti sunt: simplex & reclusus, excellentique pœnitentiæ humilitatis & caritaris uirtute præditus, a foco, & culina, in qua fratribus ministrabat, ad tam gloriosum exitum assumptus est. Res autem nostræ ita sunt apud populos illos ampliatæ,

plificata, ut in pagis, oppidisque Saluatoris Sancti Vincentij, Paratiningæ, Portussecu-
ri, Spiritus sancti Illicos, Pernambuci, &
alijs nonnullis domicilia habeamus: ad
quæ constituenda, & nostros moderan-
dos, Emanuele Nobregam Ignatius P. æ-
positum Prouincialem creauit.

*Ioannes Nuges Patriar-
cha creatur, & in Ae-
thiopiam mittitur.*

Cap. XIII.



Ilebant hæc in Brasilea, cū Ioan-
nes Nuges Patriarcha Aethio-
piæ designatur. Eius rei ratio
fuit huiusmodi. sūt Aethiopes
inter Christianos ueteres in
primis, qui partim a beato Matthæo Apo-
stolo partim ab Eunuchō, Cādacis Reginae AA.8.
Aethiopū, a Philippo baptizato, Christi fi-
dem acceperunt. Sed Moyſis legem uel
primi illi retinuerunt, uel abiectam re-
petiuerunt

LIBER

petiuerunt eorum posteri, & Christianæ fidei sinceritatem, Iudaicis cæremonijs inquinarent. Nam & baptizantur, & circumciduntur, & Iudaismum cum Christiana religione ita confundunt, ut cum utriusque esse uelint, neque Christiani, neque Iudæi plane sint. Et a Patriarcha Alexandrino, uarijs neotericorum Græcorum erroribus infecto, credendi regulam petunt. Propter longinquitatem porro terrarum, & interfulas Barbarorum nationes, iam pridem nullo commercio cum nostris hominibus, aut communicatione iungebantur: donec Lusitani nauigatione in Aethiopiam delati, ad Regem (Preste Iannem uocant) perueniunt, eumque consuetudine, & præclaris rebus gestis, ita demeruerunt, ut aditum in Aethiopiam suis aperirent, & commercij locum darent. Quibus rebus permotus Dauid Aethiopiæ Rex, Lusitaniæ Regis amicitiam appetit: ad Clementem VII. Pont. Max. per Lusitanos homines scribit, agnoscere se Romanum Episcopum, uniuersalis ecclesiæ pastorem: optare idcirco, atque omnibus precibus, ab ipso petere, ut, qui omnium magister est, eos in Aethiopiam doctores

doctores mittat, a quibus ipsi ad rectam
sinceræ fidei normam instituantur: Regem
ipsum Lusitaniæ rogat, ut suam auctorita-
tem apud Pontificem interponat. Acta res
est a Lusitano Rege diligenter sane, sed per-
turbatione temporum impedita, & ad lu-
lium III. usque protracta. Qui rei magni-
tudine adductus, & Regis Lusitani preci-
bus, Ioannem Nugnem Lusitanum (eum,
quē superioribus annis in Mauritania Chri-
stianis captiuis redimendis, operam nauas
se diximus) Aethiopiæ Patriarcham, cum
summa potestate constituit. Andreā Ouie-
dum Castellanum, Melchioremque Carne-
rium Lusitanum, Episcopos creat, & Patriar-
chæ adiutores, & successores adiungit: &
quidem magna Societatis commendatio-
ne, quod amplissimis honoribus repudia-
tis, eos tamē diceret Societatem accipere,
qui præter labores pro Christo, capitisque
pericula, nihil haberent splendoris, aut fru-
ctus, quo allicere ad se homines possent.
Patriarchæ, & socijs Episcopis, nouem alios
comites Ignatius addidit, Italos, Flandros,
Lusitanos, Castellanos. Quos omnes Ioan-
nes tertius Lusitaniæ Rex, perbenigne com-
plexus,

Lib. 3.
ca. 18

LIBER

plexus, cum alijs muneribus, tum uestibus sacris, ijsque omnibus, quæ ad pontificium cultum, & ceremonias pertinet, regio sumptu donatos, cum magna classe in Indiam misit, ut inde ad Claudium Regem, Davidis iam mortui successorem, in Aethiopiam trajicerent.

Cæsar augustæ seditione ab adversarijs concitata, nostri urbe cedunt: mox honorifice reuocantur.

Cap. XIII.



VB idem tempus, Cæsar augustæ grauis in nostros tempestas cōcitatur. Eā, quod omniū, quibus ad hunc diem Societas defuncta est, maximam iudico, exitu uero etiā lætissimam, paulo latius explicabo. In urbe enim Hispaniæ nobilissima, atque amplissima, cognita iam multis, & probata Societate, per uiros professione

professione Religiosos, gesta res est. Cæsar-
augustanus ergo Magistratus, ad Collegiū
Societati constituendum, ædes emit: quas
dilatare ciues, & templum ædificare uel-
lent. Erant illę in ea urbis parte, in qua &
Augustinianorum cœnobium situm est, &
Parœcia diuæ Magdalenæ. Hūc ciues ad
nostros uentitare incipiunt, multumque
eorum opera, & consilijs uti. Permolestum
Augustinianis hoc accidit, ac diuæ Magda-
lenæ Curioni; qui uerbo Vicarij nepos, re
autē uera, Vicarius ipse erat Archiepiscopi,
ex diui Bernardi familia monachus: apud
quē, hanc ipsam ob causam, in magna era-
mus offensa. Archiepiscopus autē ipse, uir
professione religionis, genere, auctoritate,
clarissimus, minus nobis propitius existi-
mabatur: cuius potestate, quā habebat am-
plissimā, suo ad omnia arbitrato Vicarius
utebatur. Ergo Augustiniani de nostrorum
uicinitate grauer dolent. Vicarius dolo-
ris socius adiungitur: aliquorū ordinū uiri
Religiosi sollicitati, cum Augustinianis se
coniungunt: deniq; cōmuni consilio, cōtra
Societate cōspirāt. Causa honesta quæritur:
optima uisa est, Sacelli ædificatio, quæ pa-
rabatur.

LIBER

rabatur a nostris, quod ijs finibus, intra quos nouum templum ædificare omnino haud liceret, illud contineri dicerent, & ipsorum priuilegijs, a sede apostolica impetratis, nostros excludi. Re inuestigata, compertum est, sacello nihil ob stare. Ratione ubi nequeunt, de possessione nostros ui. & potestate deturbare contendunt. Eo ipso die, quo, conuocato iam populo, prima nobilitate inuitata, in sacello exornato, atque instructo, rem diuinam nostri parabant, nostris neque appellatis, neque auditis, ne sacrificium faciant, Vicarius interdicit. Eodemum progressa res est, ut nostris diras omnes, atque execrationes, publice imprecarentur, in numero impiorum, ac sceleratorum eos haberent, ab ijs omnes decederent, aditum eorum, sermonemque defugerent. Nam & sacrificijs populo interdictum est, si quis aditu nostris, aut congregatione iungeretur: & homines nobilissimi, atque amplissimi, quod Vicarij decreto nō stetissent, eiectione de templis, atque exturbati sunt, quibus quidem in tēplis, omnibus fere, concionatores nostrorum nomen dilacerarunt. Archiepiscopus sua potestate damnauit;

damnavit: omnes omnium ordinum con-
 uentus, Sacerdotum item cœtus, publice
 anathematizarunt, eo ritu, atque ijs cære-
 monijs, quæ in huiusmodi rebus adhiberi
 solent grauissimæ. Quibus rebus fiebat,
 ut uulgus nostros, quasi piacula quædam,
 diffugeret, atque exterminatos ex sua ciui-
 tate cuperet, quos tot diris execrationi-
 bus uidebat notatos; præsertim cum ad-
 uersarij inuidiæ flammam uentilarent, &
 rudibus, atque imperitis, religionem obji-
 cerent, si quis forte sermone nostros, & cõ-
 muni salutatione, nō indignos existimaret
 adhuc. Denique detestationem nostrorum
 proscribunt publice, in cippis, ac urbis tri-
 uijs proponunt: expingunt nostros ea spe-
 cie, atque habitu, agnosci ut facile possent.
 Error quo omnis absit, ipsorum nomina
 adscribunt: Cacodæmones horribili forma
 ipsos raptantes, adpingunt: flammæ subij-
 ciunt: probrosas appellationes addunt: plu-
 ra etiam affingunt, quam fieri solent in per-
 ditissimos ecclesiasticæ disciplinæ contem-
 ptores. Nostri domi se continere, pueri ca-
 teruatim irruere, ianuam, tecta, & fenestras
 saxis impetere: omnia clamoribus replere.

Si

Si quem uero domo exire, grauis aliqua
caussa compulisset; illum, quasi monstrum
aliquod inuisum, insequeretur puerorum
turba insultantium. Et hæc quidem uul-
go: quæ tamen hominibus prudentibus, &
suo momento res æstimantibus, graua ui-
debantur, & Christianis moribus indigna.
Intelligebant enim, ex nullo suo peccato,
conflatam esse nostris inuidiam: neque ta-
men aut contra Archiepiscopi niti aucto-
ritatem audebant: aut furenti se multitu-
dini obijcere: aut Religiosos uiros, sui offi-
cij admonere, & concitatae seditionis co-
arguere. Ergo cum armatam nostri in se
ciuitatem uiderent, & in contentionem,
atque discrimen adduci: conuiuere Archie-
piscopum: ardere eius Vicariū: Monachos
instare: uulgus urgere: turbare omnia, ac mi-
sceri: neque pontificiam auctoritatem, quā
Sedis Apostolicæ legatus, neque Regiam,
quā se uere interposuerat Serenissima Ioā-
na Caroli V. filia, Hispaniarū Gubernatrix:
neque ulla ratione, tantam tempestatem se
ecclesia dari, aut mitigari potuisse: quod diuū Gre-
gorium Nazianzenum, Constantinopoli,
minori causa fecisse legimus, in tanta re-
rum

rum perturbatione, facere ipsi statuerunt:
 & ea urbe decedere, quam nulla quidem
 sua culpa, sed propter se tamen uidebant
 turbatam. Ergo in Senatum ueniunt: eum
 unus suo & sociorum nomine alloquitur:
 docet nostros ciuium rogatu, & patrū suo-
 rum iussu, Cæsaraugustam uenisse: in ea tot
 annos ita esse uersatos, ut, quantum in ipsis
 fuerit, offenderint neminem: pro Societatis
 instituto curasse se, ne pietatis ullū officiū
 ab ipsis, aut obsequiū desideraretur: negli-
 genter quidē, & minus strenue se laborasse
 (quod & agnoscerēt, & dolerēt) sed bona
 certe fide, ac uoluntate, magnoq; salutis il-
 lorū desiderio. Qm̄ uero neq; omniū una
 mens sit, neq; idē de rebus iudiciū: hoc suū
 studiū, probare se multis non potuisse, quo-
 rum opera tanti motus sint concitati: rem
 eum in locum uenisse, quem uident; sibi ne
 fas esse, id cōmittere, ut propter se discor-
 dia, aut pertusbatio ulla in ciuitate sit. Nō
 est, inquit, dissensionis Deus, sed pacis. Si 1. Cor.
 propter nos orta est tempestas, tollite nos, 14.
 & mittite in mare: quod in nobis est, pacē Ionæ. 1.
 cū omnibus habere uolumus: pacē inquiri-
 mus, pacē persequimur: quā ubicūq; gētiū,
 X Deo

L I B E R

Deo duce, nos consecuturos, & facultatem
 pro Christo laborandi, nobis non defuturā
 speramus. En ædium uestrarū clauēs, quas
 He. 12. a uobis accepimus, uobis reddimus: urbe
 hac cedimus, ne qua radix amaritudinis
 sursum germinans, caritatem impediat, &
 per illam inquinētur multi: loci enim per-
 exigua iactura est, permagna caritatis: quā
 ne amittamus, libenter ciuitatem amitti-
 mus. Neque tamen (nisi nostra nos fallit
 opinio) uestram omnium in nos beneuo-
 lentiam amitemus, quam tam benignam,
 tam paratam, experti sæpe sumus, eamque
 & agnoscimus, & grata memoria conserua-
 bimus. Et quoniam ad remunerandum,
 nobis nihil aliud suppetit; Deum assidue
 precabimur, ut cuius in nos caritatis ipse
 auctor fuit, eius uobis fructum retribuat.
 Nobis stat abire. A uobis, qui publicam
 personam geritis, etiam, atque etiam peti-
 mus, ut quæ nostra culpa contracta sunt, in
 uestra salute procuranda, nobis ignosca-
 tis, consilium nostrum probetis, ac persua-
 sum habeatis, mutare nos solum, non uolū-
 tatem: quæ quidem, ubi placatis fluctibus
 licebit uti (quod breui futurum in eo con-
 fidimus,

fidimus, qui post tempestatē tranquillū
 facit) nihilo minus quam hactenus fuit, ue
 stris commodis obsequens erit. Ad hæc
 Magistratus, sibi & perturbationem ciuita
 tis molestam esse, & nostrorum uoluntatē
 gratam: palam esse, quorum opera plebs
 tumultuetur; nostros uelle sui similes esse:
 ut quorum mansio ciuitati plurimum utili
 tatis attulerit, eorum ex urbe discessus, nō
 minus admirationis adferat. Conseruatu
 ros se huius beneficij memoriam, & haud
 ita multo post testificaturos, quod fuerit ip
 sorum de nostris iudicium. Dimisso Sena
 tu, domum nostram senatores ueniunt: no
 stram paupertatem aspiciunt: quæ de abun
 dantia nostrorum, ac delicijs acceperant,
 eorum falsitatem re comprobant. quidam
 etiam, quod auditis fidem habuissent, suæ
 facilitatis, errorisque ueniam, lacrymis pe
 tunt: supellectilem scribunt: proficiscentes
 nostros prosequuntur: pecuniam offerunt:
 gratias nostri agunt, & repudiant. In oppi
 dum Pedralbam, quod in Ducis Villæ for
 mosæ ditione est, se recipiunt. Porro Iona Iona. 1.
 præcipitato de naui, stetit mare a feruore
 suo. Hoc enim factō, nonnihil aduersarij
 X 2 mitigantur,

LIBER

mitigantur; multum de contentione remittunt: amici Societatis animos sumunt: qui nostros uexandi uel auctores fuerant, uel ministri, cum poenæ metu, tum uero conscientiae angore cruciantur, quod intelligerent se longius progressos, quam æquitatis, & religionis ratio patiebatur. Ad summam (quoniam posteriora consilia, ut est in prouerbio, sapientiora sunt) Archiepiscopus sua ipse decreta refigit, & mutat: quam nostri habeant a Sede Apostolica facultatem, in templis promulgari iubet. Magistratus per certum hominem nostros euocat: uenientibus obuiam procedit: quod cum appropinquantibus renunciatum esset, Magistratum multis, & supplicibus uerbis rogant, obsecrantque, ne se tanto pudore afficiat, & præterita ex ignominia, gaudium quod ceperint, præsentis honoris dolore commutent. Vbi ne tertio quidem recusantes, quicquam proficiunt, quod Magistratus, publicas contumelias, publico honoris testimonio oblitterandas diceret: obedientiae lure compulsi, ad urbem accedunt: fiunt eis obuiam ad portam omnes

nes magistratus, Senatus, & ex præcipua nobilitate uiri clarissimi, magna hominum uis: ipse denique Archiepiscopi Vicarius: eos in mulas paratas cogunt ascendere: ciues facile primi, latus eorum cingunt: celeberrima, atque frequentissima uia, domum deducunt, in qua a Prorege, fideique Inquisitoribus expectabantur. A domino Petro Augustino, Oscenti Episcopo (quem in ijs rebus præcipuum Societas propugnatorem habuit) Missæ sacrificio pontificali ritu peracto: summa bonorum lætitia, suis sedibus postliminio restituantur.

Ab illa autem perse-

cutione, magnū,

hoc Col-

le.

gium, incremen-

tum acce-

pit.

LIBER

*In Belgas nostris patefit adi-
tus. Varijs Collegijs So-
cietas augetur.*

Cap. XV.



Editus nostrorum in Cæsar-
augustanam urbem, eam in
Hispania de nobis suspicio-
nem compressit, quam exi-
tus mouerat. Itaque a perse-
cutione illa, non solum imminuta non est,
de Societate bonorum opinio, uerum etiã
aucta, & confirmata: ex quo Collegia non
nulla, per id tempus, constituta sunt. Mur-
ciæ in primis D. Stephani Almeidae eius ur-
bis, nouæque Carthaginis Episcopi, in Mō-
te Regio (quod Oppidum est in Gallecia)
eius ipsius Oppidi Comititis, beneficentia:
Ocaniæ Ludouici Calataiudij benignita-
te. In oppido præterea Montilla, institutū
Collegium est ab optima, atque clarissi-
ma Catarina Fernãdez a Corduba Plieghi
Marchione, quæ tanta beneuolentia Socie-
tatem complexa est, ut eius tuendæ, atque
ornandæ,

ornandæ, proprias partes sibi desumpsisse uideatur.

In Belgica uero prouincia, Germaniaq; crescebat Societas, & fundebat se quotidie latius. Nam iam inde, ab illo nostro discessu Parisiensi, de quo supra cōmemorauimus, semper aliqui de Societate, Belgicam coluerunt: qui & Louanij Adriano ab Adriano, & Colonia Agrippinæ, Leonardo Kefelio Rectore, litterarum studia, ac pietatis exercebant officia, multique animos ad nostrum institutum applicabant. Cuius uero Tornacensibus per Bernardum Oliverium, & Quintinum Karlat, nota esse Societas cœpit, multique uel nostris se adiungere, uel nostros apud se habere cupiebāt; non sine magno Hæreticorum dolore, quorum uenenum multis locis iam tum sparsum, lōgius in dies progrediebatur. Quod Ignatius animaduertēs, Petrum Ribadeneiram in Belgicam misit, ut Constitutiones nostris cōmunicaret. Et quod nulla religio per illius Prouinciæ leges, absque Regis cōcessu, nouas in ea sedes obtinere potest, cū Philippo Rege de Societate in ea Regione constituenda, transigeret. Ille uero, multis

Lib. 3.

cap. 7.

LIBER

licet repugnantibus, Societatis approbationem a Rege, & Collegia ædificandi, potestatem impetrauit, clarissimi Principis Gomezij Figueroæ, Feriæ Ducis, studio, atque auctoritate: qua facultate expeditior nostris patuit uia: impedimentis, quæ obijciebantur, sublatis. Ei Prouinciæ Ignatius, Bernardum Oliuerium Prouincialem præfecit, qui tamen morte interceptus, munus illud suum sustinere non potuit.

Et hæc quidem in Germania inferiori: in superiori uero, propagata Societas est. Nam hoc ipso tempore, Pontificis Maximi imperio, in Poloniam Magister Alfonsus Salmeron Societatis nomen, primus inuexit. Et Ingolstadiense collegium auctius factum est; & Pragæ (quæ urbs totius Bohemiæ Regia est) Ferdinandus Romanorum Rex, Viennensis collegij fructu permotus, Collegium nostris constituit: ut Hussitas, Vicleffistas, & alios Hæreticos, qui Regnū Bohemiæ depopulātur, suis laboribus propulsarent, & Societatis exercitijs, ad catholicæ fidei ueritatem conuerterent. Eius Collegij fundamenta posuit, Petrus Canisius, quem Ignatius per Germaniam, Præpositum

Præpositum Prouincialem instituit.

Porro in Italia Senis Collegium inchoatum est, Francisci Mendozae Cardinalis opera: cuius rogatu, Ignatius quattuor ex nostris in eam urbem misit, ut ciuitatem afflictam consolarentur, & belli ruinis prostratam, pijs laboribus recrearent.

Vibonę etiam (quod oppidum est in Sicilia) Isabella Vega Ioannis Vegę Proregis filia, Vibonensis Dux, præclarum nobis ædificauit Collegium, & certis fundis stabilivit. Getmanus etiam eius frater Ferdinandus Vega, Catinam (quam ciuitatem pro patre gubernabat) nostros accersuit: eosque patris auctoritate, & benignitate ciuium, in certo domicilio collocauit:

tanta enim fuit patris Vegę, & filiorum eius pietas, & in Societatem beneuolentia, ut inter se, de ea augenda certa --
rent.

Ignatius

LIBER
*GNATIVS obdormit
in Domino. Cap. XVI.*



IC erat Societatis status, cū Ignatius annis gravis, morbis sæpe tentatus, perturbatione temporum, & novis Ecclesiæ calamitatibus mērens, euolandi ad Christū desiderio languens, petere a Domino vehementius cœpit, ut educeret de custodia animam suam, ad confitendum nomini eius. Nam etsi corporis infirmitatem, animi robore sustentabat, & magna patientia constantiaque, peregrinationis suæ molestias perferebat: tam incenso tamen Deum uidendi, fruendique, tenebatur desiderio, ut de sua migratione (ut supra demonstrauius) non posset, præ gaudio, sine lacrymis cogitare. Cum autem in urbe castra essent, & propter bellum, quod gerebatur inter Paulum III. Pont. Max. & Hispaniarum Regem Philippum, armorum strepitus exaudirentur, & tumultu, ac trepidatione plena essent omnia, in uineam secessit paulo

paulo remotionem, ubi absque interpellatione, tantum malum liberius defleret: ibi cœli grauitate, caloribus maximis, solito cœpit habere deterius: cognouitque uelocem fore tabernaculi sui depositionem. Domum reuertitur, quo ipso tēpore multi ex nostris ægrotabant grauiter. Ignatius igitur cum nihil inesse periculi, suspicarentur medici 3. Kalen. Augusti, hora a meridie tertia, Ioanni Polanco (quo in omni genere uel litterarum, uel negotiorum, nouem annos fuerat usus) ad se uocato, ac nihil minus suspicanti, solus soli instare ex hac uita ait, suæ migrationis diem. Ei mandat, uti Pontificem Maximum conueniat: benedictionem ab ipso, & peccatorum indulgentiam petat, qua confirmatior ex hac uita, lætiorque discedat. Se, si ut sperat, Domini misericordia, in montem sanctū eius uenerit, non commissurum, ut eam curam Deum pro Pontifice deprecandi, intermittat, quam in carne positus, & de se ipso sollicitus, diligenter, sancteque coluerit. Benedictionem suam libentissime impertius est Pontifex, cum magna amoris, ac doloris significatione. Sed quod neq;
morbus

LIBER

morbus grauis uidebatur, neq; ullum, acciti medici, nunciabant uitæ periculum; ipse autem Pater de sua consuetudine nihil immutauerat, & familiariter de negotio quodam conficiendo, ea ipsa nocte cum nostris egerat: quanquam Ignatij uerba, ipsos habebant sollicitos: ut consultius tamen aliquid facerent, posterum diem Patres expectare constituunt: qui ubi illuxit, suauissime illum animam agentem, offendunt: accurrunt: iusculum porrigunt: negat sumendi tempus esse: &, manibus iunctis, oculis in cœlum defixis, Iesum corde, Iesum ore implorans, placido uultu sanctissime migravit ad Dominum pridie Kalendas Aug. 1556. hora post Solis ortum prima. Vir uere humilis, qui cum obitū suū præsciret, neq; Vicariū generalē creare, neq; filios suos accersere, neq; monere, neque hortari uoluit, neq; benedicere: ut illi spes oēs suas in Deo cōstitutas haberēt, ab illo penderēt, ipsum nihil fuisse, nihil esse arbitrentur: cuius tamē mortui, uel uere potius uiuentis, patrociniū, filij eius oēs senserunt. Nā eius ex transitu, suauissimus quidam, in uniuersa Societate, doloris sensus

sus est consecutus; Lacrymæ cum lætitiâ,
desiderium spei plenum; uigor spiritus pas-
sim excitatus, ut omnes ubique laborandi
pro Christo, patiendique, nouo quodam de-
siderio, ardere uiderentur. Vir etiam (quod
facile iudicari possit) Dei munere, ac pro-
uidentiâ, ijs temporibus datus ecclesiæ, ad
resistendum conatibus hæreticorum. Nam
& eo ipso tempore, conuersus ad Dominum
est, quo Martinus Lutherus, a Catholica re-
ligione deficiens, in apertam prorupit au-
daciâ: & Summi Pontificis obedientiæ,
Sedisque Apostolicæ (cuius auctoritatem
hæretici, omnibus machinis pertinaci-
ter oppugnant) sese, suosque uoto pecu-
liari, postea mancipauit. Denique om-
nia eius consilia, & studia, uel ad conser-
uandam, uel ad reuocandam, per se & suos,
fidei catholicæ sinceritatem spectasse,
compertum est. Eius corpus kal. Augusti,
in templo nostro, ad dexteram aræ Maxi-
mæ, humili tumulo conditum est. Mor-
tuus est ætatis suæ anno 65. post conuer-
sionem uero suam 35. quod omne tem-
pus in summa paupertate traduxit: in pœ-
nitentijs, peregrinatione, studijs litterarum,
persecu-

LIBER

persecutionibus, carcere, uinculis, laboribus maximis, quos pro Christi amore, & animi excellenti uirtute suscepit, & admirabili constantia peruicit: Societatis uero a Sede Apostolica confirmatæ, anno 16 quam toto propemodum terrarum orbe propagatam uidit: duodecim prouincias constitutas reliquit. Lusitaniæ, Castellæ, Bæthicæ, Aragoniæ, Italiæ, Neapolis, Siciliæ, Germaniæ tum superioris, tum inferioris, Galliæ, Brasiliæ, & Indiæ, quæ ad Orientem est: in ijs nostrorum uel Collegia, uel domicilia fere centum.

De statura corporis eius.

Caput XVII.



Tatura fuit modica, uel potius breui, cum eius fratres procera fuerint, & quæ iustam excederet. Facie honesta: fronte lata: atque exporrecta: de pressis, uel lacrymarum, oculis: palpebris contractis, corrugatisque: auribus medio-

mediocribus: naso & a summo eminentiori, & ab imo diductiore: colore uiuido, ac temperato: caluitio, totoque ore uenerabilis: uultus illi iocunde grauis, & seuerè iocundus: quique tranquillitate quadam, ac serenitate exhilararet intuentes. Ex altero crure nonnihil claudicabat, sed honeste, & quod ambulandi moderatione, tegeretur. Callosos pedes, & nuditate, crebrisque itineribus exasperatos habuit: & crus alterum (ex uulnere, ut diximus) imbecillum semper, ac tenerum: ut uel leuem contactum, absque dolore non ferret. Quo magis mirandum est, tantum terrarum pedibus illum obire potuisse.

Lib. 1.

cap. 1.

Principio maximis fuit uiribus, prosperaque ualetudine: quam ieiuniorum, poenitentiaeque magnitudine afflixit, & perdidit. Itaque saepe morbo tentatus est, maximeque stomachi dolore, per omnem uitam grauissimo, inedia, & uacuitate contracto. Fuit enim tenuissimi, uulgarisque uictus, & ita sobrius, ut tres interdum dies, integram aliquando hebdomadam omni cibo, potuque caruerit. Gustatum ita amiserat, ut nullam fere ex cibo delecta-


LIBER

delectationem perciperet. Quapropter
egregij medici negabant illum, naturali-
ter ea corporis affectione, tandiu potuis-
se uiuere. Vestitus eius uilis, & negle-
ctus, sed mundus: cultus ipse sine cul-
tu. Nam quod de sanctissimis
uiris Nicolao, ac Bernar-
do memoriae prodi-
tum est, pauper-
tas semper
ei
placuit, sordes num-
quam.



VITAE

VITAE IGNATII
LOIOLAE,
LIBER QUINTVS.



Prefatio.



*Actenus de vita Ignatij,
& morte diximus, quæ
nobis ad cōtinuationem
quãdã historiae, seriemq̃
contexendã pertinere uisa sunt. Nunc
operæpretium me facturum arbitror,
si aliqua de eius uirtutibus separatim
dixero. Quanquam enim in ijs, quæ de
Ignatio explicata a nobis sunt, omnium
uirtutũ illius eminent insignia, & pro-
batissimi, integerrimiq̃ animi lumen
elucet:*

LIBER

elucet : interdum tamen ipsa recte fa-
 cta, aliarum rerum narratione obscu-
 rantur : & ut maxime appareant, im-
 plicata tamen cum alijs, & coniuncta,
 minus delectant, & permouent, & agē-
 di uerissimam rationem docent, quam
 cum seorsum spectantur, neque ponde-
 re solum, sed numero etiam lectorem ex-
 citant. Tenuia uero quaedam cur re-
 censuerim, dicerem; nisi religiosi ho-
 minibus, & parentem nostrum Igna-
 tium imitandi cupidissimis, haec scribe-
 rem. Quibus persuasum nimirum est,
 parua non esse, sine quibus maiora con-
 stare nequeunt : & in perfectionis ac-
 quirendae studio, Qui spernit modica,
 paulatim decidere : contraque, iuxta
 Christi Domini nostri sententiam, Qui
 fidelis est in minimo, & in maiori fide-
 lem

Eccle.

19

Luce

16. d.

lem esse. Et quoniam uos ego, fratres,
intueor; uos meus hic, qualiscunque
est, conatus spectat, commemorandis
Ignatii uirtutibus, illum ordinem se-
quar, quem Ignatius ipse in Constitu-
tionibus tenuit, cum perfectam Præ-
positi Generalis formam describeret.
Nam, nihil minus quam de se cogitās,
suis coloribus se mihi uidetur pinxisse.
Neque tamen omnia persequar, quæ
mihi comperta sunt; sed pauca quædā
ex multis excerpam, quæ uel illu-
striora, uel ad exemplum com-
modiora uidebuntur. Sic

enim & breuitati,

& lectorum

uti-

litati ser-

uiam.

Y 2

De

LIBER
*De orationis gratia, & fami-
liaritate cum Deo.*
Caput I.



T igitur de ea, quæ pri-
mo loco in Constitutio-
nibus ponitur, deuotio-
nis uirtute dicamus, quæ
Deo hominem iungit, &
ex perenni illo diuinita-
tis fonte haurit, quæ in
alios effundat; singularem quandam ora-
tionis gratiam Ignatius habuit.

Sacris initiatus, cum recitandis horarijs
precibus, diuinoque officio persoluendo,
occuparetur; tanta diuinæ consolationis
copia perfundebatur, tãta lacrymarum af-
fluentia, ut in singulis pene uerbis hære-
re, ac preces interrompere, & in psalmis legen-
dis, multum diei tēpus ponere cogeretur.
Ergo, præ lacrymis, excæcatus ferme est.
Qua de causa socij, ut omittere diuinum
officium Ignatio liceret, a Summo Pontifi-
ce impetrarunt.

In rebus grauioribus, etiam si rationes probabiles multas haberet: nihil tamen consuevit prius constituere, quam rem Domino in oratione commendasset.

In horas singulas sese colligebat, & a reliquis animum in Deum auocabat: conscientiamque suam discutiebat diligentissime: quod si negociū intercederet grauius, uel occupatio aliqua tanta, quæ piæ consuetudini, impedimentum adferret: proxima hora, uel certe primo quoque tempore, interpositam moram compensabat. Non tamē externarum rerū occupatione, usque adeo distringebatur. Ignatiū, ut deuotionis illius cursus retardaretur.

Vidimus frequenter illum, ex tenuissimis rebus, ad Deum, qui in minimis etiam maximus est, ascendentem: ex plantulæ, frondis, floris, fructus unius aspectu, ex uermiculi alicuius, aut bestiolæ consideratione, supra cœlos attollentem se, & ad ea, quæ a sensibus remota sunt, penetrantem: capientemque è singulis, utilissimā documēta, ad totius informationem uitæ.

Atque hoc familiare nostris optabat esse, ut Deum in rebus omnibus, præsentem

Y 3 cernerent:

cernerent: & mentes suas, non in oratione tantum, ad coelestia attollerent: sed uniuersas res, atque actiones singulas, in Deum referrent: neque minorem deuotionis spiritum in actione, quam in ipsa meditatione sentirent, Et hanc quidem orandi consuetudinem assiduam, cum in alijs, tum uero in hominibus pie occupatis, tanquam magis expeditam probabar.

Tam feruenter orabat, ut ex intentione animi adhibita, morbum aliquando contraheret. Anno uero 1550. quod ipso Christi domini nostri die natali, duo sacra continenter fecisset, in extremum uitæ discrimen adductus est.

Neque uero, in sacrificio Missæ solum, ita intendebat animum, sed in minimis etiam rebus, quæ ad Deum pertinerent: cum mensæ benedicebat: cum, confecto prandio, gratias Deo agebat: in reliquis demum rebus, ita seuocabat animum, seseque colligebat, ut Deum ueluti præsentem, cernere uideretur: semperq; ante orationem præparabat animam suam, & in cubiculū cordis intrabat: & ita mens inflammabatur.

inabatur interior, ut facies etiam accenderetur: & tota (quod sæpe animaduertimus) quodammodo ignesceret.

Deū sapissimè alloquens, ex intimo corde dicebat, Quid ego, Domine, extra te uolo, aut quid uelim? Et quoniā uoluntatē suā ad diuinam uolūtatem accōmodabat, idē uolebat omnino, quod Deus, idē nolebat: in omnibus rara quadam illum consolatione, atque æquabili mulcebat Dominus.

Præsentem diem cum hesterno conferens, & cum profectu profectum, longius se quotidie progressum, & ardentioribus inflammatum studijs in dies reperiēbat: ut suum illum, quem Manresæ habuit statum, quemque primitiuam suam Ecclesiam studiorum tempore, solitus est appellare; extrema iam ætate, prima fuisse rudimenta, diceret: & ea quotidie in se Deum expolire, quorum Manresæ lineamenta duxisset.

Cum in singulis precationibus uberissime fleret, & continua lacrymarum fluxio, lætitiā spiritui eximiam, magnam corpori debilitationem adferret, & suauitatem spiritus potiore longe, corporis

sanitate duceret, uerereturque ne si lacrymas cohiberet, aliquid de excellenti illa consolatione, & spiritali fructu detraheretur: ratione tandem, consilioque medicorum uictus: a Deo petijt, ut liceret sibi lacrymis imperare. Cuius rei tantam a Deo facultatem accepit, ut lacrymas ad arbitriū suum regeret, & illarum habenas, uel adduceret, cum uellet, uel remitteret, tam constanti, & æquabili diuinæ consolationis gratia, ut cum arescerent lacrymæ, deuotionis tamen uireret fructus: & cohibitus fletus, circumfluentem uisitationis diuinæ copiam nihil omnino reprimeret.

Ardenti desiderio tenebatur, ex hoc carcere, & uinculis euolandi ad Christum: ut quoties de morte sua cogitaret, temperare sibi a lacrymis, præ lætitia, non posset.

Phil. 1. Dissolui enim, & esse cum Christo, multo magis melius sibi existimabat. Neque uero, ut summum suum bonum consequeretur tantum, & in beatissima illa uisione conquiesceret, Christi uidendi desiderio flagrabat: sed (quemadmodum amici expetere præsentiam amicus solet) ut iocundissimo, multoque scelicissimo illius

illius perfrueretur aspectu.

Atque ex hoc fortasse moriendi desiderio, iugique meditatione mortis, admiratio illa nascebatur, quam Ignatio cuiusvis hominis sermo movebat, qui se post tres, quattuorve menses aliquid facturum diceret: cui (si quem nactus esset eiusmodi) tacita quadam, benevolaque reprehensione admirans, aiebat, LESV bone, tam diu te victurum putas?

Dum ægrotaret, admonitus a medico, ne se angoribus daret, neque tristioribus rebus occuparetur; cogitare attente secum coepit, num quæ res tam nova, & acerba sibi posset accidere, quæ se molestia aliqua afficeret, & perpetuam animi securitatem perturbaret. Hæc cogitanti, illud (quod maxime insidebat animo) solum occurrit: si quo modo Societas nostra dissolueretur. Sed tamen, si hoc evenisset, post quartam horæ partem, quam in oratione posuisset, seseque collegisset, sperabat se, si quid ex ea re cepisset molestiæ, facile depositurum.

In diuinis rebus P. Iacobo Laini aliquoties dixit, habere se passivè magis, quam activè: qui supremus gradus ab ijs traditur

ac perfectissimus, qui de contemplandi ratione scripserunt.

Observauit aliquoties illum idem P. Iacobus, orantem in hunc modum. Ascendebat in solarium, ex quo libere in cœlum posset suspicere: ibi aliquantisper corpore immotus, fixis in cœlum oculis, stabat: tum genu flexo Deum adorabat: deinde capite aperto, in scabello humili sedebat, propter corporis imbecillitatem: continuo lacrymarum riuuli profuiebant: idque suauiter, moderateque, & sine ullo uel singultu, uel strepitu, uel corporis motu.

Nullus quantusuis strepitus, si nulla eius culpa accideret, Ignatium obturbabat orantem: leuissimus interpellabat, si uitari diligentia potuisset. Ita, non strepitus, sed negligentiae culpa, quam sustinere sibi uidebatur, molesta erat precanti.

Illud etiam minime prætereundum uidetur, quod quamuis ipse tam excellenti esset orationis spiritu ornatus: pluris tamen interdum facere uidebatur, spiritum mortificationis, quam spiritum orationis, etsi ita connexi, ij spiritus, iugatique inter se sunt, ut seiungi, distrahiq; difficulter possint.

sint. Ex quo cum Religiosum quendam uirum ut laudaret, quidam ex nostris Patribus Ignatio diceret, uir est multæ orationis: Ignatius, uoce commutata, uir est (inquit) multæ mortificationis. Eam porro mortificationem intelligebat, non modo quæ in corporis afflictatione posita est, sed multo etiam magis, quæ in propriæ uoluntatis, ac iudicij expugnatione consistit. Quocirca in hominibus potissimū honoratis, atque splendidis, sui contemptum, omnisque fastus, existimationis, atque excellentiæ conculcationem, ac uictoriam, corporis macerationi longe anteferebat: quod uidelicet sit difficilius spiritum cōprimere, quam carnem affligere. Quamquam caro sæpe affligenda est, ut spiritus cōprimatur.

De

LIBER

De caritate illius erga proximos. Caput II.



Utetia, cum quidam pellicis amore nefario teneretur, neque ab illo Ignatius hominē posset ulla omnino ratione diuellere; aliquando rescivit, illum extra Oppidum iturum; eo fortasse, ubi turpes eius delitiæ erant. Ignatius igitur in lacum frigidissimum uia, qua transi- turus erat, adiacentem, sese coniicit: corpo reque gelidis aquis immerso, capite tantū extans, ad illum iam appropinquantem, Perge, inquit, miser: perge ad tuas fœtidis- simas uoluptates: impendentem capiti tuo ruinam non uides? instantem pestem non perhorrescis? Hic ego pro te tandiu me ma- cerabo, donec iustissimum Dei furorem in te paratum, auertam. Exterritus homo, & hoc tam insigni caritatis exemplo per- cussus, resistit; pedem refert, familiaritatē illam scelere copulatam, statim discindit. Dicebat se, si quid ad animarum salutem pertineret, paratissimum esse, nudis pedi- bus,

bus, cornibusque onustum, per plateas incedere: nullum denique recusare habitum, aut ridiculum, ac probrosum uestimenti genus, quod esse utile hominibus posset.

Aetate iam affecta, nominatim rogatus, ut moribundum hominem iuuaret: tametsi corpore erat morbis fracto, peneque consumpto: essentque permulti, qui labore illum leuare possent: tamē operam suam ei, qui peteret, negandam non existimauit. Ergo totam noctem homini adfuit, in extrema illa pugna, & ancipiti contentione dimicanti. Religiose, sancteque morem illum retinuit, ut nulli malum pro malo redderet: sed uinceret in bono malum, & malefacta benefactis non tantum exæquaret, sed etiam obrueret. Qua de causa cum sæpius appetitus esset a multis, & ad iustā indignationem prouocatus: ne minimam quidem commoti animi significationem dedit: neque eos a quibus grauius est laceratus, uel leuiter cum facile posset, est ultus: quod quidem ijs exemplis, quæ mox subiiciam, planum fiet.

Romæ anno 1546. Religiosus quidam eruditus, ex amico inimicus factus, inuidia

Romæ

120

dia extimulante, grauius in Ignatium exarsit: qui etiam iactare coepit, omnes nostræ Societatis homines, qui Hispaniæ finibus continerentur, a Perpinniano Hispalim usque, igni se traditurum: idque Ignario, qui suis uerbis renuntiaret, misit. Cui Ignatius per eundem, scripto ita respondit. Tu quidem, quotquot nostri in Hispania sunt, cremandos, te curaturum dicis: ego uero id dico, & opto, ut & tu caritate flagres, & amici tui, ac necessarii, non solum qui in Hispania, sed qui in uniuerso orbe terrarum sunt, Spiritus Sancti igne inflammentur, & ardeant: ut perfectionis culmen adepti, diuinam gloriam augeant magis, & illustrent. Quod si quid, contra me, bone pater, habes; Iudices Romæ sunt, Gubernator, & Vicarius, qui nunc, summi Pontificis imperio, res nostras cognoscunt: ut sententiam de illis ferant: ad illos referas, quæso, antequam sententiam pronuntient, ut ego, si quid de beo, solus exoluam, & corpore meo potius satisfaciam (quod mihi quidem erit iocundissimum) quam alij, qui in Hispania sunt, nulla sua culpa, pœnas indebitas pendant.

Lutetiæ contubernalem Ignatij quendā *Lib. 2.*
fuisse diximus, qui commissā sibi pecunia *cap. 1.*
Ignatio defraudavit, & in eas angustias
hominem coniecit, ut magno studiorum
suorum incommodo, quotidie mendica-
re cogeretur. Huic igitur pecuniæ fraudā-
tori, gratiam hunc in modum Ignatius re-
tulit. In Hispaniam ille Lutetia decedens,
dum opportunam Rhotomagi nauigatio-
nem expectat, in morbum periculosum in-
cidit. Qui usque adeo mitem Ignatium,
ac singulari præditum caritate esse intelli-
gebat, ut ad illum de sua aduersa ualetudi-
ne amice scriberet, & quasi esset beneficio
a se aliquo affectus, opem ab illo sibi, auxi-
liumque postularet. Oblatam occasionem
Ignatij caritas auide arripuit, ut libenter
se impenderet, ac superimpenderetur ip-
se, pro anima illius, & carbones ignis non
quidē uindictæ, sed diuinæ caritatis in ca- *2. Cor.*
put eius congereret. Rhotomagū quærēdi, *12.*
iuuandiq; hominis causa, confestim ire sta *Rom.*
tuit, & magna spiritus alacritate, ac robore *12.*
animi, tridui iter, nudis pedibus, atq; ita ie-
iunus percurrit, ut ne aquā quidē gustaret.
Rhotomagi debilitatum hominē offendit:
iacentem

L I B E R

iacentem erigit: confirmatumque iam, ad primos suos illos socios, in Hispaniam cū litteris commendatitijs mittit, infidelitatem suam detestantem: admirantem Ignatij caritatem: gratias Deo agentem, quod in terris is uir esset, sibi que cum ostendisset, qui beneficijs maleficia ulcisceretur, officio cum offensa certaret.

Lutetiæ item Parisiorum, quidam usque adeo in Ignatium concitatus, ut scalas iam ad eum occidendum ascenderet: uocem audit dicentem sibi: Infelix, quid facis? qua uoce perterrefactus, a proposito destitit. Hic autem, exsuscitator eius accusationis postea fuit, quæ contra Ignatium, suosque Romæ primum conflata est. Quem ut beneficijs uinceret, ipsis Societatis inimicis deprecantibus, in Societatem admisit. Neque tamen in sancto proposito ille diu per-
Sap. 4. mansit. Quoniam adulterinæ plantationes non dabūt radices altas, nec stabile firmamentum collocabunt.

Quo minus est mirandum, ita in suos fuisse beneuolum, qui alienorum etiam fuerit amantissimus. Nam cum frater quidam grauissime agitatus, tentationi incōstantiæ

stantiæ succubuiſſet, & Deum fontē aquæ
 uiuæ relinquere, & ad cisternas diſſipatas, *Ier. 2*
 quæ continere non ualent aquam, redire
 omnino ſtatuiffet, neque huius mortiferi
 uulneris cauſas aperire uellet. Ignatius, pec-
 catum aliquod in ſæculo admiſſum, cauſa
 ſam arbitratuſ, quod explicare frater uere-
 cundia prohiberetur, ipſum conuenit, & ui-
 tam ſuam, quam degiſſet in uanitate ſen-
 ſus ſui, qualiſque olim fuiſſet, familiariffi-
 me expoſuit, ut illum ſui minus pūderet, &
 de Deo ſentire in bonitate diſceret. *Sap. 1.*
 Eſt enim confuſio adducens peccatum, & eſt *Eccl. 4*
 confuſio adducens gloriam. Alias item,
 cum ex primis nouem ſocijs moleſtiſſima
 tentatione quidam, periculoſiſſima quæ la-
 laboraret, & eo res eſſet adducta, ut non
 multum ab extrema perniciē abeſſe
 uideretur, tres integros dies, ni-

hil omnino guſtans, lacry-
 miſque Deum pro il-
 lo aſidue orās, & ſolummodo
 hominem ei roſtrem
 in

Societate Ier. *transiit*
 uauit.

De Humilitate.

Cap. III.

Rom.

12.



Vmma spectantibus, ab
imis censebat incipien-
dum, ne alta saperet, sed
humilibus consentirent.

Itaque quos aliquo pri-
mum mittebat, ad labo-
randum in uinea Domini, eos sic institue-
bat, ut humilitate, ac contemptione sui, uia
sibi ad ardua, atque excelsa muneret: quod
tum demum, reliquum ædificiū stare pos-
se diceret, si humilitatis esset fundamento
constitutum.

Paupertatem, matrem nostrā uocabat:
ignominiosumque affirmabat esse, atque
indignum, si Religiosi homines, aut pecu-
niosi essent, aut haberentur.

Illud, Dei misericordia est consequutus,
ut permultos annos, antequam è uita dece-
deret, nullam inanis gloriæ cogitationem
habuerit.

Obseruaui aliquoties ego illum, cum de
propagatione Societatis, uel fructu, in ser-
mone

mone familiari mentio incidisset, uel de alia re quacunque, quæ cum uirtute illius, ac laude implicata uideretur, colligentem statim se, obortisque lacrymis, pudore quodam suffundi.

Cum P. Laines a quodam ex nostris audiisset, in tutelam Ignatium Archangelo a Deo datum: ipsum met Patrem, uerumne esset, familiariter interrogauit: a quo uerbis responsum nullum accepit, sed uultus mutatione, ac rubore oris. Sic enim est uerecundatus (ut uerbis Lainis utar) sic expauit, ut uirgo solet castissima, a uiris sola deprehensa. Idemque sæpe accidit, ut de ijs rogatus, quæ cum sua laude coniuncta essent, non aliter quam uerecundia, silentioque responderet.

Domesticos omnes, exemplo sibi ad uirtutem, atque incitamento aiebat esse, neque quenquam præter se unum, sibi displicere.

Mihi aliquando dixit, illud sibi a Deo petendum esse, ut eius ipsius mortui cadauer uolucris, & feris laniandum abijceretur. Nam cum ego, inquit, sterquiliniū, & detestabilis omnino sim, quid aliud

Z 3 meis

meis criminibus dignum expetam?

Vbi perspicua res non esset, atque evidens, facile aliorum iudicio acquiescebat, & se, cum superior esset, inferioribus exa-
quabat.

Ludibrio omnibus se cupiebat esse: etsi animo indulgere suo uoluisset, nudus, despiciatus, & oppletus sordibus, ut insanus haberetur, per uicos ambulasset. Sed hunc humilitatis affectum proximorum utilitas reprimebat, & caritas, cui ut fructuosius deseruiret, auctoritatis etiam suæ, ac personæ rationem habuit.

De rebus suis raro loquebatur, idq; magna aliqua causa excitatus: uel ad sanandos eorum animos, & mœrore liberandos qui ab ipso consilium peterent, ac medicinam: uel ad acuendos socios, & aduersus omnes difficultates, suo exemplo confirmandos, idque parce, & nascentis Societatis initio: qua iam cōstituta, mira taciturnitate sua omnia contexuit.

Sed eius humilitas cum in multis alijs se ostendit, quæ narrata a nobis sunt: tum maxime in illa honoris fuga elucet, & dignitatis recusatione, quam summa omnium consensione


consensione electus, ne uel Præpositus Generalis esset, adhibuit, uel cum iam esset, ut honorem deponeret. Quod certe eo admirabilius est, quod Ignatius tam graui-
ter, & asseueranter se ex animo, & coram Deo, non esse idoneum ad regendum alios testatus est, longissimeq; ab ijs uirtutibus abesse, quæ in eo, qui cæteris præsit, necessariæ sunt: cum tamen constet, omnibus uirtutibus, ita illum fuisse cumulatum, ut qui ad alios gubernandos accesserint, cum ijs præclare agatur, si sint eas uirtutes quas ille consecuti.

Et quoniam Obedientia, humilitatis filia est, & custos religiosarum omnium, ac regina uirtutum, illiq; Ignatius in Societate primas deferebat, (ut arbitror) non erit inutile, quid de obedientia ille senserit, hoc loco exponere.

De

De Obedientia quid senserit.

Caput IIII.



Præbat filios suos, cum omnibus uirtutibus excellere, tū maxime obedientia, in eamque omnem operam, studiumq; conferre. Hanc enim aiebat, præclarissimam esse uirtutem, ac nobilissimam: omni uirtutima, sacrificioque præstantiorem: humilitatis filiam, nutricem caritatis, iustitiæ comitem: religiosarum omnium uirtutum, ducem ac magistram: inimicam propriæ uoluntatis: fraternæ beneuolentiæ, & concordæ matrem: tranquillitatis portum, & securæ mentis iuge conuiuium. Dicebatq; ut nonnullæ Religiones, aliæ alijs rebus Societati præstant, sic optare se, ut hæc Societas, obedientiæ uirtute, cæteris antecellere niteretur. Eius porro dignitatem, atq; præstantiam sic explicabat. Quemadmodum in hominum uita, duæ sunt hominibus, propositæ ad beatitudinem uix, altera peruulgata,

gata, & communis, quæ diuinis præceptis seruandis continetur: altera illorum tantum, qui Christi consilia toto pectore complectuntur, quæ uia Religionis est: sic in ipsa Religione duo sunt obediæ genera, quorum alterum imperfectum est, alterum perfectum, & omnibus absolutum numeris: in quo uis obediæ elucet, hominisque Religiosi uirtus maxime apparet. Imperfecta obediæ, male oculata est; perfecta, sapienter cæca: illa iudicium suum de imperatis rebus sibi seruat, hæc iudicium proprium non habet; illa in alteram propèdet partem, hæc in neutram potius mouetur; illa mandatis paret, iudicio repugnante; hæc iudicium iudicio, uoluntatem, superiorum suorum subiicit uoluntati.

Quocirca docebat Ignatius eam obediæ imperfectam esse, quæ præter executionem, non habet uoluntatis, & iudicii consensum. Nam obediæ quæ in executione solum posita est, obediæ non metetur, nomen: quæ uero ad actionem uoluntatem adiungit, efficitque ut ille, qui obedit, id ipsum uelit quod qui iubet, nondum perfecta est, si eo non progrediatur.

ut id ipsum non solum uelit, sed etiam sentiat, quod superior sentit, & quod iubetur bene iuberi existimet: sic, ut præter executionem, sit eiusdem uoluntatis, & sententiæ, inter eum qui iubet, & qui obedit, consensus. Hæc obedientia rectissima est, & omnibus expleta numeris, maximeque excellens, qua ueluti captiuamus intellectum, in obsequium obedientiæ, & id rectum credimus, quodcunque sit, a superioribus nostris præscriptum: neque rationes præscripti exquirimus, aut sequimur; sed obedientiam auidè arripimus, nulla alia de causa, nisi quia obedientia est: tunc mortui nobis sumus, *Gal. 2.* ut Deo uiuamus, neque in ullam partem impetu animi, atque inclinatione ferimur; sed indifferentes sumus, & ut mare, nullo uento mouente, tranquillissimi. Nā illi alij, quorum uel uoluntas obmurmurat, uel ratio obstrepit, obedientiæque contradicit, nondū sunt illud consecuti, quod Dominus in Euangelio ait; *Ioā. 12.* Nisi granum frumenti cadens in terram, mortuum fuerit, ipsum solum manet: si autem mortuum fuerit, multum fructum adfert. Isti. n. adhuc moriuntur, necdum plane mortui sunt: & quia cæci non sunt, peccatum interdum

terdum habent: & uidentes, cœci fiunt. Affirmabatque Ignatius in magna plerunque incommoda, illos incidere, & grauissimis perturbatæ conscientiæ, molestijs implicari, multumque ab eo spiritu degenerare, quem in ipso Religionis ingressu primū habuissent, qui nisi studiose teneatur, labitur sensim, & effluit. Quapropter omni cōtentione elaborandum esse dicebat, ut id, quod sequimur, assequamur: & perfectionis uia ingressi, perueniamus ad id, quod in Religione perfectissimum est: id adipisci haud fore difficile, si nos Deo totos, penitusq; commiserimus: si diuinæ illius providentiæ, uniuersum orbem terrarum gubernanti, habuerimus fidem: qua unicuique dat gratiam secundum mensuram donationis Christi: & superiori, ut regat; inferiori, ut obediat, facultatem tribuit: si uocationis nostrę ductum sequemur, ac spiritum: si non quis sit, sed cuius personam gerat, quicunque tandem sit, qui nos regit, perspexerimus: si fallacibus argumentis, quæ contra obedientiam obijciuntur, prudenter exclusis, ea exquiremus diligenter, quæ sunt uerissima, & pro superioris

Ephes.

4.

LIBER

perioris faciunt uoluntate: si eorum exem-
 pla, qui in simplici, perfectaue obedi-
 tia, præter cæteros excelluerunt, ante ocu-
 los semper habuerimus: maximeque illius,
 qui propter nos Patri factus est obediens,
 usque ad mortem, mortem autem crucis:
 Phil. 2. si denique oratione instructi, humilitate or-
 nati fuerimus: neque opinionibus inflati,
 neque amoris proprii, neque existimatio-
 nis (quæ ueræ obedientiæ pestes sunt) cu-
 pidi, sed demisse de nobis sentientes, no-
 strique iudicii, atque ingenii agnoscentes
 infirmitatem, nō plus sapiamus, quā oportet,
 Rom. sed sapiamus ad sobrietatem. Hæc
 12. sunt Ignatii præcipua quædam, de uirtute
 obediētiae præcepta, quibus erudiebat suos
 & ad omnem præclarissimæ uirtutis excel-
 lentiam, splendoremque conformabat. Sed
 quoniam uno anno antequam moreretur,
 hac ipsa de re quid sentiret, expressit, illud
 minime prætermittendum uidetur. Nam
 scriba, qui exciperet, ad se accersito: scribe,
 inquit, quid ego de obedientia sentiam,
 ut hoc ipsum testatum Societati relinquā.
 undecimque breuissimis capitibus rem
 uniuersam complexus est, quæ ego de Hi-
 spanico

spanico sermone in latinum ad uerbum pene conuersa, hic attexam: ut res utilissima, maximeque Religiosis hominibus necessaria, ex ore tanti uiri, planius intelligatur. Sic igitur habent.

1. In ingressu Religionis, uel post ingressum, resignatus (hoc est, propria exutus, atque ab aliena pendens uoluntate) omnino esse debeo in conspectu Dei, domini nostri, eiusque qui loco Dei, mihi præest.

2. Optare debeo, ut ille me gubernet, ac regat, qui abnegationi mei proprii iudicii, & intellectus inuigilet.

3. In quibus rebus, peccatum non est, in ijs omnibus uoluntatem illius sequi, non meam debeo.

4. Tres sunt obedientiæ gradus: primus est, cum fit obedientia, propterea quod aliquid in uirtute sanctæ obedientiæ præcipitur: & hic quidem bonus est: alter, cum fit quod simpliciter mandatur, & melior est: Tertius est, cum obedientiam præuenimus, & id facimus, ad quod superiorem propensum cernimus: tametsi nihil ille præcipiat: & hic quidem cæteris longe perfectior est.

Non

LIBER

5. Non debeo cogitare, qui me gubernat, sūmusne, an medius, an infimus sit, sed deuotionē meā omnē in obedientia collocare, & illud magni pēdere, quod loco Dei domini nostri præsidet. Nam personarū si distinguas gradus, perit obedientiæ uis.

6. Si quando tempus inciderit, quo mihi uideatur a superiore meo quid præcipi, quod contra conscientiam meam sit; Superiori uero aliud uideatur, illi potius quā mihi credam, si quidem aperta ratio non repugnat. Quod si hoc in animum inducere non possum, at certe meum iudicium, sensumq; relinquam, & ad unius, aut duorum, triumue iudicium rem totam reijciam, ut quod ab illis iudicatum sit, id sequar. Hoc si recuso, longissime a perfectione absum, & ab ijs uirtutum officijs, quæ ueri Religiosi sunt maxime propria.

7. Denique meus esse non debeo, sed eius, qui me creauit, quique illius locum tenet, ut me duci, tractarique instar mollissimæ ceræ sinam, quæ sequitur fingentis manum: ut in scribendis, accipiendisue litteris, & cōtra in colloquio cum fratribus, aut silentio, id mihi salutare credam, quod iussus

sus fuero, deuotionemque meā in eo, quod
præcipitur totam constituam.

8. Ita me instituam, quasi corpus mor-
tuum, quod neque uoluntatem, neque sen-
sum habet. Secundo, nō aliter quā paruulā
quandam statuam, quam quoquo uersum
uelis, haud repugnantem uertas. Tertio,
talem me fingam, ac præstabo, qualis bacu-
lus in manu senis est, ut me ad arbitrium
suum utatur, ibique ponat, ubi eum adiuua-
re maxime possim: sic ego paratus ad om-
nia sim, ad quæ mea opera Religio uti uelit,
nihilq; recusem, quod sit imperatum.

9. Neque petere, neque rogare, multo
minus flagitare debeo, a Superiore, ut me
aliquo potissimū mittat, ut in hoc potius,
quā in illo munere exerceat: sed cogitatio-
nes meas, siue desideria simpliciter expo-
nere, atq; ad illius pedes abijcere: ut ille cō-
stituatur, atq; imperet: ego, quod ab illo cōsti-
tutū fuerit, atq; imperatū, id optimū putē.

10. In rebus tamen leuibus, ac bonis, fa-
cultas peti potest, ut ad stationes urbis ob-
eundas; ad spirituales gratias petēdas, & his
similia: dum eo tamen animo sis, ut quod
concessum negatūue sit, id optimū credas.

LIBER

II. In his præterea, quæ ad paupertatem spectant, nihil meum ducam: sed ita me comparem, ut quarum rerum usum habeo, earum me uestitu, cultuque ornatum, quasi statuat existimem, quæ ornatum detrahenti, nihil omnino aut resistit, aut repugnat. Hæc ille.

Neque uero nostrorum tantum obedientiam, ad hoc exemplum exigebat, uerum etiam aliarum Religionum homines, si qui forte de obedientia superioribus præstanda, consilium ab Ignatio peterent. Ipse uero expletæ huius, cumulataque obedientiæ magister, mordicus illam retinebat. Nam quo tempore, Societate nondum constituta, spes omnis Hierosolymam nauigandi, nostris patribus erepta erat, P. Iacobus Laines Ignatio dixit, habere in uotis se in Indiam, ad salutem syluestrium illorum hominum, atque efferatorum proficisci. Cui Ignatius, Ast ego, inquit, nequaquam. Causam rogatus, nimirum, quia cum obedientiæ uoto simus obstricti, summoque Pontifici, integros nos ad eius uoluntatem obtulerimus, ut quocunque terrarum uelit, suo nos arbitrio mittat, indifferentes esse debemus,

debemus, ac medij, & in neutram potius partem pendere: immo uero si me hoc tuū desiderium teneret, in contrariam partem flectere conarer animum: ut in ea æquabilitate tandem, statuque consisterem, qui ad obtinendam perfectam obedientiam, est necessarius.

Cum uero Præpositus esset Generalis, aliquoties dixit, si summus Pontifex imperaret, ut ostio Tyberino scapham, uel nauigium, quodcunque primum inuenisset, clauo, malo, uelis, remis, cæterisque armamenti spoliatū, conscenderet, & ita absq; ullo com meatu, mare traiceret, se id non solum æquo, sed etiam libenti animo fa-

cturum. Cum autē quidam summus uir, hunc illius animū admirans,

Ignatio diceret, quæ isthæc esset prudentia? Re-

spondit Igna-

tius:

Prudentia, Domine, non tā

est parentis, quam

imperan-

tis.

LIBER

De Mortificatis affectibus.

Caput V.



Ppetitus omnes sic igna-
tius Dei gratia, studio, la-
boreq; peruicerat, & obe-
dientes rationi effecerat,
ut non quidem ἀπαθής, &
absque omni animi affe-

ctione esset (hoc enim hominis naturæ est
alienum) sed certe, ut ab omni commotio-
ne animi, motuque turbulento uacuis ui-
deretur. Eratque id consecutus, ut cum
calidus natura, corporisque constitutione
biliosus esset: propter summam tamen
lenitatem, quam in omni sermone, uitæq;
consuetudine adhibebat, frigidus ipsis me-
dicis, lentusq; potius uideretur. Sed, quod
in interiori affectu uiciosum erat, edomito,
actio, ubi opus erat, uigebat: neque animi
summa moderatio uim efficiendi ulla ex
parte minuebat.

Vidimus persæpe illum affabiliter, hila-
reque, & magna animi æquitate colloquē-
tem cum suis, accersere aliquem, quem
obiurgare

obiurgare uellet, primoq; illius aspectu cō-
mutare uultum; ad seueritatem compone-
re, & quasi iratus esset, grauiter hominem
corripere, & castigare. Statim tamen atq;
ille excesserat, ne puncto quidem temporis
interiecto, ad suam illam tranquillitatem,
iocunditatemque sermonis, sereno uultu,
explicata fronte, rediisse; perinde ac si nun-
quam aut ille interuenisset, aut quenquam
ipse obiurgasset.

Itaq; apparebat nihil animo fuisse com-
motū, sed seuerā, illā obiurgatoris personā,
& suscepisse cū uellet, & deposuisse. Quod
in reliquis eius actionibus uidere fuit, ut ex
illis perluceret moderatio animi, & tran-
quillissimus securæ mentis status.

Eundem tenorem semper tenuit in re-
bus gerēdis, & perpetuitatem in omni ui-
ta. Nam quāuis corpore aliter, atq; aliter
affectus esset, & propter ualeitudinis uarie-
tatem, ad res tractandas uel magis, uel mi-
nus aptus; animo tamē idē semper erat: ut
ad aliquid ab eo impetrandū, aut conficiē-
dū, obseruare tempus, & opportunitatem
nihil esset necesse. Nam siue illum sanctissi-
mo Missæ sacrificio peracto, siue prandio,

A a

conuenires;

LIBER

conuenires; è lecto surgentem, aut ab oratione, perinde erat; siue res lætæ, siue tristiores essent: deniq; in nulla rerum dissimilitudine, ac uarietate uarius ipse, cuiq; dissimilis fuit: quæ animi æquabilitas, perpetuaque constantia in corpus etiam (ut paulo ante diximus) redundabat.

Cum in mensa, aut in sermone aliquo familiari cum Ignatio una essemus: si cui nostrum imprudenti, uerbum aliquod excidisset: si quid factum, dictumue esset, quod minus probaret, statim colligebat animû, fingeatque uultum ad seueritatem: ut uel ipso Patris aspectu admoneretur, qui deliquerat. Quod in rebus sæpe leuissimis fecit, quarum culpa propter tenuitatem, sensus nostros, aciemq; fugiebat: neque enim solum apud se ipse erat, sed suos etiam uolebat esse.

*De Modestia, atque effi-
cacia Sermonis.*

VI.



Iis, qui in uerbo non of- *Iacobi*
fendit, perfectus est uir, 3.

potens etiam fræno cir-
cumducere totum cor-
pus, ut beatus Iacobus
ait, merito sane in perfe-

ctis uiris haberi Ignatius debet, qui linguæ
suæ (quam nullus hominum domare po- *Ibidem*
test) frænum iniecit, maximeq; excelluit
moderatione uerborum.

Si quid audiret eorum, quæ ad iram, uel
ad turbidiorum aliquem motum incitare
homines solent, statim sese colligebat, iun-
gebatque cum Deo: & quid responderet,
accurate meditabatur. Ex quo illud con-
sequebatur, ut neque rationem inconside-
rantia ulla præcurreret, neque non retine-
ret animi tranquillitatem. Quanquam
hoc non in huiusmodi rebus seruauit solū,
sed perpetuum illi in omni sermone fuit,

A a a ut nihil

LIBER

ut nihil temere loqueretur, sed cogitato, & prudenter.

Vndecim annis antequam moreretur, amicissimo cuidam uiro, ac nobili, suam operam in quodam negotio est pollicitus: postea se promississe pœnituit: & hac de re, me præsente agens, adiecit. Vndecim duodecimue sunt anni, ex quo non memini me ita uerbo lapsum, neque quippiam promississe, cuius postea me pœniteret.

Cōstat illum per triginta, & eo amplius annos, ne fatuum quidem, aut stupidum appellasse quemquam, alioque contumelioso uerbo affecisse: quod in obiurgationibus sæpe obseruauimus: ut sermonis grauitate adiuncta, acerbitas tamen omnis abesset: neque uerbo morderet quemquā, sed rerum seuera explicatione, compungeret. Neque enim quēquam cū asperius etiā obiurgaret, uocabat aut nō obedientē, aut superbū, aut inertē, & pigrū: sed quid cuique inesset uitij, rei explanatione ostendebat.

In laudando parcus fuit, in uituperando parcissimus. superlatiuis (ut uocant) uix utebatur nominibus. De alijs nunquam detraxit: detrahentibus, aures nunquam patefecit.

patefecit. Alienorum uitia, etiam publica, & quæ in ore omnium uersarentur, in sermone quotidiano, ipse non usurpabat: & in illa ne alij incurrerent, cauebat. Si quid tamen alijs excidisset, ipse uel eleuabat, uel etiam excusabat factum, aut animum certe, & uoluntatem. Quod si rei atrocitas excusandi, minuendique omnes aditus præcluderet, eo perfugiebat; Nolite ^{1. Reg.} ante tempus iudicare. Deus solus intuetur ^{16.} cor. Domino quisq; suo stat, aut cadit: cum ^{1. Cor.} grauisime: ego quidē certe hoc non fecis- ^{4.} sem, ut illud tōmini præceptū penitus in ^{Ro. 14} eius animo, insedisse uideretur: Nolite iudi- ^{Mat. 7} care, & non iudicabimini: nolite condemnare, & non condemnabimini.

De erratis uero domesticorum mirum silentium: neque, si quid minus decenter ab aliquo admissum esset, cuiquam aperiebat, nisi forte, ut emendaret: & tunc quidem tam modeste, ac mansuete, tam existimationi illius, qui peccauerat, amice, ut si unus testis satis esset ad remedium, duos non adhiberet: nudamque culpam poneret ante oculos, nulla adhibita contentione, aut reprehensione uerborum.

LIBER

Audiui ego ex ipsomet Patre, Confessarium aliquando a se quæsitum, ut unā tantum culpam confiteretur: ea erat, quod erratum cuiusdam, tribus patribus aperuisset, cum duo ad remedium adhibendum sufficerent: & tamen is erat, qui deliquerat, ut uno illo errato diulgato, nihil eius existimatio apud tertiū illum patrem læderetur. Ita loquebatur de omnibus, ut singuli bonam de ipsis opinionem illum habere intelligerent, seque illi cordi esse.

Eius autem sermo, sententiarum erat grauitate plenus, nō uerborum copia, simplexque potius, & aperta uidebatur narratio, quam aut amplificatio, aut confirmatio rerum, & contentio. Res, ut erant, referebat: auditoribus, ut consequentia cernerent, rerumque momenta ponderarent, suum iudicium relinquebat. Atque hunc in modum, magnam habebat ad persuadendum uim, eius oratio: & tamen propensionē animi sui neutrā in partē aperiebat. Illud erat in sermone prudentiæ, quod quæ graua essent, & aliquid pōderis haberent, in ijs multū hærebat, eaq; leuibus prætermisis, narratione ipsa ponderabat.

Q V I N T V S.

In communi consuetudine, negocijsque cum alijs contrahendis, parce loquebatur, & considerate: prolixè, ac libenter usque ad finè audiebat, sine interpellatione: neque ex una in aliam rem fortuito, & casu deuolvebatur, sed consulto transibat, transitionemque præmunitione mollebat.

Viros graues, auctoritateque præstantes, numquam auctores proferebat nisi magnarum rerum, in quibus nihil aut dubitationis inesset, aut uanitatis.

In depellendis molestijs, animique perturbationibus sedandis, sermo illius familiaris ualebat plurimum. Scimus quendam uenisse ad Ignatium, qui adhuc uiuit in Societate, ita perculsum animo, tam acerbo, eoque diuturno mœrore confectum, ut nunquam respiraret, aut tranquilla mente conquiesceret. Et cum tristitiam animi sui aperuisset, uno Ignatij uerbo, in hodiernum diem omni molestia liberatum.

Alium etiam in Societate superstitem, nouimus, qui inani quodam terrore correptus, uel umbram suam formidabat. Cui Ignatius paucissimis uerbis, & uanum me-

LIBER

rum ademit, & mentis securitatem restituit.

Antequam Catechumenorum domus Romæ esset instituta, domi nostræ eruebantur, qui ex Hebræis sacrum baptismum petebant: in his quidam Isaac nomine, insanire ita coepit aliquando, & quasi furijs agitari, ut è domo nostra se proripere statim uellet, & baptismi petitionem abijcere: neque aut retineri a nostris uerbis, & blanditijs, aut ulla alia ratione posset ad sanitatem reuocari. Cui Ignatius ad se adducto, furentique, illud tantum; Maneto nobiscum Isaac: quibus uerbis placatus omnino eius animus continuo est, sibi que restitutus: lætusque domi in sententia permansit, baptismumque suscepit.

Energumenum quendam sermone suo liberauit, qui in sanctissimo quodam cœnobio uiuit adhuc, mihi familiariter no-

tus, & antequam à Diabolo liberaretur, & post.

Seueritatem

Seueritatem quomodo cum benignitate temperauerit.

Caput VII.



IX multis, quæ admirabilia Ignatius habuit, illud equidem haud postremo loco numero, quod difficile illā seueritatis, cū lenitate cōiunctionem, tam perfecte obtinuerit. Formidabilis contumacibus: in obsequentes mitissimus: ponte tamen sua, ad lenitatem semper, quam ad seueritatem propensior. Nouitium quendam uacillātem in proposito, ollasq; Aegypti suspirātem, ut ab ea mente deduceret, ac firmiorem redderet, humanissime aliquando est allocutus, sed frustra: tum ut reliqui Patres idem præstarent, iussit. Ad quorum uoces, cum aures illius obsurdescerent, & nihil animus lenissimis admonitionibus, salubribusq; cōsilijs flecteretur: renūtiatū est Ignatio, osfirmatū pertinacia illum esse, ac summo mane postridie (nox enim erat) constituisse discedere. Tū Ignatius, Haud ita sane, neque enim
apud

LIBER

apud nos ille pernoctabit: hominemque dimitti continuo, iussit; ut cui inutilis benignitas extiterat; utilis, eius exemplo, cæteris esset seueritas.

Auctoritatem retinebat in primis omnium uirtutum exemplo, deinde maxime prudentiæ opinione, & rerum gerendarum usu: tum in rebus periculosis, quæque uel exemplo inficiunt, uel contagione serpunt; seueritate: qua magna præcipue in eos utebatur, qui uel obstinati, & insanabiles, uel ceruicis in obedientia duræ, uel seditiosi, & fraternæ pacis, concordiaque perturbatores uiderentur, uel opinionibus certe turgidi, ac cedere nescij: hos omnes in Religione perniciosos censebat esse. Quocirca neque illos, si tales sciret, in Societatem admittebat: neque cognitos postea, retinebat: si illis curandis, nihil profecisset. Atque ut quisque doctissimus erat, ac nobilissimus, ita solertissimus erat Ignatius, si quid in illis esset uitiosum, quod aut doctrinæ, aut generis opinione commendatum, ad alios manare, & corrumpere illorum integritatem posset.

Illud etiam pariebat auctoritatē, quod
in

in leuibus erratis, grauiā interdum exempla statuebat. Nam & in nonnullos, qui ad afflictam ualeitudinem ex morbo confirmandam, inscio ipso, pila palmaria in uinea luserant, grauius animaduertit: & in quendam nouitium non sacerdotem, manus interdum sapone lauantes: & in alios etiam, pro minimis delictis magnas nonnunquam pœnas, constituit: ne uidelicet ex minimis, maxima fierent: etsi minus deformitate, ac magnitudine nocerent; imitatione certe serperent, atque exemplo.

Beneuolentiā uero suorum multa Ignatio conciliabant: ipsa eius sapientiæ in primis opinio, qua imbuti hominum animi, ad amandum impelluntur: deinde amor, qui naturaliter amorem procreat, & parit. Sentiebāt enim omnes, se illi filios esse carissimos. Præterea, cum singulorum & animi, & corporis facultatem nosset, quantum quisque oneris ferre poterat, tantum cuique imponebat, uel aliquanto etiam minus: ne ponderis magnitudine opprimerentur: sed potius cum gaudio illud perferrent, & non gementes.

Si quid porro ab illo postroꝝ aliquis peteret,

peteret, quod negandum statueret, negabat; sed si rei, ac personæ ratio posceret, cur negaret, causas proferebat. Sin concederet, causas nihilominus addebat, cur negari posset; ut & qui non acciperet, minus ferret moleste: & qui acciperet, gratius ei quod dabatur, esset.

Cum maxime cuperet, ut indifferentes sui essent, & in his rebus, quæ ad obedientiam pertinent, neutram in partem moverentur: explorabat tamen diligenter, acuteque perspiciebat, quo quemque natura duceret; quam in partem cuiusque propenderet animus, & ad illius se honesta cupientis, inclinationem accommodabat: cum id intelligeret laboriosum esse, quod natura sit repugnante: neque uiolentum quicquam esse diuturnum. Itaque in eo, sapientiæ illius splendor erat maximus, quod maxime disiecta, tam artificiose coniungeret: & indifferentiam cum propensione cuiusque copularet: in alteroque exigendo elucebat seueritas, in altero præstando, eminebat humanitas.

Si quid a quopiam esset commissum, quod pœna expiandum iudicaret, studiose dabat

dabat operam, ut qui in culpa esset, culpā agnosceret: eamque non uerbis, sed rerum pondere exaggerabat: tum ut pœnæ modū ipse sibi statueret, qui deliquerat: de qua tamen pœna, si grauis uideretur, multum detrahebat Ignatius: ita fiebat, ut, integra beneuolentia, nihil tamen esset impunitum. Et certe admiratione dignum est, quod in hac parte, & uidimus, & obseruauimus ut in tanta hominum multitudine, nemo fere ab Ignatio aut uerbis castigatus, aut pœnitentia aliqua grauiore affectus, indignaretur: nemo in obiurgantem, ira, uel aliqua perturbatione incitaretur, sed in seipsum exardesceret, quod deliquisset.

Se ab errore reuocantes, æque complectebatur, ac suscipiebat, ac si nihil deliquissent: ut præsenti beneuolentia, illorum minueret uerecundiam, & omnem errati memoriam, sempiterna obliuione deleret: nec uulneribus modo, sed cicatricibus etiā mederetur.

De

LIBER
De Commiseratione.
Caput VIII.



D e eādem benignitatem
pertinet sympathia illa,
& misericordia, quam ex
morbis suorum capie-
bat. Nam in eos præci-
pue, qui ualeitudinis im-
becillitate tentarentur, aut grauius ægro-
tarent, eximia erat illius & caritas, & sol-
licitudo. Itaque iubebat, statim ut aliquis
in morbum incidisset, ad se referri: obso-
natorem domus bis quotidie sibi renun-
ciare, num præfecto infirmorum emisset,
quæ ad illorū ipse usum postulasset. Quod
si pecunia ad sumptus non suppeteret, stā-
neas lances, uel quadras perpaucas, quæ in
domestica supellectile forte reperiēbātur,
uendi primum, deinde lectorum stragula
distrahi iubebat. Et cum præclaros ado-
lescentes summa ingenij spe, doctrinæque
præditos, aut laborum magnitudine debi-
litatos, aut etiam extinctos in ipso Socie-
tatis nostræ exordio animaduerneret, quod
& spiritus

& spiritus quodam impetu longius nostri progredierentur, quam moderationis, & diuturnitatis ratio patiebatur, domum in remoto loco Romæ exædificandam curavit, in qua, qui litterarum studiis inuigilarent, interdum laxarent animum, & aliquid de summa illa studendi, meditandiq; contentione remitterent. Sed cum inopia pecuniæ obstaret, nonnulliq; id dicerent, uiuendi tum quidem tempus esse, non laboriose ædificandi; nunquam de sententia deduci Ignatius potuit, pluris sibi esse dicens, quam omnes thesauros, cuiusuis fratris salutem. Illudque addebat; Cum homo ægrotat, raro aliquid boni potest in aliorum utilitatem facere: quando uero sanus est, potest multa bona facere.

Cum grauissime ipse langueret, & ad illum subleuandum, patrum, qui Romæ tum quidem eramus, precibus, temporarium Vicarium admittere cogeretur: omnibus, quæ domesticus Minister ad se referri, ex præscripta sui officij regula, deberet, in Vicarium reiectis: illa tamen exceper, quæ ad curā, salutēq; ægre habentiū pertinerēt: hæc enim ad se tum etiam referri uolebat.

Patrem

Patrem Iacobum Lainem cum Ignatio iter una facientem, acerbissimus quidam dolor inuasit, quem ut leuaret, & mitigaret Ignatius: quem unicum ex eleemosyna denarium acceperat, eo equum conduxit: in eum Lainem palliolo suo tenui, attritoque inuolutum, imposuit: & ut magis hominem animaret, ipse, tanquam Helias alter, tanta animi alacritate, atque pedum uelocitate antecedebar, ut Laines præeuntem illum, equo uix consequi posset.

Dicam quod ægrotanti mihi accidit. Cum de nocte sanguis mihi ex brachio esset missus, custodesque qui excubias agerent, Ignatius apposuisse, reliqui quieti se dedissent: ad multam noctem, alijs dormientibus, bonus sollicitusque pater uigilabat: bis terue misit, qui brachium exploraret, circumligatum ne esset commode: ne forte, soluta uena, sanguis efflueret, & subitum (quod nonnullis euenit) interitum adferret.

Mirabili Dei prouidentia factum esse dicebat, ut tot ipse morbis esset obnoxius, ut ex suis doloribus aliorum dolores æstimare disceret.

Et

Et hoc quidem misericordiæ erat, & benignitatis. Illud tamen seueritatis, quod ægros uolebat, omnem sui curam deponere: dicto audientes esse: parientes, tractabiles, minime querulos, aut morosos: cœlum ad arbitrium suum non mutantes, neque eade re medicum consulentes: denique qui scirent, se superioribus suis curæ esse, & nihil minus sibi, quam de se, curandum: qui secus facerent, in eos ubi cōualuissent, grauitè animaduertebat. Si quē uero cerneret difficili, immoderatoq; ingenio, & propter contumaciam carnis, robustamq; naturam, minus se ad spiritus, mortificationisque legem accommodantem: illum uero, ut spiritus saluus fieret, facile patiebatur, supra uires etiam aliquando laborare: & si in morbum incidisset, haud ita grauate ferebat, adhibebatq; eum medicinæ modum, quem & paternæ caritatis ratio, & illius salutis poscebat.

LIBER

*De Magnitudine animi.**Caput IX.*

Onstantiam Ignatij, fortitudinem, magnitudinemque animi multa declarant.

Cum morbo sæpe tentaretur, & doloribus torqueretur, nullum unquam gemitum edidit: nullum afflicti animi signum: sed placide, ut remedia adhiberentur, admonebat: tulitque triduo aliquando sedatissime dentium dolorem grauissimum, neque ullam tamen doloris significationem dedit. Alias item, ad morbum, quo laborabat, curandum, quidam ex nostris, lineum panniculum ceruicibus Ignatij circumponens, & consuens, auriculam etiã illius incaute perforauit, ac uq; traiecit: Ad quẽ Ignatius moderatissime illud tantum; Vide, inquit, frater, quid facias. Quauquam quid mirum, tam patienter illum Christianæ iam militiæ ducem, acus tulisse uulnus, qui uanitatis adhuc miles, secari crus sibi tam fortiter pertulit.

Romæ

Romæ anno 1543. P. Petrus Codacius, magni uir animi, Christique paupertate diues, ac de uniuersa Societate optime meritus (qui primis illis, difficillimisque temporibus, ad subleuandam Societatis nostræ tum nascentis, inopiam, singulari Dei beneficio nobis donatus est) cum in conductâ domo uiueremus, extruere aliâ, in qua nunc habitamus est aggressus, magna potius diuinæ prouidentię spe, quam præsentis pecunia fretus. Ad ædificationem cœmenta, calcem, reliquamq; materiam cōparauit. Sed cum soluere creditoribus nō posset, illosque diem ex die iuberet expectare; missi tandem domum, a magistratu apparitores sunt, qui Codacium, pignoribus ablatis, coercerent, & in domesticam supellestem inuolarent. Ea erat tenuis sane, ac perangusta, quæque nostram paupertatem satis per se indicaret. Minister domus, cum satellitum turbam irrumpentem aspiceret, misit repente, qui curriculo Ignatium moneret de domestica expoliatione. Cui apud uiros nobiles, amicissimosque sedenti, qui missus erat, cum rem ordine in aurem insusurrasset, nihil omni-

L I B E R

no commotus, Bene, inquit Ignatius, habet: sat est: sermonemque suum, quem fuerat exorsus, pertexuit. Quo sermone omni, post horam confecto, placido uultu Ignatius ad amicos: An nescitis, inquit, quem paulo ante nuncium acceperim? quem? illi: cum rem subridens, aperuisset, & (quasi nihil ad se pertineret) æquissimo esset animo, perturbantur illi, rem indignam dicunt, seque in omnes partes uersant, ut tam graui malo remedium inueniant. Sed eadem tranquillitate Ignatius, eodemque uultu, nihil est, inquit, opus. Nam si lectos auferent, terra nobis cubile erit: pauperes enim sumus, & uitam pauperibus dignam agemus. Quod si ego præsens fuisset, nihil amplius ab illis certe postulauissem, quam ut scripta mihi quædam relinquerent, cætera suo arbitratu auferrent: id si negassent, næ ego haud magnopere contendissem. Quid plura? Hieronymus stalla, homo nobilis, & uicinus, & amicus noster, suâ auctoritatem interponit: res nostras eodem loco futuras, suam fidem obligat. Satellites nihil omnino de rebus nostris attingunt: postridie amicus

cus Societatis quidā, huius quidem rei omnis ignarus, sed diuino afflatus instinctu, Ignatiū accersit: ducentos aureos coronatos in manū Codacio dat: illis æs alienum dissoluit: & hoc tam illustri exemplo discit, quam sit extremis etiam rebus, ac desperatis sperandum in Domino.

Atque in hac firmissima in Deum spe, pecuniæque despicientia, Ignatij altitudo animi multum excelluit. Erat enim uoluntate, reque pauperrimus, animo, Dei:que fiducia, opulentissimus. Quapropter nullum, qui ad institutum nostrum aptus, uocatusque a Deo uideretur, a Societate unquam exclusit, propter nostrarum rerum tenuitatem: illudque frequenter usurpabat: Nos quidem Deo seruiamus: ille certissime reget nos, & nihil nobis deerit. lactemus cogitatum nostrum in Dominum, & ille nos enutriet. Speremus in Domino, & faciamus bonitatem; & pascemur in diuitijs eius. Et cum quidam non ex externis modo, sed etiam ex domesticis uehementer mirarentur, qua fretus spe, tam multos Ignatius, nullis certis redditibus fultus, Romæ

LIBER

haberet, quibus alendis magnæ facultates
uix sufficerent, idque familiariter ex ipso
quærerent; An nescitis (inquit) quantas
uires spes in deum habeat? uel ignoratis,
parum illi esse loci, ubi omnia abunde sup-
petant? Quæ explorata si essent, & manu-
tenerentur; ubi nostra esset in Deum spes?

Ro. 8. spes enim, quæ uidetur, non est spes: Nam
quod quis uidet, quid sperat?

Atque ita sane euenit sapissime, ut no-
stra paupertas ex spe contra spem sustenta-
retur; eiusque rei multa sunt, eaque claris-
sima exempla, quæ si persequi omnia ue-
lim, longus nimis sim; pauca tantum sub-
ijciam, ex quibus simili a intelligentur.

Romæ Petro Codacio nuper mortuo, &
S. R. E. Cardinalibus propter obitū Pauli
II I. Pont. Max. in noui Pontificis electio-
ne occupatis, inopia nostri premebantur,
quibus extremam etiam famem metue-
bant multi, humana ratione rem æstiman-
tes. Ignatius uero, eo ipso tempore, fa-
miliam suam auxit, & intra paucos dies,
plurimos Societatis cādidos, in Societa-
tem admisit, multis eius animum admi-
rantibus; quibus, quod consecutum est, ad-
miracione

miratione noua, admirationem ademit. Nam hoc ipso tempore cum aliquando Ioannes Crucius, domesticus obsonator, homo simplicissimus, & feruens spiritu, ex diui Ioannis Lateranensis templo, Vesperi domum reuenteretur, ad amphitheatrum, quod vulgo Colosseum dicunt, in hominē incidit, qui in manum illi cētum nummos aureos silentio tradidit: eiusq; aspectu plurimum Ioannes commotus est, & horrore quodam perfusus: tradita enim, homo pecunia, ex oculis mirantis subito euanuit.

Alias dum idem item Ioannes summo mane obsonatum it, obuiam illi factus est quidam, qui marsupiū aureis nummis plenum, in manum dedit. Et quod nondum plane illuxisset, quis esset, agnosci non potuit. Obsonator certe noster, Dæmonem suspicatus, eiusque timens insidias, in templum diuæ Mariæ supra Mineruam, quod proximum erat, se repente coniecit, precatusque Deum est, ut se dolo, & fraude omni liberaret. Pecuniā domum allatam, adulterinam nonnulli suspicabantur, & a Diabolo, ut nobis imponeret, præstigijs quibusdam adumbratam. Sed tamen uera, &

recens, & aurea fuit: eaque debita soluta sunt: Eodem pæne tempore, in alia nostris difficultate uersantibus, dum in propatulo loco apertam arculam, tomento, & scrutis uilissimis refertam, quidam pater ex nostris domi perscrutatur, & scripta quædam diligentius inquirat, recentes nummos aureos, fugientesque in ea, casu reperit, quibus subuentum præsentis necessitati est. Nam illud diuinæ quidem prouidentia signum, minus tamen mirandum est, in summis rei familiaris angustijs fuisse, qui nostræ necessitatis inscijs, pecuniam ultro offerrent, uel etiam benigne domum deferrent: qua ratione nostram sæpe inopiam subleuarunt.

Quid illud, quod ex superiori narratione perspicui potuit? quod antequam socios cogeret Ignatius se desertum ab omnibus, quã cuiusquã patrocínio defensum, in tot, tantisque cõtentionibus esse maluit? Socios autem cum haberet, coniectas in se calumnias iudicio est persecutus: hominũque uel imperitorum ignorantiam, uel perditorum amentiam, nihil contra ueritatem ualere passus est? quorũ alterũ robusti fuit ani-
mi,

mi, magnæque constantiæ, alterum etiam caritatis, eximiæque prudentiæ.

Illud etiam præstantis animi signum est, quod multi obseruarunt in Ignatio: Nam cum fracto corpore esset, morbisque confectus: & multis auxilijs necessario indigeret, ad tam multa, & magna negocia, tamque uaria conficienda, quæ in constituenda Societate, ac propaganda, quotidie noua occurrebant: si tamē diuinæ gloriæ ratio, aliorūque id posceret maior utilitas, libētissime sane optimū quenque, sibi que maxime necessariū ab se dimittebat. Fecitque non semel, ut quibus in Societatis administratione, plurimū Romę uteretur, eos ferme oēs, aliū alio amandaret, solusque remaneret, qui tantā rerum molem suis humeris sustineret.

Infirmissima ualetudine, affectaque iam ætate, ac propemodum extrema ipsum ego Ignatium dicentem audiui, se quidem, si ex usu Ecclesiæ Christi futurum esset, ut Roma, uel in Hispaniam usque pedibus iret, non modo æquo, sed etiam libenti, ac magno animo, iter illud suscepturum, & ut sperabat, etiam confecturum. Hoc, inquit, baculo innixus, pedes abibo.

In

LIBER

In aduersis sustinendis, & magnis difficultatibus explicandis, ita erat excelso animo, & erecto, ut morbo sæpe oppressus, si quis nodus existeret, ad quem expediendū uirtute illius esset, ac prudētia opus, statim quodāmodo conualesceret: & animo corpus regente, sanus, fortisque uideretur. Ex quo illud iam nostris tritum erat, quoties ex morbo decumberet, optandum esse, ut aliquid eiusmodi existeret, ad quod explicandum Ignatius electo surgere, & morbum depellere cogeretur.

Compluti aliquandiu habitauit in hospitali domo, quam uocant Altozanæ, quæ quidem domus id temporis lemuribus, nocturnisque laruis, infamis uulgo ferebatur: eaque pars Ignatio ad habitandum data, quæ maxime putabatur infesta. Ibi cum aliquando primis tenebris esset, horrore quodam perfusus est, quasi Dæmonum truculentus aliquis, terrificusque obijceretur aspectus. Sed continuo se recepit, inanēq; terrorem animēduertens, in genua procubuit, & magna animi, uocisq; contentione appellare, prouocareque Dæmones cepit; Si tradita, inquit, a Domino in me, uobis

bis potestas est, præsto sum: potestatem datam in me, neque repugnantem, neque uero recusantem, conuertite: Sin potestatem nullam habetis, quid miseri, atque imbecilles furitis, laruisque umbratilibus trepidos puerorum territatis animos, & iniecto uano terrore, concutitis? An quibus re non potestis, falsa rerum imagine nocere uultis? quæ ea animi firmitate dixit, ut & tunc omnem metum depelleret, & in posterum aduersus omnes Diaboli impressiones, ac terricula multo etiam esset erectior.

Otiosum esset persequi singula, quæ ad robur Ignatij, magnitudinemque animi pertinent. Etenim uir ille fuit in magnis cogitandis, excelsus; in aggrediendis, strenuus; in aduersis sustinendis, inuictus, &

perseuerans: nullis periculis animum

submittens: nulla hominum po-

tentia, aut auctoritate, ab

eo, quod rectissi-

mum duceret,

statuq;

constantia disce-

dens.

De

LIBER

De rerum spiritualium prudentia. Caput X.



Ingulari cōscientias perturbatas tranquillandi, gratia, ac prudentia fuit: usque adeo, ut sæpe, qui medicinam ab illo peteret, cum morbū ipse suū explicare non posset; Ignatius tamē, quasi intima, & recondita illius cordis penetrasset, quæ in eius animo uersarentur, clare, dilucideque exponeret: deinde simili aliquo exemplo, quod sibi accidisset, remedioque quod expertus esset, breuiter explicato, facile afflictis animis omnem mœrorem, atque ægritudinem abstergebat. Exēpla multa sunt, quæ, breuitatis causa, prætermitto. Certe liquet, initio ita fuisse a Deo exercitiū Ignatiū, ac probatū, ut probari eū oportuit, qui tot filiorū parens, qui dux tot militum futurus esset. taq; p. Iacobus Laines admirabilē mihi artificē aiebat fuisse magistrū Petrum Fabrum, & tractandi animos regendique peritissimum (quod ex libro etiā ab

ab illo scripto, & ijs, quæ de Fabro supra cō
 memorata a nobis sunt, satis est perspicuū) Lib. 3.
ca. 12.
 sed nihil tamen ad Ignatium, atque ut eius
 uerbis utar, rudis omnino puer præ sapien-
 tissimo sene uidebatur.

Vituperabat gubernatores aliorum, &
 magistros, qui in spiritali uita, cæteros om-
 nes ex se metirentur, & ad eandem, quam
 utilem ipsi sibi experirentur, uiuendi, oran-
 diue rationem, reuocarent. Hoc peri-
 culosum ualde dicebat esse, & hominis
 multiformis gratiæ Dei dona, uariasque
 Spiritus sancti distributiones, ignorantis,
 neque satis diuisiones gratiarum, in eodē 1. Cor.
12.
1. Cor.
7.
 Spiritu, intelligentis. Vnusquisq; enim pro-
 prium donum habet ex Deo, unus quidem
 sic, alius uero sic.

Ipse uero, quantum in Dei uia quisque He. 2.
 profecisset, non fronte, ac uultu, sed animo,
 & fructu metiebatur: neq; ex facilitate qua-
 dam, & bonitate naturæ, sed ex contentio-
 ne, & sui cuiusque uictoria, uirtutum mo-
 menta ponderabat, secernebatque acutis-
 sime naturæ motus, & gratiæ.

simplicem hominē, & spiritu Dei atque
 amore plenū, magis diligebat, quā erudi-
 tum

LIBER

tum, minusque perfectum. Huic tamen reliquisque, qui uel naturæ, uel fortunæ muneri antecellerent, maiorem curam adhibebat, propter eam, quæ ab illis in multos redundare potest utilitas.

Quæ Religiones, nullis proprijs redditibus, sed quotidianis eleemosynis uiuunt, eas dicebat, neque perpetuas, neque in suo instituto permanentes esse posse; nisi aut uitæ asperitate, aut insigni aliqua utilitate, hominum beneuolentiam in se allicerent, & benignitatē excitarent. Istæ enim duæ res hominum animos plurimum commouent, & uel admiratione, uel fructu ad liberaliter tribuendum, inuitant.

Non temere quolibet utebatur, sed magno delectu, quid cuique committeret, prouidebat: & gubernandi quidem alios regēdique, aut duram aliquam prouinciam, uix ulli tradebat, cuius spectata uirtus, diuque probata antea non fuisset. Romæ tamen, ut periclitaretur ingenium, & uires aliquorū tentaret, eosque paulatim ad maiora exerceret, rudibus hominibus, atque inexercitatis, in hoc genere officij interdum est usus.

Illud

Illud diligentissime cauit, ne quid nostris obreperet, quod candorem fidei quomodo inquinaret, & peregrinis omnino, aut nouis opinionibus inficeret. Itaque cum timeret, ne ex Hebraicæ linguæ necessaria cognitione, aliquid dilcerent, ex quo ad nouas interpretationes perquirendas, nouosque sacrae scripturae sensus delaberentur: statuit, ut nostri ueterem, uulgatamque editionem, longo tot seculorum usu comprobatam, omnino retinerent: & magno etiam studio tuerentur. Quod Concilium etiam Tridentinum, suis postea decretis, cauit, & sanxit. Adde eodem, quod mali auctoris, aut certe dubij, ac suspecti, bonum etiam librum, legi in societate, nolebat. Namque aiebat, dum mali auctoris bonus liber legitur, primo quidem placet ipse liber, paulatim deinde, qui librum scripsit: qui quidem probatus, blande in animos teneros, atque molles influit, & lectoribus iam beneuolis, sui que amantibus, doctrinam suam facile persuadet: ut quicquid scriptum ab illo sit, id etiam uerum iudicetur: ita, quod infectum ueneno est, id longissime etiam serpit, & dum principijs caute non obstititur,

Sess. v.

sub Pau

lo 3.

LIBER

obsistitur, & gre uitantur extrema. Hoc de Erasmo Roterodamo, hoc de alijs eiusdē farine, sentiebat scriptoribus: idque multo ante, quam Apostolicæ sedis censura nota rentur. Oportet enim Monachum (ut præsermo-
ne 3. clare scriptum est a diuo Basilio) hæreticū hominem auersari; genuinos, ac probatos *de exer* libros legere: reprobos, & apocryphos *citatio* penitus non contingere: nam sermo eorū, *ne pieta* (ait Paulus,) ut cancer serpit.

tis. Bonos bene ualere cupiebat, malos male: ut & illi integris ad Dei gloriam uterentur uiribus: & isti, multiplicatis infirmitatibus, accelerarent ad Dominum, uel leuius certe, remissiūque, illum offenderent.

Si quem ex ijs, qui in ipsius potestate essent, præfractionem esset nactus, quemq; a recta obedientiæ regula perturbatio aliqua animi detorsisset, (neque enim mirandum est in tanta multitudine, eiusmodi aliquem reperiri) cum hoc, tam prudenter beneuolentia, patientiaque certabat, ut uel mitigaretur omnino, & Ignatij caritati succumberet, uel eo tandem erumperet, ut suā ipse contumaciam agnosceret, aut inexcusabilem certe efficeret.

Dicebas

Diebat à Diabolo hominem aliquando tentari, atque opprimi quodammodo, ut de mentis exijſſe poteſtate uideatur: & interdum naturę adſcribi, morbo nonnunquam, quòd tentationi eſſet tribuendum.

Diabolum item, cum adoriri quempia, exagitareque infeſtius cupit, nocturnum tempus maximè obſervare: in quo ille, quẽ aggredi parat, è ſomno ſulcitatur, ut experrecto, fœda, & impura ſtatim obijciat, antequã à Deo ſanctis cogitationibus occupetur.

Perutilem eſſe ſentiebat, cum quis gravius impugnatur, ſi ſemper aliquẽ habeat, à quo recta audiens, ſuſtentetur, ac ſulciatur, ut ubi oppugnantium Dæmonũ adeſt copia, ibi etiam propugnantium non deſit multitudo; & conatus conatu, quaſi clauus clauo repellatur.

Proprium diuinæ bonitatis aiebat eſſe, ea uehementius defendere, quæ à Diabolo acrius oppugnantur: & firmiter communiſſe, quæ hoſtis demoliri conatus eſt: laboris, que quem repugnando ceperis, magnitudinem, conſequentis conſolationis magnitudine compenſare.

LIBER

Sanandis morbis, qui iisdem uidebantur omnino, diuersas, interdum etiam aduersas, & cōtrarias adhibebat medicinas. Nam alium blande curabat, ac suauiter; dure alium, & seuerè: exitus tamē ostendebat, semper eam curationem fuisse cuique adhibitam, quæ optima cuique esset, & accommodatissima. Atque huius excellentis, diuinęque prudentię ratio non una erat, neque simplex, sed multiplex, & uaria.

His uitijs curandis, quæ inueterauerant, penitusque in animis infederant, efficax in primis fuit. Sic enim in omnes partes uersabat hominem, quem sanare uellet; tam uaria, multipliciaque remedia adhibebat, ut uix quippiam esset tam insitū, quod nō euelleret. Modi autem, quibus utebatur, multi erant. in ijs, crebra examinatio sui ipsius, de ea re, quā emendare quisque uellet: idque statis horis, & certis. Et ne examinatio memoria excideret; antequam cibū sumeret, lectumue peteret, fido alicui, certoque homini, renunciare iubebat, an examinationem illam ex præscripto fecisset. Obseruare alios, qui in eodem uitio sint, illosque admonere: Obseruari ab alijs, & moneri

moneri: pœnam certam constituere, quam sibi toties infligeret, quoties deliquisset. Ipse uero Pater, initio suę ad Deum conuersionis, cum ad risum hominum aspectu, commoueretur: uerberibus risum depulit, quibus se toties ad numerum afficiebat, quoties uel leuiter resisset.

Sed quoniam spiritalis prudentia Ignacij, in exercitiorum spiritalium, & in Constitutionum libris (de quibus antea diximus) maxime cernitur, è quibus peti possunt, quę ad hunc locum pertinent; hac omissa, quanta fuerit in illo, rerum gerendarum prudentia, uideamus.

De prudentia rerũ gerendarũ.

Caput XI.



Agnitudo illius animi, cū summa erat prudentia; constantia cum egregia quadam moderatione, coniuncta. Nam etsi in rebus magnis, & arduis, ægre diuelli poterat ab eo, quod semel re-

LIBER

Etum iudicasset, eratque acer, & efficax in agendo: non tamen propterea, aut nimias celeritates suscipiebat, aut tarditates; sed festinabat lente, opportunitateque temporum obseruata, res maturabat, in omnibus excellenti temperatione utens. Ex quo uix ullus eius labor irritus, uix ullum non perfectum opus, in magnis etiam, atque operosis fuit.

In rebus suscipiendis, sepiissime uidebatur nulla humana prudentia uti, sed diuina tantum niti prouidentia: in exequendis tamen, & ad finem perducendis, omnes uias tentabat, ut inchoata perficeret; ea tamen cautione, ut non in humanis subsidijs, (que tanquam efficiendi instrumenta sumuntur) sed in Deo, bonorum omnium effectu, spem efficiendi defigeret, &, ut res cederet, lætissimo semper, tranquillissimoque animo esset.

Multa instituebat, quorū consilia (quod occulta essent) aut rationi parum cōsentanea nonnullis, aut admirabilia certe, uidebantur: sed tamen eorum exitus exquisitum spiritum, reconditamque prudentiam, declarabant Ignatij: qui ante languorem

rem, adhibuisset medicinam: cuique futura tam solerter præuisa fuissent, & præcauta.

Cum pietatis opera, quæ ad proximorum utilitatem pertinent, complecti omnia non posset: magno delectu publica priuatis; ijs, quæ ad tempus fiunt, perpetua: certa semper incertis prætulit; & secura periculosis: neque tam spectabat, quam nostræ res ipsæ essent; quam quantum, spei ad eas conficiendas ostenderetur.

In huiusmodi autem operibus, beneficentia, ac pietatis, libenti animo operam suam, studiumque ponebat; dum in ordinem redacta, legibusque essent, ac ratione constituta: postea uigilia sua alijs tradita, sensim subtrahebat se, & ad alia instituenda, transfererebat: negabatque nostris, hisce finibus longius progrediendum; neque commitendum, ut se istiusmodi operum ordinaria administratione implicarent; quod à sodalitatibus fere ijs, collegijsque gubernetur, quibus satisfacere (quod multorum sint capitum) sit perdifficile.

Pulcherrimum arbitratur esse munus, nostræque societatis maxime proprium: uer-

LIBER

fandi cum hominibus familiariter, & agendi. sed illud, quo plus habet utilitatis, si recte fiat; eo etiam plus periculi, si inepte. Nam ut moratus sermo, & modesti, prudentisque hominis assiduus usus, alios ad Christum maxime allectat, & inuitat: ita præcipitis, atque inconsiderati, à sancto plerumque proposito auertit; & offensio contrahitur: ex quo quærebatur utilitas. Multas proinde cautiones censebat adhibendas, ut illud munus officij utiliter exerceretur: quas quidem exemplo magis tradebat, quam uerbo; eas enumerare omnes, longum nimis esset; nonnullas referre, commodum nostris, utileque futurum puto.

Qui alijs igitur utilis esse cupit, in primis aiebat, sibi uacare debere: & ardere ipsum caritate, si alios uelit incendere: superare inanem metum; ambitionem, tanquam pestem fugere: uoluptatis illecebras, omniaque carnis blandimenta aspernari: & quicquid uitiosum est, à se repellere: ut omnibus turbidorum motuum radicibus euulsis; diuinos satus, & in se aptius accipiat, & in alios utilius effundat.

Cum

Cum omnia uitia declinanda esse, tum ea cuique potissimum, ad quæ procliuior cuiusquenatura sit: ab ijs enim maximas impendere ruinas, nisi diligenter sibi quisque caueat.

Illis præcipue, quibus corporis constitutio biliosa esset, ac feruentior, magnopere cauendum censebat, si cum alijs iracundis item hominibus, & natura biliosis uersarentur. Facile enim dissidia nasci. Proinde, qui talis est, ante se comparet, ac sæpissime meditetur, qua ratione huic periculo resistat.

Neque tamen in præferuida, uehementique natura refrænanda, eiusmodi prouisione animi, utendum censebat solum, sed in reliquis item uitijs debellandis. Multum enim cohibet, & quasi uinculis quibusdã, exultantem naturam constringit meditatio, & comparatio animi, & assidua, accurataque eorum, quæ cogitaueris, dixeris, egeris, commemoratio. Quod si socium habeas, qui cum communicari hoc officij recte possit; ultro, & citro, & ab illo moneri libere, & illum monere placide uelis.

LIBER

Phil. 2 Qui ita in se fuerit constitutus, & intelligentia necessaria instructus, & agendi modo; ad alios tum iuuandos tanquam in puluerem, aiebat, & solem posse descendere. Sed cogitandum tamen, se non cum perfectis hominibus, planeque sapientibus uiuere: sed in medio nationis prauæ, atque peruersæ: animumque ita suum instituendum, ut neque scelerum ulla, aut flagitiorum immanitate, perturbetur: neque ulla hominum uel fatuitate, uel fraude, ipse non retineat, uel cum prudentia, columbæ simplicitatem; uel serpentis, cū simplicitate prudentiam.

Dicebat, quibus artibus Diabolus ad perniciem hominum, uteretur, iisdem nobis utendum ad salutem. Nam, ut ille cuiusque naturam explorans, & animi propensionem pertentans, ad eam se attemperat, & ambitiosis splendida; utilia cupidis; uoluptuosis, iocunda; pijs, quæ speciem habent pietatis, proponit; & non irrumpit subito; sed sensim irrepit, & in animæ se familiaritatem insinuat, penitusque tandem immergit: sic spiritalis

talís, ac peritus artifex, uniuscuiusque naturæ conuenienter se debet gerere; & in principio multa dissimulare; in multis connuere: deinceps, paratâ beneuolentia, ipsos, quibuscum agat, ipsorum armis expugnare: ipse uero in mores hominum, quibuscum uersabatur, naturamque intrabat penitus, sagacitate quadam non tam humana quam diuina.

Nam uel ex uno congressu, aut uno sermone, ita intimos illorum sensus perspicere habebat, atque exploratos, ut modium salis cum eis comedisse, illosque intus, & in cute nosse uideretur.

Omniū quidem mulierum familiaritatem, etiam earum, quæ spirituales aut sunt, aut uideri uolunt, uitandam esse dicebat; sed earum maxime, quæ ætate, conditione, statu periculosiores sunt: quarum ex consuetudine, plerumque aut fumus sequitur, aut flamma: de uestimentis enim procedit tinea, & à muliere iniquitas uiri. Eccl. 42.

Factis liberaliorē, quàm uerbis esse oportere, ut quod

LIBER

quod in diem crastinum promiseris, id, si fieri potest, hodierno præstes.

In omni sermone, maximeque in pacificandis hominum animis, ac reconciliandis; in controuersis rebus definiendis, tractandisque diuinis rebus, eam moderationem, cautionemque adhibendam, ut nihil imprudenter excidat; sed uerbum quodcumque nostrum, cogitemus ad multorum aures peruenturum.

Concionatoribus, & ijs qui de loco superiore populum docent, scribendum diligenter, & multo ante meditandum, quam dicerent: nil temere asserendum: à nouis, dubijsque rebus abstinendum; & modeste hominum uitia castiganda potius, quam plausibilia, & quæ aures delectant, persequenda: ipse uero conciones suas in detestatione uitiorum consumpsit, & in uirtutum prædicatione: idque semper propositum habuit, ut præuaricatores ad cor redirent, & summum Dei, infinitumque in se amorem, agnoscerent.

Si quis quid petat, quod tuæ personæ indecorum iudices, ab indignatione temperandum; & id curandum, ut & quod postula-

stulatur, neges ; & amicum tamē eum, qui postulat, beneuolumque dimittas.

Religiosi hominis officium affirmabat esse, ab aulica uita (ad quam, tanquam ad Syrenum scopulos, quidam adhærescunt) homines ad Christum potius abducere, quam in illam quemquam inducere. Ipse uero, operam suam ad Principum gratiam aucupandam, uel in eorum aulas intrandum petentibus, respondebat; Ego quidem præstatiorem dominum nullum scio, quam eum, quem mihi ipse delegi: ad hunc uos si applicare cupitis, libētissime meum omne studium præstabo.

Pauperibus, & egenis eleemosynam petentibus, facile tribuebat ex nostra paupertate, quod poterat. Si quis tamen Apostata uel Religionis desertor esset (quod Diaboli conatibus aduersandum diceret, non suffragandum) eum, ne obolo quidem iuandum, putabat; nisi forte, ut ad sanitatem rediret. Nam in hoc genere officij, & huiusmodi perfugis, ad Christi castra reuocādis, magna uoluntate, & suam, & suorum collocabat industriam.

Si quis otiosus ad illum ueniret, qui cū
tempus

L I B E R

tempus inutiliter terēdum esset ; ubi semel illum, atque iterum admiserat, si congressū ille suum læpius requireret, quoties uentitabat, toties ipse aut de morte, aut de extremo iudicio, aut de sempiterno supplicio impijs parato, sermonē instituebat. Sic. n. aiebat fieri, ut ille uel molestus esse definiret, uel certe si perseveraret, eiusmodi sermonibus aliquid in pietate proficeret.

Dicebat præterea in rebus gerēdis illud in primis tenendum, ut te rebus, non res tibi submittas: hoc est, ut rei gerendæ, nō tuę cōmoditatis rationē ducas, negotiorumq; utilitati diligenter seruias, & tempori.

Denique tam congruenter omnibus, ut omnes lucrifaciat, sapientem hominum
 1. Cor. piscatorem, Christi q; ministrum se attem-
 9. perare debere, ut omnia omnibus fiat, &
 2. Cor non sibi, sed fratribus uiuat in Christo.

5. Si quid tamen efficere in hominum salutem, cupiat; uel si quem ab exitio studeat, ad salutem reuocare: ubi diligēter suo perfunctus sit munere: quoquomodo res cedat, equissime sibi ferendum statuatur. Neq; si ille, ad quē iuuandum incubuerit, respuat medicinam, demittat idcirco animū: Ange-
 lorum

lorum tutelarium exemplo (nam & hac utebatur Ignatius similitudine) qui, quos à Deo suæ fidei commissos, acceperunt, mo-
nent quoad possunt, defendunt, regunt, ur-
gent, ad bonum iuuant: sed si uoluntatis li-
bertate abutantur illi, & inobsequētes, atq;
obstinati sint: propterea tamē nullo angū-
tur mœrore; nulla afficiūtur molestia: cura-
uimus, inquit, Babylonē, & nō est sanata.

Hiere.

51.

Hæc, & ijs similia erant Ignatij documē-
ta, quibus suos informabat, ut ad spirita-
les nundinas, animarumque copiosam
mercaturam, mitteret: sed factis, quam
uerbis illustrius. Neque enim (quod de
Nazianzeno Gregorio scriptum legimus)
discipulis aliquid imperabat, quod non
prius ipse fecisset. Et cum singularis in eo
prudencia fuerit: idem tamen sentiebat,
in diuinis rebus, qui nimis prudentes esse
uolunt, haud sæpe magna præstare. Nun-
quam enim se, ad ea, quæ pulcherrima
sunt, admouebit is, qui eorum difficulta-
tes, & ancipites euētus, scrupulose cogitat,
aut anxie nimis reformidat. Vnde & Sa-
piēs; Prudētiæ tuæ, inquit, pone modū: neq;
enim decet, sine modo eam uirtutem esse,
quæ

Ruff.

hist. ec

cl. lib.

11. c. 9

Prou.

23.

LIBER

quæ reliquarum uirtutum modus, & mensura est.

De uigilantia, & sollicitudine: Caput XII.



Irifica in illo sollicitudo ad res conficiendas, atq; uigilantia fuit. Non enim solū efficiendi adiumēta excogitabat sapientissime; sed magna etiam efficacitate utebatur inuentis: rem cœptā perseueranter urgens: alios, quibus utebatur ad ministris, rebus agendis indormire haud quaquam sinens, sed impigros reddens, atque attentos.

Cum ad Principē uirum aliquando adire uellet, eiusque conueniendi copia non fieret; quattuordecim horas ieiunus expectauit, ne bene gerendæ rei occasio efflueret. Constatque per triginta quattuor, & eo amplius annos, nunquam illum quod in Dei gloriam facere statuisset, propter ullas temporis, cœlique iniurias ex præstituta

tuta uel die, uel hora, in aliū diem, aliamue horam reiecisse.

De miraculis per eum factis.

Caput XIII.



Xposita nobis hactenus est Ignatij uita; ex qua sumere quisq; ad imitandum possit, quod cuique maxime conuenit. Sed dicat aliquis, si hæc uera sunt, ut profecto sunt; quid causæ est, quamobrem illius sanctitas, minus est testata miraculis? &, ut multorum sanctorum uita, signis declarata, uirtutumque operationibus insignita. Cui ego. Quis cognouit sensum Domini, aut quis consiliarius eius fuit? ille enim est, qui facit mirabilia magna salus; propterea quod illius tantummodo infinita uirtute, fieri possunt, quæcunque aut Naturæ uim, aut modum excedunt. Et ut solus ille hæc potest; ita ille solus nouit, quo loco,

LIBER

loco, quo tempore miracula, & quorum precibus facienda sint. Sed tamen neque omnes sancti uiri miraculis excelluerunt; neque qui illorum aut magnitudine præstiterunt, aut copia; iccirco reliquos sanctitate superarunt. Non enim sanctitas cuiusque signis, sed caritate æstimanda est. Itaque & Ioannes Baptista, quo inter natos mulierum, maior non surrexit, signum (ut ait Euangelista) fecit nullum: & permulti alij sanctissimi uiri, lumina Catholice Ecclesiæ, & ornamenta, in hominum ignoratione iacuissent, & tenebris; si miraculorum lux ad illorum gloriam illustrandam, necessaria fuisset: quorum tamen uita, & doctrina, mundum uniuersum illuminat. Et contra, in extremo die multi dicent: Domine, Domine, nonne in nomine tuo prophetauimus? & in nomine tuo Dæmonia eiecimus? & in nomine tuo uirtutes multas fecimus? & tunc confitebor illis, quia nunquam noui uos. Et ne illos forte mentiri credamus; ipse Dominus (ut notat Augustinus) ait, Surgent pseudo-christi, & pseudoprophetæ, & dabunt signa magna, & prodigia: ita ut in errorem inducantur

Matth.

7.

Matth.

24.

Matth.

13.

ducantur (si fieri potest) etiam electi. Certe ex Paulo constat, & prophetie donum, & omnis scientie cognitione haberi, & mon-
 tes transferri etiam sine caritate posse. Nō ergo ita exigenda miracula sunt, quasi ab illis, sanctimonia cuiusque necessario pendeat, sed ad ueram rationem res tota reuocanda. Nam etsi sæpenumero, Deus seruorum suorum declarat sanctitatem, signis, atq; miraculis: non tamen id sempiternū (ut diximus) est, neque necessarium. Quæ enim miracula diui Augustini, quæ Chrysostomi, Athanasijq; legimus? quæ utriusque Gregorij Nazianzeni, & Nissenij? sane pauca: quibus tamen propterea non auderemus Gregorium illū antepondere, qui *σαυματούργος* hoc est, miraculorū patrator, appellatus est. Vnde D. August. scribens Cle-
 ro, senioribus, & uniuerse plebi Ecclesie Hippo-
 nensis, & docens, neminem posse Dei consilium perscrutari; quare in alijs locis miracula fiant; in alijs non fiant: postremo cōcludit. sicut. n. quod Apostolus dicit: Nō oēs sancti habent dona curationū, nec oēs habent dijudicationem spirituum; ita nec in omnib⁹ memorijs sanctorū, ista fieri voluit

I. cor.

13.

epist.

1. 7.

D d ille,

ille, qui diuidit propria unicuique prout
 uult. Hæc dixerim, non ut miraculorū uim
 eleuem; sed ut prudens lector intelligat,
 rem totam Deo committendam; qui do-
 na sua unicuique distribuit, prout uult.
 Potuit ille, pro sua occulta sapientia, no-
 stræ hoc imbecillitati dare, ne miracula
 unquam iactare possemus: Potuit utilita-
 ti, ut auctore instituti nostri minus illustri;
 à IESV potius, quam ab illo, nomen tra-
 heremus: & nostra nos appellatio sacra
 moneret, ne ab illo oculos unquam dimo-
 ueremus: quem non solum, ut communē
 humani generis liberatorem, ac Principē;
 sed etiam, ut præcipuum ducem colere,
 atque imitari debemus; minimam hanc
 Societate sui nominis glorioso titulo de-
 corantem. Potuit hoc etiam tribuere tem-
 poribus, quibus hæc miracula necessaria
 non sunt. Mihi uero tantum abest, ut ad
 uitam Ignatij illustrandam, miracula de-
 esse uideantur: ut multa, eaque præstantis-
 sima iudicem in media luce uersari. Quod
 item uideri credo, non plebi imperitæ, res
 populariter æstimanti, sed graui cuius ho-
 mini, & certo iudicio eas ponderanti.

Nam

Nam siue initia huius Societatis, siue institutum spectemus ; siue propagationem, consecutasque ex ea utilitates ; miracula certe nulla desiderabimus : cum tam multa ijs rebus miracula inesse deprehendamus, per quæ Deus, & hoc opus suum esse ; & radicis naturam, ex trunco ostendit, & fructu. Quid enim admirabilius, quàm militarem hominem, ferro, & castris assuetum ; à spiritu Dei alienum, ita immutatum, ut non solum ipse, Christo militaret, sed sacrae militiae antesignanus esset, & princeps ? quid inusitatus, quam tot homines ingenio, studio, ætate florentes ; ab Ignatio egeno, ac despiciato, nulla magna uel litterarum scientia, uel sermonis elegantia, & copia, huc adduci potuisse ; institutum ut uitæ cursum abrumperent ; spes suas prodigerent ; paupertatis, dedecoris, atque ignominie sese telis obijcerent ; & tot laborum, periculorumque offerrent incursum ? Illud uero & nouum, & mirum plane uideatur, necesse est, nisi ab eo factum intelligatur, cuius uirtute, credentium multitudo, erat cor unum, & anima una : Hispanos, Gallosque homines, ita inter se conuenisse, atque tri-

istissimo tempore, & inter ipsos Hispaniæ,
 Galliæque Reges, bellis infestissimo; tam
 amice consociatos fuisse; ut quorum an-
 tea tanta fuisset nationum, uoluntatumq;
 dissensio; tam singularis repente existeret
 studiorum, animorumq; consensio: ut dis-
 similium morum, tanta esset similitudo; &
 uitæ concors, atque perpetua coniunctio.
 Nam institutum ipsum, satis aperte aucto-
 rem suum indicat; quod neque subtilitate
 excogitari neque prudentia humana con-
 stitui, neq; industria gubernari tam sapien-
 ter unquam potuisset; nisi ille, qui sapiëntiæ
 omnis fons est, Ignatii mētem afflatu suo,
 instinctuque diuino; & ad Societatem sta-
 biliendam, inspirasset; & ad tam salutare
 leges, quibus ipsam temperauit, conscribē-
 das impulisset. Neq; uero hoc dubitationē
 ullam habet, aut habere fas est, cū institutū
 ipsum, & à summis Pontificibus multis cō-
 firmatum, & ab œcumenico, sacroq; Con-
 sess. cilio Tridentino, tā luculenter comproba-
 27. rum uideamus: quod quidem cum finito
 16. tempore nouitiatus, superiores, nouitios,
 quos habiles inuenerint, ad profitendum
 admittere, aut è monasterio eos eijcere
 iussit.

iussisset; statim adiecit: Per hæc tamē sancta synodus, nō intendit aliquid innouare aut prohibere, quin Religio clericorū societatis Iesu, iuxta piū eorū institutū, à sancta sede Apostolica approbatū, Domino, & eius Ecclesiæ inservire possint. Nā quid ego de propagatione dicam? quæ tāta est, ut & admirationē omnibus recte considerantibus, moueat, & dignum Dei hic esse ostendat, sine quo nullo modo fieri res tāta potuisset? Etenim ab eo tēpore, quo societas à Paulo II. Pont. Max. anno 1540. confirmata primum est, triginta anni fluxerūt: quō quidē tēpore, non solum per uniuersa Christiani orbis regna, disseminata est; uerum etiā his finibus egressa, diffusissimas prouincias, regiones incultas, barbaras, immanesq; nationes peragrauit; & apud illas domicilia etiā construxit. Nā ut Hyberniam, Angliam, scotiam, Cyprum, Alexandriam, Mauritaniam, insulas Fortunatas, ad christianā religionē pro virili portione dilatandā, à nostris aditas; p̄tereā: ut de Italia, sicilia, sardinia, Corsica, Gallia, Hispania, Lusitania, superiori atq; inferiori Germania, nihil dicā: ut Austriā, Bohemiā, Poloniā omittā (i q̄bita hæc

Societas haftenus creuit, ut quindecim prouincias, præter tres alias, ultra Oceanum constitutas habeat, Certe uidemus, & in Orientis Solis Indiã penetrasse nostros, & in extremis regionibus apud Malacam (quæ Aurea Chersonesus est) Maluccasque insulas, sedes suas collocasse, & in Occidentis item Indiam, quæ Hispaniarum Regi pareret, esse delatos: & in Brasilea terra, subiecta Lusitaniæ Regis imperio, hominumq; anthropophagorũ feritate formidabili; magna passim cum utilitate uersari. Nam ad Septentrionem, Iaponem, uastissimam insulam, nostraque ætate primum a Lusitanis patefactam, & repertam, nostri omniũ Christianorum (quod quidem ex ueterum scriptorum monumentis constet) primi lustrarunt: & in potētissimũ, latissimumq; Sinarum regnũ, ut in illud unius, uerique Dei nomen inueherent, sunt ingressi. Ad Meridiem uero, Ethiopiam, Congum, Angolam, Monomotapam, aliasq; exterioris Africæ oras, remotissimasque prouincias obierunt, ac percurсарunt; & in hodiernũ usq; diem in illarum quibusdam, ita peregrinantur, & uiuunt; ut neque maris inter-

iecti

iecti immensitas, neque terrarum asperitas neque uel syluestris cultus, uictusque inopia: neque barbaras linguas, atque horridas intelligendi, discendique difficultas; neque indigenarum agrestis natura, & truculenta, innataque crudelitas; neque intantata supplicia, fociorumque ante oculos profusus sanguis, ab Euangelij prædicatione, quicquam eos deterreat. Itaque tantus est vbique terrarum ex nostrorum hominū consuetudine, atque usu, fructus consecutus, ut minime poenitendus uideatur. Nā ut de India primum loquar, Certe, quibus non est narratum, de eo uiderunt: & qui non audierunt, contemplati sunt. Scissæ sunt enim in deserto aquæ, & torrentes in solitudine: & quæ erat arida, est in stagnū, & sitiens in fontes aquarum. In cubilibus, in quibus prius dracones habitabant, ortus est uiror calami, & iunci: & idolorum multitudo sublata, atque illudentiū Dæmonum præstigijs extinctis, unius iam Dei cultus efflorescit; Crucisque trophæum, in urbibus, in uijs, in desertis etiam, atq; asperis locis collocatum, Dæmones aspectu suo terret: homines recreat; pios conso-

Es. 52

Ro. 1

Es. 38

2. 9. 2

latur: impios ad salutem inuitat: deniq;
 habitantibus in regione vmbrae mortis ve-
 ritatis lumen elucet: totq; miracula, & tan-
 ta per Ignatij filios edita sunt (quippe, ad
 plantandam, in nouo, atque inculto solo fi-
 de, apprime necessaria) ut neque maiora,
 neque illustriora requiramus. siquidem &
 Dæmonia multa, Christi tantum nomine
 inuocato, ab humanis corporibus eiecta:
 illuminatos cæcos: leprosos mūdatos: em-
 ni propemodum morborum genere, mul-
 tos mortales liberatos: mortuos denique
 constat reuocatos ad uitam: fontes diuini-
 tus repertos, ad Christianorum firmitudina-
 dam: & contra, arefactos amnes ad infide-
 lium damuandam perfidiam. Apud Maluc-
 cas uero insulas, cum ab ea fide, ueraq; re-
 ligione, quam semel susceperant, ad super-
 stitionem multi, atq; impietatem defecis-
 sent; cœlum, & terram, omnemq; creaturā
 armatam, scimus cōtra insensatos: & igni-
 tis lapidibus, fulgure, fulmine, tonitru, tur-
 bine, & fragore ingenti, perterrefactos in-
 fidelium animos: arbores radicitus reuul-
 sas: disturbatas domos, animalia passim
 extincta: posita flumina in desertum, &
 exitu

exitus aquarum in sitim. Terram fructifera in falsuginem, à malitia inhabitantium in ea. Et quod omnium maximum, ac præstantissimum est, multa (ut modestissime dicam) hominum millia, qui in summa barbaria, & feritate nati, atque educati sunt; importuna illa morum feritate deposita, iugum suave Christi subierunt; & christianæ disciplinæ legibus eruditi, ad mansuetudinem se, ac humanitati propiorum cultum reuocarunt, ut Deo Optimo Max. maximas gratias agere oēs, & habere in commune debeamus, qui prestantes Ecclesiæ catholicæ ruinas, sua benignitate refarcit: & nostrum ex cōtinuis illius calamitatibus, dolorem, & luctum, magna hac cōsolatione leuat: quod exeuntium hæreticorum iacturam, intrantium in ecclesiam gentium, reparat multitudine; estq; hoc in tâto mœrore solatij, quod plus nobis Dei bonitas adiecit, quàm Diaboli ademit inuidia. sed ut ad ea ueniamus, quæ collocata in oïum oculis sunt; uidemus certe, & apud hæreticos, nō parū per huius societatis hoīes, in fide, ueraq; doctrina profectum esse, & apud Catholicos multū, in religione, ac pietate.

Nam

LIBER

Nam & in Germania, & in Gallia, & in reliquis prouincijs, quibus hæresis certissima pestis animorum, liberius grassatur, multi, nocte falsitatis depulsa, se ad ueritatis lumen ab errore reuocarunt: multos nostrorum prædicatio, & doctrina nutantes in fide, confirmauit: labantes sustinuit: iacentes erexit: deuios atque præcipites, reduxit in uiam: & a diluuij (quibus suffocabantur) aquis, in sacrosanctæ Romanæ Ecclesiæ (qua una salus continetur) arcam, fidemque traduxit: & optimorum adolescentium, qui errorem cum ipso nutricis lacte suxerunt, in nostris Collegijs institutio, & ad pietatem informatio, maiora nos etiam sperare in posterum, iubet: & quotidiana Catholicorum cum hæreticis altercatio, satis ostendit, multis locis, illorum uel languere animos, uel debilitatos esse impetus, atque compressos. Nec mirum sane. Nam cum aliquorum Ecclesiasticorum uel ignorantia, uel peruersitate, uel negligentia (cum enim dormirent homines, inimicus homo superseminauit zizania) non suis lacertis, & uiribus, fortes illi hætenus fuerint: & dum quorundam homi-

Matt. 13. uel negligentia (cum enim dormirent homines, inimicus homo superseminauit zizania) non suis lacertis, & uiribus, fortes illi hætenus fuerint: & dum quorundam homi-

hominum uitam nobis obijciunt, dum in-
scitiā exprobrant; dum funestas, sacrile-
gasque fasces, ueris interdum criminatio-
nibus contectas, in nos contorquent, in-
cautos simplicium animos, nescientes di-
scernere doctrinam à uita, fidem à perso-
na, potestaté à moribus, uenenis suis infe-
cerint; quid mirum est, si hoc tempore ue-
ritas inculpatae uitae, exquisitaeque doctrine
stipata studijs, in falsitatis castra inuadere,
& perrumpere importunam eius audaciā,
atque temeritatem ualeat, quae uel sola, &
nuda, tantam semper potentiā habet, ut fa-
cile se per seipsam defendat, & gloriosam
reportet de hoste uictoriam? Cum praeser-
tim & qui dormiebant, sint excitati; & qui
uigilabant, facti sint etiā acriores. Itaq; hoc
unum Ecclesiae hostes propositum habent,
ut iidem I E S U I T A R V M hostes sint, &
bellum aduersus eos gerant, quos bellum
a se catholicae Ecclesiae indictum, non igna-
ue propulsare animaduertunt. Quorum
inflammatum in nos odium, non obscu-
rum arbitramur diuinæ in nos beneuolen-
tiae signum; uituperationem, laudem; in-
fectionem, gloriam, & triumphum no-
strum

LIBER

strum ducimus : quos tamen diligimus, ut
proximos; amamus, ut nostros aliquando
fratres; ut pretioso sanguine quasi agni im-
maculati, & incontaminati Iesu Christi cō-
spersos, benevolentia prosequimur. Præ-
termitto eas utilitates, quas Catholici, in-
tegrique populi, filiorum Ignatii opera,
& industria perceperunt; tum quod sint in
promptu; & magis sit animadversione o-
pus, quam explicatione; tum uero quod
a me sine pudore commemorari non pos-
sint, quæ in hoc genere diuina bonitas,
per minimam hanc Societatem effecit.
ipsi soli (cuius sunt) honor, & gloria.

Et hæc quidem ad alienos. Quid illa,
quæ ad domesticos, hoc est, ad nos perti-
nent, & interiora quidem magis sunt; non
minus tamen certa diuinæ uirtutis sunt
signa? Primum (uobis fratres, quibus hæc
nota sunt, loquor) quam multæ, quam ua-
riæ, quam eximix uocationes; ex omni
pene natione in nostra Societate sunt eo-
rum, qui singulari quodam, diuinoque af-
flatu excitati, omnium externarum rerum
amputata uanitate, ad Christi crucem in
hac Societate complectendam, adducti
sunt

sunt? Quod item de reliquis sanctissimis Religionibus credo. Deinde, quàm præclara est illa, quæ apud nos floret, dissimilium rerum similitudo? Quam eximia hominum disparium; & uel natura, uel fortuna, uel industria, & consuetudine inæqualium, æqualitas? Quam conspirans, & plane conflatus inter se diuersarum nationum consensus? Quam copulata omnium inter ipsos caritatis beneuolentia? Quid mirifica illa scientiæ, & humilitatis; prudentiæ, & obedientiæ; adolescentiæ coniunctio, & castitatis; grauitatis in superioribus, comitatisque Societas? quanta alienæ salutis cura? Quantum publicæ utilitatis studium, quanta sollicitudo, ac procuratio? Quam læti, peregre uenientium nostrorum fratrum congressus? quam iocundi eorundem digressus; abeuntium? ut siue manendum in aliquo sit loco diutius; siue longe gentium abeundum; lætissimo semper animo sint; & terrarum affectu, locorumque posito, eorumque, quibuscum uiuunt, intemperato amore reiecto,

Dei

LIBER

Dei tantum gloriam, & salutem proximorum spectare uideantur. Agnoscamus Dei gratiam fratres, & grati simus, atque hosce mores in Societate hactenus fuisse gaudeamus; & futuros semper speremus, & ut sint, quantum possumus animo conuitemur.

Hæc mihi magna miracula, & certissima sunt, quæ cum attentius considero, neque plura, neque maiora ad uirtutem Ignatii declarandam, requiro. Nam si ex fructu arbor agnoscitur, ut ait Dominus; si neque de spinis colligi uerba possunt, neque de tribulis ficus: Si fons de eodem foramine, dulcem simul, & amaram aquam, manare nequit; certe fateamur necesse est, & truncum, ex quo tam suaues, tantique fructus percipiuntur, optimum, ac suauissimum esse; & fontem nobilissimum; ex quo commoda in Christi ecclesiam tam multa redundarunt. Præsertim si attendamus, quibus temporibus hæc, & locis gesta, & a quibus personis sint; quam acerbe præterea, & grauitè impugnata. Gesta sunt enim nostris temporibus, hoc est, hæreseon, numero, errorumque nouitate

Matt.

7.

1106.

3.

tate calamitosis: morum leuitate perditis: Ecclesiasticæ disciplinæ perturbatio-
ne, iufœlicissimis. Ex quo hæc Societas,
odiosa hæreticis semper uisa est: Catholi-
cis quibuldam, minus interdum necessa-
ria: nonnullis forte & suspecta etiam, &
inuisa. Gesta sunt autem non in angulis,
non in deserto loco; sed in omnium gen-
tium oculis; in celeberrimis urbibus, cla-
rissimis academijs; in ore, atque luce ho-
minum, uel potentia, & auctoritate; uel
prudencia, & consilio; uel doctrina, uitæq;
integritate, sine controuersia principum.
Efecta sunt autem ab Ignatio, primisque
socijs illius, ac filijs. In quos si animum
paulum intendas, magna te admiratio ca-
piet, perspicientem nihil illos ex se attu-
lisse, quod intuentium posset in se oculos,
sua specie conuertere. Neque enim illi aut
stirpis, ac generis opinione commendati;
aut amicorum copia fulti; aut excellentis
doctrinæ præsidio subnixi, primum ad nos
uenerunt; sed abiecti, pannosi, obscuri, &
ad speciem contemnendi, & ad sensum,
cogitationemque uiles. Quid de perse-
cutionibus dicam, grauissimisque tempe-
statibus,

statibus, quas hæc Societas nondum na-
 ta, in parente suo pertulit? ut uero exijt
 in lucem, ac primum emerfit, ab omni pe-
 ne hominum genere, ad hunc usque diem
 passa est? quibus iactata procellis non ha-
 stenus est? quibus non telis appetita? ut
 mihi quidem (quod Diuus Hieronimus
 de catholica Ecclesia scribit) persecutio-
 nibus etiam creuisse uideatur. Ex qui-
 bus omnibus eam Deus eripuit; & ui-
 ctoriam dedit per dominum nostrum Ie-
 sum Christum. Accidit enim illi, quod re-
 liquis fere sanctissimis Religionibus usu-
 uenit, quibus donatum est, ut in mundo
 pressuram habeant, & non solum in Chri-
 stum credant, sed etiam, ut pro illo patian-
 tur. Sed ut modum huic meæ narrationi
 ponam; ijs miraculis, magnis, conspicuis,
 utilissimis, nulla alia Ignacij (meo quidē
 iudicio) sunt comparanda. Itaque quæ
 narrata supra à nobis sunt; quanquam sine
 miraculo fieri multa non potuerunt; & tot
 dierum ieiunatio, uiribus nihil omnino
 debilitatis; octo dierum raptus, & à sensi-
 bus destitutio; tot tantæque diuinarum
 rerum illustrationes; P. Simonis periculo-
 se la-

se laborantis, sanatio, & sanitatis futura præ-
dictio: Dæmonis expulsio, naturæ uim, modū-
que exuperant: omnia hæc tamē superioribus
illis cum proximorum utilitate coniunctis, in-
feriora multis partibus iudico. Scimus quidē
P. Claudium Iaium iter pedibus facientem, su-
bito stomachi defectu oppressum; & Dei auxi-
lio implorato, ad Ignatij adhuc uiuētis nomē;
sanitati continuo restitutum: & P. Nicolaum
Bobadillam anno 1556. febrī, qua iactabatur,
grauissima; & P. Baptistam Tauonem Pataui-
ni Collegij nostri Rectorem, anno 1557. ad il-
lius solam memoriam, urgentis pestis terrore
liberatos: & alios proferre possemus in me-
dium, uel magnis periculis expeditos, uel mor-
bis, ad uestium illius aliquando contactum.
Quibus etiam addi possent, quæ diuinitus il-
le, multo ante quā fierent, denuntiavit futu-
ra. Etenim anno 1543. mihi grauissime secun-
do ægrotanti, in morbum me tertio relapsu-
rum, prædixit. & (ut ab ipsismet Patribus, qui-
bus hæc dixit, accepi) anno 1555. cum P. Hie-
ronymum Natalem, & P. Ludouicum Gonzalē
in Hispaniam summa hyeme nauigaturos, mit-
teret; commodam ipsos nauigationem, & se-
cundum habituros cursum, Natali præsignifi-

LIBER

cavit. & anno 1556. P. Mag. Iacobo Laini præ-
nuntiauit futurum illum, se mortuo, Societatis
Præpositum Generalē: quę omnia ita, ut dixit,
sunt consecuta. Anno uero 1541. cum ægtotā-
tis Stephani Baroeli, tunc nouitij nostri, salus à
medicis esset oībus desperata; pro illo in diui
Petri Montorij rem diuinā Ignatius fecit; qua,
peracta, dū uterq; domū redimus, mihi dixit,
Non morietur nunc quidem Stephanus. Qui
quidem Stephanus & uiuit adhuc, & uitā suā
Ignatio plane acceptam fert. Sed hæc ego, quę
breuiter perstrinxi, quęq; generis sunt eiusdē,
missa facio; quod, quamq̃ sunt certissima, ipsis
tamen superiora illa, quæ dixi; & maiora iudi-
co, & longe antepono.

HÆC habui maximē, quæ de Ignatij ui-
ta, moribusq; conscriberē: tū ne parētis
nostri (quod in oībus humanis reb⁹ fere
fit) paulatim memoria consenesceret; tum ēt,
ut in perpetuū haberent nostri homines, unde
omniū domestica peterēt documēta uirtutū:
quod ego si assecutus fuero, erit, cur Deo gratu-
lemur auctori bonorū omnium: sin minus, no-
stros certe qualescunq; labores, uobis, Fratres
carissimi, quorū præcipue gratia suscepti sunt,
non ingratos fore confido.

F I N I S.

NEAPOLI.

Apud Iosephum Cacchium.

M.D.LXXII.

Imprimatur. Petrus Dusina,
Vic. Generalis.

Io. Franciscus Lombardus.

Errata sic corrigo.

Fol. 4. b. versu 21. lux qđā. l. vis qđā. f. 8. b. uer. 16. iudicēt. l. indicēt. f. 10. 2. ver. 11. solisq; l. soliq; f. 16. ver. 17. mēte. l. mēti. f. 18. b. uer. 23. sapientix. l. sapientia. f. 19. uer. 11. defuerunt. l. defuerunt. f. 19. uer. 22. excusis. l. excusus. f. 19. b. uer. 15. magis. l. magnis. f. 20. uer. 20. grauisime. l. grauisimo. f. 23. ver. 3. cursu. l. cursum. f. 33. uer. 2. loquebantur. l. loquerentur. f. 33. ver. 24. salmāticam. l. salmātinam. f. 35. b. ver. 18. parietibusq; l. parietibus. f. 38. ver. ult. peruenit. l. peruenerit. f. 40. ver. 24. ipse. l. ipsi. f. 49. uer. 2. Rursus. l. uersus. f. 75. b. uer. 7. ab Ignatio. l. Ignatio. f. 76. ver. 23. cum enim formula. l. Pontifex cū formula. f. 79. b. ver. 17. quiq; l. quinq; f. 87. uer. 8. 1544. l. 1546. f. 38. b. uer. 10. origo. l. origo est. f. 95. uer. 24. in matronæ. l. uel in matronæ. f. 131. b. uer. 4. auctoritate. l. auctoritate pręstans. f. 176. uer. 3. Ignatio. l. Ignatium. f. 191. uer. 1. & spiritus. l. spiritus. f. 201. uer. 13. perutilem. l. perutile.

INDEX RERVM.



- Bulense collegium. fol. 151
 Abundantiam nostris falso obiectam Cæsaraugustani deprehendunt. fol. 162
 Accusatorum Ignatii quis finis. f. 70. b
 Alphonsus Salmeron Ignatio se aggregat. f. 47. In Hiberniam Apostolicus nuntius mittitur. f. 82. Angliæ Regis manus effugit. ibid. b. Pedes in Italiam redit. ibid.
 In Concilio Tridentino. fol. 97. b. Ingolstadij docet. f. 146. Neapolitanum Collegiū promouet. f. 138. b
 In Poloniam ex Societate primus proficiscitur. f. 164. b
 Andreas Frusius. fol. 87. & 136
 Andreas Lipomanus Patauinum Collegiū fundat. f. 86. b
 Andreas Ouiedus in Aethiopiam mittitur. fol. 158
 Angolæ Rex nostros primum humaniter suscipit, post in carcerem trudit. fol. 112
 Antonius Araozius Pinciae. f. 96. Barcinone. f. 106. b.
 Prouincialis i Hispania. ibi. Prouincialis Castellæ. f. 152
 Antonius a Corduba Societati Collegium Cordubæ institui curat. fol. 151
 Antonij Criminalis mors, & uirtutes. fol. 115. b
 Archiepi Granatensis in societatem beneuolentia. f. 151. b
 Archieps Toletanus Io. Siliceus nostros exagitat. f. 137
 Augustinus Pedamontanus hæreticus Romæ a nostris refutatur. fol. 66. b

B

- Barcinonense Collegium. fol. 106. b
 Bartolomeus Bustamantius Simancæ. fol. 153
 Benedictus Palmius. fol. 136
 In Brasileam nostri nauigant. fol. 115
 In Brasilea nostrorum domicilia. fol. 157
 Brasi-

R E R V M.

Brasileæ Emanuel Nobrega Prouincialis. fol. libi.
 In Belgicam, qua occasione nostri primum ingressi. f. 88
 In Belgica nostris constituendi collegia fit potestas. f. 164
 Bernardus Oliuerius inferioris Germaniæ Prouincialis
 moritur. fol. 164. b
 Bernardus Iaponius Romam ad Ignatium uenit. f. 147. b
 Bigliomeum Collegium. fol. 154
 Bononiense Collegium. fol. 106. b
 Burgenfe Collegium. fol. 136. b

C

Cardinalibus tribus confirmandæ Societatis negocium da
 tur. fol. 75. b
 Cardinalis Carpësis Lauretanū Collegium instituit. f. 153
 Cardinalis Contarenus societatis institutum Pont. max.
 Ignatij nomine proponit. fol. 75
 Cardinalis Farnesij sumptibus Collegium Montis Regalis
 edificatur. fol. 153
 Cardinalis Franciscus Mendoza Collegium Salmatinum
 inchoat. fol. 107
 Cardinalis Guidicionus societatis confirmationi princi-
 pio repugnat, postea fauet. fol. 76
 Cardinalis Moronus Collegij Germanici instituendi sua-
 for. fol. 140
 Cartusiani nostros suorum operū participes faciūt. f. 97. b
 Catinense Collegium. fol. 165
 Catecumenorum domus Romæ. fol. 92
 Cœnobium D. Marthæ. fol. 93
 Cœnobium S. Catherinæ de Funarijs. fol. 94. b
 Cæsaraugustanum Collegium. fol. 106
 Cæsaraugustæ magna in Societate tēpestas excitat. f. 158. b
 Cæsaraugusta nostri excedunt, & reuocantur. fol. 162
 Cæsaraugustana persecutione Societas crescit. fol. 163. b
 Catarina Fernades a Corduba Marchio Plieghi collegiū
 Montillæ ædificat. fol. 163. b

I N D E X

Claudius Iaius Brixia. f. 71. b. Ingolstadij. f. 114. b. Viennæ
 Austria. fol. 139. moritur. & eius uirtutes. ibidem.
Collegium Abulense. f. 151. Barcinonense. f. 106. b. Bibo-
 nense. f. 165. Billoniense. f. 154. Burgenfe. f. 136. b. Cati-
 nense. f. 165. Cæsaraugustanū. f. 106. b. Colonienfe. f. 164.
 Complutenfe. f. 90. Cōchenfe. f. 153. Cōnibricēse. f. 84.
 Cordubenfe. f. 151. Eborenfe. ibid. Ferrariense. f. 138.
 Florentinū ibi. Goense. f. 85. b. Gandiense. f. 96. Ger-
 manicum. f. 140. Genuense. f. 153. Granatenfe. f. 152. b.
 Hispalense. ibi. Ingolstadiense. f. 114. b. Lauretanū. f. 153.
 Louaniense. f. 164. Lutetianum. f. 154. Messanenfe. f. 113.
 Metimne. f. 137. Montillæ. f. 163. b. Montis Regij in
 Gallæcia. ibid. Montis Regalis. f. 153. b. Murcia. f. 163. b.
 Mutinēse. f. 146. Neapolitanū. f. 138. b. Ocanie. f. 163. b.
 Ognatēse. f. 136. b. Panormitanū. f. 113. b. Parisiēse. f. 154.
 Patauinum. f. 86. b. Perusinum. f. 149. b. Pincie. f. 96.
 Placentinum. f. 152. b. Pragenfe. f. 164. Romanū. f. 134. b.
 Salmantinū. f. 107. b. Senense. f. 165. Syracusanū. f. 153. b.
 Tiburtinū. f. 114. b. Tornacense. f. 164. Valētinū. f. 95. b.
 Viennense. f. 139. Vlysiponense. fol. 151
Complutensis collegij progressus, & fructus. fol. 90
Cōcionator hereticus Parme societatis amicos uexat. f. 89
Conciones Ignatij quales. fol. 81. b.
Cōcionatorib⁹ societatis quid tenēdū ex Ignatio. f. 205. b.
Constitutiones condendi autoritas. fol. 121. b.
Constitutiones ab Ignatio conscribuntur. fol. 133
Constitutiones scribens Ignatius illustratur. f. 134
Constitutiones, societatis iudicio relictæ ab Ignatio, in pri-
 mo generali conuentu comprobantur. ibid.
Corsicam lustrantes nostri persecutionem patiunt. f. 149. b.
Conuersationis nostrorū cum externis præcepta ex Igna-
 tio. fol. 203. a

D

Dignitates ecclesiasticas quanta contentione Ignatius a
 societate

R E R V M.

| | |
|--|-------------|
| Societate reiecerit. | fol. 104 |
| Dignitates quæ in societatem admittendæ. | fol. 158 |
| Doctrinæ Christianæ docendæ uotum. | fol. 66 |
| Doctrinam Christianam per 46. dies Ignatius docet. f. 81. b. | |
| Doctrinæ nouitas uitanda nostris ex Ignatio. | fol. 200. a |
| Domus probationis prima Messanæ. | fol. 113. b |
| Domus probationis Conimbricæ. f. 151. Simancæ. | fol. 153 |
| Domus professorum prima Romæ. | fol. 86. b |
| Domus professorum Pinciar. f. 96. Toleti. f. 138. Venetijs. | |
| fol. 114. b. Vlyssipone. fol. 85. & 151. | |

E

| | |
|---|-------------|
| Eborense collegium. | fol. 151 |
| Ecclesiastici honores in societate quâto opere fugiendi. f. 104 | |
| Eleemosyna ad Hierosolymitanum iter accepta integrè restituitur. | fol. 64. b |
| Emanuel Nobrega Brasileæ Prouincialis. | fol. 157 |
| Erasmi libros reijcit Ignatius, & in societate legi ueritat. | fol. 29 |
| Euerardus Mercurianus Perusi. | fol. 149. b |
| Exercitiorum spiritualium libri scriptio, & utilitas. | f. 18 |
| Exercitiorum approbatio per sedem Apostolicam. | f. 19 |
| Examinatio Salmaticæ. f. 36. Descriptio ab inquisitore Dominicano. f. 45. Ventilatio in Hispania. | f. 150. b |

F

| | |
|--|-----------|
| Ferrariense Collegium. | fol. 138 |
| Florentinum. | ibid. |
| Franciscus Borgia dux Gandiæ Collegium edificat. f. 96 | |
| Societatem ingreditur, ac Fabro succedit. f. 99. Multos suo exemplo ad societatem adducit. f. 136. b. Collegiū Romanum inchoat. ibid. Hispalense. f. 152. b. Cômmissarius in Hispania. | fol. 152 |
| Franciscus strata Louanij. f. 88. b. Salmanticæ. f. 107. b. Burgis. f. 136. b. Aragoniæ Prouincialis. | fol. 152 |
| Franciscus Villanoua compluti. f. 90. Cordubæ. | f. 151. b |

I N D E X

Franciscus Xavier Lutetiae Ignatium sequitur. fol. 47

In Indiam destinatur. f. 74. Illius obedientia, & charitatis ardor. f. 74. Mortificatio, ac victoria sui. f. 54. Ex Lusitania in Indiam soluit. f. 82. & 142. Illius labores, & fructus in India. f. 142. Vita, & uirtutes. ibid. & deinceps. Mors. f. 146. Miracula. f. 148. b. Prophetie spiritus. f. 148. b. Corporis incorruptio, ac translatio. f. 149. Franciscum Xaueriũ Bernardus Iapponi⁹ cõmẽdat ex trib⁹. f. 148

G

Gandienſe Collegium. fol. 96

Generalis præpositi prima electio. fol. 77

Genuenſe Collegium. fol. 153

Germanicum Collegium, & eius instituendi cauſſa. f. 140

In Germania, & Gallia fructus ſocietatis. f. 212. b

Goenſe Collegium. fol. 85. b

Gomez Figueroa Dux Ferie ſocietatem fouet. f. 164. b

Granatenſe Collegium. f. 152. b

Guglielmus Bauariæ Dux noſtros Ingolſtadium accerſit. fol. 114. b

Guglielmus a Prato Episcopus Claramontanus Collegiũ Lutetianũ, & Bigliomeum fundat. fol. 154

Gutierius Carauaia Placentinus Episcopus Collegium noſtris ædificat. fol. 152. b

H

Henricus Cardinalis infans Portugalliæ, Eborenſe Collegium conſtituit. fol. 151

Hæreticorum in ſocietatem odium. f. 214. a

Hieronymus Domeneh Valẽtinũ Collegiũ iſtituit. f. 95. b

Hieronymus Domeneh in Belgica. f. 88. In Sicilia. f. 113. Siciliæ Prouincialis. fol. 153. b

Hieronymus Natalis Meſſanæ. f. 113. b. Eius in Africam nauigantis naufragium. fol. 138. b

Hieronymus Natalis cõmiſſarius in Hispaniam. fol. 152

Hierosolymis loca ſancta perluftrat Ignatius. fol. 24
Hiero-

R E R V M.

Hierosolymitanam peregrinationem Ignatius, & socij
 uouent. fol. 47. b
Hierosolymam nostris, diuinitus adire non licet. fol. 56
Honores qui nostris recipiendi. fol. 158
Hozius Hispanus Venetijs Ignatio adiungitur. fol. 51. b
Patauij in carcerem truditur. f. 59. b. Eius mortui ani-
 mam cœlos penetrantem Ignatius uidet. fol. 63
Humilitate aditū ad excelsa muniēdū ex Ignatio. f. 177. b
Hæreticus concionator a nostris Romæ refutatur. f. 68. b
Hæreticus concionator Parmæ amicos societatis exagi-
 tat. fol. 89

I

Iacobus Goueanus uerbera Ignatio parat. fol. 46. b
Regi Lusitanie nostros in Indiā mittēdi author est. f. 73
Iacobus Lhostius primus ex nostris Siciliā ingredit. f. 112. b
Iacobus Laynes Lutetiæ Ignatio adiungitur. f. 47. Vicetiæ
 egrotat. f. 57. b. Romę in Gymnasio sapientię, Theolo
 giam proficitur. f. 62. Parmæ, ac Placentiæ. f. 71. b. Ve
 netijs. f. 86. b. Tridēti in Cōcilio. f. 97. b. Genuę. f. 149. b
 Perusiæ. ibid. In Sicilia. f. 114. In Africa. fol. 138. b
Iacobus Laynes Italiæ prouincialis. ibid.
Iacobum Laynē Præpositum Generalem societatis futu-
 rum Ignatius prædicit. fol. 117. a
Iacobus Mironus Coimbræ, ac Valentia. f. 95. b. Lusitanie
 Prouincialis. fol. 152
Ignatij abstinentia. f. 11. & 14. **Adolescentia.** f. 2. b. **Aequa**
bilitas, & constantia. f. 173. **Aetas.** f. 167. **Castitatis uotū.**
 f. 9. **Caritas erga proximum.** f. 174. b. **Cōmiseratio in**
ægrotas. f. 190. b. **Conciones quales.** f. 81. b. **Conscien-**
tię examinandæ cura. f. 171. **Deuotio, & oratio.** f. 170. b
Exercitiorū liber. f. 18. **Fiducia in Deum.** f. 195. a. **Ge-**
nus. f. 1. **Hierosolymitana nauigatio.** f. 20. **Humilitas.** f.
 177. b. **Illustrationes diuinæ.** f. 15. & 133. **Lachrymæ.** f.
 57. 132. b. 170. b. 172. **Magnitudo animi.** f. 193. b. **Man-**
 suetudo

I N D E

- Suetudo. f. 189. a. Miracula. f. 208. a. Morbi, & in morbi
 patientia. f. 2. 3. 19. Obedientia. f. 179. b. De obedi-
 entia Religiosa iudicium. f. 182. a. Obitus. f. 166. b. Oran-
 di modus. f. 173. b. Ortus. f. 1. Parentes, & patria. ibid.
 Paupertatis studium. f. 21. & 22. Pœnitentia. f. 10. b.
 Persecutiões. f. 26. & 31. & 35. & 43. & 52. & 67. & 100
 Ignatij præcepta de conuersatione cum externis. f. 203. a.
 Professio in ferratum montem. f. 6. Prudentia spiritalis.
 fol. 198. b. Prudentia rerum gerendarum. f. 202. a. Re-
 ditus in Hispaniam. f. 25. Scrupuli. f. 13. Sermonis mo-
 destia, & efficacia. f. 186. a. Seueritas in disciplina, &
 suauitas. fol. 189. a. Socij. f. 30. & 46. Statura, & habi-
 tudo corporis. f. 167. b. Studia. f. 28. & 34. Tentationes
 fol. 12. & 19. Vestitus mutatio. f. 9. Vestitus. f. 10. 25. 31.
 & 168. b. Victus. f. 168. Vigilantia. f. 207. b. Vocatio ad
 Deum. fol. 3. b. Vocationis tempus. fol. 167
 Ignatij iudices, iidem innocentiae testes. fol. 63. In pere-
 grinis mittendis ratio. fol. 84. b
 Ignatio beatus Petrus sanitatem afferre uisus est. fol. 2. b
 Ignatio species B. Mariæ obijcitur. f. 5. b. Terror a diabo-
 lo inijcitur. f. 197. b. Virgē intentantur. fol. 45
 Ignatio id semper antiquissimum, quod ad maiorem Dei
 gloriam cederet. fol. 7. b
 Ignatio Dominus Iesus apparet. fol. 60
 Ignatius ex cœli aspectu excitatur in Deum. fol. 6
 Ignatium desertum Christus consolatur. fol. 22. b
 Ignatius Lutetiæ, multos ad Religionem adducit. fol. 42.
 Aduentu suo Simonem ægrotum sanat. f. 57. b. Annum
 se præparat anteq̃ primam Missam celebret. f. 60. Præ-
 positus generalis eligitur, & recusat, tandem optempe-
 rat. f. 78. Generalatum deponere conatur. f. 131. Aliquā
 do in persecutionibus nullū defensorem adhibet inter
 dū grauitè resistit. f. 67. b. Cōstitutiões cōscribit. f. 133
 Ignatius Romæ, quæ opera pietatis instituerit. fol. 91. &
 dein-

R E R V M.

- deinceps. Societatem cura fœminarû liberat. f. 102. b
 Quantopere laborarit ne nostri Episcopi fiant. f. 103. b
 Ignatius aduersus mortē q̄lis. f. 19. b. 50. b. 132. 165. b. 172. b
 Ignatij gesta, Barcinonæ. f. 20. b. & 28. Bononię. f. 51.
 In Casinati mōte. f. 62. b. Compluti. f. 30. Ferrarię. f. 26.
 Hierosolymis. f. 24. Lutetię. f. 38. & deinceps. Manre-
 se. f. 10. In monte Serrato. f. 9. Patauij. f. 22. b. In patria,
 & Hispania reliqua. f. 49. Romæ. f. 21. b. & 62. & deinceps.
 Salmanticæ. f. 33. b. Venetijs. 23. & 26. & 51. Vi-
 cetiæ. fol. 56
 Ingolstadiense Collegium. fol. 114
 Inquisitionis Romanę principium. fol. 86. b
 Instituti Societatis formula. fol. 120. b
 Ioannes Gonzales Regni Aragoniæ conseruator nostros
 iuuat. fol. 106. b
 Ioannes tertius Lusitaniæ Rex, nostros in Indiã, ac Brasi-
 leam mittendos curat. f. 73. & 115. Conimbricense Col-
 legium constituit. f. 84. Patriarcham Aethyopiæ, a P.
 M. impetrat, & cum classe mittit. fol. 158
 Ioānes Codurius, & Hozius in carcerē cōijciūt. f. 59. b
 Ioannis Codurij scabies patiēdo pro Xpo sanāt. f. 55
 Ioannis Codurij patria, etas, obitus, uirtutes. fol. 80. b
 Anima in cœlum intrare uisa. ibid.
 Ioannes Nunez in Mauritania. f. 11. Anthiopiæ Patriar-
 cha designatur. f. 157. Goę moritur. fol. 11
 Ioannes Polancus. fol. 87. & f. 166
 Ioannes Sossa pro Christo occiditur. fol. 156
 Ioannes Vega societatem fouet, ac in Sicilia constituēdi
 collegia author est. f. 113. Aphrodisiũ expugnat. f. 138. b
 Ioannis Vegę filij Societatis amantes. fol. 165
 Ioannes Corduba, explorata Societate Collegium Cordu-
 bę instituit. fol. 151. b
 Isabella Vega Bibonę dux Collegium ædificat. fol. 165
 Isidorus Sbrandus naufragio extinguitur. fol. 138. b
 Iulius

I N D E X

| | |
|--|---------------|
| Julius tertius P.M. societatem confirmat. | fol.ii7 |
| L | |
| Lauretanum Collegium. | fol.153 |
| Ludouicus Gonzalez in Mauritania. | fol.111 |
| Lusitaniam nostri proficiscuntur. | f.73.b.& 84.b |
| Lutetiani Collegij initium. | fol.154 |
| Lutetię societatis persecutio. | fol.155 |
| M | |
| Magistri aliorum quales ex Ignatio. | fol.199.a |
| Maluccę Insulę. | fol.143 |
| In Manicongum nostri nauigant, & quo exitu. | fol.111.b |
| Martini Garfię fratris, ad Ignatium oratio. | fol.6.b |
| Martinus Olaius, ingredienti complutum Ignatio pri- mus occurrit. f. 30. Societatem postea ingressus Ro. Collegium promouet. | fol.135.b |
| Melchior Carnerius in Aethiopiã Eps mittitur. | fol.158 |
| Messanense Collegium. | fol.113 |
| Metinensis Collegij initium. | fol.137 |
| Michael Hispanus Romę nostros accusat. | fol.66.b |
| Michael Torrensis Salmantice. f. 107. Prouincialis Bęti- cę. | fol.152.b |
| Minoritarum in publico conuentu erga Societatem con- stitutio. | fol.110.b |
| Miracula non necessario sanctitati coniuncta. | fol.208.b |
| Miracula per Ignatij filios, apud infideles. | fol.212.a |
| Missionum nostrarum exemplar. | fol.84.b |
| Monasterium D. Magdalene Romę. | fol.92.b |
| Monialium cura nostri liberantur. | fol.102 |
| Mori insulę, & hominum feritas. | fol.143.b |
| Mortificatio quanti aestimanda ex Ignatio. | fol.173.b |
| Mulierum familiaritas, etiam spiritalium nostris uitanda, ex Ignatio. | fol.205.a |
| N | |
| Neapolitanum Collegium. | fol.138 |

Nico-

R E R V M.

Nicolaus Bobadilla in Calabria. f. 71. b. Ferrariæ. f. 138. b
 In Germania. fol. 83. b. A profectione in Indiam mor-
 bo impeditur. fol. 73. b
 Nicolaus Lanoius. fol. 113. b

O

Circa Obedientiæ uotum patrum consultatio. fol. 65
 Obedientiæ speciale uotum Pont. Max. fol. 66
 Obedientiæ laudes ab Ignatio. fol. 179. b
 Obedientiæ gradus, & perfectio. fol. 180. a
 De Obedientia quid xauerus senserit. fol. 147. b
 Obedientiā ab egrotis, q̄ exigeret Ignatius. fol. 193. a
 Ocaniæ Collegium. fol. 163. b

P

Panormitanum Collegium. fol. 113. b
 Paschasius Broet Nuncius Apostolicus in Hibernia. f. 83.
 Galliæ Prouincialis. fol. 154
 Patavinum Collegium. fol. 86. b
 Paulus Iapponius Societatem ingreditur. fol. 145
 Paulus tertius Pont. Max. societate primus cōfirmat. f. 76
 Paulus Achilles. fol. 113. b
 Paupertas mater nostra ab Ignatio appellatur. fol. 177. b
 Paupertatis studium in Ignatio. fol. 21. & 22
 De Paupertate Societatis multis precibus statuitur. f. 133. b
 Paupertas societatis. fol. 125
 Persecutiones Ignatij. f. 26. 31. 35. 43. 52. 67. 100
 Persecutiones Societatis fol. 67. 100. 155. 159
 Petrus Augustinus Oscensis Episcopus Societatem defen-
 dit. fol. 163
 Petrus Canisius Ingolstadij. fol. 114. b. Pragæ. fol. 164. b
 Prouincialis per Germaniam. fol. 165
 Petrus Correa pro Christo occiditur. fol. 156
 Petrus Faber Ignatium primus sequitur. f. 46. In Italiā cū
 socijs uenit. f. 53. Vicetiæ cum Ignatio. f. 56. b. Romam
 cum eodem. f. 62. Romæ in sapientiæ Gymnasio do-

I N D E X

| | |
|---|-------------------|
| et. f. 62. Parmam mittitur. f. 71. b. In Germaniam, & in Hispaniam. f. 77. b. Romæ moritur. f. 96. b. Eius pueritia, mores, uirtutes. | ibid. |
| Petro Fabro Franciscus Borgia succedit. | fol. 99 |
| Petrus Guerrerius Granatensis Ep̄s Societati fauet. f. 151 | |
| Petrus Marchina Collegium Conchenſe promouet. f. 153 | |
| Petrus Ortizius Lutetiæ Ignatium ſuſpectū habet. f. 42. b | |
| Ipfum, ſociosq; Romę fouet. f. 55. Exercitijs ſpūalib⁹ ab Ignatio erudit. f. 62. b. Vniuerſæ Societatis amicus. f. 63 | |
| Petrus de Puteo Conchenſe Collegium inchoat. fol. 153 | |
| Petrus Quadratus Collegij Metimnenſis fundator. fo. 137 | |
| Petrus Ribadaneira in Belgicā ab Ignatio mittitur. f. 164 | |
| Pinciæ Collegium, & domus. | fol. 96 |
| Placentinum Collegium. | fol. 152. b |
| Predicatoriæ familię magiſtri Generalis de Societate teſtimonium. | fol. 108. b |
| Philippus Archintus de Societate bene meritus. | fol. 86 |
| Præpoſiti Generalis authoritas. | fol. 122 |
| Erga Præpoſitum reuerentia. | fol. 124. b |
| Præpoſitus Generalis Societatis perpetuus. | fol. 66 |
| Probationes, & experimenta Societatis decernūtur. f. 66 | |
| Probationis prima domus Meſſanæ. | fol. 113 |
| Profeſtus in ſpiritu, unde metiendus ex Ignatio. f. 199. a | |
| Profeſſio prima patrum. | fol. 78 |
| Prouinciales p̄poſiti primi ab Ignatio designant. f. 106. b | |
| Prudentia ſpiritualis Ignatij. | fol. 198. b |
| Prudentia rerum gerendarum. | fol. 201. a |
| Quintinus Carlat Tornaci. | fol. 164 |
| R | |
| Romanæ domus initium, | fol. 86 |
| Romani Collegij initium, atque progreſſus. | fol. 135 |
| Romanū Collegiū multorū collegiorū quaſi fons. f. 136 | |
| Romæ perſecutiones noſtrorum. | fol. 66. b. & 100 |
| | Salman- |

R E R V M.

S

| | |
|---|---------------------|
| Salmantinum Collegium. | fol. 107 |
| Salmanticę nostrorum persecutio. | ibid. |
| Sebastianus Romeus in Corsica. | fol. 150 |
| Sn̄ia qua Romę Ignati ⁹ , & socij inocētes declarant. | f. 69 |
| Siciliam Societas ingreditur. | fol. 112. b |
| Sicilia in Prouincię formam redigitur. | fol. 153. b |
| Simancę domus probationis. | fol. 153 |
| Simó Roderic ⁹ , cū Frācisco xauier ī Indiā destināt. | f. 73. b |
| Simon Rodericus in Lusitania remanet, & quare. | f. 82. b |
| Simon Rodericus Lusitanię Prouincialis. | fol. 106. b |
| Societas a Paulo tertio confirmatur. | fol. 76. b. & 88. b |
| A Iulio tertio, & alijs Pōtificibus stabilit. | ibid. & 117. b |
| A Concilio Tridentino comprobatur. | fol. 210. b |
| Societas Iesu, unde dicatur. | fol. 61 |
| Societatis propagatio, intra annū post cōfirmationē. | f. 84 |
| Societatis finis, & exercitia. f. 120. b. Gubernatio tota in manu præpositi Generalis. f. 121. b. Cōstitutiones cōdē di authoritas. f. 122. Quartū uotū de obedientia præstāda summo Pōt. f. 123. Collegia, & eorum gubernatio. f. 125. b. Professi. f. 127. Coadiutores. ibi. Scholāres. ibid. | |
| Societas q̄ longe, lateq; diffusa. | fol. 211. a |
| Societatis fructus, mores, persecutiones, testimonia. | f. 211. a |
| Socij Ignatij. | fol. 30. & 46 |
| Sorbonici Collegij, in Societatem decretum. | fol. 154. b |
| Statura Ignatij. | fol. 167. b |
| Stephanus Almeida Ep̄s Murcia Collegiū fundat. | f. 163. b |
| Syracusanum Collegium. | fol. 153. b |

T

| | |
|---|-------------|
| Templum a nostris Romę obtinetur. | fol. 86 |
| Tentatio diaboli morbo nōnunq̄ adscribitur. | fol. 201. a |
| Theatini qui. | fol. 52 |
| Theatinorum nomen unde nostris. | ibid. |
| Tiburtinum Collegium. | fol. 114. b |

Valen-

I N D E X

V

| | |
|---|---------------|
| Valentinum Collegium. | fol.95.b |
| Venetijs cum Ignatio socij se coniungunt. | fol.54 |
| Venetus Senatus nostros accersit. | fol.86.b |
| Venetus Senatus, re explorata nostros probat. | fol.88 |
| Veneta domus. | fol.114.b |
| Vlisipone domus, & Collegium. | fol.85. & 151 |
| Victoria Tolfia. | fol.135 |
| Vigilantia Ignatij. | fol.207.b |
| Vota in societate quæ. | fol.120.b |
| Votû quartû de obedientia præstanda summo Pont. f. 12 | |

X

| | |
|---|--------|
| Xenodochijs ministrandi probatio in societate unde initium sumplerit. | fol.54 |
|---|--------|


F I N I S.



R E G I S T R V M

*A B C D E F G H I K L M N O P Q R S T V X Y Z.
Aa Bb Cc Dd Ee.

80-21
28 Jan 198
Magg 5



BA 572

R616v

Sp/451

90m

f. 46.